

Exempli Aethiopicarum Monumentate. 63. V. m.  
Exemplarum Comadulens. m. c. Catalogo Principis  
Sub No. 250. an. 1007. 22. 11. July.

D. II 11



CONFESSIO  
&  
INSTRVCTIO  
IDIOTÆ.  
SIVE

MODVS EXCIPIENDI  
CONFESSIONES SACRAMENTALES  
Rusticorum, Puerorum, in pecca-  
tis inueteratorum; ac ignorantium  
profectum in vita Christiana.

A R. Patre GREGORIO TERETIO,  
Ordinis FF. Eremit. S. PAVLI Primi Ere-  
mitæ in Polonia Professo.

EDITIO SECVNDA,

Adiectæ sunt sententiæ à Sede Aposto-  
lica Condemnatæ & Bulla Cana

Domini.

Per FR. AMBROSIVM NIESZPORKOWITZ,

Ordinis S. PAVLI Primi Eremitæ S. T. D.

SUPERIORUM PERMISSU.

Anno Domini 1686.

CRACOVIAE,

Ex Officina FRANCISCI CEZARY, S. R. M. Illustris  
ac Reuerendiss. Dñi Episcopi Crac. Ducis Se-  
ueriæ, Necnon Schol. Nouoduorici, Typo

*Eremitæ*



Conticuit populus meus, eò  
quod non habuerit scientiam:  
quia tu scientiam repulisti: re-  
pellam te, ne sacerdotio funga-  
ris mihi. *Osee 4.*

Labia Sacerdotis custodiunt sci-  
entiam, & legem Dei requirent  
ex ore eius. *Malach. 2.*

Facite dignos fructus pœniten-  
tiæ. *Luc. 3.*





*Admodum Reuerendo, in Christo Patri,*

**F. RAPHAELI  
MICHALSKI,**

S. T. D. Ordinis S. PAVLI Primi  
Eremitæ, per vtrâq; Poloniâ Pomera-  
niam, & Silesiam, Fratrum Ordinis  
eiusdem

**PRIORI PROVINCIALI,**  
Cæterisque

*Admodum Reuerendis, Reueren: Venerabilibus,*  
Ordinis eiusdem Prouinciarum Poloniæ,  
Pomeraniæ, & Silesiæ  
**DILECTIS IN CHRISTO,**  
Patribus & Fratribus.

Fr. AMBROSIVS NIESZPORKOWITZ,  
S. Th: D. eiusdem Instituti.

Vtramque Vitam & Felicitatem.

**I**Nstructionem Idiote, Opus pla-  
nè singulare, quamvis non à meo  
profectum Genio, meo tamen oppor-  
tunè subseruiens desiderio, Tibi af-  
fero,

fero, & offero Admodum R. P.  
PROVINCIALIS, ceterique Ad-  
modum Reuerendi Reuerendi,  
Venerabiles in Christo dilecti Patres  
ac Fratres, dignum sanè erga Vos  
grati animi argumentum. Iam pri-  
dem complurium Illustrium Viro-  
rum ex utraque Secularium ac Re-  
gularium Republica illud recusum  
videre exoptabant, quòd probè nos-  
sent quanto legentium, & maxime  
animarum saluti seruientium com-  
modo in lucem prodire posset, cum  
solidam Christianæ perfectionis do-  
ctrinam, & rudis, scrupulosa, dubia,  
intricata, ac in praua vitiorum  
Consuetudine inueterata conscien-  
tiæ medicinam, atque ad facilem  
perfectionis ineundam viam me-

thodum



thodum demonstret. Seruiendum  
itaque fuit, & externorum deside-  
rijs, & domesticorum obsequijs, qui  
in plerisque & principalioribus  
Conuentibus cum animarum salu-  
ti seruiunt, tanquam percommo-  
dum sue instructioni Subditorum-  
que institutioni instrumentum,  
utpotè mei erga se propensioris  
affectus, testimonium; gratitudi-  
nis, pro experta saepius in hoc Sa-  
cro Ordine Fraterna beneuolen-  
tia, tributum, & mutue Charita-  
tis arrham non dedignabuntur.  
Cum primis tamen ad hoc Tibi de-  
dicandum Opusculum, meum pro-  
uocabat, urgebatque debiti affe-  
ctus obsequium, Tua Paterna be-  
neuolentia Admodum Reueren-

dePa-

de Pater PROVINCIALIS,  
ut omnium votis, ad tuum hono-  
rem velificando, hoc munere Te  
in hoc Anni nascentis exordio ho-  
norarem, quo pateret quantum  
interesset Prouinciæ Nostræ, Tibi  
quoquomodo gratificari labores,  
& sudores Scholasticos, quos in  
Philosophicis ac Theologicis Di-  
sciplinis, instituendæque in Virtu-  
tibus & scientijs Religiose Iuuen-  
tutis, spectauimus, ne ingrati vi-  
deremur, qui altioribus in Or-  
dine Nostro functionibus admo-  
tum merita prudenter æstimamus.  
Vicem omnium gero, & quod Ti-  
bi munus literarium dedico, alijs  
eandem gratitudinis obligationem

• ingero



ingero, ut dum Tibi sibi què de-  
dicatum legerint, tum ad gratitu-  
dinem erga Te, tum ad anima-  
rum lucra animum adijciant, no-  
uerintque sicut me non mihi na-  
tum, sed omnibus ad obsequium,  
ita communis inde boni promo-  
uendi capiant exemplum. Hoc  
unicè labore suo desiderabat pro-  
moueri Noster Gregorius Tereti-  
us, Vir Ascetici Spiritus, hanc  
Instructionem edens in publicum,  
communi bono opus suum subser-  
uire voluit, magnum ad implan-  
tandam, tum in rudiorum, tum  
in sapientiorum animis Sancto-  
rum scientiam, momentum, quod  
ut ad merita, & emolumenta,

Spiri-

*Spiritualia Vobis Admodum*  
*Reuerendis Reuerendis ac Ve-*  
*nerabilibus Patribus ac Fratri-*  
*bus, profectusque maiores in spi-*  
*ritu seruiat animitus exopto.*  
Datum in Claro Monte Cze-  
stochouiensi. Die 29. Decem-  
bris Anno Domini 1686.

.Præ-





## Præfatio ad Lectorem.

**F**Requens & acris fit querela quorundam Confessariorum, eorum præsertim, quibus iuxta regulas Theologicas Sacrum Pœnitentiæ Sacramentum exactè perficere est cordi contra rusticos aliosq; idiotas, qui accedentes ad Sacras Confessiones, ob suam crassitiem ingenij & hebetudinem intellectûs, aut etiam suam socordiam, minùs se capaces exhibent ad absolutionem Sacramentalē obtinendam: adeo, ut ij Confessarij audacter asseuerent, malle se decem literatorum, quàm vnius stupidi villani confessionem excipere. Et quidem illorum querela ex parte non videtur improbanda; siquidem Officij sui partes cum istiusmodi hominibus, nequaquam commodè possunt exercere: Non officium Doctoris; quia illa subiecta ob sui stoliditatem, instructionis sunt incapacia: non Iudicis, aut Medici; nullam quippè ad iudicandum, vel medendum materiam exhibent: non denique benigni Patris Spiritualis; siquidem suâ impulsâ stupiditate, & importunitate ad iracundiam porrigunt incitamenta. Verùm altera ex parte, si quis miserabilem satis conditionem horum animaduernerit, potiùs ipsorum spirituali penuriæ ac indigentia compatiendum, quàm de illis conquerendum, vel ipsis irascendum, facile censebit; nam rudes inter rudes nati, ferè inter

iumenta

*Præfatio ad Lectorem.*

umenta educati, ex natura ut plurimum ingenio obtusi, fortè à nullo ut par est in salutis necessarijs instructi, ferè assiduis laboribus distenti ac distracti; quid mirum si tantum imperiti, ignavi, ac inanes rerum spiritualium appareant?

Refertur non multis abhinc annis (*Filius Tom. 2. tract. 22 cap. 2. num. 46*) in agro Romano repertum esse rusticum, qui Solem adorabat, & nihil audiebat de fide, sed pascendis gregibus ouium & armentorum continuam operam dederat: Si ergo in partibus illis, ubi à tot sæculis Scientiâ Domini plena est illa terra, tam miserabilis persona inuenta est, & succensibimus tot imperitos, rerum ad salutem animæ pertinentium, apud nos reperiri, in villis præsertim ubi illi miseri ob crassitiem ingenij, ob continuos labores, ob inopiam instructorum vix aliquid de D E O audire vel percipere possunt. Consideret Confessarius, si in eodem statu in quo hi degunt positus esset, destitutus donis naturæ & fortunæ, alijsque ad instructionem animæ necessarijs, quantum optaret secum benignè & clementer, præsertim ubi agitur de æternæ salutis bono, agi & tractari.

Et ideo optimè quadrare possunt Confessarijs respectu istiusmodi status hominum illa verba Apostoli: *Vos qui Spirituales estis, instruite huiusmodi in spiritu lenitatis.* Hos ego existimo magis idoneos ad spiritualia D E I dona percipienda illis, qui scientiâ inflati, voluptatibus diffuentes, diuitijs aut vanis honoribus turgidi,



*Prefatio ad Lectorem.*

turgidi, in cura suæ salutis videntur sibi multum sapere: Diuinæ quippè Sapientiæ cum simplicibus sermocinatio promptius instauratur, & corda ipsorum facilius, utpotè à grauioribus vitijs liberiora ad pietatis studium afficiuntur. Christus Dominus, ad nostram instructionem, cum rudibus Apostolis familiariter supra tres annos conuersatus, ipsos patienter, affabiliter, dilucidè mysteria Regni cælestis edocebat; addens illa suauissima verba: *Intellexistis hæc omnia*: libentius & frequentius vicos & castella quàm vrbes visitabat; turbis quoque rudibus etiam importunis ac se prementibus, quàm corporali, quàm spirituali refectione sese beneficentissimum exhibebat: idem & eius amicus (ut in Historijs Ecclesiasticis videre licet) in sancta patientia & salutari doctrina fastidire in usu fuit, ut nobis etiam non sit molestum tantis exemplis animas istorum; à fæce illa terrea, inscitia rerum Diuinarum, & sordibus peccatorum vindicare; & spirituali ipsorum bono pro viribus prospicere. Anima quippè etiam vilissimi rustici, iuxta sanam Philosophiam, in sua essentia tam est perfecta, quàm Aristotelis, aut ipsius Magni Alexandri, aliùsue excultissimi & nobilissimi Principis, aut aliquorum Procerum, æquè ac illorum pretioso lytro sanguinis Filij Dei redempta, & in altiore fortè gradu cælestis gloriæ constituenda.

Quapropter ut suauius hoc sacrū negotium circa salutem harum miserabilium personarum à Confessarijs peragatur; operæ pretium duxi, aliquot

*Praefatio ad Lectorem.*

aliquot insinuare modos, quibus & Pœnitentia-  
riorum molestia alleuietur, & pœnitentium  
confusio in Sacris ipsorum Confessionibus arce-  
atur: Et quia pueri pares etiam sunt in rerum  
spiritualium ignorantia rudibus, inueterati quo-  
què malorum, non animaduertunt grauitatem  
peccati mortalis, pretium inæstimabile Diuinæ  
gratiæ, & pericula suæ æternæ damnationis: in-  
super propter suum in peccatis obduratum cor,  
ad percipiendam absolutionem Sacramentalem,  
magis fortasse ineptiores, quàm illi propter su-  
am ignorantiam: idcirco etiam pro istorum mede-  
la, media quæ potui oportuniora ex approbatis  
Auctoribus in hunc libellum, breuiter collegi.  
Et quia non satis est viam perditionis relinquere,  
nisi etiam via salutis confestim & seriò ineatur,  
& continuetur; pro omnibus pœnitentibus, mo-  
dum de profectu in vita Christiana peragenda  
superaddendum censi: vt omnes dignos pœni-  
tentia fructus facientes, de virtute in virtutem  
procedant, donec ab ipsis videatur Deus Deo-  
rum in Syon cælesti. His beneuole Lector, si  
tibi alia desunt, tanquam primis principijs vttere,  
quæ in ampliores processus per frequentiore  
praxim, & lectionem aliorum Auctorum, in  
Maiorem DEI Optimi Laudem & pproximorum  
salutem in te, & per te, in alijs feliciter  
excreuant.



# FACULTAS.

*Admodum Reuerendi Patris Fratris,*

**TOBIÆ CZECHOWICZ, S.Th.D.**

*Fratrum Eremitarum S. PAULI Primi Eremita per utramq; Poloniam & Silesiam  
Prioris Prouincialis, ad presentis opusculi Reimpressionem.*

**C**um plurimorum è Seculari ac Regulari Clero intercesserint desideria, vt Liber sub Titulo INSTRUCTIO IDIOTÆ &c. R. P. **GEORGII TERETII** Ordinis Nostri, olim in Prouincia Nostri Viri Doctrinis Asceticis celeberrimi, antehac approbatus, iteratò lucem publicā communi laborantium in Vinea Christi bono, aspiceret; autoritate mihi facta à Reuerendissimo Patre Nostro Fratre **GEORGIO BEBERI**, Ordinis Nostri Priore Generali Recursionis, seu Reimpressionis eiusdem curas, cum additionibus condemnatarum ab Ecclesia Sententiarum, Patri Fratri **AMBROSIO NIESZPORKOWITZ**, Ordinis Nostri Sacræ Th: Doctori committo, In quorum fidem presentes dedi manu propria subscriptas & officij Sigillo munitas, in Nostro Conuentu Clari Montis Czesztochouiensis Anno Domini 1686, Die 7. Martij.

(L. ✕ S.)

**Fr. TOBIAS CZECHOWICZ**

*Idem qui supra mpp.*





## APPROBATIO.

**L**ibrum Cui titulus Confessio & Instructio  
ID IOTÆ Anno Domini 1655. cum ap-  
probatione in lucem publicam editum, omni  
prorsus contra fidem, & bonos mores, erroris  
suspicionem carentem; imò Cunctis Penitentia-  
rijs, tam Secularibus, quàm Regularibus in  
Vinea Christi laborantibus summopere neces-  
sarium, cum additionibus Propositionum ab  
Ecclesia damnatarum, & Bulla Cane Domini,  
iterum reimprimi facultatem concedo. Da-  
tum Crac: in Collegio Maiori die 12.  
Decembris Anno Domini 1686.

M. FRANCISCUS PRZEWOSKI,  
S. Th. D. Decanus S. ANNÆ,  
Ordinarius Librorum Cen-  
sor mpp.



MO-

# MODVS EXCIPIENDI SACRAS CONFESSIONES

Rusticorum, Puerorum, in peccatis inue-  
teratorum; & ignorantium profe-  
ctum vitæ Christianæ.

## C A P V T I.

De Confessione rudium.

§. 1.

*De iuuandis rudibus circa mysteria fidei.*

## Q V Æ R E S I.

*An teneantur rudes sub peccato mortali scire  
mysteria in Symbolo Apostolorum contenta?*

**R**espondeo, cum communi senten-  
tia Doctorum affirmatiuè: tenentur e-  
nim illa credere, igitur debent & scire,  
saltem rudi aliqua pro suo captu cogniti-  
one; nam quid credent, si nihil ex ijs intellectu  
percipient? actum enim credendi præcedit actus  
sciendi. Vnde Fillucius Tom. 2. cap. 2. n. 4. e-  
andem rationem obligationis, asserit in credendo  
explicitè articulos fidei & sciendo, ideoq; eo  
modo quo fides aliquorum articulorum dicitur  
necessaria explicitè, debet etiam dici eorundem  
scientia explicitè necessaria, quamuis non ita di-  
stincta, sicut à doctioribus solet haberi.

A

Deinde



Deinde quia illa mysteria fidei, sunt initium, radix, & fundamentum salutis; non simpliciter omnibus, sed illis tantum, qui illa intellectu proprio posse apprehendunt, ac firmiter illis propter authoritatem DEI reuelantis assentiuntur; tandem quia hoc Symbolum ( vt D. Aug. ser. 181. de tempore, & Leo ser. 11. de Pass. ) Apostoli ideo composuerunt; vt statuerent, quæ essent à fidelibus credenda; & propterea hæc in Ecclesia publicè circumferuntur, & omnibus proponuntur, quasi explicitè scienda & credenda.

## QVÆRES II.

*Quæ sunt præcipuè mysteria fidei, à rudibus explicitè credenda?*

**A**Ntequam huic quæsito respondeam, prius exponendum est, quæ dicitur fides explicita, quæ implicita: Explicita fides illa vocatur, dum aliquis credit in particulari, & in seipso, illud quod ei ad credendum proponitur. *v.g.* Si quis credat CHRISTVM FILIVM DEI assumpsisse naturam humanam ex MARIA Virgine; dicitur habere fidem explicitam, de FILIO DEI incarnato, &c. Implicita est, dum quis credit non in particulari, vel in specificatione alicuius articuli expressa, sed in aliquo alio: ideò qui credit, quidquid credit S. Mater Ecclesia; vel quod ei proponitur à prædicatore Christiano, licet id non percipiat, dicitur habere fidem implicitam, *v.g.* de modo justificationis, de merito, &c.



to, &c. Hoc ergo posito; respondeo ad propositum: hæc quatuor mysteria, fide explicitâ esse tenenda. Primum DEVM esse: secundum, DEVM esse remuneratorem animæ æternæ beatitudinis, & punitorem malorum: Dicitur enim Hæbr. 11. *Sine fide est impossibile placere DEO: credere enim oportet accedentem ad DEVM, quia est, & inquirentibus se remunerator sit.* Quoad primum, intellige non quomodocunq; credendum, quod sit; vt vocantur aliqui Dij, propter aliquam participationem excellentiæ DEI; sed quod sit Ens à se, & independens ab alio: Dominus infinitarum & innumerabilium excellentiarum, &c. quod indicant illa verba Symboli, *Creatorem cali & terræ; ipsum à nullo creatum.* Quoad secundum, intellige; quod non in hac vita mortali sit remunerator tantum istis bonis temporalibus; sed magis in alia, bonis æternis, & quod anima sit corruptionis expers, imò capax æternæ beatitudinis. Ratio autem huius doctrinæ ista est; quia qui vult attingere finem, debet ipsum præcognoscere; cum autem Deus Opt. sit etiam rudissimorum hominum finis ultimus in cælesti gloria videndus, & in sua beatitudine participandus: ideò hîc ipsum per lumen fidei debent cognoscere, ipsum præ omnibus maximi æstimare, honorare, ipsi obedire, &c. Et quamvis quis possit DEVM lumine rationis cognoscere, vt potè primam omnium causam, primum Motorem, Ens Entium; non tamen illius potest eo modo, & tam certo, quod

fides ostendit, cognitionem assequi; videlicet Creatorem omnium ex tempore, ex nihilo, illum esse necessario à se, & per se, sine principio & sine fine, gloriosum existentem, scelera æternis supplicijs punientem, &c.

Et ideò ad hunc finem supernaturalem cognoscendum, requiritur etiam lumen supernaturale, quod est fides. Hæc consulto posita esse velim propter rectificandum quorundam idiotarum intellectum, qui conceptus de DEO satis futiles sibi confingunt, ipsius gratiam minus curant, animam instar alicuius ventī, aut vanæ imaginis apud se depingunt, magis ad præsentis, quàm futuræ vitæ bona propendent. Tertius articulus fidei explicitè sciendus est. MYSTERIUM SSS TRINITATIS, de quo ipse CHRISTVS Matth vlt. *Docete omnes gentes baptizantes eos, in nomine Patris, & Filij, & Spiritus Sancti, &c. Qui non crediderit, condemnabitur.* Quartum mysterium de FILIO DEI, non quidem quoad omnes articulos rudibus explicitè de eo credendos; sed quoad principales, qui sunt fundamenta salutis nostræ; videlicet, quod sit incarnatus, verus DEVS & homo, mortuus, resurrexit pro salute generis humani, &c. De hac fide sunt verba expressa CHRISTI apud S. Iohannem. *Sic dilexit DEVS mundum, &c. Hæc est vita æterna ut cognoscant te verum DEVM, & quem misisti IESVM CHRISTVM* His qui credunt in nomine eius, dedit eis potestatem, &c.

*Qui*



*Qui non credit in nomine FILII DEI, iam est indicatur.*

Mirum profectò (justè conqueritur Iacob. Marchan. in Candelabro Myst. tract. 5. c. 2.) quanta passim in pagis ignorantia circa hæc, ita vt nihil distinctè vel explicitè nòrint istorum, eò quòd à Confessarijs non interrogentur de his. Nam regulares Confessarij dùm eos accedunt rustici, præsupponunt hæc edoceri à Pastoribus: Pastores cùm aliquoties hæc in Cathecismis dixerint, supponunt suos ista non ignorare. Sed falsa est suppositio, quia frequentissimè quæ publicè in genere dicuntur, contingit non apprehendi à multis rudioribus in particulari. Vnde necessarium est tales sigillatim interrogari, imò & repeti, ac eis morosè inculcari. Obsecratos igitur velim in Domino Confessarios ac Pastores rudium, vt hîc diligentem operam nalent cum suauitate & patientia, & per experientiam reperient se non infructuosè laborare. Varijs in locis confessiones rusticorum excepi, & eos interrogans de TRINITATE, pro responso accepi, tres esse DEOS, vnâ personam, vel vnum DEVM esse, sed tria corpora. Item dùm interrogarem quæ persona carnem assumpserit? Respondebant satis ordinariè, esse Patrem. An Pater esset homo? an etiam Spiritus Sanctus esset homo? respondebant affirmatiuè. Et maxime errorem vniuersalem plerisq; in locis deprehendi, quod putarent vinum, quod aliquando datur communicantibus esse CHRISTI san-



guinem. Hæc verò difficulter doceri possunt, maximè senes, nisi à Confessarijs interrogentur, & erudiantur. Quod breuiter potest fieri, de his quæ sunt necessaria, necessitate medijs, nam si ignorent fortè decem præcepta, aut Symbolum; sufficit quod firmiter proponant illa successu temporis se conaturos addiscere. Substantia autem præcipuorum articulorum debet eis hîc & nunc ante absolutionem proponi, vt fidem explicitam illorum concipiant; nempe IESUM CHRISTVM esse FILIVM DEI, & verum hominem, natum ex Virgine, pro redemptione nostra mortuum, postea resurrexisse, deinde ascendisse in cælum, deniq; venturum Iudicem.

### QVÆRES III.

*An præter articulos Symboli ad salutem alia necessaria rudes scire teneantur?*

**R**espondeo. Orationem Dominicam, salutationem Anglicam; Decalogi, & Ecclesiæ præcepta: Tenentur enim orare ne succumbant tentationi indeq; pereant; vt testentur suam subiectionem excellentiæ DEI, &c. Oratio enim est medium hominis rationi compotis ad salutem omninò necessarium, necessitate medijs, scilicet ex præcepto Diuino naturali, quia necessaria est ad obtinendam à DEO gratiam SPIRITVS Sancti, quem CHRISTVS promissit dandum à PATRE cælesti petentibus se. Quare SS. Patres, nominatim Hieron. & Aug. aduersus

versus Pelagianos docent, tam esse necessariam Orationem, quam DEI gratiam & auxilium. Item debent mandata DEI seruare, si volunt ad vitam ingredi, tenentur certis diebus jeiunare, festis diebus Sacro interesse, decimas dare, &c. Igitur quâ obligatione hæc tenentur facere, eâdem etiam ista nôsse, cum hæc sint omnia connexa. Insuper obligantur ad noticiam Sacramentorum quibus vtuntur, puta, Pœnitentiam, Eucharistiam, Matrimonium, & secundum probabilem sententiam Bannez & quorundam, Confirmationis & Extremæ Vnctionis Sacramenta nôsse: aliàs nec humano nec Christiano more illa percipient.

## QVÆRES IV.

*Quomodo prædicta rudes teneantur scire?*

**D**ico 1. Non est opus scire illa ipsis, secundum eam declarationem quæ habetur in Catechismis, sed sufficit quoad substantiam, id est secundum significationem generalem & simplicem vocum, quæ continentur in eo articulo. v. g. In articulo SSS. TRINITATIS, satis est si intelligant PATREM, & FILIUM, & SPIRITUM Sanctum vnum esse DEVM, & non plures Deos, & non est necesse vt quis percipiat processiones Diuinas, &c. Sic etiam ad incarnationis mysterium, sufficit CHRISTVM esse FILIUM DEI, verum DEVM, verum hominem, non est autem opus intelligere esse vnâ personam & duplicem naturam. Item de Ec-



clesia Catholica; neminem posse saluari, extra hominum congregationem, quæ tenet fidem, CHRISTI & religionem eius; sed tantum eos posse vitam æternam consequi, qui intra eandem congregationem, CHRISTVM ritè colentium perseuerant.

2. *Dico.* Symbolum Apostolicum, præcepta Decalogi, &c. non obligantur vt illa sciant eo ordine, & verbis quibus proponuntur, sed satis percipere sensum & veritatem eorum, imò etiam sufficit, si interroganti sciant respondere. Esset tamen veniale graue non mandare memoria Symbolum Apostolicum ex negligentia; secus ex impotentia, vti DD.

Quod attinet Orationem Dominicam (Bress. lib. 5. cap. 8. num. 67.) docet, quod partim CHRISTI institutio, partim orandi necessitas, partim Ecclesiæ consuetudo vim legis adepta obtinuit, vt ea ab omnibus discenda sit memoriter, idq; sub mortali, quod de ea, vt etiam Decalogo affirmant Angelus & Tabiena, quos tamen explicat Azor, & Sanches de eorum substantia. Sed quamuis hæc explicatio rectè conueniat decalogo, cuius finis obtineri sic potest, scilicet eius obleruatio, modò sciatur quādo obliget, & quæ peccata illi repugnent; minus tamen orationi Dominicæ: quā memoriter recitata DEVM quotidie orari conuenit. Imò verisimile est ob rationes indicatas, eum qui per longum tempus orare negligit peccare mortaliter vitio irreligiositatis. Verisimilius id dice-

retur

retur sub veniali, de salutatione Angelica; quamuis reuera communi Ecclesiæ vſu, quo publicum ad eam ſignum datur. Catholicorum ſenſu & æſtimatione etiam grauiter videatur dedecere, adeoq; peccatum eſſe mortale nescire, illam memoriter, quia quotidie ſalutanda eſſet & oranda B. Virgo: præſertim vbi habitant, permixti hæreticis Catholici, quorum preces eo quaſi ſigno diſcerni ſolent à precibus Hæreticorum. Quare etiam ob rationes indicatas de oratione Dominica, idem veriſimile videtur ſaltem, ſub veniali, vnumquemq; teneri intra longius tempus ipſam ſalut. Angelicam recitare. *Hætenus Breſſerus.* Idem ſentiendum de ſigno Sanctæ Crucis, quamuis Sylueſter eius ignorantiam culpabilem mortaliter eſſe ſentiat.

3. Dico. Symbolum Apoſtolicum addiſcendum eſſe ea lingua quam quiſq; intelligit: Scire enim memoriter & non intelligere eſt nescire, vt rectè Fillucius Tom. 2. tract. 22. q. 2. n. 37. De oratione Dominica, vt vulgari lingua ſciatur eſſe obligationem ſub veniali docet; de alijs precibus aliter ſentiendum eſſe, aſſerunt Authores requirentes ſaltem attentionem & intentionem illas dirigendi ad DEVM: nam ſi (inquiunt) verba magis, etſi non intelligantur à proferente, nihilominus habent quandoq; ſuum effectum, multò magis verba Diuina ritè probata. Ad deuotionem tamen maiorem excitandam, & Spiritum reſouendum conſultius eſt illis orationibus vti, quæ intelliguntur, de quo infra latius, Plu-



us. Plures Authores his de rebus citantur à  
Dianna prima part. tract. 16. Miscel. 11. Resp.

14.

## QVÆRES V.

*An propter bebetudinem ingenij possit aliquis  
excusari ab explicita cognitione pradieto-  
rum?*

**R**atio dubietatis est: quia magna pars rusti-  
corum etiam post instructionem dum ad  
confessionem accedunt, ipsos ignorant saltem  
explicitâ scientiâ, & vix pertinenter de illis re-  
spondent. Tàm faciliè enim respondent tres esse  
Deos, & vnâ personam, quàm contra, nec va-  
lent naturam aut personas distinguere, aut con-  
cipere, personasq; Diuinas, PATREM, & FI-  
LIUM, & SPIRITUM Sanctum, tanquam  
tres homines percipiunt, & tria corpora. De  
Patre si interrogas eos, tibi respondebunt esse ho-  
minem, &c. & post multam inculcationem ad-  
huc in his vel ignorant, vel errant.

Ad hoc quæsitum respondent præcipui Au-  
thores: non faciliè esse excusandos in hac igno-  
rantia omnes idiotas; plurimi enim sunt, qui  
sciunt aliquas cantilenas, norunt suos contra-  
ctus, virtutes, ac vitia herbarum, animalium,  
callent multas astutias: quare nullus poterit ex-  
cusari ab explicita fide illorum articulorum, qui  
sunt necessarij ad salutem necessitate mediij. Quod  
ut melius intelligatur, sciendum est duplicem ne-  
cessitatem respectu salutis animæ à Theologis  
assigna-

assignari; vnam mediij seu finis, alteram præcepti: illud dicitur necessarium necessitate mediij, quod secundum DEI ordinariam legem ita necessarium est, vt sine illo salus obtineri non possit, etiam si inculpabiliter omittatur, quo pacto baptismus re ipsa susceptus, est necessarium medium ad salutem infantibus non baptisatis, adultis, saltem in voto; quia sine illo nullo modo saluari possunt, secundum legem DEI ordinariam. Item adultis in peccato mortali existentibus vera contritio, vel saltem supernaturalis, id est, respectu DEI aliquo habita, cum firmo proposito & efficaci peccata vitandi attritio coniuncta cum Sacramento. Illud autem est necessarium necessitate præcepti, quo culpabiliter omisso salus non obtinetur, eo verò inculpabiliter prætermisso potest obtineri, vt patet in ieiunio, auditione Missæ, sumptione Eucharistiæ pro Paschate, &c. nam ex præcepto omnes tenentur ieiunare diebus assignatis, Missæ interesse, communicare pro Paschate sub peccato mortali, si tamen ob impotentiam vel aliquod iustum impedimentum omittant, non peccant, & possunt saluari.

Hoc ergo posito, censent omnes, hos articulos quòd DEVS sit, quòd sit iustus iudex, perconsequens quod sit anima immortalis, altera vita post mortem; debere à rudissimo quoque (dummodò sit rationis compos,) necessariò necessitate mediij, explicitè sciri & credi, nec posse quenquam etiam si inculpabiliter hæc igno-



ret saluari; nam sine hac fide, juxta Apostolum, impossibile placere DEO, accedentem enim ad DEVM oportet credere quod sit, & quod sit remunerator. Hæbr. 11.

Nam ex eo (vt Becanus Tom. 2. tract. 1. cap. 12.) quod homo creatus sit ad beatitudinem supernaturalem, & DEVS non velit illi dare sufficientia media ad illum finem consequendum, nisi suppositâ fide; necessario oritur obligatio in homine ad habendam fidem, sine qua hic finis haberi non potest.

De explicita fide SSS. TRINITATIS & Incarnationis, sunt aliqui & quidem graues Theologi à Dianna citati. Par. 3. tract. 5. Ref. 46. & part. 5. tract. 13. Resp. 84. qui docent hos duos prædictos tantum esse necessarios necessitate præcepti. Nam DEVS non plus requirit ab hominibus, quàm illi possunt; sunt autem inter Christianos adeò rudes, vt huiusmodi mysteria non apprehendant, quod etiam euenit in surdis, simul & mutis; licet aliqui putent hos diuinitus illustrari. Azor tamen ait Tom. 1. lib. 8. cap. 6. q. 6. quod rudis, qui non potest percipere mysterium SSS. TRINITATIS, satis est quod credat explicitè alios clariores, scilicet CHRISTVM FILIVM DEI, natum esse ex MARIA Virgine, passum, crucifixum, &c. Tannerus autem in 22. disp. 1. q. 7. d. 2. dicit, quod qui nullo pacto ea mysteria percipere potest, comparandus est in hac re fatuis & infantibus, quos præceptum non obligat, perconsequens

quens ad S. Eucharistiam non admittendus; saluari tamen ille potest, vti legimus in historicis Eccl. de illo, qui nullam orationem potuit addiscere, quàm istam. *Miserere tui DEVS.* Et de alio, qui solùm hanc didicit, & sæpius vsurpauit. *Aue MARIA.*

Pro hac autem difficultate apta est distinctio Sanchez in opere moral. lib. 2. c. 2. n. 9. quæ distinguit inter scire explicitè, & credere explicitè: explicitè scit qui interrogatus, rationem scit reddere, explicitè credit, qui rei auditæ assentitur. Ab explicita scientia eorum quæ explicitè ex necessitate præcepti debent sciri, rudes tarditas ingenij (si scientiam huiusmodi impossibilem efficiat) excusabit; sed non excusabit ab explicitè credendo ea quæ necessitate mediij, credenda sunt. Sufficit autem illis si (Confessario aut alio narrante & explicante eos articulos, quos necessitate mediij credere opus est) illorum fidem credendo percipiant. Explicitè enim credere, inquit Sanchez, est rei, quàm quis audiuit assentiri: & sic mysterium TRINITATIS, Incarnationis, audientes à Confessario, vel alio docente credunt explicitè rudes, licet non ita assequantur; de qua clarior praxis infra dabitur.

Aliorum quoq; articulorum & quidem omnium fidem implicitam necessario necessitate mediij habere tenentur, ipsamq; actu cùm opus fuerit (de quo infra) exhibere, vt profiteantur omne id se credere, quod credit S. Mater Ecclesia, per se clarum est.



## QVÆRES VI.

*Quid censendum de illis, quibus mysteria fidei nunquam sunt proposita?*

**R**espondent plures Theologi apud Becanum, Tom. 2. tract. 1. cap. 12. q. 1. fidem supernaturalem quæ est medium necessarium ad salutem posse haberi ab omnibus adultis etiam Gentilibus, quantum est ex parte DEI; nisi ipsimet impediunt. Colligitur ex illo Ioan. 1. *Illuminat omnem hominem venientem in mundum;* & ex illo 1. Tim. 2. *DEVS vult omnes saluari, & ad agnitionem veritatis peruenire;* scilicet quantum in ipso est, modò ex parte nostra non sit defectus. Clarius hoc ex illo ad Ephes. 5. *Surge qui dormis & illuminabit te CHRISTVS.* Et ratio est, quia media quæ ad salutem requiruntur sunt inter se subordinata, & vnum datur mediante alio. Vnde qui benè vtitur vno medio, quod ipsi à DEO offertur, paulatim accipit maiora, donec ad finem perueniat; qui verò non benè vtitur, non est dignus maiora accipere, & suâ culpâ à DEO deseritur. v. g. homo adultus, qui nihil de fide audiuit, solet frequenter à DEO illustrari & excitari ad obseruantiam legis naturæ, quæ in Decalogo comprehensa est; si obseruat hanc legem, vterius iunatur & promouetur à DEO, donec ad fidem & justificationem perueniat, juxta Rom. 2. *Factores legis iustificabuntur apud DEVM.* Si non obseruat, meritò deseritur à DEO, juxta Rom. 1. *Cum cognouissent*

DE

*DEVM non sicut DEVM glorificauerunt; & ob-*  
*scuratum est inspiens cor eorum. Ita S. Franciscus*  
*Xauerus Iaponibus à se quærentibus, cur DEVS*  
*de salute aliarum nationum sollicitus suis præcef-*  
*foribus, sui notitiam non impertiuerit? respon-*  
*dit: Legem diuinam naturaliter plantatam esse*  
*in omnium hominum mente, qui ratione vtun-*  
*tur, quam si eorum Antecessores obseruassent,*  
*dubio procul fidei splendore illuminati fuissent,*  
*dùm autem eam violarunt, se sempiternæ da-*  
*mnationis effecerunt obnoxios.*

Nihilominus tamen licet ipsorum ignoran-  
 tia mysteriorum fidei orta sit ex culpa ipsorum,  
 non tamen dicitur culpabilis, dicit enim Apost.  
 Rom. 10. *Quomodo inuocabunt in quem non cre-*  
*diderunt, aut quomodo credent ei quem non audi-*  
*uerunt? fides enim ex auditu.* Multi autem nihil  
 audierunt de CHRISTO eiusq; fide, ideòq;  
 nullam habuerunt occasionem de ea dubitandi  
 aut inquirendi. Et si fortè modò aliqui instin-  
 ctu aut scrupulo quopiam dubitant de sua infi-  
 delitate, putabunt se conscientix satis fecisse, si  
 consilium petant à sapientioribus se: neque ipsis  
 in mentem fortè venit, vt DEVM rogent, vt  
 sibi reuelet aliam fidem, quæ an sit prorsus igno-  
 rant. Vnde tales mortui in hac sua infidelita-  
 te negatiua, non damnantur ad pœnam sensus  
 propter infidelitatem, sed propter alia peccata  
 contra dictamenerationis commissa. v.g. paga-  
 nus aliquis non ideò cruciabitur quòd non fue-  
 rit Christianus, cum nihil de CHRISTO audi-  
 uerit,



uerit, sed ideo quia ~~idolis~~ se inclinauerit, quod ratio ipsa illud dictabat non esse DEVM, vel ob aliquam incontinentiam, &c.

Etiam inter Hæreticos ( dicit Bress. lib. 5. cap. 10. ) multi laborant ignorantia inuincibili mysteriorum fidei, Catholicæ veræq; ac Romanæ Ecclesiæ, præsertim vbi sunt pauciores Catholici; cum ipsis orthodoxa fides, vel articuli controuersi, non fuerint satis expositi; vel non satis intellecti præ naturali hebetitudine aut alia causa. Non enim sufficit ad vincibilem ignorantiam, quod vel cognitionem veræ fidei diuinitus acquirere potuerit, si fecisset quod est in se viribus naturæ, obstacula diuini auxilij remouendo, vel gratiæ, vel quod aliquid de Catholica fide & Ecclesia audierit; nisi ea sic proponatur & explicetur, vt habeat occasionem prudenter dubitandi & inquirendi: constat autem multis fidem, vt vocant Papisticam, sic descriptam ac depictam esse ab eorum Ministris ac prædicatoribus, vt sincerè putent eam esse manifestam idololatriam, & Ecclesiam Romanam, Synagogam Diabolicam, eiusq; caput Antichristum; quam proinde iuxta dictamen conscientiæ suæ horrere potius debeant, quàm inquirere nec dum amplecti.

Ex quibus collige inter hæreticos multò esse plures, qui verè & formaliter hæretici non sunt: nam excusantur à formali hæresi, ignorantia, non tantum inuincibili, sed etiam vincibili licet mortali, modò hæc non sit affectata, quæ peccatum

catum augeat, & pertinaciam non impediatur: erunt igitur istiusmodi hæretici, tantum materialiter etsi positivè discrederant articulos contrarios.

Collige secundo: Satis multos ejusmodi præsertim juvenes, quamvis inter hæreticos viuentes ac morientes saluari, quia receperunt ut suppono Sacramentum Baptismi, & cum eo habitualement justitiam, fidemq; (quæ est magna differentia inter illos & infideles) nec illam per vllum peccatum mortale perdidierunt. Imò nec video causam, cur aliquando perditam, vero actu contritionis, vel amoris Dei supra omnia recuperare non possint, quamvis id rarò putem contingere extra veram Ecclesiam. Quod si obijcias neminem saluari extra veram & Romanam Ecclesiam: atqui isti sunt extra talem Ecclesiam, ergo non saluantur: tunc negabo minorem, quia per baptismum sunt adscripti veræ Romanæ Ecclesiæ, & receperunt veram & Romanam fidem licet habitualement; sicut & infantes Catholicorum, nec ut suppono ab ea defecerunt per veram & formalem hæresim. Averte tamen primò, rarò contingere ut retineant ignorantiam invincibilem fidei Catholicæ adulti, qui sæpius cum Catholicis versantur, & per Catholicas provincias mercaturæ, aliaque causa proficiuntur. Vix enim potest contingere, quin illi habeant rationem prudenter dubitandi: quam si habent, tenentur sub gravissimo peccato rei veritatem diligentius investigare. Averte se-



cundò habitâ ratione prudenter dubitandi, de negotio tanti momenti, quo agitur de æternitate ac salute animæ, requiri ad conservandam invincibilem ignorantiam, studium ac diligentiam majorem humanâ & naturali; atq; adeò preces easq; ferventes, & assiduas, aliâq; pœnitentiæ, vel aliarum virtutum opera eo fine præstita. Ea enim est hujus negotij natura ac pondus, ut ordinaria diligentia illi non sufficiat, etsi sufficeret alijs. Ita Sanchez secutus multos in opere Moral. lib. 1. cap. 6. n. 39. *Vt si quis (inquit) in materia fidei hæsitans non haberet Catholicorum Doctorum copiam quos consuleret, sed tantum hæreticos, nec per se posset se ea dubitatione liberare. Verum idem ob eandem rationem dicendum, etsi habeat copiam Catholicorum Doctorum, si ijs auditis maneat dubius, eò quòd v. g. Doctores vel prædicantes hæretici afferant rationes dubitandi illorum rationibus contrarias. Tunc igitur oportebit recurrere oratione alijsq; modis ad summum Doctorem Spiritum Sanctum: hætenus Bresserus. Et quidem optimè ad ipsam proxim. Similem doctrinam habet lib. 3. cap. 23. ad deponendam conscientiam erroneam, ut primò diligenter casus discutatur per notitiam legis, & lumen scientiæ apud semetiplos: Secundò per inquisitionem ex viris doctis, tertio per orationem, exemplo Iosaphat Regis 1. Paral. 20. Cum ignoremus quid agere debeamus, hoc solum habemus residui, ut oculos nostros dirigamus ad te, Nam sicut ignorantia rerum fidei potissimum*

num est vita mala, juxta illud: Non introibis Spiritus sapientiæ in maleuolam animam; neglectus orationis, & gratiæ DEI; ita remedium erit vita bona, oratio, & cum gratia cooperatio, eaq; constans & assidua: quod ipsum est facere quod est in se; vt loquuntur Doctores antiqui, scilicet viribus suis & gratiæ CHRISTVS Dominus lib. 3. Reuel. cap: 26. S. Birgittæ declarat, qui infideles gratiam sanctificantem consequantur. *Si inquit nihil retraxit eos in querendo verum DEVM, & baptizando; non timor, aut labor, aut dispendium bonorum vel honorum; sed impedimentum solam humanam fragilitatem superans; istos ego qui Cornellum & Centurionem nondum baptizatos vidi, altius & perfectius remunerare scio sicut eorum exigit fides, &c.* Vnde Catholicæ debent esse gratissimi pro beneficio orthodoxæ fidei, ad quam sunt præ alijs vocati; ad hoc enim CHRISTVS monet eandem S. Birgittam ibidem dicens. *Ideo teneris tu multò regratiari DEO, quia de Christianis nata es, & in tempore salutis, quia multi desiderabant hoc obtinere & videre, quod offertur Christianis & non obtinuerunt.*

**QVÆRES VII.**

*An Confessarius teneatur interrogare pœnitentem de notitia articulorum fidei?*

**R**espondeo cum Reginaldo de prudentia Confess. cap. 2. & cap. 3. §. 3. & alijs. Quamuis officium Confessarii per se & directè non sit interrogare pœnitentem, sed illum confitentem



audire; nihilominus in quantum fungitur officio iudicis ac medici ad intelligendum statum ipsius, & dandam præservatiuam ad vitanda peccata; tenetur sub peccato mortali ad faciendas interrogationes debitas, quoties aduertit & credit aliquid esse, de quo necessarium sit pœnitentem interrogari, qualis est ignorantia de fundamento salutis, id est, articulorum fidei, quæ ex parte magna in rusticis alijsq; mysteria scienda, vel nunquam clarè fuerunt explicata, vel si explicata non satis intellecta præ naturali stupore ac hebetudine, vel si etiam explicata & intellecta è labili memoria exciderunt. Quare ignorantes omninò edocere debet saltem de principalibus articulis (de quibus supra) & de ijs Sacramentis quæ susceperunt sunt: Ratio aperta horum patet jam ex dictis. Quare non bene faciunt ij Confessarij, qui cum increpatione reiiciunt istiusmodi ignorantes, injungendo, vt discant ab alijs: nam populus juxta Malachiam ab ore ipsorum requirit scientiam; hi miseri non habent communiter à quibus doceantur, cum vel ipsorum parentes, aut socij, sint etiam idiotæ; atq; ita reiecti pro consolatione spirituali in maiores animi angustias cum horrore Sacramenti pœnitentiæ conjiciuntur.

*Dices:* Si Confessarius tempore concursuum ignorantes doceret; valde paucorum confessiones cum nausea & murmure multorum expectantium expediret. Respondet Reginaldus cit. cap. 1. Pertinet ad prudentiam Confessarij.

farij, vt velit potius duos audire benè, quàm viginti perfunctoriè vel illicitè. Accipe hic cautelam quam Bass. in suis floribus Theologicis, ex alijs Authoribus collegit v. Confessio §. 4. n. 5. Notandum tamen est hîc magnum concursum prementium se pro confessione non esse iustam causam dimidiandi confessiones, nec esse liberum Confessario confitentes ita vrgere ad expediendû se, vt non sinat eos detegere integrè suam conscientiam, vel vt omittat iuuare interrogationibus necessarijs.

Deindè per experientiam compertum est; pœnitentes velocius expeditos non fuisse contentos, & alios Confessarios cum quærela adijisse; partim propter aliqua peccata omîssa, à quibus in conscientia mordebantur, partim propter capiendam instructionem in scrupulis, vel dubijs rationabilibus, &c. quod præsertim illis accidit, qui ex locis remotis ad aliqua loca sacra peregrini veniunt, pro finali pacificatione conscientiarum suarum.

Demum non multum temporis in ijs docendis Confessarius absument, si vel in charta rusticano stylo necessaria fidei, & morum conscripta dederit alicui, etiam puero coram illis relegenda, vel ipse breuibus ac simplicibus verbis illa declarabit; vel doctioribus adstantibus iniunget, vt illos rudes instruant. Hic modus aliquando feliciter successerat in quadam numerosa Parochia rusticorum pro Pascha confidentium, vbi puer illis turmis miserabiliter igno-



rantibus, relegebat necessaria salutis (desperante ipsorum Parocho de possibilitate illa addiscendi) quæ illi facile capiebant, postea operâ Vicarij ex illa charta plenius didicerunt, vt non fuerit opus in posterum cum illis circa hæc molestiam perferre. Hunc etiam modum Posseninus in Praxi curæ Pastoral. cap. 7. n. 16. tradit.

*Scripti huiusmodi potest esse talis tenor.*

**I**nterrogatio. Propter quid homines DEVS creauit? *Responsio.* Vt hic illum noscant, omnibus rebus præferant, honorent, ipsi obediant, postea habeant vitam æternam, vbi DEVM glorificent in omni sufficientia deliciarum.

*Interr.* Vnde hæc discis? *R.* Ex Symbolo Apostolico cum dicis. Credo in DEVM, credo vitam æternam. Item ex oratione Dominica, cum dicis. Pater noster. Sanctificetur nomen tuum. Adueniat regnum tuum: vbi hi duo fines. Honor DEI & vita æterna proponuntur, quæ maximè desiderare & curare per totam vitam homines debent.

*Interr.* Quid auertit hominem ab isto fine? *R.* Peccatum, id est, cum aliquis mala cogitat, mala loquitur, mala operatur, nec curat viuere secundum legem DEI.

*Interr.* Quomodo recuperat iterum gratiam DEI, & aditum ad vitam æternam? *R.* Per veram pœnitentiam; vnde homines ideo confitentur peccata sua DEO coram Sacerdote, vt ipsis dimittantur. *Interr.* Vnde hæc discis? *R.* Ex Symbolo Apostolico cum dicimus,

Credo

Credo remissionem peccatorum. *Interr.* Quid est DEVS, an audiat, an videat? *R.* Est supremus DOMINVS cæli & terræ, qui maxima & minima creauit, videt omnia, qui dedit oculos, audit omnia, qui dedit aures, scit omnia, qui dedit vnicuiq; intellectum. *Interr.* Quid est SSS TRINITAS, siquidem dicitur DEVS vnus esse in TRINITATE? *R.* Sunt tres personæ Diuinæ, prima PATER, secunda FILIVS, tertia SPIRITVS Sanctus, has nominamus in prolatione S Crucis; in Symbolo Apostolico cum dicimus: credo in DEVM PATREM, in FILIVM, in SPIRITVM Sanctum. Nam sicut sol vnus est in tribus rebus; in splendore, in lumine, in calore, ita vnus DEVS in PATRE, FILIO, & SPIRITV Sancto, ideo in memoriam huius rectamus tria Pater, & vnum Credo. *Interr.* Quis natus de MARIA Virgine? quis pro nobis crucifixus, an PATER, an FILIVS? *R.* FILIVS DEI. Nam dicimus in Symbolo: Credo in FILIVM DEI, qui natus ex MARIA Virgine, crucifixus, &c. & ideo festum Natiuitatis Domini celebratur, vbi memoria recolitur, quomodo FILIVS DEI factus sit homo; in Parasceue quomodo crucifixus; in Resurrectionis festo, quomodo resurrexit, &c. In Ascensione, quomodo cælos ascendit; idemq; In fine mundi descendet de cælo, vt iudicet omnes, & qui mortui sunt, & qui viuunt; bonis dabit cælum, malis infernum. &c. Et ideo homines modo debent confiteri peccata sua cum



dolore, quod DEO non obediuerint; & cum proposito ea vitandi; vt ipsis dimittantur, ne postea propter illa in æternum damnentur.

*Interr.* Intelligitis hæc omnia? Melius intelligetis, si recitantes Credo, intra vos hæc trutinabitis, vobisq; particulariter applicabitis; cogitantes, quia etiam pro me FILIVS DEI natus, passus, me iudicabit: deinde in fine mundi suscitabit, & si hic eius voluntatem obseruauero, ipsi me per pias orationes commendauero, dabit mihi vitam æternam.

*Interr.* Quid est anima? *R.* Est per quam homo viuit, sentit, intelligit: anima tua es tu, qui per hos oculos aspicias, per has aures audis, per hanc linguam loqueris, per hoc caput intelligis, hoc tuum corpus, cum per morbum, aut per aliquem casum destruetur, tu ex illo veluti ex domo ruente, debebis exire, & sisti coram Domino DEO, qui requiræt à te quomodo hic vixisti, DEVM neglexisti, templum non frequentasti, maledixisti, &c. tunc recipies mercedem iuxta opera tua, post diem autem iudicij, totus cum corpore & animâ, vel vigebis in cælo, in delicijs æternis, vel ardebis in inferno sine fine, sine fine, sine fine.

*Interr.* Quid est Diabolus? *R.* Est malus Spiritus, à DEO ex cælo propter superbiam & inobedientiam deiectus: est noster hostis, &c. *Interr.* Quid hominibus datur cum ad altare accedunt? *R.* Datur Corpus verum CHRISTI: nam dum per verba CHRISTI consecratur panis, fit ex pane corpus

CHRI-

CHRISTI & sanguis: dùm vinum in calice, fit sanguis & corpus CHRISTI; in utroq; integer CHRISTVS cum anima & Diuinitate. Et sicut in speculo, vel in aqua tota facies hominis apparet, sic etiam sub specie panis & vini, totus CHRISTVS continetur. *Interr.* Ad quid homines corpus CHRISTI sumunt? *R.* Ut animæ ipsorum sanctificentur & pascantur ad vitam æternam: de quo sunt clara verba in Euangelio ipsius CHRISTI. Hæc rudes faciliè percipiunt, licet non possint suos conceptus clarè eloqui. Qui autem de supradictis nihil prorsus capere potest, non video quomodo sit ad sacram Eucharistiam admittendus; quamuis ipsi absolutio Sacramentalis, saltem sub conditione ( si est capax ) possit impendi.

## QVÆRES VIII.

*Qui magis obligantur ad docendos rudes, an Confessarij, an Parochi?*

**R**esp. Parochos magis obligari, ac per se: Porro tenetur Parochus ex officio ( sunt verba Eligij Bassæi V. Parochus ) docere populum necessaria ad salutem, puta Symbolum, Decalogum, Pater noster, & peccata communia, generalesq; virtutes; signanter mysterium Trinitatis & Incarnationis; & negligentia magna in his docendis est mortalis. *Ve* Pastoribus, *ve* Episcopis, *ve* Prælati, inquit Emanuella V. Parochus, qui contenti docuisse Symbolum latinè, non explicant rudibus mysteria fidei, & ad-



& addit V. Fides. Potius credideris condemnari istorum Parochos ob negligentiam docendi. Vtiq; non sufficit panem ( addit Iacob. Marchant. in Horto Pastoral. tract. 1. de fide Christiana ) præbere paruulis, sed frangendus est, sed comminuendus, masticanus, & in fauces inferendus; hoc est simplices sunt instruendi verbis facilibus, in fidei rudimentis: *docendo eos Elementa exordij sermonis DEI.* Si enim inquit Aug. aternus pater, ut verbum suum aternum capui nostro coaptaret, & vsibus hominum adijceret, demisit adeò, ut carne & corpore degeneri se vestiret, cur pigeat Doctorem & Magistrum verba & conceptus mentis sue deprimere, & vulgaribus abiectisq; vocibus subijcere, ut rudium auditorum aptum non superent? Sunt ignorantes multi negligentia Pastorum, qui dedignantur hanc humilem instructionem, quam Paulus & Apostoli, & insignes Ecclesie viri non refugerunt; simplex ista instructio longe fructuosior altioribus inuolutis sermonibus ac concionibus, quod indicatum videtur in Canticis. *Meliora sunt vbera tua vino.*

Cum dolore animi excepi de quodam Parocho, qui gloriabatur se suas conciones per subtiles conceptus in gratiam Domini Parochianorum, quem doctum virum fuisse aiebat facere, cum interim ipse miser de qualitatibus corporum post resurrectionem glorificandorum, nihil cognosceret, suosq; auditores jejunos spiritualis pabuli sæpius dimitteret. Profectò non vide-

videtur intelligibile quomodo tutâ conscientia audeat ille ad sacerdotium aspirare, qui saltem Catechismum Romanum ex integro non percepit; vel ad confessiones audiendas se conferre, qui vnum saltem summulistam Casisticum integrum intelligibiliter non percurrit. Scriptum est enim Osee 4. *Quia tu scientiam repulisti, repellam te ne sacerdotio fungaris mihi.* Deinde Confessarius imperitus (prout audiui ab illo magnæ Authoritatis viro Sebastiano Nucerino) potest multis animabus esse causâ perditionis. Quare optimo consilio Synodus Prouincialis Petricoruiæ, Anno Domini 1688, de tradenda doctrina Christiana rudibus hanc legem, de Profess. fidei constituit: nimirum; *Episcopi & omnes Curati tenentur erudire populum cura & fidei sue commissum: quoniam in Regno hoc & Magno Ducatu Lithuania maior est pars villarum, quam ciuitatum vel oppidorum, & in villis ad executionem difficile deduci potest, ut rustici, vel incolæ villarum ad discendam doctrinam Christianam, pomeridiano tempore conueniant; ipsiq; Parochi in villis præsertim impediti esse possint, quominus eidem doctrinæ Christianæ docendæ attendere valeant. Præcipitur omnibus Parochis, vel eorum Vicarijs ut quolibet die Dominico, absolutâ concione, orationem Dominicam, salutationem Angelicam, Symbolum fidei, præcepta Decalogi & Ecclesiæ cum populo recitent, idq; omnino in omnibus Parochijs obseruetur. Prætereâ ut Parochi in villis constituti, conciones ad populum habeant ex Catechismo Concil. Trid. ad Parochos*



*rochos temporì accommodatas, ex materia orationis Dominicæ, salutationis Angelicæ, Symboli fidei, aut præceptorum Decalogi, alias iuxta præfationem dicti Cathechismi Concil. Trid. ad Parochos. In quem finem idem Cathechismus Polonico idiomate est impressus ex præcepto S. Synodi.*

### QVÆRES IX.

*Quando tenentur rudes actus fidei exercere?*

**N**ON satis est articulos fidei audire, addiscere, sed opus est insuper illis assensum firmum præbere; non ob aliud motiuum, quàm quia à DEO illæ veritates sunt reuelatæ; nec adhuc sufficit illas credere, sed omnino necesse est ex illa fide viuere; fide & charitate Theologica suas actiones, vt sint meritoria vitæ æternæ, sublimare. Vnde valde dolendum est fidem, orthodoxam cum mutatione Dominorum, aut locorum à rusticis & famulis aliquando mutari: actus vitæ suæ non secundum DEI placitum, legesq; diuinas, sed iuxta dictamen suæ phantasiæ, sensuum, ac inclinationem carnalium affectuum dirigi. Hinc oratio Dominica perperam dicitur, ad Sacramentum pœnitentiæ, Eucharistiæ ex consuetudine, sine deuotione acceditur, casu viuitur, peccata miserè multiplicantur.

Quare Theologi assignant aliquot tempora, quibus etiam rudes tenentur elicere actus fidei. Primò cum rationis vsum assecutis veritates à DEO reuelatæ proponuntur, quibus tam firmiter

miter debent assentire, vt nullis modis ab ijs auellantur: secundò cum debent actus amoris, siue æstimationis DEI super omnia, cultus diuinis, contritionis elicere, Sacramenta suscipere, tentationibus resistere, & ex hac vita cum spe salutis decedere: nam horum omnium fides est radix & fundamentum; ideòque moribundis proficuè inculcatur Symbolum Apostolicum.

---

§. 2.

*De iuuandis rudibus quoad materiã Confessionis Sacramentalis.*

QVÆRES I.

*Quid faciet Confessarius cum illis, qui nullam materiam afferunt pro absolutione Sacramentali?*

**R***esp.* Hic inprimis armandum esse animum Confessarij, & phantasiam roborandam ad perferendas ineptias idiotarum, corq; compassione ergà miseram ipsorum ignorantiam munendum: deindè istum defectum in ipsis debere suppleri per ipsius Confessarij affabiles interrogaciones; ita censet cum multis Iacob. Marchat. in Res. Past. tract. 5. n. 5. Si Confessarius (inquit) existimet se pœnitentis defectum, qui nullum examen, vel insufficiens fecit posse supplere interrogando, & is paratus sit examinari, potest audiri & absolui; nam magnam supplet diligen-



tiz partem (maximè in idiotis) voluntas quâ desiderant interrogari & respondere. Et ita ordinariè practicandum circa rudes: nam experientia comperimus inutiliter remitti, quia vel non redeunt, vel æque imparati veniunt. Et ratio est, quia idiotæ non possunt ita suas conscientias scrutari, sicut doctiores. Quod si pœnitens aliquantum peritus sit, & à longo tempore non confessus, inuolutusq; varijs generibus peccatorum, suauiter quoad fieri potest ei persuadeatur, vt præuiè per aliquid temporis sedisponat. Hæc ille. In hunc etiam sensum Bress. lib. 1. cap. 2. n. 194. ait. Potest imò sæpè debet Confessarius pœnitentem interrogando supplere partem diligentiz; non tamen totam: quia etli sæpè expediat non permittere, imò prohibere; ne rudes, vel scrupulosi multum examinent conscientiam suam, ne turbent caput suum, vel magis intricent scrupulis; facile tamen possunt, idèdque debent illam examinare, saltem obiter: tum quia alias vix fieri potest, vt repentè interrogati absq; vlla præmeditatione verè de singulis respondeant, (cùm præsertim confitentur de longo tempore) tum quia incertum est, an Confessarius interrogaturus sit de singulis peccatis, quorum ipsi sibi conscij sunt. De quo examine faciendo sunt docendi à suis Parochis in Concionibus.

In praxi ergo accomodando se informationi Ritualis Romani (à qua nullateus tanquam à principali norma est recedendum) Confessarius  
primò

primò aduertat, an ille rudis rectè proferat, aut  
formet signum S. Crucis (inueniuntur enim &  
inter politiores, qui vel illud omittant, vel per-  
peram faciunt) & ignorantem ne sibi timeat à S.  
Cruce, doceat: deinde an præmittat confessio-  
nem simplicem generalem; aliqui enim putant  
confessionem fieri tantum soli sacerdoti, indeq;  
celant sua peccata, & ideo saltem hæc verba pro-  
ferunt. Confiteor D<sup>e</sup>o. Beata M. V. omni-  
bus Sanctis, & tibi Pater quia peccaui. Tertiò  
interrogetur quàm pridem confessus: hoc enim  
punctum conducet ad cognoscendam quantita-  
tem peccatorum in illo qui numerum ipsorum  
nescit indicare. Quartò: an pœnitentiam in-  
iunctam expleuerit: quam si per longum tem-  
pus distulit, pro hoc peccato coram D<sup>e</sup>o do-  
leat, siquidem illa satisfactio est pars Sacra-  
menti pœnitentiæ, quæ cum alijs debet quanto-  
cùnq; coniungi: & dilatio illius per annum pro  
peccatis mortalibus facit peccatum mortale,  
vt passim DD. Quare seriò inculcetur illi negli-  
genti, ne ulterius illam differat. Est enim quo-  
rundam magnus abusus, quòd cum habeant  
tempus ad comedendum, bibendum, dormien-  
dum, &c. & pro quinque Pater & Ave, dicunt  
se non posse habere: vel etiam suas priuatas pre-  
ces (quas aliquando ex delectatione propriæ  
phantasiæ persoluunt) anteponunt huic parti  
Sacramentali, à Vicario C<sup>NR</sup>IST<sup>I</sup> sibi assi-  
gnatæ. Tandem jubeat pœnitentem vt sua pec-  
cata recenseat; qui si respondeat ipsa à D<sup>e</sup>o, vel  
ab ipso



ab ipso Sacerdote cognosci; vrgeat Confessarius an ipse etiam aliquid contra se sciât, & dicat, à quo absoluator? Si asserat nullius peccati se confesum esse; examinetur ex communibus peccatis. *v. g.* An sacro Missæ aliquo festo non habens iustum impedimentum (nam hîc futiles aliquando excusationes adferunt) omiserit? An ex animo maledixerit? An voluerit aliquid surripere (nam voluntatem efficacem ad malum pro peccato ipsi non reputant) dampnum volens alicui intulerit? se inebriauerit? Luxuria aliqua oblectatus fuerit? An vxor marito maledixerit? &c. Si nullam prorsus materiam præbeat, tunc Confessarius non debet angere, vel ipsum angere, disceptando cum ipso de incuria peccatorum, vel acrius increpando eius negligentiam, &c. in casum enim hæc cum talibus fiunt. Sed vno ex his modo, cum ipso procedat. Primiò si hominem aduertit bonæ voluntatis, nec diu confessionem suam protraxisse: tunc cum ipso præmittat actum contritionis in hunc sensum quærendo ex ipso. *An DEVM plus æstimet, amet, magis quàm omnia in mundo? An ex animo doleat, quod aliquando DEVM offenderit, ipsum neglexerit, ipsi non obediuerit? An habeat propositum firmum peccata vitandi? voluntatem DEI in cunctis faciendi?* Quo affirmante (alias benignè doceatur) dicat supra ipsum Misereatur, Indulgentiam, &c. formâ absolutionis & alijs præterminatis; & ad S. Eucharistiam admittat. Peccata enim venialia, quæ ipse in se minimè aduertit, non sunt materia necessaria.

necessaria confessionis (juxta Concil. Trid. Sess. 14. c. 5.) Vnde si quis tantum venialia habeat quamvis sit tempus Quadragesimale, siue Paschæ, non tenetur illa confiteri, sed debet sumere Eucharistiam; nisi sequatur scandalum, tunc enim debet accedere ad confessionem saltem ut dicat se non habere conscientiam peccati mortalis. ita Tol. lib. 3. cap. 3. n. 7. & alij apud Bass. V. Confess. §. 1. n. 18. ut plurimum autem rusticus qui modico victu vix suam vitam trahunt, laboribus assiduus atteruntur, ferè sub continua custodia Dominorum degunt; raro propendent ad peccata mortalia, ideòq; non sunt ita rigorosè in confessione examinandi, sicut illi qui otio, voluptatibus, alijsq; vanitatibus laxantur in mala, quæ aliquando pro peccatis non reputant, vel mortalia pro venialibus æstimant.

Si quis tamen pro tutiore sui conscientia & majori fructu spirituali poenitentis, maluerit eundem cum Sacramentali absolutione dimittere, tunc prius extorqueat ab ipso aliquam materiam absolutionis, v. g. An doleat quod peccaram vixerit, non aduertendo suas cogitationes, verba, opera, an sint licita, vel illicita, an quotidie, an deuotè Orationem Dominicam recitauit, an patiens in aduersis fuerit &c. Quod si ista vel similia penitus neget, lenitè erit coarguendus de tali vecordia, circa obediendum Deo & salutem suam curandam, cum sit impossibile quin aliquod peccatum veniale non commiserit: & hæc jam erit materia absolutionis, quod in-



consideratè vixerit, & ideo nullum defectum in se aduerterit. Quare pro hac negligentia, ac præteritis vanis cogitationibus, verbis, operibus, coram DEO doleat, & in posterum diligentius suos actus prospiciat, vt in istis declinet à malo, & faciat bonum propter DEVM, ac sese Christo per pia suspiria sæpius commendet. Nam & idiotæ non debent casu ad instar belluarum viuere, sed iuxta rationem & legem DEI, suoq; modo tenentur ad perfectionem tendere, vt peccata magis magisq; deuitent, & opera bona ampliùs exerceant, aduersa promptius perferant propter DEVM, cælum & virtutem, seq; in omnibus diuinæ voluntati resignent. His ipsi inculcatis, pænitienciâ iniunctâ, ac præmissio actu contritionis, vt supra, eum Sacramentaliter absoluat.

Et hic secundus modus, multò magis cum illis seruandus, qui v.g. ante medium annum confessi, nullum peccatum afferunt: nam fieri potest, vt aliquis directè à veniali absolutus, etiam à mortali indirectè absoluator, si quod fortè per illud tempus commiserit.

Porro Confessarius potest esse contentus, si saltem vnum peccatum veniale à talibus audiat: non enim tenetur pænitens omnia venialia recensere, nec pro omnibus dolere (Bass. V. Confess. §. 3. n. 7.) nullus etiam tenetur vt docet Brell. lib. 1. Cap. 20. ad exactum examen conscientie, si non est conscius peccatorum mortalium; sed sufficit in confusio illud facere, vt ali-

vt aliqua saltem dicat; Imò talis, numerum  
& speciem peccatorum tacens, validè confite-  
tur: dicens in communi se venialia peccata  
commisisse. Hanc sententiam Homo bonus  
citans aliquot D.D. probabilem esse putat.

Ista propter illos dixerim, qui se accusant de  
peccatis venialibus, & propter ruditatem non  
possunt illa explicare: nec non propter eos qui  
nimis scrupulant in recensendis peccatis veni-  
alibus, & interim nullam diligentiam in ipsis cor-  
rigendis adhibere volunt, indeq; in grauiora la-  
buntur, quibus cautela circa hæc infra dabitur.

Quapropter illi rudes qui dicunt se nullo  
modo posse sine peccatis vivere, sunt admonen-  
di vt saltem illam vecordiam à qua Ecclesia se  
præseruari orat in illo versiculo. Sint pura cor-  
dis intima, Abstineat & vecordia, in suis actibus  
vitent, & in posterum talem prudentiam adhi-  
beant, vt pro posse à delictis, gratiam DEI in-  
uocando caueant.

Circà satisfactionem vulgò dictam peni-  
tentiam rudibus vtriusq; sexus, qui grauioribus  
laboribus fatigantur, est obseruandum: vt ipsis  
magna ieiunia, præsertim in siccis, disciplina  
eis insueret, vel alia per quæ in suis laboribus im-  
pediri, vel à aliquam sinistram suspicionem  
apud suos deuenire possint; non imponantur.  
Iunioribus tamen ad refranandum feruorem  
luxuriæ, iniungendus est parcus vsus cibi ipsis  
obui, vt v.g. certis in hebdomada diebus, feriæ  
2. 4. 6. dimidium tantum prandij sumant, vel



aliquod ferculum sibi subtrahant, aut nocturna flexio, vel aliqua diurna separata per septem Pater & Ave extensis per modum crucis manibus, vel in faciem ipsorum, spontanea verberum inflictio, aliaq; commoda ipsis carnis afflictiones per quas assuescant corpori suo dominari. Item non sunt onerandi multis orationibus, sufficiet enim aliquibus, vt tria in die profesto Pater & Ave, bis vel ter vespere, mane, meridie orent, vel quinq; aut septem in honorem passionis Christi, & compassionis B. V. in diebus autem festiuis, quindecim Pater & Ave bis, aut ter. Interim autem crebrius ad DEVM alpirent per illam orationem. DEVS propitius. Et labores suos Passioni Christi aut laboribus eius commendent simplici suspirio. Pro grauioribus tamen peccatis, prout aliquando accidunt in lixis aut famulis militum, vel aulicorum; pœnitentias Confessarius iuxta canones pœnitentiales temperabit, ac prœmonebit: vt siquidem tam paruas pœnitentias propter suam fragilitatem pro tantis peccatis habent assignatas, ipsi sibi alias sponte injungant, aduersa patienter tollerent, alios à malo auocent, ad bonum pro posse suadeant &c.

## A P P E N D I X.

*Peccata communia pro examine ruitibus in concione aliqua, vel ante confessionem Sacramentalem congregatis proponenda. Ex Ioanne Herloto Dominica tertia Quadragesima.*  
Pri.

**P**rimi sunt qui scienter jurant per **DEVM**, quod non est verum; Tales peccant mortaliter siue joco siue seriò id faciant in vendendo, emendo &c. Secundi qui falsificant fidem, qui scilicet credunt carminatricibus, quæ carminant benedicentes oculos, pueros, & pecora, vel qui litteras portant in collo pro oculis, vel quod non possint capi, vel vulnerari. Et qui tenent fatum, augurium, somnia, dies Ægyptiacos, vel vadunt ad phitomissas, quando res sunt furto ablatae; tales omnes peccant mortaliter. Vnde dicitur in Decr. *Diuinationi qui intendit damnationem anima incurrit. 26. q. ult. Non obseruet.* Tertij sunt, qui soluunt festa laborando, & sic negligunt Missam, & S. Sermonem. Similiter qui soluunt ieiunia Ecclesiæ sine causa & necessitate. Quarti sunt filij & filiae, qui friuolè offendent parentes, & sunt eis inobedientes, & infideles in vita ipsorum; & post mortem non subueniunt animabus ipsorum, & tales pueros punit **DEVS**, quandoq; in rebus, quandoq; in corpore. Quinti sunt, qui murmurant contra **DEVM**, & contra Sanctos, propter auram, & propter mortem puerorum, consanguineorum, in tribulationibus, in infirmitatibus, in paupertate, in disfortunio. Et etiam qui maledicunt sibi ipsis, & ex impatientia optant sibi ipsis mortem, tales possunt sic damnare animas suas, per impatientiam suam. Vnde Matth. 5. In patientia possidebitis animas vestras. Tales cogitare deberent quod nullus saluari poterit sine tribu-



lationibus. Vnde Actor. 14. Per multas tribulationes oportet vos intrare in regnum celorum. Similiter quòd grauius, qui frangunt scientes, & sine causa vota, quæ Deo & Sanctis vouerunt in tribulationibus. Sexti sunt luxuriosi. Nam omnis actus luxuriæ, qui scienter & voluntariè committitur, extra Matrimonium, est peccatum mortale. Septimi sunt, qui damna inferunt proximis, & usurpant sibi injuste res alienas, vt sunt illi qui inferunt damna proximis in gramini-  
 bus, rapis, piris, oleribus, & etiam qui cum equis damna proximis inferunt. Similiter serui & ancillæ qui bona dominorum suorum furtiuè subtrahunt, sine scitu dominorum suorum. Similiter lufiores, vsurarij, raptores, vel etiam qui res malè acceptas comedunt, vel etiam emunt, vel etiam qui falsam pecuniam proximis scienter tribuunt. Et etiam qui non dant plene decimas, offertoria & iura Parochialia. Et etiam qui non persolunt debita proximis suis, sicut promiserunt. Isti omnes non sunt absoluendi nec communicandi nisi iuxta posse suum velint restituere. Vnde dicitur in Decr. *Non dimittitur peccatum, nisi restituatur ablatum. dist. 34. generalis.* Octauī sunt, qui detrahunt & infamant proximos, & etiam qui fraudulentè loquuntur cum proximis, & etiam qui perturbant proximos verbis iracundis, derisorijs & vituperijs. Insuper qui libenter audiunt, & cito credunt detractoribus. Vnde dicitur in Decr. *Qui falsum de alio profert, etiam qui crimina cito credit,*

*ut ergo*

*Uterq; reus erit. 11. q. 3. Non solum &c.* Noni sunt, viri & mulieres etiam virgines quæ DEVM offendunt chorizando, & etiam superbiendo in vestibus. Nam quæcunq; mulier & virgo sic se ornat, in crinibus, in facie, in peplis, in cingulis, in vestibus, inspiciendo se in speculo, & hoc facit ex superbia, alliciendo masculos ad malas concupiscentias, talis persona peccat mortaliter. Vnde dicit August. Melius est mulierem lanam suam texere, quàm impudicè chorizare. Decimi sunt qui excedunt mensuram in comedendo, bibendo, seq; inebriant. Vndecimi sunt iracundi & inuidi, quia qui irascuntur cum deliberatione, & consensu rationis, & cogitant in animo suo, quomodo possint se vindicare. Et si illam iram ostendant verbis, scilicet maledicendo proximis, vel etiam percutiendo, vel vulnerando, tunc grauius adhuc peccant. Duodecimi qui in Matrimonio malè viuunt, scilicet quando vir percutit ex ira, & sine causa vxorem, & etiam mulier, quæ est inobediens marito in rebus licitis, & insuper maledicit viro, vel etiam quæ prouocat scienter maritum ad blasphemandum vel maledicendum. Et etiam parentes qui permittunt filios, filias, jurare, maledicere, blasphemare, damna proximis inferre, chorizare, fornicari. Et si non corrigunt peccata puerorum, tunc ipsi parentes lugebunt. Vnde ad Rom. 2. *Digni sunt morte non solum qui faciunt, sed etiam qui consentiunt facientibus.* Vnde etiam dicitur in Decr. *Pari pena puniendi sunt agentes & consentientes*



entes 14. 9. 4. *Omnis.* Hic adde temeraria iudicia, cogitationes, delectationes luxuriosas aliq; peccata interna, quæ pro nihilo reputantur, suffurationes, seu dicta odiosa, vel facta relata alijs, quæ lædunt amicitiam. Hic etiam aduerte circa choreas; illas à Doctoribus simpliciter non damnari, sed tantum illas quæ fiunt ex mala intentione vel abusu &c. Vide Bass. pag. 465. n. 20.

## QVÆRES II.

*An Confessarius si videat penitentem omittere vel obliuisci alicuius peccati, teneatur illum de eo interrogare?*

**R**esp. Ordinariè teneri, qui eum agat partes Iudicis, munus eius est curare integritatem Sacramentalis huius Iudicij. Dico ordinariè, nam quandoq; contingit, quod penitentes non existiment esse peccata mortalia, quæ talia iudicat Confessarius, & ex bona fide vel ignorantia non putent se teneri ad ea confitenda, nec fructus speretur interrogando & monendo; tunc potest non interrogare, de quo infra clariùs quæsito tertio. Sed quid si interroget Confessarius, & neget penitens se fecisse, cum tamen sciat Confessarius, tale peccatum ab eo commissum?  
**Resp.** Si sciat viâ aliquâ extra confessionem, potest eâ vri ad eum conuincendum: Quod si nihilominus neget, regulariter tenetur ei credere, aut existimare illum esse confessum, aut alia ex causa posse excusari, ad non aperiendum peccatum. Nam ordinariè in hoc foro standum est  
 peni-

pœnitenti pro se. Quod si viâ confessionis alterius complicitis nouit, non potest eum conuincere: prudenter tamen (idq; propter varia pericula) potest interrogare, ita vt non aduertat pœnitens, ex alterius confessione venire. Et tamen si neget, non potest absolutionem negare, quia non magis tenetur vni, quàm alteri credere. Frequenter contingit in confessione quod vxor asserat aliquid, & illud maritus neget, sic & in alijs pœnitentibus complicitibus peccati, vnus suo modos, alter planè diuerso factum enarrant. Quid faceret Confessarius? Licet pro vna parte magis, quàm pro altera veritatem stare moraliter colligat, tamen non potest aliud dicere, quàm iudicet Dominus inter me, & te? Potest autem fieri, vt proprijs oculis peccatum viderit, vel peccantem blasphemis & iniurijs verbis audierit, sciatq; certò personam, non esse de ea confessam, sed perniciosè mentiri, nec vllo modo posse excusari: tunc non debet absolvere, cum certus sit de indispositione. *Iac. March. Res. p. tr. 5. n. 6. Cap. 2.*

### QVÆRES III.

*Quid faciendum cum illo, qui numerum peccatorum non potest exprimere?*

**R***esp. cum cit. March.* Aperiendam esse consuetudinem quanta & quam diuturna fuerit, vt quantum fieri potest status pœnitentis intelligatur, diu tempus & frequentia aliquo modo indicatur, vt toties in hebdomada, vel mense vel anno,



anno. Qui autem non potest hæc etiam specificare, dicat se valdè sæpè hæc fecisse, aut quasi quotidie, aut frequenter in septimana; hoc enim sufficit ad aliquo modo statum aperiendum, prout potest. Ex his resolutio patet casuum frequentium. Primus est, Si accedat concubinaris; sufficienter statum suum declarat, & numerum dicendo, se vno vel duobus annis concubinâ tanquam vxore vsum fuisse, continuâ cum ea cohabitatione & carnali consuetudine.

2. Si meretrix dicat se tot annis expositam fuisse, & omni occasione oblatâ peccasse fornicando & inducendo, si tamen specialiter exprimere possit actus specie differentes, à simplici fornicatione, vt puta cum coniugatis, aut consanguineis, aut Sacerdotibus, aut Religiosis, carnale commercium habuerit, tenetur id exprimere. Alioqui si non possit dicat se quibuslibet viris expositam fuisse.

3. Qui in odio proximi hæsit per annum; sufficit id exprimere, quia in tali mora temporis, status declaratur, & confusè in ea explicatur numerus humano modo possibili; dicendo se quasi continuo, aut toties quoties persona illa menti occurrat, quod frequentissime factum fuisse agnoscit, odium renouasse, vel malum voluisse, illiq; maledixisse aut mortem optasse.

4. Si miles accesserit, dicat se per sex, aut septem annos iuramentis, blasphemijs, concussionibus deditum fuisse; sic & alia vitia militiæ ordi-

ordinaria exprimere poterit. Putantq; aliqui  
sufficienter exprimi saltem tali modo. Si ta-  
men concussiones & violentiæ sunt quandoq; e-  
normes, vellem specificari.

5. Si vsurarius accedat, & dicat se decem,  
annis vsuras cum omnibus accedentibus exercu-  
isse, satis aperit statum.

6. Nummularius qui multis annis, vacauit  
eudendis, quibuscunq; adulterinis aut circum-  
cidendis monetis probis; satisfaciet dicendo se  
talem statum tot annis exercuisse. Confessarius  
tamen aduertat, quæ restitutio sit facienda vel  
Principi, vel Principis nummulario, vel alijs da-  
mnum passis, vel pijs causis, id etiam notet in  
prioribus casibus.

Item satisfacit qui rem alienam detinuit,  
quàm potuit Domino restituere, explicando  
tempus quo rem detinuit: quia præceptum ex-  
plicandi numerum peccatorum, non obligat ad  
impossibile, sed id quod moraliter fieri potest,  
vnde Confessarius in prædictis casibus, non de-  
bet se scrupulosum gerere, cogendo pæniten-  
tem, ad exprimendum certum numerum, nam  
sæpè accidit; vt pænitens explicando numerum  
facilius erret, quàm explicando solum,  
tempus consuetudinis, aut iniquæ detentionis,  
March. cit. Cap. 3. Addit Bass. V. Confess. § 4.  
n. 21.

Interni actus peccatorum declarari possunt,  
dicendo se fuisse paratum ad committendum,  
vel



vel desiderasse tale peccatum, quotiès occasio vel memoria illius occurrebat.

Hic insuper aduertendum est quod rudes, qui agresti, & inculto modo confitentur sine numero & diligentia, cogendi non sunt repetere confessiones factas, cum indoctis Parochis: cùm enim bonâ fide confiteantur, & vniformem vitæ modum, & viuendi rationem habeant; statim ex confessione vnus anni conijciat prudens confessarius, quantum in reliquis annis peccauerint, & quot numero peccata commiserint. Quæ bene post Nauarrum & Herinques, adnotant Fagundes, Syluius, Diana & alij.

Porro Confessarijs debet maior cura esse, de excitanda contritione, in suo pœnitente, & firmo proposito non peccandi amplius, quàm de numero peccatorum nimis anxie inquirendo, dùm aliquo modo status pœnitentis agnosci potest. Nam velle rudes ad specialio rem numeri specificationem vrgere, potius est velle eos diuinare, quàm verisimilia confiteri; cum experientia constet, si vrgeantur verisimilem numerum dicere in specie: non nisi coniecturam parum, verisimilem facere: videnturq; solum importunitatem Confessarij vrgentis voluisse fugere, coniecturalis alicuius numeri expressione: in diuersis enim peccatis ferè eundem numerum exprimunt, licet vnum præ altero longè frequentius commiserint. Melius itaq; faciet Confessarius, si tales pœnitentes inducat, vt simpliciter aperiant statum, modum viuendi, consuetudines,

dines, conuersationes inclinationem, occurrentias & incentiua, vt ex illis prudenter colligat, constitutionem & malitiam, quibus huiusmodi peccatores grauantur. Vnde potest aliquis rusticus celans etiam per quadraginta annos enorme peccatum; per mediam horam expediri, quia cum vniformem duxisset vitam, facile eius status poterit cognosci, breuiter examinando ipsum, de cursu adolescentiæ & matrimonij.

### QVÆRES IV.

*Quid faciendum Confessario, qui videt penitentem versari per ignorantiam in statu de se malo?*

**R**esp. Reginaldus de pruden. Confessarij Cap. 4. Sect. 1. & 2. per sequentes propositiones.

*Prima est:* quando confitentis obliuio, vel ignorantia vincibilis fuerit (quod colligi poterit ex eiusdem confitentis conditione, ex dubitationibus quas facit) Confessarius obligatur illum instruere, & admonere de eo, quod nouit debere in confessione exprimi, & aduertit per talem obliuionem, aut ignorantiam taceri. Hanc propositionem (quam sine controuersia receptam se notat Canus) satis confirmat obligatio, quam Confessarius habet supplendi in confessione, quod necessarium est ad ipsius validitatem. Nam talis siue obliuio siue ignorantia, quæ de se culpabilis est non excusat à peccato mortali; ideoq; in tali casu obligatur sacerdos peni-



pœnitentem instruere, quidquid sequatur: & siue proficiat, siue obstitit admonitio, eumq; informare de veritate vt eâ cognitâ, resipiscens conteratur de tali peccato, sicq; legitimè confiteatur. Quod si non faciat, & nihilominus absolutionem petat, peccat mortaliter, peccato sacrilegij commissi, contra Sacramenti sanctitatem: in eius notabilem iniuriam: siq; Confessarius eam impendat, tanquàm malè fungens Iudicis & Medici officio in re grauissima, infideliterq; dispensans DE MYSTERIA, peccat quoq; mortaliter, neq; absolutio valet.

Iam quod visum est quibusdam, tunc Confessarium teneri quoq; ad restitutionem, si peccatum fuerit commissum in damnum proximi, reijci potest: quia Confessarius ex officio, quod gerit, tenetur quidem animæ consulere pœnitenti sibi confitenti: nec quicquam consulere in malum proximi. Sed aliorum bono consulere non tenetur, nisi de communi legē charitatis. Vnde si interrogetur à pœnitente, an restituere debeat, ipseq; neget, tunc quidem tanquàm cooperator injuriæ, tenetur ad restitutionem; sicut teneretur quiuis alius similiter interrogatus, si consuleret non restituere: sed si pœnitens non interroget, Confessarius ex eo quod audiat vsurarium. v. g. & culpabiliter tacens, nihil eum de restitutione moneat: quamuis peccet contra charitatem, non tamen contra iustitiam; quia ex officio quod gerit, non tenetur bono illius tertij, cui facienda est restitutio, ita consu-

lere;

lere; vt contra debitum iustitiæ agat; non admonendo faciendam esse restitutionem.

*Secunda propositio est.* Quæcunq; ignorantia sit pænitentis, si dubius de aliqua re interroget Confessarium, hunc teneri veritatem illi aperire; quantumcunq; id nihil sit profuturum, ratio est: quia pænitentis conscientia sic laxa est illo dubio, vt ipse desinat esse in bona fide: taciturnitatem verò Confessarij posset ipse interpretari, in fauorem, approbationemue sui erroris. Verumtamen restringi posse videtur hæc propositio, vt non habeat locum quando pænitens interrogat, non vt verè dubius, sed vt scrupulo agitatus: quia per scrupulum, cum sit dubium carens fundamento, non aufertur bona fides, & inuincibilis ignorantia: adeò vt Confessarius ad vitanda graua incommoda secutura, possit tacere aut dicere, vt abijciat scrupulum.

*Tertia propositio est.* Quando pænitentis obliuio, vel ignorantia fuerit inuincibilis, tenetur Confessarius admonere eum de eo, quod ex tali obliuione vel ignorantia dicere prætermittit, si fructum verò similiter sperat, ex data informatione de veritate: hoc Canus confirmat; tum quia Confessor absoluens, pænitentem errantem circa materiam peccati mortalis, & in omnibus paratum corrigi, opere suo errorem illius confirmat; tum quia Confessarius quidem vt Confessarius, tantum est Iudex & Medicus, qui circa peccatum (a quo excusat ignorantia inuincibilis) munus suum exercet; tamen vt simul est



proprius Sacerdos & Pastor, ac Doctor, infideliter ageret contra Magisterium sibi commissum, nisi errantem doceret: cum videamus pœnitentes ad eum tanquam ad DEI vicarium, accedere: non tantum ut absoluantur, sed etiam ut instruuntur.

*Quarta propositio:* Cum nulla Confessario datur spes, quod pœnitens ex informatione veritatis profecturus sit: satius tunc esse illum in sua ignorantia relinquere: siue ignorantia sit juris Diuini, vel humani, siue ignorantia facti; & siue peccatum sit continuatum in damnum proximi, siue non sit. Pro hac multos Sanchez citat, & cum Nauarro censet eam procedere, non modò quoad peccatum commissum, sed etiam quoad committendum: quando ipsum inuincibiliter ignoratur, nec est spes probabilis, quod is quod admissurus est illud, si moneatur, acquiescet abstinendo ab illo. Et ita ( ut exemplo proposito rem illustremus ) in sua ignorantia inuincibili relinquendus est: tum is qui matrimonium contraxit, cum impedimento dirimente: tum etiam is qui simili modo contracturus est; quando probabiliter creditur in proposito perseveraturus, non obstante monitione. Addit præterea Sanchez procedere, quantumuis confessarius ita sciret illud, de quo moneret ut ipsum probare posset; item quantumuis malum, quod timetur secuturum ex admonitione provenire deberet non ex infirmitate, sed ex malitia admoniti. In confirmationem autem propositionis huius

huius Medina, & Canus adferunt dictum D. Augustini quod refertur in Cap. Si quis 2. de penit. dist 7. *Si scirem nihil tibi prodesse non te monerem, non te terrerem.* Itemq; alterum, quod ut rationi consentaneum vsurpatur à Theologis ex Salustio in Catilinaria. *Frustra niti & nihil aliud laborando, quàm odium querere; extrema dementiæ est.* Quibus accedit ratio; quòd nulla lex obliget ad actus inutiles, & otiosos: qualis censeretur dicta admonitio, ut potè quæ longè aberret à fine in quem ordinatur. Is enim est bonum confitentis, sicut finis correptionis fraternæ, est bonum eius qui corrigitur; bonum autem confitentis per talem admonitionem non promoueretur, sed impediretur: ut ex eo patet, quòd tali casu, si ille monitus de veritate non acquiescat monitioni, incapax sit absolutionis; manens verò in ignorantia sua inuincibili non informatus de veritate, sicut potest sufficienter conteri de omnibus peccatis suis, & confitens de omnibus quorum memoriam habet, discussa diligenter conscientia; sic etiam dignus potest haberi absolutione. Quod autem Adrianus in contrarium adfert, ostendendo scandalum permittendum esse potius, quàm omissendam veritatis declarationem, Canus admonet; intelligendum esse de publico Doctore, cuius doctrina licet alijs sit odor mortis in mortem; debet nihilominus tradi populo. Itaq; doctrina quidem, quæ ordinatur ad bonum publicum, non est intermittenda ob malum priuatum;



tum; sed doctrina quæ pro fine habet bonum priuatum, cessante tali fine, ipsa quoq; cessare debet. Vnde sequitur præfatam admonitionem cessare debere, quando ea creditur non cessura in contentis priuatum bonum, quod est illius finis. Excipe calum in quo ex ignorantia timeretur notabile detrimentum boni communis; cui postponendum est bonum priuatum: cuiusmodi casus Sanchez exemplum proponit: si Parochus ex ignorantia populum suum erroribus in fide aut in moribus imbueret: aut si publica fama esset de inualiditate Matrimonij suorum cohabitantium.

Ex dictis resoluitur facile, quid à Confessario in multis euentibus agendum sit, vt censeatur cum istiusmodi prudentia procedere: nempe si Berta bona fide contraxit matrimonium cum Petro, credens probabilibus argumentis priorem suum maritum esse mortuum, quod est laborare inuincibili ignorantia facti, seu nescire inuincibiliter, quod defacto prior iphus maritus adhuc uiuat. Vel si Petrus nupsit Martha cuius antea sororem cognouerat, bona fide putans matrimonium esse validum, & dispensationem moraliter impossibilem, aut summè difficilem. Item si aliquis contractum usurarium fecerit, ignorans inuincibiliter talem esse, eò quod in illo palliata usura sit valde occulta, atq; ille adierit viros doctos & fide dignos ad habendum consilium, & responsum acceperit tale quid sibi esse licitum. In omnibus & similibus prudenter ( prout tenetur )

aget

aget Confessarius, si credens suum consilium profecturum, admoneat; sin minus, non admoneat, siue id sit in detrimentum proximi, siue non: & siue sit contra jus humanum, siue contra Diuinum inquit Canus, addens id intelligendum esse, cum nec statim nec postea fructus admonitionis speratur. Quam doctrinam Medina quoq; inculcat inquit: si verisimile est quod confitens, si ei veritas quam inuincibiliter ignorat, notificetur, ita scandalazabitur quod nunquam notificationis eueniet: nempe quod propterea non recedat à peccato, nec proximo laeso satisfaciat: Confessarium malè agere informando illum de tali veritate, debereq; sine tali informatione ipsum absolueret. E. g. Si quis iudicè in iudicio torquendus, putet omninò sibi licere veritatem negare ad liberandum se à morte, & infamia, non est monendus id ipsi esse illicitum, sed sufficiet interrogare in vniuersum; an sit paratus quiduis pati potius, quàm DEVM offendere? Si enim penitens non tenetur particulares comparationes sumere (vt pati extremi supplicij ignominiam, & sic de similibus) ad explorandam suam contritionem, multò minùs tenetur Confessarius ab illo eas interrogare.

Iam si scandalum quod euenturum timetur momentaneum sit, ita; vt non speretur quidem tunc fructus admonitionis, spes sit tamen eum secuturum, Confessarius tenetur penitentem ipsum informare de veritate, quam ignorat; pro quâ doctrinâ Sanchez plures Authores referens: addit



cum eo Medina : præstare monitionem fieri post absolutionem, quàm ante ; nè ex perturbatione, gratia, & fructus Sacramenti impediatur.

Addit adhuc Canus, si alicunde constaret fore ut penitens moneatur ab alio Confessario ; qui imprudenter malo ipsius medebitur, consultius esse ignorantem admonere : nisi adhibendum sit remedium intollerabile, quale censetur, si exemplis supra positis addas susceptos esse filios ex existimato matrimonio, diuturnam cohabitationem, scandalum publicum, & similia : Quò euentu inquit Canus, nullus tam imprudens erit, quin præsens horreat periculum, tum perplexitatis, & difficultatis, in quod conjiciuntur, qui sunt in bona fide : tum occasiones peccandi capiendas ab alijs, qui alioquin sunt in bono statu. Id quod ( alijs citatis ) Sanchez ita verum esse vult, ut in eiusmodi casu Confessarius nolentem debitum conjugale reddere, debeat ad id cogere, tanquàm à peccato excusatum ob ignorantiam inuincibilem, si reddat : & peccantem contra conscientiam, si non reddat. Neq; mentietur dicendo illum esse suum conjugem, cum sit communi estimatione ; sicut nec mentita est B. V. cum dixit CHRISTO. *Ecce Pater tuus, & ego dolentes quarebamus te :* Luc. 2. quia quamvis S. Ioseph, non esset verè Pater CHRISTI, erat tamen reputatione communi. Infert idem Sanchez argumentò à maiori : quando penitens sub lethali culpa tenetur ad aliquid adeò difficile, ut Confessarius credat ipsum non esse

esset tunc æquo animo accepturum admonitionem, alias verò admissurum melius, quàm diu nouit eum excusari, per ignorantiam inuincibilem, posse tacere, & in tempus opportunius admonitionem differre: adeoq; prudenter agere Confessarios eos, qui non omnia ad quæ tenentur penitentes, simul, primaq; vice aperiunt; nè deterriti abstineant omnino à confessione; sed ipsos paulatim docent de ijs, ad quæ tenentur. Quà quidem in re opus est magnâ circumspeditione, in eaq; vt plena periculi implorandum est seriò diuinum auxilium, vt vnctio Spiritus S. nos doceat. Hæc Reginaldus cit.

## QVÆRES V.

*Quale iudicium feret Confessarius de illo, qui putat actum suum, v. g. comestionem frustipanis vespere die veneris, peccatum in genere, non determinando suam voluntatem ad peccatum mortale vel veniale.*

**A**D decisionem huius difficultatis ex qua plures dissolui possunt, sunt quædam supponenda.

1. *Hominem vt more humano agat, necesse est, vt actus suos (non disputo hic an dentur aliqui actus indifferentes) puta cogitationes, verba, & opera, non perperam, non temerè, aut inconsideratè; sed iuxta rationem ac conscientiam bonis legibus informatam dirigat: decet enim rationalem hominem, nihil velle protequis nisi bonum rationale seu honestum, ac rationi con-*



sentaneum ad quod ipsa natura humana (præcisa corruptione peccati originalis) propendet: nam & ipsi Ethnici vanum & belluinum esse iudicarunt sectari delectationes carnales, & quæ ad rem non pertinent, quod & Apostolus ad Ephes. 5. reprehendit. Apertius & acrius Saluator noster, nos hæc de re commonet Matt. 12. *Dico autem vobis, quoniam omne verbum otiosum quod locuti fuerint homines, reddent de eo rationem in die iudicii.* Vbi verbum otiosum explicant DD. quod caret aut ratione justæ necessitatis, aut intentione piæ utilitatis, aut quod sine fructu aliquo, puta necessariæ recreationis proximi, aut subventionis alicuius, profertur. Sanctus quoq; Paulus ad Rom. 19. *Omne quod non est ex fide peccatum est.* Id est (juxta doctrinam interpretum) ex dictamine rationis, aut rectæ conscientiæ, nisi vt addunt Theologi indeliberatio vel ignorantia excuset. Vt autem aliquis actus sit meritorius vitæ æternæ, præter dictamen rationis, necesse est, vt fiat in gratia ex charitate, seu intentione ac desiderio placendi DEO, quod Apostolus ab omnibus Christianis requirit, per illa verba, *Quidquid facitis in nomine Domini nostri, in honorem DEI facite.*

2. *Suppono.* Magni momenti esse iudicium ac dictamen conscientiæ ad omne peccatum, non tantum vt sit, vel non sit; sed etiam vt graue sit vel leue; imò ab eo pendet totum; non tantum cum conscientia sit erronea; sed etiam cum vera,

vera. v. g. putat quis crucem stramineam trans-  
scendere peccatum mortale, & tamen transcen-  
dit, peccat mortaliter; existimat veniale, venia-  
liter: quia cum voluntas feratur in obiectum,  
non ut est à parte rei; sed ut sibi ab intellectu  
proponitur (nam ipsa cæca est) talem etiam ab  
illo obiecto contrahit bonitatem vel malitiam,  
juxta scripturam. *Qui adhæret DEO, unus cum  
eo Spiritus efficitur. Accedite ad eum, & illumina-  
mini. Abominabiles facti sunt, sicut ea quæ dilexe-  
runt.*

3. *Suppono.* Cum in actu quopiam occurrit  
ratio aliqua dubitandi, vel rationabilis suspicio,  
sitne malum graue vel leue; tenemur sub pecca-  
to mortali, vel illud non prosequi, vel illud exa-  
minare, nè nos periculo DEVM offendendi ex-  
ponamus: qui occurfus (ait Bress. lib. 5. Cap.  
20.) ordinariè occurrit intelligentioribus; nam  
rudioribus ut plurimum nè quidem in consilio  
occurrere solet vlla ratio dubitandi, vel cogitan-  
di de peccato graui, etiam contra leges naturales,  
quæ remotè deducuntur ex primis principijs na-  
turalibus, vti sunt aliquæ detractiones, iusurrati-  
ones, aspectus lalciui &c. Nam enormia pecca-  
ta in quibus clara malitia apparet, facile eorum  
conscientias mouere possunt, ratione primorum  
principiorum. *Declina, à malo fac bonum. Quod  
tibi non vis fieri, non id feceris alteri &c. Homini  
iuxta rationem viuendum, DEVM esse colen-  
dum &c.*

His præmissis: respondeo ad propositam dif-



ficulratem, ille pœnitens est inquirendus, an per illam comestionem putauerit, vel dubitauerit se peccaturum grauiter uel leuiter? tunc ex sua responsione de peccato mortali vel veniali erit iudicandus: ratio patet ex præsuppositis. Quod si dicat se putasse peccatum in communi, tunc censendus est reus peccati venialis, quia peccatum in confusò apprehensum, juxta plures DD. quos citat Bassæus. V. Conscien. n. 39. non excedit peccati venialis limites, præsertim si homo sit timoratae conscientiae, paratus, si ipsi rationalis suspicio luboriretur de grauitate peccati mortalis, relinquere illam comestionem: sin autem malitiosæ voluntatis deprehenditur, vel prorsus negligens DEVM, & suam salutem, est præsumendum contra ipsum, quod se exposuerit peccato mortali &c. Confessarij enim prudentiores ( Bress. lib. 3. Cap. 6. ) excusant à peccato formalis, saltem mortali eos, quos aliundè norunt, teneros conscientiam & timentes DEVM: etsi constet materialiter peccasse: secus laxos conscientiam & peccatis mortalibus assuetos.

Ideò benè præmonet Bress. cit. vt Confessarij ( dum ratio subest ) examinent pœnitentes quàm conscientiam malum fecerint? & admoneant de nullitate peccati, vbi non est, nè postea peccent in simili, ex conscientia erroneâ. Deinde quia pœnitens potest sibi post actum commissum vel omissum formare conscientiam erroneam de peccato mortali, illudq; inutiliter confiteri.

fteri. E. g. spuit aliquis in terram postquam benè deglutiuit hostiam Sacram; postea se reflectens putat se commississe peccatum mortale, quod illo die quo communicauerat, spuerit in terram: similiter æger non valens Sacro interesse die festo, arbitratur se peccare mortaliter, &c. Isti non sunt censendi obnoxij esse peccato mortali, nec ab eo absoluedi, quia nullam materiam afferunt: nam voluntas ipsorum non fuit determinata ad malum, ante illam commissionem, vel in ipsa omissione; per consequens nullam malitiam contraxit. Vt enim quis reatum culpæ in foro conscientie contrahat, debet primò cognoscere, vel dubitare, aut rationabiliter suspicari illum actum quem committit, vel omittit esse contra legem Diuinam, deindè illum per voluntatem approbare, vel reprobare: aliàs ipsi in culpam non reputabitur. Dixi rationabiliter suspicari; nam ex leuibus suspicionibus non tenetur homo libertatem suam agendi relinquere, ac se scrupulis & perplexitati in suis actionibus exponere. Dixi in foro conscientie; nam in foro fori præsumitur contra sic delinquentem culpa.

Ex his collige primò. Peccata per ignorantiam, inadvertentiam, & obliuionem inculpabilem commissa, non esse pro peccatis reputanda, quia ab intellectu non sunt apprehensa, nec à voluntate approbata. Secus si quis aduerteret obligationem discendi, considerandi, vel recordandi, & voluntariè negligeret, tunc postea a-

ctus



actus mali qui ex illa ignorantia, obliuione, in ad-  
uertentia sequerentur; culpabiles essent. Un-  
de rudes dum aduertunt necessaria salutis sibi o-  
mnino addiscenda, possuntq; addiscere ac negli-  
gunt, per illam ignorantiam non excusantur à  
peccato. Item Confessarii expositi pro confes-  
sionibus excipiendis diuersi status hominum, negli-  
gentes studium casuum conscientiae. Item Iudi-  
ces, superiores, aliq; officiales ignorantes obli-  
gationes suorum officiorum, si contra illas delin-  
quant per ignorantiam; rei sunt culpæ mortalis,  
vel venialis &c. In contrarium si in aliquem co-  
gitationes vindicatiuæ, luxuriosæ, inuidiosæ &c.  
incidant, non peccat mortaliter in ipsis immoran-  
do, nisi postquam aduerterit illas esse contra le-  
gem Diuinam; peccatum enim non in parte infe-  
riori animæ, sed in superiori, quæ res æternas &  
diuinas considerat, committitur juxta DD.

Petes: Quid censendum de eo qui in aliquo  
casu ita est perplexus, vt in quacumq; partem  
se verterit, quidquid aget vel omittat peccare de-  
beat? *Resp.* Faciat diligentiam quam potest, &  
vbi minus malum viderit eligat, non quâ malum,  
sed quasi medium necessarium ad euadendum pec-  
catum mortale. Quod si advertere non potest, v-  
trum sit minus malum, vel saltem aliqua species  
boni, estq; vrgens necessitas agendi vel omitten-  
di; liberum est illi vtramvis partem eligere:  
nam tunc ratione defectus libertatis non pecca-  
bit, quia peccatum adeo est liberum, vt si libe-  
rum non sit; peccatum non maneat, v.g. Opi-  
lio

lio putat se peccare die Dominico, siue deferengo gregem, eat ad templum audiatq; Sacrum; siue non eundo, gregem custodiat: nec habet à quo in illa perplexitate consilium petat, tunc ex defectu libertatis censendus est quidquid eligat non peccare.

Dices poterat ille gregem deserere & ire ad templum. *Resp.* quod per hoc non fuisset liber in conscientia ab alia perturbatione, quòd videlicet contra iustitiam exposuerit gregem periculo; unde licet hic fuisset libertas Physica, non tamen fuit moralis, quia (vt supponitur) siue desereret gregem siue non, contra conscientiam æquè videretur incurrere offensam Diuinam.

Non repugnat tamen posse dari talem perplexitatem ratione conscientia erroneæ; præsertim in ijs qui nesciunt discernere inter actus ex se intrinsece vel extrinsece malos, vel in aliqua necessitate iusta nesciunt vti æquiuatione, vel mentis restrictione.

#### Q V Æ R E S I V.

*An qui ex ignorantia, obliuione, impræparatione, omisit aliquod peccatum mortale, vel circumstantiam necessariam, in confessione: vel non habuit debitum dolorem, aut propositum pro peccatis; inualidam faciat confessionem, eamq; repetere teneatur?*

**A** Nequam his difficultatibus quæ multas anxietates Confessarijs quandoq; pariunt, respond-



spondeam; suppono primò; Confessionem esse inuvalidam, & iterandam, quotiès pænitens conticuit voluntariè aliquod peccatum mortale, sine iusta & legitima causa; aut non præmisit debitum examen conscientie. Item quando non habuit debitum dolorem, id est saltem attritionem supernaturalem, quam Concil. Trid. SS. 14. Cap. 4. uocat donum DEI, & Spiritus S. impullum, non adhuc quidem inhabitantis, sed tantum mouentis, quo pænitens adiutus viam sibi ad iustitiam parat: dolendo pro peccato quatenus est offensa DEI; sed non ita feruide & super omnia vt par est, vel illud detestando propter malum æternum, vel temporale, cum respectu ad DEVM punientem. Attritio enim naturalis, puta, dum quis dolet ob amissionem bonorum, ob inquietudinem conscientie, ob periculum vitæ &c. quæ propter peccatum incurrit, nihil valet, etiam ad pænitentiam informem. Vnde malefactor si talem dolorem pro confessione affert, quod sit v. g. capite plectendus, nullum habendo respectum, ad DEVM, non saluaretur. Ita DD. citati à Bass. v. Attritio.

Item illa attritio, quæ non est vniuersalis; non sufficit: id est dum quis de omnibus peccatis quæ menti factio examine occurrant, & de alijs commissis, quæ in mentem non veniunt nullum dolorem ostendit: debet enim se extendere supra omnia peccata sicut & contritio. Putata quoq; attritio ( bona etiam fide ) pro

Sacramento pœnitentiæ, prorsus non est sufficiens; sicut si quis putaret se orthodoxam fidem habere, quâ caret; non justificaretur.

Insuper illa confessio iteranda est, in qua pœnitens firmum & efficax propositum peccata omnia mortalia vitandi, & saltem aliqua venialia, dum sola venialia confitetur in se non stabilit. Vnde & ille timor, quô quis dolet ob metum gehennæ, sed ita est affectus, ut si pœna non esset, non præcaveret peccatum, reddit irritum Sacramentum; nam non excludit simpliciter voluntatem peccandi. D. Thom. 2. 28. 9. 19. ar. 4.

2. *Suppono.* Ignorantiam, obliuionem, dolorem insufficientem &c. oriri ex triplici negligentia, ut vna sit levis, dum videlicet pœnitens tantam inquisitionem circa peccata mortalia præmittit, quantam adhiberet in aliquo negotio graui, vel arduo excitatq; in se dolorem supernaturalem per gratiam præuenientem, cum proposito firmo & efficaci amplius DEVM non offendendi; nihilominus aliquem defectum ex humana fragilitate in his committit. Alia negligentia potest esse grauis, ac mortaliter culpabilis; dum videlicet aliquis aduertit se teneri ad diligens examen, aliaq; requisita pœnitentiæ Sacramenti, attamen rebus alijs ex inordinato affectu distractus, vel acediæ deditus, minus quam mediocri diligentia suam conscientiam discutit; vnde aliqua peccata mortalia non aduertit; vel cognita, absolutè non detestatur propter DEVM.

*Tertia*



Tertia dicitur crassa & supina quando circa salutem animæ suæ tam segniter agit, vt parum vel nihil censeatur egisse.

De ignorantia igitur, obliuione, impræparatione &c. quæ ex leui negligentia procedunt, certum est quod confessionem non irritent; verum circa illas quæ ex graui negligentia proueniunt, sunt multæ difficultates apud DD. nam ex parte integritatis, dicunt quidam, quod cum ad valorem confessionis & de substantia Sacramenti, sit integritas formalis necessaria, vt nihil scienter & voluntariè reticeatur; ad hanc integritatem sufficiat, quod sit per se intentæ, quantum est ex directæ voluntate pœnitentis, & quod aliqualis diligentia ad eam adhibeatur, quamuis non sit illa tota, quæ præcepta est, etiamsi ob defectum eius peccetur, dummodò defectus, nec sit directè voluntarius, nec summâ quadam negligentia; sed solum communi & ordinaria, sit culpabilis, etiam culpa mortali. Vnde infert hæc sententia, posse aliquam esse confessionem validam in ratione Sacramenti; & non ad effectum gratiæ iustificantis, sed quæ informis maneat sine illa, propter defectum integritatis. Idem asserunt alij ex parte coloris: multi enim ad Confessionem veniunt Spiritu humano; vti propter infantiæ, vel ex quadam honestate civili, vel quia ita consuetum est fieri &c. qui gratiam quidem non recipiunt propter defectum dispositionis; tamen verè se accusant, & subiiciunt se clauibus Ecclesiæ; cum proposito amplius non peccandi; Ergo Sacramenta-

mentaliter confitentur, & recipiunt Sacramentum pœnitentiæ, licet sine gratia. Ita inter alios Nauarus in Man. Cap. 9. n. 13. dicens. Minorem contritionem sufficere ad veritatem Sacramenti, quàm ad eius effectum obtinendum: deinde licet ignorantia vincibilis opponatur gratiæ; non tamen opponitur validitati Sacramenti: nam huic solum aduersatur ex certa scientia.

Idem quoq; docent quoad propositum: fit enim aliquando, vt pœnitens putet se habere propositum abstinendi in posterum à peccatis, qui tamen non habet: nam vel in re non est paratus adhibere efficacia remedia, & vitare occasiones proximas: vel habet tantum velleitatem quandam, & non perfectam volitionem non peccandi: licet bona fide putet se sufficienter dispositum, & talis potest se verè excusare, non tamen recipere gratiam, quàm postea potest habere; dùm illas res omittas, (non habens aliud peccatum mortale) supplet, expressius confitendo, aut magis generalius & perfectius dolendo, ac firmitus proponendo.

Ex his colligunt sequentes assertiones. Prima, illos qui ex ignorantia mortaliter culpabili, committunt peccata mortalia, *v. g.* delectationes morosæ, pollutiones, tactus impudicos, vltionem iniuriæ, aliquos contractus usurarios &c. non tamen confitentur, nec dolent, nec proponunt ab his abstinere, quia nesciunt esse peccata mortalia, si tamen scirent, & parati essent illa

confi-



confiteri; excusari possent ab iteranda confessione; & satisfacerent repetendo peccata illa cum dolore & proposito, qui defectus ut plurimum accidit in pueris, puellis, rusticis, alijsq; rudibus. Idem dicendum de numero & circumstantijs peccatorum omissis ex prædicta ignorantia: sufficit enim cognita obligatione illas confitendi, in confessione explicare. *Bassaeus V. Confess. S. 6. n. 6. 8.*

Eadem ratio currit, si quis ob aliquam causam, bona fide putet, licet fallatur, se non teneri ad confessionem alicuius peccati, quamvis sciat illud esse mortale; ut potest accidere in ijs qui habentes animum ad aliqua Sacra loca peregrinandi, grauius peccata coram suis Parochis reticent, vel ne illos scandalizent, vel quia putant se non posse ab illis peccatis per hos absolui, aut rationabiliter suspicantur se per eos aliquo casu, coram alijs infamandos.

Colligunt secundo, qui in prima confessione culpabiliter prætermisit aliquod peccatum ex ignorantia vincibili, aut etiam scienter; sed in reliquis confessionibus prætermisit bona fide, eo quod nullam de tali peccato, aut de tali omissione cogitationem habuerit facto diligenter examine; aut eo quod in reliquis confessionibus prudenti ratone iudicauerit, illud non fuisse peccatum: non tenetur repetere confessiones bona fide factas, sed sufficiet illam reassumere, in qua culpabiliter ex ignorantia vincibili, aut etiam, scienter peccatum commisit, illudq; peccatum & eius

& elus omissionem coram Confessario cum dolore confiteri. *Ita plures Authores sentiunt citati à Basseo. V. ignorantia, n. 9.*

Plus addit Possevinus de pœnitentia C. 7. n. 28. quod ille qui prae verecundia omisit sciens quidem malè se agere, sed nesciens confessionem non valere: tantum teneatur illud quod reticuit dicere, cum illa confessione inualida. Hanc tamen ipsius doctrinam Iacob. Marchan. improbat, dicens: hanc ignorantiam, ut plurimum non esse culpabilem; nam hoc Sacramentum à CHRISTO etiam ad hunc finem institutum est ( ut docet Bellarminus de pœnitentia ) ut hic pœnitens erubescat tam intus apud semetipsum de turpitudine & fœditate animæ propriæ, quàm foris apud Confessarium de opprobrio, seu quod defectuosus habeatur à Confessario: & qui se ab hoc pudore subtrahit, videtur ob amorem sui inordinatum quo excœcatur, non sincere cum DEO & Confessario agere, per consequens absolute inualidam facere confessionem.

Colligunt tertio. Ut ille pœnitens qui dolebat pro peccato & habebat propositum non peccandi amplius, sed imperfectè & insufficienter tantum doceat de illa imperfectione illamq; confiteatur. *Toletus lib. 3. Cap. 10. n. 3.*

His assertionibus opponunt se alij DD. apud Bass. v. Confess. §. 3. n. 7. Et quidem quoad integritatem dicunt eam tantum esse formalem, in qua homo nihil omittit peccando mōrē



taliter; siue ex scientia, siue ex ignorantia, aut obliuione culpabili; ac proinde nullam dari confessionem validam & informem ob defectum integritatis. Similiter ex parte doloris, quod hic sit pars essentialis Sacramenti, ideò non potest confici tale Sacramentum, quin recipiatur in subiecto disposito, & consequenter in illo habeat effectum, atq; ita formatum: proinde istas confessiones esse iterandas. Hæc sententia quia in praxi est securior, ideò optimum consilium censet esse Bass. citatus suadere talibus vt vnã generalem confessionem totius vitæ faciant: tum vt pluribus scrupulis & fortè sacrilegijs liberentur, tum vt ad maiorem profectum in vita Christiana, maioresq; gratias præparentur.

De ijs autem qui crassâ ac supinâ negligentia in suis confessionibus laborant, siue quoad integritatem, siue quoad dolorem & propositum, non est dubium quin illas vtpotè inualidas repetere debeant. Inueniuntur enim aliquando non tantum inter rudes; sed etiam inter politiores, qui amore sui inordinato, passionibus animi indomitis, concupiscentiâ carnalium voluptatum, nimia solitudine pecuniæ, & diuitiarum; superbia vitæ in se ipsis corrupti & exæcati; aliquos suos actus, quibus grauitè DEVM & proximum offendunt; pro iniquitatibus non reputant. Vel etiam consuetudinè peccandi obdurati, vel nimium de misericordia diuina præiudicantes, vel minus offensam DEI æstimantes peccata mortalia pro venialibus æstimant; proin-

proindeq; de illis non compunguntur; nec illa  
confitentur. Quapropter illi qui res alienas, de-  
cimas legata, mercedem, aliaq; debita, per plures  
annos vanis prætensionibus delusi detinent; qui  
concubinas, odia, proximas occasiones peccan-  
di fouent; subditos opprimunt, qui citò & faci-  
lè sine ullo studio emendationis recidunt, &  
alij his similes; nulliter confessiones suas per-  
soluunt, etiam si optimâ fide confiteantur. His  
enim tantum vt docet Melchior Cano in Relect:  
de pænitentia p. 6. bona fides in confessione  
suffragatur, etiam si fallantur; qui saltem medi-  
ocrem curam animæ suæ gerunt; non autem  
impijs.

Petes quomodo Confessarius istam crassam  
negligentiam in pænitente deprehendet. Re-  
spondet Nugnus in 3. p. tom. 4. 9. ar. 1. quoad  
integritatem, si plura peccata pænitenti memo-  
riæ occurrant, quàm ipse sit confessus; examen  
non fuit sufficiens, & sunt confessiones iteran-  
dæ; si autem multò pauciora confessis, tunc sa-  
tis erit confiteri omnia cum ista negligentia sal-  
tem ad cautelam. Item si plura venialia fateba-  
tur, & saltem vnum mortale temerè celauit, tunc  
sacrilegia commisit quot confessiones hoc modo  
non integras persoluit.

Hic etiam aduerte dùm Confessarius extra-  
hit per examen ex corde pænitentis aliquod  
peccatum mortale; quod ille temerè ex crassa  
negligentia, aut ex pudore erat celaturus, si non



examinaretur; pœnitentem moneat de inualiditate confessionis, & vt pro ista vel impræparatione, vel præconcepto sacrilegio grauitè doceat. *Basf. V. Conf. §. 4. n. 6.*

Quoad defectum doloris & propositi respondet Nauarus, Suarez, Grassius. In quibus per aliquot tempora nullus apparet profectus; de ijs præsumitur, quod ficticiū habuerint propositum. Igitur dū Confessarius deprehendit in aliquo pœnitente inueteratam consuetudinem peccati; inquirat quanto tempore hoc malum frequentet? An sciuerit dolorem & propositum in confessione adhibendum esse? Si respondeat pœnitens affirmatiuè, seq; his vsum fuisse, tūc ad cautelam admoneat, vt pro his, & antea confessis, maiorem dolorem ob DEVM offensum eliciat, ac pro tot confessionibus ac sacris Communionibus fortè sine debito dolore ac proposito peractis, animum suum affligat; firmissq; propositum assumat dignos fructus pœnitentiæ DEI auxilio faciendi: si autem aliquam friuolam excusationem attulerit; *v. g.* Se non esse iure victum de soluendis (quas aduertit debitas) decimis, debere se amicis accommodare, se ab inimico grauissimè læsum non potuisse illam offensam condonare, plures esse huius farinae homines in mundo &c. tūc iubeat repetere præteritas confessiones; & si non potest sine scandalo ipsum ad se præparandum remittere, ipse per interrogatoria eum adiuuet; admoneatq; attritionem quæ est sine firmo & effica-

efficaci proposito emendationis, etiam cum Sacramento nihil valere.

Verum obijcies cum Sancio in select. q. disp. 9. n. 6. Confessarium non habere jus interrogandi pœnitentem de consuetudine peccandi, quia si contritus sit & propositum habeat non peccandi dignus est absolutione.

Respondet Dianna cum alijs par. 1. Tract. 7. Res. 15. & 55. quod quamvis pœnitens non teneatur explicare consuetudinem peccandi, nisi oriatur ex occasione proxima, quam vitare tenetur; potest nihilominus Confessarius ad dignoscendum propositum pœnitentis, illum de consuetudine interrogare; nam consuetudo peccandi arguit infirmum propositum, & in tali casu pœnitens tenetur illam confiteri, quia Confessarius jure interrogat; potestq; si opus sit, consuetudinario absolutionem differre, plus vel minus ut eius prudentia dictabit. Deinde Sancio requirit extraordinaria signa contritionis & propositi, quæ raro vel nunquam in consuetudinarijs præsertim rudibus, qui minus valorem divinæ offensæ & gratiæ æstimant, inveniuntur. Insuper Dianna p. 5. tract. 14. Res. 104. addit ex Pæno: Sancio hoc dogma bene procedere de Confessario ut Index est: quia tamen est etiam medicus, debet medicamentum adhibere ad præcauenda peccata futura, qualis est dilatio absolutionis &c. Quantumvis enim contritionis & propositi signa in pœnitente agnoscat, semper potest justè timere non fore remouendam



occasionem, si absolutionem concedat. Maiora ex Megala: Absolutionem non esse impertientiam concubinario antequam concubinam expellat, etiamsi absit recidivæ periculum, si adest scandalum unius vel duorum; idq; etiam in articulo mortis si tempus suppetat; idem etiam procedere; si illa cum non sit, iudicatur tamen à populo ut concubina; nam etiam à specie mali cauendum est. Ita cum citatis D.D. Dianna.

Certè hic Author multarum gravissimarum difficultatum, summo cum comodo Confessoriorum, præsertim qui ex professo Sacris confessionibus passim ad se recurrentium vacant; benignas resolutiones ex pluribus collegit; nihilominus censente Eminentissimo Cardinali Lugo; potius ab ijs qui stabilia fundamenta in doctrina Casistica jecerunt, quàm ab incipientibus usurpandus est: ne fortè necessarias circumstantias, quas ipse in multis casibus supponit, minùs aduertentes, graviùs errent; cum etiam illi qui ipsum compendiarunt (excepto R. P. Ausonio Noctinot: quanquam & hic consideratè legendus est,) sensum eius non sint assecuti, quos contra ipsemet Dianna in principio suæ primæ partis Lectorem præcauit: deinde ne quis sibi, vel alijs habenas peccandi laxet; in ipso corpore præmonet se perfectionem Christianam in suis resolutionibus non profiteri, sed languenti animæ mederi: demum indicat, ut confessorius penitenti ante factum illa quæ videntur

dentur vergere in libertatem agendi; non suadeat, post factum non condemnet. Et quidem iustissime, quia natura nostra ex se ad malum prona, potius est stringenda, quam laxanda. Vide hâc de re Laurent. Aponte in Cap. 7. Mart. Digress. 1. satis doctè & zelosè discurrentem.

Petes? quid si Confessarius dubitet de pœnitente, an ille ex gravi vel gravissima negligentia aliquid substantiale in præteritis confessionibus omiserit, an cum eo debeat omnes repetere. *Resp.* affirmatiuè quia possessio stat pro Sacramento, ne indignè tractetur, & ne pœnitens in periculo damnationis relinquatur. Addit *Basf. V. Confess. §. 5. n. 7.* quod juxta communem DD. sententiam Confessarius mortaliter peccet, absolvens illum, quem contritum, vel saltem attritum non esse certò vel probabiliter sibi persuadet, aut non integrè quatenus ipsi possibile est confessum. Proindè tenetur Confessarius ante absolutionem talem de hac ipsa re examinare, & si defectum reperiât, pœnitentem salubri exhortatione disponere, similiter & pœnitens cui constat de insufficientia doloris, aut propositi ad gratiam obtinendam; non potest licitè absolutionem petere, aliàs committet sacrilegium, deficiendo sciens volens in substantialibus Sacramenti: Idem *V. Confess. §. 6. n. 8.* Ceterùm negari non potest, esse tutiorem sententiam illorum, qui docent, per se loquendo, semper esse necessarium, ut homo bonâ fide accedat



ad Sacramentum, pœnitentiæ, putans se esse contritum. Quamuis enim practicè verum sit, attritionem cognitam cum Sacramento pœnitentiæ sufficere, tamen hoc non est de fide certum, & idem falsum esse potest; quia viri maximè sapientes oppositum sentiunt.

Proinde quidam DD. sapientissimè aduertunt, hominem in fine vitæ ex charitate erga se, teneri ad perfectam contritionem, procurandam.

---

§. 3.

*De quibusdam similibus in ignorantia rudium.*

### QVÆRES. I.

*Quid faciet Confessarius cum fatuis, semisatuis, & Daemoniacis.*

**R**esp. Basilius cum alijs DD. In articulo mortis potest Sacra communio administrari amenti & phrenetico, si amentia & phrenesis sit continua; modo antequàm incideret in amentiam vel phrenesim petierit explicite, vel etiam implicite, id est pie viuendo, Sacram. Eucharistiam, & non sit periculum vomitus, vel alterius irreuerentiæ. Ratio est, quia hic homo amens vel phreneticus potuit peccare mortaliter, & in amentiam incidere tantum attritus, & nondum perfecte contritus, vnde fieri potest, vt per Eucharistiam efficiatur contritus ex opere operato, & sic gratiam obtineat, & consequenter  
saluetur.

saluetur: Nec refert quod necessitas dementatis, vel phrenetici possit aliundè suppleri: v.g. per extremam unctionem, vel absolutionem: contingere enim potest, vt neutrum horum Sacramentorum applicari possit; possit autem Eucharistia: vt si jam consecrata sit, & Diaconus adsit, non autem Sacerdos. Imò quamuis Sacerdos adsit, qui illum absoluat & vngat, nihilominus non est deneganda Eucharistia propter utilitatem & fructum, qui ex ea percipi consuevit, quia infirmus jus habet ad Sacramenta, & Pastor non potest sine iniustitiâ, per se loquendo, denegare. Si autem amentia non sit perpetua seu continua, expectandum esset donec infirmus haberet dilucida interualla, vt ei possit Sacra communio administrari; nisi necessitas superueniens aliter suaderet. Aduerte autem hic Paulum V. in sua prohibitione Ritualis Romani de communicandis amentibus, loqui tantum de annua communione, non autem de communione in articulo mortis, in quo iura & Concilia communionem concedunt, etiam non habentibus actu lucida interualla, modò antea petierint, & nullum sit periculum irreuerentiae.

Cum ennergimento, qui ita obsidetur à dæmone, vt priuetur omnino rationis usu, eadem seruanda sunt ac cum amentibus: si autem maneat compos sui, potest prudentis arbitrio, absq; irreuerentiae periculo communicare; (& si fieri commodè potest præmissis exorcismis ante



communione) quia nullo jure probatur huiusmodi oblectum priuandum esse Sacramento Eucharistiæ, cuius ope à dæmonio potest liberari (& de facto, aliqui liberantur) vel certè iuuabitur homo, ut patienter & cum fructu laborem suum sustineat.

Tempore Paschatis, & in articulo mortis, habentes imperfectum rationis usum, ut semifati, sunt admittendi ad Sacram communionem, si nullum irreuerentiæ periculum adhit: quia hi tenentur præcepto Ecclesiastico: & nullo jure tempore præcepti deneganda est illis Eucharistia. Frequentius autem huiusmodi homines ad synaxim admittere, etiam sacerdotes non decet: nisi quatenus prudentia dictauerit, & reuerentia Sacramenti postulauerit. Experimenti enim compertum est, in istiusmodi, etiam si petierint, phantasiam tempore communionis variari, (aliud enim cursum habet natura, aliud gratia) post communionem statim spueri, insulsa proloqui, aliquando in furias verti. S. Eucharistiam eijcere: ideoq; zelus inordinatus promouenda in ipsis deuotionis vel sanationis, hic etiam postponendus est, cum DEVS miracula sine necessitate non faciat. Extrema quoq; vñctio quamuis perpetuò amentibus dari non debeat; secus tamen si aliquando saniferunt, & hoc Sacramentum petierunt expresse vel tacite in receptione aliorum Sacramentorum, & probabile sit illos petituros fore si possent. Ita Zambranus

branus de Sacramento extremæ vñct. Cap. 5. D.  
2. Qui aduertit in tali casu furiosum resistentem,  
ligandum esse & fortiter tenendum, seculis ta-  
men Laicis ad tollendum scandalum. Quòd sa-  
nè necessarium foret, si aliud Sacramentum re-  
cipere non posset.

## QVÆRES II.

*Quid cum surdis & mutis agendum.*

**R**esp. Si est solùm surdus totaliter & loquitur  
(quod potest alicui accidere per morbum,  
tonitru, aliumuè casum) cum eo per nutus, vel  
scripturam si nouit, est procedendum. Si sur-  
daster, sola necessaria cum ipso in remotiore lo-  
co; cum femina autem etiam in patulo, vel non  
clausis januis tractanda: vbi aliquando cum  
istiusmodi summa patientia Confessario vten-  
dum est, quando veniunt cum enormibus & in-  
tricatis casibus, vel ignari rerum ad salutem per-  
tinentium. Multò facilius negotium est; cum  
muto qui audit, nam potest & tenetur per signa  
vel nutus confiteri. Idem intelligendum de eo,  
qui aliquo casu non potest alium habere con-  
fessarium, quàm surdum, nullum enim ex hoc  
sequitur inconueniens. Imò Confessarius dum  
vrget præceptum confessionis potest absoluere  
mutum, si signa doloris ostenderit, etiam si nul-  
lum potuerit ex eius signis peccatum percipere,  
dùm non est alius Confessarius qui melius intel-  
ligat. Ita DD. apud Diannam p. 5. tr. 6. Res.



Vnde à fortiori dicendum est mutum & surdum à natiuitate posse & teneri communicare, quia tales vt notat Sanchez de Matr. Tom. 1. lib. 4. Cap. 8. n. 12. vt plurimum perspicacis ingenij sunt, & facile quæcunq; difficulta per signa & nutus percipiunt, quibus & ipsi suos conceptus facile manifestant. Confirmatur; quia talis tenetur confiteri per nutus & signa; nec minus difficulta cognoscenda sunt, ad consequendum fructum Confessionis, nam ad confessionem scire debet, quod peccatum mortale occidit animam, & pro eius liberatione recurrendum esse ad confessionem, & hanc faciendam esse integram quoad speciem & numerum peccatorum, item cum dolore & proposito amplius non peccandi. Ad communionem verò sufficit scire, quod ad illam requiritur confessio, mortaliū, ieiunium, & deuotio, quæ multò facilius sciri possunt quàm prædicta. Solum esset difficultas de transubstantiatione; sed etiam hæc per fidem æquè cognoscibilis est, ac prædicta, cum æquè reuelata sit à prima veritate; quamuis alioqui difficilius naturaliter cognoscatur, quàm quod per absolutionem gratia conceditur. Neq; dicas, quod non eò ipso, quod quis tenetur confiteri, possit & debeat communicare, cum supra dictum sit, pueros teneri ad confessionem & non ad communionem. Nam surdus & mutus à natura, si perfectè secundum eius intellectum, percipiat, quæ geruntur, æquiparatur maiori; vnde non est cum pueris comparandus. Igitur arbitrio

arbitrio confessarij remitto, quandonam tales sufficientem intellectum habeant ad communicandum. Dian. p. 5. 6. R. 7. Si tamen aliqui sint, qui post diligentem instructionem per nutus & signa, non potuerunt huius Sacramenti naturam & valorem percipere, sunt ab eo arcendi.

His superaddit Bassæus V. Confessio §. 5. n. 3. Confessarius antequàm muti & surdi à natiuitate confessionem excipiat, debet prius edoceri ab his quibus cum mutus & surdus habitat, quomodo cum illo nutibus agere debeat, vt vim spiritualis Sacramenti aliquo modo percipiat, & aliqua peccata quatenus potest signis declaret, ad absolutionem accipiendam. Vel si hoc nequit in aliquo casu, qui moram non patitur fieri, tunc Confessarius Socios eius moneat, vt ipsum instruant de valore Sacramenti, atq; ex illis intelligat, si aliquando confessus est, quàm pridem, & qualis eius conuersatio? vt ipsum postea doceant modum piè viuendi, ipsis inculcet, antequàm illius confessionem excipiat, hæc enim nullo modo lædunt sigillum Confessionis, cum extra illud fiant. Idem dicendum de eo cuius idioma ignoratur, quod de muto intelligente;posito quod non sit alius Sacerdos, qui ipsum intelligat. An verò teneatur per interpretem confiteri? Variant Authores, sicut de muto per scripturam: in hoc tamen conueniunt; quod si probabiliter dubitat se non esse contritum; teneatur confiteri, tum ex præcepto diuino, tum ex naturali propriæ charitatis, nè damnationis ætere



næ periculo se exponat. Non tenetur autem in tali casu confessionem facere integram materialiter, id est omnia quorum meminit dicendo: sed tacere potest illa peccata ex quibus notabilis infamia sibi vel alteri sequi potest; cum per interpretem confiteri sit extraordinarius modus DD. apud Dian. p. 3. T. 4. R. 129.

Petes 1. An extra Pascha & articulum mortis illi defectuosi possint confiteri & communicare? *Resp.* Id prudentiæ Confessarij videntur committere Doctores, certè tempore Iubilæi, aut alicuius Festiuitatis dum conceditur plenaria indulgentia, si petant; non videntur esse reiiciendi.

Petes 2. Quid si aliquis sit simul surdus, mutus & cæcus à natiuitate? *Resp.* Præter baptismum nulla Sacramenta potest recipere. Etiam matrimonium vti docet Sanchez Tom. 3. lib. 1. disp. 8. n. 12. contra Angelum; Nec extremam unctionem; ad quam requiritur saltem attritio.

Petes 3. Quid si æger qui tempore sanitatis solebat confiteri & communicare, existens propè articulum mortis, ex morbo vel lenio fiat cæcus, mutus, surdus? *Resp.* Si adhuc apparet compos esse mentis; ita cum ipso procedendum cense-rem, vt primò per signa ad confessionem aliquibus nutibus faciendam adducatur. g. ipsius manu propriâ, signum crucis faciendo in ipso: pectus eius percutiendo, manus sursum iungendo. Vt autem Sacerdotem agnoscat, admouenda est ipsius manus, ad vestem Sacerdotis, ad su-

perpal-

perpellicetum, & stolam: ac de percipiendâ Eucharistia, per circulum faciendum in ore suo edoceatur. Quod si Sacerdos prædicta nihil viderit profutura; extremâ vñctione muniendus erit, si more Christiano vixit.

### QVÆRES III.

*Quid cum Idiota Secta Schismaticorum aut Hæreticorum?*

Istos vt supra dictum est §. 1. 9. 6. non esse statim condemnandos de formali Schismate aut hæresi; nec sunt in forma Ecclesiæ absoluendi, sed potius sicut rudes instruendi in rebus fidei & morum, serioq; admonendi nè relabantur. Cum verò à Catholicis pro veris Schismaticis aut Hæreticis habentur, & ad reconciliationem Ecclesiæ adducuntur, abiurent hæresim vel schisma, & inquiratur de articulis fidei, de præceptis Decalogi, Ecclesiæ, oratione Dominica, Angelica salutatione integrâ; prout solet dici à Catholicis, post absoluantur etiam ab illo Confessario; qui caret facultate ab hæresi vel schismate, positò quod formali schismate aut hæresi non sunt infecti; nè si fortè scrupulosè cum ipsis agatur desperent, ac retrocedant.

Imò etiam schismaticus vel hæreticus formalis, potest à simplici Confessario approbato (positò quod non sit qui habeat, facultatem absoluendi à reservatis) absolui: docet enim Granadus in 3. par. Contr. 7. Tract: 10. disp. 7. n. 12. quod si alicui non pateat aditus ad Episcopum, aut



aut Papam, vel eorum Legatos, nisi cum magnâ difficultate, mora, aut legitimo impedimento; ille possit absolui à simplici Confessario approbato; cum est necessitas communicandi celebrandi: cum onere tamen (vt alij addunt) præsentandi se prædictis, cum ipsi dabitur commoditas. Multò magis hoc faciendum si pœnitens præcipitaretur in periculum probabile desperationis: nam tunc reservatio cessat, cum non sit ad ædificationem.

Hic insuper notandum, vt quotiès aliquis ex rudibus dicit se hæreticum, inquiratur cuiusnam sectæ sit, nam si sit ex Arrianis parentibus, nec more Ecclesiæ baptizatus; non audiatur eius confessio, sed potius ad Baptismum præparetur. Idem examen est seruandum cum talibus, ante contractum matrimonij, vt illud fiat Sacramentum: docuit experientia præfatos casus accidisse.

## §. 4.

*De iuuandis ijs qui per ignorantiam superstitionibus vti solent?*

## QVÆRES I.

*Quomodo cum maleficâ materiali aut formali agendum Confessario?*

**R***esp.* Materiales maleficæ siue veneficæ illæ dicuntur quæ implicitum pactum habent cum Dæmone; id est quæ vsurpant illas superstitiones quas à formalibus sagis expressum pactum

Stum cum dæmone habentibus didicerunt, ipsæ nihil de vlla familiaritate cum Dite cogitantes; Iltas DD. propter ignorantiam à peccato mortali excusant, quàm diu de illa iniquitate non edoceantur. Et quia eiusmodi illos suos actus, vñ plurimum in confessionibus cum summo sui periculo subicere solent: ideo Confessarius ratiōnabiliter suspicatus aliquam personam hoc malo laborantem, inquirat more rudibus conlucto, an v. g. crediderit in aliquas superstitiones, an audierit aliqua consilia vel documenta, ad mala circa valetudinem, pecora, segetes auertenda, vel bona augenda? An eis via fuerit? An nimia solitudine vel tristitia pressa Dæmonem inuocauerit? &c. His enim & similibus tempestiue est obuiandum. Plura enim comperta sunt etiam hoc æuò exempla istarum; quæ primò materiales magæ existentes, postea in formales, ac tandem in Magistras aliarum euaserunt. Ante aliquot annos acciderat, quòd quædam mulier vidua per consilium superstitiosum, formalis veneficæ, pecora sua à communi contagione illæsa conseruasset; & quia diabolus per illud tantquam per aliquod præambulum, ad illam mulierem aditum sibi fecerat, ipsam etiam in persona virili sub vespercinum crepusculum inuilit; vñq; in domo eius pernoctaret obtinuit; cumq; hæc iret cubitum, ipse etiam se illi associavit, ac quis esset edixit, nempe se illum esse cuius consilio & opera, sua pecora salua euaserunt: sibi



consentiat, se ad consortium sui admittat: hæc DE I oblita ac vano timore percussa, assensum præbuit, peccatum nefandum commisit, inde Diabolus factus est eius quasi maritus. Et certè ad finem sub iniquâ sua lege miseram detinuisse nisi illa in Claro M. C. (ad quem vice sui mariti defuncti Sacram peregrinationem, frustra diabolo se impediante suscepit) beneficio D. Virginis per ministerium Confessarij soluta fuisset. Quare deprehendens Confessarius istiusmodi, seriò præmoneat, diabolum pro certo suis hisce vanitatibus sese immiscere, cooperari, ac intrinsecus plura suggerere, donec visibiliter appareat, clariùs plura edoctrurus, deinde in grauissima peccata impulsurus per maiorem exæcationem animi & duritiem cordis; ideò protinùs tam invisibilem quam visibilem Dæmonem perhorrescat, & omnem amicitiam cum eo deuitet; insuper à consortijs suspectarum maximè declinet, sæpius utatur signo S. Crucis, sacris nominibus I E Z U S M A R I A, ipsis sese commendet. Formales veneficæ rarò resipiscunt, nam vel pudore, vel timore, vel obduratione, vel minis, quandoq; verberibus, aut promissionibus magnarum rerum in altera vitâ alijsq; astutijs dæmonum deceptæ, à resipiscencia & confessione peccatorum impediri solent: si tamen Confessarius in aliquam vel in aliquos inciderit, examinet illos ex punctis sequentibus.

1. An intercesserit aliquod pactum cum dæmone? in quo promittant se negaturos CHRI-

ſ T V M, & fidem Chriſtianam abjuraturos; Vel ſi Diabolum adorârint, actionesq; nefandas ac Sacrilegas erga venerabile S A C R A M E N T U M exercuerint. Confessarius autem curare debet, vt maleſicus diſſoluat pactum cum Dæmone, peragendo pænitentiam patrati criminis, & perfringendo chirographum; ſi apud ſe habeat, vel eius exemplar.

2. An in tali peccato aliquam hæreſim habuerit credendo Sacramenta nihil valere, &c.

3. Quomodo confecerit maleficium; an ſcilicet ex rebus Sacris; aquâ benediçtâ, oleo Sacro, cerâ benediçtâ, imò etiam ex Sanctiſſimo Eucharistiæ Sacramento; & an crediderit illis rebus talem virtutem ineſſe ad tales effectus: tunc & ſacrilegij & hæreſis reus eſſet.

4. An alicui perſonæ; vel rebus damnum intulerit: quia tenetur ad reſtitutionem omnium damnorum cum ſit cauſa efficax damni, imò ſi conſtet pecuniam à dæmone traditam alicui ſurreptam eſſe; Domino reſtituenda eſſet.

5. An expreſſè ſacrificauerit dæmoni, vel cum eo rem carnaliter habuerit, vt ſolent lamix & ſtriges, &c: Quamuis autem difficile ſit, non tamen impoſſibile, è poteſtate diaboli eripere eos quos ſibi inito pacto deuinxit; hinc Confessarius magnam adhibere operam debet. 1. Vt cognoscere incipiant hoſtis infeſtiſſimi mendacium, fraudes, & falſa promiſſa. 2. Vt abiurato diabolo, fidem, ac ſpem in D E V M concipiant;



qui peccatores omnes ad se inuitat, & reuerti volentes recipit: Eximenda enim ipsis est persuasio, quam multæ Sagæ habere solent propter pactum initum, à Dæmone liberari non posse.

3. Vt frequentes preces *v. g.* Litanias Sanctorum, & varias collectas, Spiritu fidei feruente pœnitens recitet, vel coram ipso ab altero recitentur. 4. Vt crucis signo, imaginibus Sacris, & reliquijs Sanctorum, aquâ benedictâ, & similibus vtatur. 5. Vt Sacramentum confessionis frequenter apud eundem Confessarium, qui statum illius cognitum habet, vt congruas interrogationes formare, & apta remedia præscribere ei possit. 6. Vt fidei Catholicæ professionem sæpius repetat, & Symbolum Apostolicum frequenter recitet.

Quod si fortè ad maleficas in carceribus inclusas, vt ipsas DEO reconciliet vocatus fuerit; primò re ista Christo, & Matri suæ, Sanctisq; DEI commendata, exhortationunculam ad ipsas, si verè reæ sunt faciat, compatiendo inprimis amissæ famæ, ac periculo vitæ ipsarum; præcipuè autem deperditæ gratiæ DEI, quæ ipsis improuidis accidit: deinde doceat hominem à D. Deo ad hunc finem creatum, vt hic illum noscat super omnia, maximi æstimet, honoret, eiusq; diuinam voluntatem in omnibus faciendo; vitam æternam consequatur: vbi cum ipso, inperfecto amore eiusdem perfruatur delicijs sempiternis. Dæmones, summo odio DEVM experuersa sua voluntate, & ob priuationem cele-

stis

ris beatitudinis prosequi; summo odio ac inuidia contra homines ut pote imagines DEI, & quod ipsorum loca in cælo, ex quibus ipsi ceciderunt, sunt occupaturi, ardere; ac per hanc inuidiam mortem, plurimâq; mala in mundum inuexisse, modò ex occulto DEI iudicio humano generi nocere, donec tandem ultimo supplicio post diem iudicii in inferno totalitèr includantur. Nouerint quòd in Baptismo diabolo abrenunciauerint, CHRISTO adhaerint, fidem in vnum & trinum DEVM professæ fuerint, quod istam fidem, orationem Dominicam, salutationem Angelicam edoctæ, & cum hominibus Christianis vitam æternam sperantibus educatæ fuerint: modò autem & DEO & cælo, & societati hominum misère renuntiarint, ad hostem sibi infensissimum æternæ damnationi obnoxium descuerint. CHRISTVM esse paratissimum hos errores sibi condonare, atq; facile posse potestati diabolicæ subducere, dummodò seriò conuertantur. Vnde hic & nunc nihil sibi à diabolo timentes signo S. Crucis se muniunt, pectus percutiant. Diabolo abrenuntiant, CHRISTO se subijciant, ipsum humiliter deprecantur, per veram cordis contritionem, per sinceram peccatorum confessionem, gratiam expescant, &c. Verùm dum hæc mea reuiderem, incidi in cuiusdam anonymi Authoris insignia documenta mihi oblata, quæ in cautelam Confessoriorum in libello dicto Cautio criminalis doctè conscripsit, quæ istis meis appono.



*Documentum 1.* Quando audio, nunc passim ad has causas adhiberi Religiosos, curent eorum superiores, vt eos mittant, qui CHRISTI Domini nostri Spiritu sint præditi, mites, mansueti, deuotionis laude commendati, iudicij accurati, & probatæ prudentiæ in Domino, quiq; animis hominum occupandis, pernoscendis, scrutandisq; cordium secretis, tum & conterendis peccatoribus operam & experientiam sumpserint: Non impetuosii, nec affectibus seruientes, sed omnia ad libellam rationis & doctrinæ expendentes. Curent etiam per adiunctos eis socios diuersos intelligere, nunquid iudicentur imprudenter, aut secus gerere? plurima enim sæpè admittunt nimis quàm corrigenda.

*Documentum 2.* Confessarij ad Carceres destinati postulent in primis directionem à liberalissimo Patre luminum, commendent deinde eis animas liberatoris nostri sanguine redemptas, agant deniq; cum reis ipsis suauiter & paternè, vt ad veram eos penitentiam adducant, seu reas se falsæ sint, seu non sint. Nec de hoc vt fateantur eis primum facient mentionem sed differant, & prius ea in genere afferant, quæ ciere contritionis motum possunt: explicent illis cum aliquo affectu & facundia Christiana, qui noster ille mitissimus sit DEVS, Pater misericordiarum & totius consolationis, qui vel Vnigenito suo pro nobis non peperit. Adducatur parabola indulgentissimi illius Patris, qui reuertenti Filio suo perditissimo se in collum lachrymans infundit,

dit, & quantumuis antea peccatis Filij constri-  
ctum pedus, in omnem nihilominus clementi-  
am dissoluit. Non esse DEVM nostrum, qui  
Dij sunt gentium, qui iras ponere non possit :  
captum semel incredibili humani generis amore  
longius progressum, quàm vt reuocare amoris  
sui pacta nunc liceat : Existare in Diuinis libris  
pacti æterni iuramentum eius irreuocabile per  
semetipsum. *Quia si fuerint peccata nostra sicut*  
*coccinum, quasi niuem tamen dealbanda fore :* sed  
& Aduocatum apud eum esse Filium eius vnige-  
nitum crucifixum, qui & nouerit figmentum  
nostrum, & verè causam nostram, quantum-  
cunq; grauissimis criminibus confossum, sua ad-  
uocatione erigere, sustentareq; velit, &c.

His & similibus magno studio laborent, sin-  
gulos ad dolorem de peccatis concipiendum a-  
gendamq; seriam pænitentiam inuitare. Neq;  
enim negare se Legifer noster potest, vt non a-  
nimos quorumcunq; peccatorum saluberrimâ  
compunctione frangant viri ij, quos se homi-  
num pilcatores facturum, ipse verbis veris pol-  
licitus est : Clarissima verba sunt, & oracula FI-  
LII DEI, quibus fidem detrahere, naufragari  
est in fide. Hâc igitur sponsione subnixi, jus su-  
um sibi vendicent : vsurpent datum sibi ministe-  
rium reconciliationis : reducant per contritio-  
nem, qui per vitæ licentiam à DEO longius  
aberrarint. Ita enim fiet, vt peccatorum vin-  
culis attritis, mollitisq; animis per colloquia  
Sanctorum, nihil obftet, quin omne virum non



solum ad Sacrorum Sacerdotum, sed etiam Iudicum Tribunal facilius effundant. Hæc est enim contritionis leu pœnitentiæ natura, ut ubi in animum recepta semel est, obstinatio & taciturnitas (si modo verè rei sunt, quod querendum non supponendum est) habitare non possint. Optimum hoc & suauissimum torture genus est ad vocem soluendam. Hic artem suam exerceant Sacerdotes illi, de quibus supra conquerebar, & si zelum habent, non prius Iudices instigent ad expediendas torturas illas sæuas, & sæpè nimium crudeles, quàm ipsi hæc suâ torturâ sacrâ vti sint, id est: salutaris, de peccatis compunctione animos reorum lacerauerint: hic acuant ingenium & vires suas omnes explacent, ut saxea multorum pectora Divini sermonis vi, & impetu Spiritus comminuant. Nec est deniq; quod Sacerdotes probos, & feruentes non paulò plùs docebit, quàm si Iudicum sæuitiam imprudenti instigatione excandescere faciant. Nam inuehere inhumaniter in captiuas & afflictas: identidem illis molestum esse, & quasi certissimo de earum reatu jam constet, nullam eis sinere quietis partem: odiosis cognominibus lacerare: apud Iudices traducere, & similia quæ supra memorata sunt dubio 19. Non est sane quisquam in foro rabula tam hebes, qui non æquè possit. At verò pertinaciam hanc talem Divinâ vi sermonis frangere, molliere animos, cor in pœnitens compungere nemo potest,

potest, nisi manifesto DEI Spiritu instructus.

*Documentum 3.* Non probo igitur Confessarios, qui hoc primum, hoc ultimum, imò solum agere videntur, ut quod confiteantur, rei nil celent. Itaq; non nisi confiteri, & confiteri ingeminant; ceterum autem de conuersione seriâ ad DEVM, de dolore animi vehementi, de detestatione peccati super omnia vix tenuiter meminerunt, nedum ut præcipuum hic conatum & sollicitudinem adhibeant, quo tales actus tam difficiles, à peccatoribus & quidem talibus, si verè rei sunt impetrent.

Itaq; dum confessi duntaxat rei sunt, id est omnia peccata sua ad longum, & enucleatè recitauerint, iam salua & tuta sunt omnia; jam appellant Filios æternæ vitæ, jam verè pœnitentes moriuntur, quicquid tandem sit de contritione. Existimo autem ego nisi me Theologia mea fallit, non ita facile reconciliari posse infinitam Maiestatem, sed insigni quâdam opus esse sollicitudine, ut ad vulgarem animi dolorem, preces, gemitus, & clamores cordis cum confessione coniungendos.

*Documentum 4.* Non putant pleriq; expedire, ut Rei aut, quam in foro externo causam suam transegerint ad internum vocentur, sed suadent eò vsq; hoc differri, dum in externo omnia liquida sunt; ita Delrius lib. 6. cap. 1. Sect. 3. atq; vsu fere ordinario recipitur.

*Documentum 5.* Expedit tamen, ut paulò ante dixi, per visitationes, & colloquia Sacerdotum



tum reos disponi ad pœnitentiam, compunctio-  
nem, & seriam ad DEVM conuersionem, cum  
primum fieri potest: id enim profuturum scio,  
non solum ad confessionem Sacramentalem, sed  
etiam profanam, quæ hæc via tutius, feliciusq;  
quàm per torturas obtinebitur. Et ad Sacra-  
mentalem quidem omnino hæc compunctio  
necessaria est, vt præcedat: Sacramentalis enim  
esse non potest, nec ad salutem proficua, nisi  
ex præuia compunctione orta sit: illius hæc fie-  
lia debet esse, aut esse non potest. Vnde rur-  
sum confirmo quod dicebam: id potiùs labo-  
randum Confessario vt conterantur Rei, quàm  
vt fateantur. Nam fateri quid attinet, ni con-  
triti sunt? si contriti autem, iam spontè sequi-  
tur confessio, siquidem sunt Rei.

*Documentum 6.* Et si amplecteremur senten-  
tiam Delrij, docentis, licere Iudici æquivocati-  
one sermonis, aliove dolo bono reos circum-  
scribere; id tamen fieri à Viris spiritualibus  
nullatenus permetteremus.

Ratio est, nè ministerio eorum, atq; ordi-  
ni inuratur nota, quæ non tam facilè sæculari  
Iudici adhærescit. Scio contigisse vt cum sacer-  
dos quidam Reo cuipiam æquivocè promississet  
mitigationem supplicij, nec eam deinde conse-  
queretur; ita turbatum esse hunc deceptione,  
vt vix tandem obtineri potuerit, vt ante mor-  
tem se extremâ expiaret pœnitentiæ purgatione.

Caveat igitur Confessor, vt aliter, quàm si-  
delem CHRISTI imitatore decet, in hac re se

gerat;

gerat; ne se deceptum esse quisquam meritò quærat ab eo, quem DEI fuisse loco agnouit.

*Documentum 7.* Omninò autem dedecet si viri spirituales, vt nonnullos audio fecisse, suggerant Iudicibus torquendi modos, nisi fortè mitiores. Lictorum hoc non Sacerdotum munus est.

*Documentum 8.* Sed nec decet si tormentis palam intersint, & spectent: vt benè monet Delrius lib. 6. cap. 1. Sect. 3. propter irregularitatis periculum, vt ipse ait, & scandalum. Sed interrim tamen non video, cur non alibi ex occulto ea arbitrari per rimam aut fenestrellam. Ratio, nam aberit & irregularitatis periculum, & scandalum, cum nemo sciat: & verò proderit, vt quàm cruda & periculosa res ea sit, ipsi suis oculis vsurpent. Quodsi concilium Antisiodorense Can. 33. vetat Præbiteris ac Diaconis ad Trepalium stare vbi rei torquentur, id explicandum puto; vt vetet stare palam.

*Documentum 9.* Imò vniuersim non planè negliget prudens Confessarius, vt scire saltèm ruditer laboret, quàm ritè judiciales processus instituantur. Ratio est, tum vt secundum ea prudentius possit cum reis in foro conscientie procedere; tum & Iudices, si opus esse videretur, officij commonefacere. Ita nuper totidem verbis religiosi cuiusdam ordinis visitator monuit suos, qui ad carcerem itarent, in epistola quâdam encyclica, quàm quidam eius ordinis Religiosus mihi monstrauit.



*Documentum 10.* Displicuit mihi nuper Confessarius, qui primò suo in carcerem ad quampiam aditu, vt eam tantò melius ad confessionem adduceret, denuntiabat ei, conclusum esse apud Iudices de eius morte, faceret igitur officium. Præclara utiq; beneuolentiæ captatio? Existimo enim Sacerdotem dedecere, vt cuiuspiam mortis nuntium afferat, neq; id aptum esse medium (nisi fortè in planè impænitentibus ac desperatis quibus alia non profuerunt) ad rectè hominem Deo conciliandum, cum habeam experientia plerosq; aut saltèm multos, etiam alioqui strenuos viros, audità mortis denuntiatione, ita vehementè cōsternari, vt ad adeò præclaras mentis functiones sint inhabiles. Tristitia igitur alios nuntiare sinant; Sacerdotes ipsi ea afferant, quæ consolationi esse possint.

*Documentum 11.* Laboret autem prudens Confessarius, vt reorum animos sibi potius artissimè deuinciat; quòd fiet, si declaret venire se, non vt Iudicem, sed Patrem, qui Personam a-cturus sit Paracleti in Spiritu FILII DEI. Explicet igitur, quid inter Sacerdotum & Sæcularium Iudicum officium & intentionem interfit: Apud hos si qui reus sit, de poenis agi: apud illos de condonatione; non esse igitur quid metuant, quin omnem animum penitus aperiant, & quicquid angat, explicent; agant secum fidentissimè: non suspicentur quidquam fraudis, non diffidant; se monstraturum esse eis affectum eum, quem fidelissimus Pater, amantissimis suis pignori-  
ribus

ribus vnquam possit. Condolere verò & compati eorum miserijs: sed & tangi dolore cordis intrinseco, non secus quàm si propria res agatur: Quod si eos adiuuare quàm ratione posset, non dubitaturum proprio sanguine subuenire: atque igitur non parum sibi ægrè esse, quod id non liceat, nec nisi soli animæ prodesse possit. Et nunc huic sanè omni studio consulturum, nunquàm verò se eas deserturum, sed vtcunque res cadant affuturum ad extremum articulum; erecturum animos, additurum spem, & robur, ne concidant, aut abundantiore trititiâ absorbeantur; & id deniq; omni modo acturum, vt quæri non possint, vllum sibi defuisse consolationis genus. Hæc enim & similia, quæ fidelitatem, & Apostolicum Spiritum sonant, si proposuerit, mirificè sibi reos astringet, vt ad hunc velut charitatis funiculum seu habenam duci se sinant, quo libeat prout sæpè sum expertus.

*Documentum 12.* Potissimùm verò eos securos reddat, etiam stipulatâ manu & si opus sit iuramento appposito, quicquid secum vt potè viro spirituali, etiam extra confessionem lo- cuturi sint, ne verbulum, quod ipsis nocere queat, seu quod nolint, ad externi fori præfides foras effluxurum.

*Documentum 13.* Imò & iuuerit distinctè addidisse: quòd quicquam secum agant, id nec si maximè nocentes sint, obesse eis possit; nec si maximè innocentes prodesse. Si enim nullum cum judicialibus personis in his causis commerci-

um ser-



um sermonis esse, nec illos Sacerdotibus in his quicquam credere, aut audire; sed juxta propria jura & ordinem procedere; tantum igitur se inter eos, & DEVM posse medium intercurrere, & quicquid fiat de corpore id efficaciter agere, ut Spiritus seruetur, & ad illa domicilia perveniat beatorum, quæ cum DEI FILIJS penitentibus pollicitus semel sit, & mercatus à Patre, iure iam suo reperi possint à peccatoribus omnibus, etsi altè demersis. Ita dum nec obesse nec prodesse, nisi quoad animam eis posse persuaserit quæ secum secreto communicent, obuiabitur tum ijs, qui à Confessario iuvarentur innocentes esse vellent, tum ijs, qui & nocentes esse mallerent, ne proderentur, & ad torturas reducerentur.

*Documentum 14.* Docéo Confessarios ut certissimò sciant plurimos esse, qui etiam in ipso Sacramento nocentes se cum non sint fateantur (ut ipse sæpius, & alij mecum Religiosi viri maximè nos ipsos conuicimus) idq; ideo, vel quia importuni Sacerdotes sunt, quorum impetum aliter euitare non possint, vel ne in quæstiones repetantur. Sic enim simpliciores multi existimant oportere Sacerdotes, quæ, quomodo à reis audiant, personis Iudicialibus referre, atq; ob hanc industriam eos ad se expiscatum mitti: nec nisi difficulter quidam in contrariam sententiam reflecti possunt, maximè cum & id eis persuadeant lictores; dum verentur, ne quomodo sibi prædæ elabantur, si quid reuocent apud Sacerdotes. Miseria hæc est oppido notanda, & inscitia

Iuue-

his  
ria  
in-  
re,  
vt  
iat  
ti-  
re  
us,  
o-  
rit  
ur  
es  
nt,  
er-  
fo  
ur  
ki-  
n-  
er  
n-  
o-  
li-  
nc  
ifi  
e-  
e-  
bi  
o-  
ia

Iuuenum S  
ego quidem  
mnare non  
nuper docu  
& similia.  
quos compl  
conscientiæ  
(quem quod  
nitentiæ sig  
cedant; at  
iplæ tam e  
nuntiatiæ r  
metuant,  
rum, si qu  
guñt, p  
stat, n  
giæ  
m  
a



infirmari, vt  
terum lice-  
le rei peri-  
tione omnia  
habetes DEVM  
ntia dona.  
genter Con-  
reos egerit,  
q; eo solum  
ent, admiran-  
s ignorat.  
tem reos se-  
cerdos, ve-  
ta, vt neq;  
emerè fo-  
rator o-  
dmo-  
ra-

ni )  
ad  
rian  
ret  
hæc  
que  
ver  
run  
ren  
que  
hæc  
spo  
elt  
neq;  
ne :  
fed  
que  
an p  
adiu  
de c  
in  
ter,

gill  
atu  
cla  
intr  
Vt  
pru  
Co  
vol

ni) tùm demum abruptâ vltiore hæitatione ad condemnandum accedunt. Quopacto gloriantem nuper Iudicem audiebam, cùm diceret: se verò nè impingat in neminem adhuc hæctenus capitali pœnâ animaduerti iussisse, nisi quem prius à Confessario intellexisset in culpa versari: satis innuens, quàm efficaciter ad reorum condemnationem Sacerdotes concurrerent. Placet Sacerdos ille, vir mihi amicus, quem cum Iudices subinde rogant, maneat nè hæc vel illa constans, sic enim loquuntur respondere solet: Ego verò inquit, vt quod res est dicam, an constans sit necne, sanè nescio, neq; curo, an fateatur nec ne, an nocens sit, nec ne: nam talis, an talis sit, ad me non spectat, sed ad Iudices. Id autem spectat, vt qualiscunque fuerit tandem, nocens an innocens, bonâ an pessima, ad cælum eam ducam: id quod Deo adiuvante pro meo munere me facturum spero: de cætero quid me affligam, & mittam falcem in messem alienam? Ità ille, sed ni valde suauiter, & modestè fiat, offendi solent Iudices.

3. Periculum est, ne reueletur interdum sigillum Sacramentale, aut saltem reuelari videatur, quòd omninò omnes maximè cauendum clamant, neq; enim populus distinguit, quid intra, quid extra confessionem acceptum sit. Vt mirari sanè subeat Religiosi illius nuperam prudentiam, qui cum esset ordinarius reorum Confessor (nec de loco, nec de persona rogare volui) publicè de suggestu in magna populi

conet:



concione pronunciare ausus est: non esse quod Magistratus vereretur in Sagas acerrimè procedere; sibi enim certissimò constare, nullam adhuc eo in loco ad supplicium ductam esse, quæ culpâ vacauerit. Sic ille. Mihi autem scire lubet, vnde id ei tam certò constiterit. An quia iudicio publico damnatæ erant? Sed id scilicet non æquè populo erat notum, nisi & sibi hoc constare concionator diceret? Amplius aliquid voluit dicere, & majori certitudine rem firmare: sed hæc ipsa maior certitudo vnde erat? An extra, an intra confessionem hausta? si intra, vbi nunc tandem tam Sacrosancti secreti ratio est? si extra autem, cur id additum non fuit, & occursum suspicioni, ne id dicere sic affirmatè Confessarius non videretur, nisi quid altius certiusq; quàm communi modo cognouisset. Itaq; non parum scandalizatus esse populus dicitur, cùm solum hoc Sacrosanctum, Confessarij nomen multorum iudicia insigniter & merito irritasset. Non tam ipsum ego Confessarium hunc miror, quàm Religionum superiores, qui hos, tales in res difficiles exponunt, quos quâ sint iudicij inopiâ; jam tum utiq; exploratos habent, aut habere debent.

*Documentum 16.* Quæri possit quid faciat Confessarius, si (quod impossibile non est, vt vide apud Iannerum) ex confessione vel aliunde cuiuspiam innocentiam cognouerit? An indicabit? posset & indicet, periculum enasci reuelandi Sacramentalis sigilli, dùm scilicet alios quoq;

quoq; audiens de illis taceret: nam innueret tacendo hos igitur non esse, qualis prior: Quod si periculum hoc absit, quia V. G. alios non audit &c. atq; etiam putat non frustra apud Iudicem se laboraturum; nec aliud aliquod incommodum secuturum, vt scandalum magnum populi, &c. non video cur non modo non possit, sed debeat curari vt subueniat, ita enim charitas jubet, & ita scriptura: *Erue eos, inquit, qui ducuntur ad mortē, & qui ducuntur ad interitum liberare ne cesses* Prou. 24. 11. Caueat tamen, nē innotescat alijs reis Confessarium pro innocentibus intercedere, nē occasionem sumant hinc sacrilegē confitendi, vt monui docum. 13. Caueat quoq; ne contra Iudices quicquam agat aut dicat, seu ante, seu post mortem reorum, quod eos infamet, aut iudicia publica perturbet. Si quid erit, id non apud alios, sed apud ipsos proferat, & mōneat, cū hoc utiq; Apostolicos viros, non dedecere dicat. Apostolus, cū ait: *An nescitis quoniam Angelos iudicabimus, quantō magis secularia.* 1. Corint. 6.

*Documentum 17.* Nec min⁹ quæri possit quid agendum, cum quis alios innocentes denuntiavit tormentis coactus: Res intricata: sic tamen dicendum, seu grauitē peccatum sit, siue non sit, quod quis tantis tormentis victus, innocentibus culpam afflauērit, hoc tamen certum est, teneri eum vt id reuocet, quā efficaciter possit. Cū autem Iudices nihil faciant, (quā rectē ipsi viderint & tu vide infra du-

bit,

62



bit 40.) reuocationem eam quæ fit à reis post latam sententiam prope mortem; tenebitur vt reuocatio sit efficax reuocare tempestinius ante latam sententiam, & hoc quidem iuxta communem sententiam, etiam metuat, seu prouideat se ad pœnas reuocandum, quia in pari sui & proximi necessitate, rationem potius habere debet innocentis, cui fecit injuriam, dùm eum falsâ accusatione iniquè læsit.

*Documentum 18* In hoc verò casu, si Titius ob apprehensionem pœnarum adduci non potest, vt sub tanto discrimine palinodiam canat, difficultas existit; dicam quod sentio. Nam

1. Quid si dicat Titius, reuocationem, quàm immediatè ante mortem ablato tormentorum metu facere palam cupiat coram populo, meritò sufficere, quippe quæ æstimatione prudentium maximi sit momenti, ac proinde de se efficax? quod si verò vitio Iudicum inefficax sit, ac proinde delati non eximantur, id Iudicibus non sibi imputandum.

2. Deindè, quid si Titius tempestinè in Carcere reuocationem faciat, seu voce seu scripto coram Sacerdote suo, & altero adhuc teste, atq; hic postea, cum euauit tormentorum metus, id est vel immediatè ante, vel post Titij mortem reuocationem hanc exponat à Titio præsentis animo in conspectu DEI & testium factam? an non hæc saltem sufficiens, & valida censeri debet? & si nondum admittere eam Iudices velint,

lin̄t, excusatoꝝ apud DEVM Titius est, & illi si cōtra denuntiatos procedant, iniqui homicidæ sunt.

3. Deniq; quid si clarè ostendam Titium fecisse, quod in se est, & quidquid tandem ab eo postules, non tamen futurum, vt semel accusati vllâ reuocatione exculpentur? Nam quid Titium vis facere? An reuocare tempestiuè apud Iudicem, & reductum in quæstiones, eas constanter elicere persistendo in reuocatione, vt habet sententia communis, & paulò ante dixi? sed hoc frustra: nouit iam imbecillitatem suam, scit certò futuram, vt quæstiones eas non toleret, vti nec priore, tolerare potuit: Rursum igitur dolori cedit & reuocationem suam damnabit: ac sic redibitur quo prius, in easdem miseras: imò tunc tantò amplius accusati habebuntur nocentes.

Pæniteat igitur & DEO commendet, & reuocet ijs modis quibus potest, vt dixi. Si Iudices id non curant, ipsi viderint. Id verò dolendum vehementer, quod cum plurimæ metu repetendorum tormentorum non audeant reuocare denuntiatas, valde exaggerent Iudices, has utiq; certissimò nocentes esse, cum tam multæ pænitentes super eis mortuæ sint: quis enim

hæc audiens vim magnam non putet in his

locutionibus inesse. Et tamen quæ

vis insit, ex dictis satis patet,

& infra adhuc patebit.



## QVÆSITA.

Aliquot vtilia circa superstitiones communiter usurpatas cum suis responsionibus ex Jacob. March.

Resol. pastor.

## QVÆRES. I.

*An omnis superstitio sit mortale peccatum?*

**R**<sup>Esp.</sup> negativè, nam quædam superstitio quæ est tantum superflui cultus, quædam etiam quæ vocatur observantia vana, potest esse venialis. Pro qua re adverte resolutiones casuum sequentium qui sat frequentes sunt, inter plebeios maximè rusticos.

1. Quandoq; præter morem Ecclesiæ ponitur Religio in quibusdam circumstantijs, vel rebus in quibus non est ponenda: v.g. in numero, colore, situ, ut tot sint candelæ non plures, tot orationes dicantur, ad singulas orationes candela extinguatur, &c. In his & similibus non videtur plusquam veniale peccatum. Absq; tamen nota superstitionis ( ut idem Marchantius cit. & Bressi. lib. 5. Cap. 27. n. 393. docent ) signa aliqua etiam cum certo numero adhiberi possunt, cum spe non quidem certa; sed probabili finem ijs intentum obtinendi, non à Dæmone, sed à Deo & Sanctis.

Ita non est dubium quin licitum sit & pium gestare collo appensas reliquias, & recitare quous.

uis sine, quinquies Pater & Ave in honorem, quinque vulnerum CHRISTI, seruare octauam, vel etiam nouenam, potius quam septenam, *v. g.* in honorem nouem chororum Angelorum, similiuè motiuo: celebrare item triginta sacra, quæ dicuntur Sancti Gregorij; eò quod hic tot diebus curarit orari pro defunctis. Simili ratione nulli superstitionis periculo obnoxium est, aliquam specialem gratiam spiritualem, vel corporalem ab vno potius sancto petere & sperare, quam alio, & ab eodem. *v. g.* B. Virgine, vno potius loco: vt Sichemij quam alio, &c.

Item non esse omninò illicitam & improbandam piorum ac simplicium consuetudinem, colligendi herbas festo S. Ioannis Baptistæ; eodem vel alio festo secandi iumentis venam; eadem iumenta nouies circumducendi circum templum S. Antonij; ex primâ pecuniâ oblata crucifixo in die Parasceues comparandi annulum, ad sanandum contractionem neruorum, aliorumue morborum. Quæ & similia superstitiosa essent, si tribueretur vis causis illis naturalibus, non tamen si supernaturalibus, meritis ac precibus Sanctorum, aut si fiant in honorem DEI vt communiter DD. Qui tamen prudenter monent eiusmodi consuetudines abrogandas esse, si facillè abrogari possint, eò quod sapiant superstitionem; si non possint, non esse damnandas, sed simplices docendos, vt ea faciant bona intentione.



2. Observatio iomniorum potest esse venialis, ratione simplicitatis personæ. Item qui licet fidem adhibere videatur somnijs, putans ob illa sibi aliquid prosperum vel aduersum fore, tamen non firmiter, sed tenuiter credit. Nec propterea aliquid facit, aut omittit, quod sit contra præceptum aliquod DEI, vel Ecclesiæ.

Si quis tamen ita deditus esset observationi somniorum, aut passim illâ in rebus agendis vteretur, non possit facile à peccato mortali excusari. Nam Leuit. 21. expressè DEVS prohibet: *Non augurabimini, nec observabitis somnia.* Dæmoni quoq; occasio sese illis intermiscendi suggeritur. Aduerte tamen absq; superstitione, & scrupulo fidem aliquando haberi, scilicet probabilem, somnijs, vel profectis à causis naturalibus v. g. humoribus: quâ ratione medici colligunt ex somnijs corporis constitutionem, & humorem prædominantem, vel immixtis à DEO, Angelouè bono, cuius signum est secunda conscientia quies, & monitio seu excitatio ad bonum. Contrarijs signis deprehenditur eorum auctor esse dæmon. Vnde sequitur, peccatum esse eâ expressè intentione se ad somnum componere, vt somnijs reuelentur occulta: nam ita velles doceri à dæmone vel explicitè vel implicitè. Vnde in somnijs extraordinarijs est recurrendum pro consilio ad prudentes & timoratos.

3. Qui obseruant dies, credentes hunc esse felicem & tenent tales observationes, tanquàm regulas.

regulas vitæ, non excusantur à peccato mortali, saltèm post monitionem. Qui hæc solum obseruant quandoq; , sed cum tenui fide, non videntur nisi venialiter peccare. Sic Sanchez putat solum veniale esse peccatum ordinariè, dum lutores chartarum mutant loca, vt abijciant malam fortunam; quia non credunt id firmiter. Et de similibus similiter judicandum est.

4. Qui obseruant euentus fortuitos, ex quibus coniectant aliquid alicui feliciter vel infelicitè euenturum, peccant vanâ superstitione; sed ordinariè non videtur plusquàm veniale; tum quia fides omninò certa non adhibetur; tum quia à maioribus se ita accepisse dicunt, nec apprehendunt id vt gravè malum; tum quia hæc ad causas sibi ignotas referunt. Sic ex occurso quorundam animalium, felis, vulpis, lupi, solent aliquid indicare felix vel infelix obuenturum: sed sæpè vanissimè & stultissimè.

5. Ad diuinationem quoq; necessarium esse (Bresserus citatus,) vt certius vel plus ex his signis colligatur, quàm naturaliter significatur: nam non est omninò illicita Astrologia naturalis, quâ non prædicuntur futura contingentia, sed naturales inclinationes. Quanquàm etiam circa has, est illa valde fallax, non tantum, quia difficile scitu est præcisè punctum cæli, cui natura respondet; sed quia inclinationes aliarum causarum impediuntur. Simili ratione non est omninò illicita nobis Chiromantia, pars physiognomix, nisi ex illa prædicentur non tan-

tum



tum inclinationes; sed euentus liberi, matrimo-  
nium, paupertas, vel diuitiæ. Quare peccant  
mortaliter ij. qui erroneos & vagos homines  
quos nos Ægyptios vocamus, ( alij Zingaros ap-  
pellant ) percontantur, animo ipsis credendi de  
fortuna & de rebus futuris, quasi ipsi ex corpo-  
ris lineamentis possint hæc cognoscere. Ratio  
est, quia cum hæc non norint ipsi nisi ex diabo-  
lico pacto, & suggestione; illos, interrogando  
huic pacto communicas; & ne quidem causa,  
joci puto hoc facere licitum, cum ipsis datur  
ocasio aut causa ad malè agendum. Isti homi-  
nes non sunt digni qui in aliquam ciuitatem vel  
domum admittantur, cum etiam compertum sit  
per artem magicam pecuniam ipsos suffurari,  
templa clanculum ab ipsis expoliari: Multa sce-  
lera, tam virorum quàm mulierum ipsorum.  
Martinus Delrio Dis. Mag. lib. 4. cap. 3. q. 5. re-  
censet; & iuste miratur quomodo Principes  
istam faciem hominum in suis terris tolerant.

## QVÆRES II.

*An licitum sit quod duo inter se paciscantur, ut  
qui prior defunctus fuerit, alteri appareat,  
& statum suum aperiat?*

**R**esp. Id ordinariè loquendo non licere, tum  
quia vel culpa curiositatis hoc vix carere po-  
test; vel quædam etiam DEI tentatio inter-  
uenit, dum volunt scire per media extraordina-  
ria, quid in altera vita alteri contingat. Deniq;  
quia est periculum, ne Dæmon inde capiat occa-  
sionem

tionem decipiendi; non enim infrequenter sese immiscet his apparitionibus, quæ animarum putantur apparitiones. Quod si aliquando legitur factum in historijs Ecclesiasticis; vel DEI instinctu speciali factum est, vel per bonam & simplicem paciscentium fidem excusandum.

**QVÆRES III.**

*Quomodo discernendi sunt spiritus apparentes, an boni sint an mali?*

**R**esp. Aliquot regulas probabiles à Theologis hîc proponi: primò exemplo Iolue magna fiducia interrogandus est initio. *Num noster sit, an aduersariorum?* S. Athanasius in vita S. Antonij. An sit ex parte DEI vel non. Si autem fuerit à DEO, timor vertetur mox in consolationem & gaudium; si verò formido grauis permanferit, Spiritus malus videtur. Sic Angelorum apparitiones olim primò visæ sunt cum aliquo terrore, at postea placidos reddiderunt eos quibus apparuere. 2. Nihil promittendum his spiritibus, si quidpiam exigant, nisi dicendo se prius velle consilium inire cum pijs, & maximè cum Pastore proprio aut Confessario; quod si dissuadeat nē cuiquam reuelet, quod communicaui, omnia suspecta sunt. 3. Si supersticiosa, aut curiosa, aut falsa, aut contra sanam doctrinam, aut in speciem mala tibi suadere conentur; Dæmonem esse iudica. 4. Si exhorret signum crucis, aut res Sanctas. 5. Non facile præsumitur bonus Spiritus, qui non in forma huma-



humana, sed belluæ alicuius, aut in extraordinaria aliqua deformitate appareat. Interdum, tamen in forma columbæ apparuisse animas legimus, & in illa non apparet Dæmon. Collige etiam dæmonem esse, si immanem strepitum & terrorem & molestiam excitet; nam vix damnatæ animæ sic cerni solentur. Gemitus verò & suspiria seruire possunt etiam animabus de purgatorio venientibus; nisi impatientia iuncta sit, vel quid simile, quod damnationem arguat. Quod si nocumentum & damnum uiuentibus afferant, censentur potius Dæmones esse quàm animæ.

Ex his collige quid dicendum de quadam apparitione (iubungit idem Marchan.) paucis abhinc mensibus apud nos. Puero duodenni pecora pascenti apparuit mulier flexis genibus orans in veste candida, quæ se dicebat auiam, defunctam quatuor abhinc annis, & ei planè in lineamentis similis erat, & ut talem puer agnoscebat. Petebat autem fieri duas peregrinationes vnam in vicinia ad Sacellam B. Virginis propè Mariæburgum; alteram ad B. Virginem dictam de fide, propè Dionatum: seq; aiebat voto ad hæc obligari: & addebat proxima Dominica, primam debere fieri, alioqui se quinq; annis adhuc in purgatorio mansuram. Puer indiscretè promisit, se cum matre eas peracturum. Quò non obstante adhuc ei apparet altera vice & die altera; tuncq; multa interrogat de Matre, de auunculis, an maritati sint, an adhuc uiuant, &c.

Tertia

Tertia vice apparens post aliquot dies puero offert duo pyra : at ubi signum crucis puer jam edoctus fecit, ceciderunt ibi pyra & mox evanuit. Quarta rursus vice apparuit post dies aliquot; at post signum crucis etiam illicò disparuit. Itaque licet in candida veste apparuerit, & quasi flexis genibus & manibus complicatis orans, ac postea non nisi rem bonam, nempe peregrinationes fieri, & missam celebrari petierit, tametsi cum ad signum crucis bis disparuerit, & cum pyra præsentârit, quæ & ibidem cecidere facto signo crucis & multa curiosè interrogârit; non est censenda fuisse anima purgatorij, sed deceptio diaboli. Item si exciter mentem ad superbiam, vanam gloriam, ad præsumptionem animi, ad desperationem, vel ad alium minus ordinatum affectum.

Item si ubi semel præstitum est quod subsidij causâ petijt, rursus quæsitis alijs occasionibus friuolis redeat; animæ enim ubi satisfeceris, vel non redeunt; vel semel tantum, ut gratias agant.

Item si blandè accedat, sed postea relinquat mærorem, desolationem, turbationem animi, tenebras mentis: boni enim Spiritus est illuminare, solari, & tranquillitatem animi afferre. Quod signum etiam habet locum, & observandum, quando non statim se Spiritus prodit vel dicit quid cupiat. Huiusmodi enim ordinariè pro malignis haberi solent, qui non statim indicant, quid velint; præsertim si turbent domum,  
aliaq;



aliaq; faciant quæ tendunt ad nocendum hominibus.

Aduertant etiam sedulò curam animarum gerentes ad fallacias & technas dæmonum, quomodo se soleant teste Apostolo transformare in Angelos lucis: proinde etiam si initio se prodant, ut Spiritus boni solent, inquirant de secunda, tertia, & sequentibus apparitionibus, & facile deprehendent fraudem; non enim diu possunt lupi se tegere sub ouina pelle.

Si autem post diligentem indagacionem apparitio maneat dubia, an sit à bono vel malo Spiritu? adhibeant remedia & exorcismos Ecclesiæ ad se manifestandam.

#### QVÆRES IV.

*Quomodo superstitio agnosci possit generali Regula in verbis adhibitis in aliquem effectum?*

**R**esp. Quando verba adhibita, vel aliæ res, non habent naturalem ad id virtutem, ad quod adhibentur, vel supernaturalem ex DEI vel Ecclesiæ instituto; semper est pactum saltem implicitum cum dæmone. Hinc illi mares vel feminae peccant mortaliter post seriam admonitionem, qui dolore oculorum, capitis, &c. Siue hominū, siue pecudū pecorumuè sanant vanis suis orationibus, signationibus, mēsuracionibus (non includo hīc noscentes virtutem herbarum, illasq; per modum medicinae, siue lauacro, siue alio modo applicantes) qui curant febres charutulis, qui cribrum vertunt cum nominibus Sanctorum,

Storum, vel caseo certis literis signato vti iubent, aut specula ex vitro, vel oleo cum fuligine misto inspiciunt, ad deprehendendum furem, qui excantant arma: vtuntur characteribus, &c. Addit Bresserus lib. de Consci. Qui adhibent imagines, Reliquias, signa crucis, preces: quibus supradictis certò confidunt se sanandos & euaturos pericula, pestem, idq; quamuis adiungantur medicinis, habent bus quidem aliquam sed incertam vim curandi. Prædicta tamen, ex deuotione portare licet, sed sine impertinentibus circumstantijs ac signaturis. Orationes autem si piæ sunt potius recitandæ.

Defendunt hîc aliqui suos errores per occultam sympathiam, aut antipathiam naturalem; verum id irritò conatu; cum nec ratione aliquâ, nec longâ certâ & vniuersali experientia physicâ id probare possunt: quare in dubijs ad peritos Physicos eosq; bonos Catholicos est recurrendum. Multò minùs ipsis suffragetur opinio ex peruerfa Philosophia quæ dicitur occulta, sumpta de familiaribus spiritibus, quasi à Deo in nostrum ministerium missis; à quibus aliquando isti miserimè suffocentur, & ad eos recurrentes damna maiora pro lucro, si quod aliquando reportant, referunt: insuper & excommunicationem maiorem incurrunt.



§. 5.

*De remedijs contra maleficia.*

## QVÆRES I.

*Quomodo maleficia sunt tollenda?*

**N**E maleficia maleficijs, quod aliquando inter-  
 rudes euenit tollantur; operæ pretium du-  
 xi aliqua hæc remedia pro dando consilio per  
 Sacerdotes hominibus maleficio afflictis appo-  
 nere. Maleficia igitur, præter illa quæ sunt per  
 puncturas imaginum, assationes certarum ma-  
 teriarum, percussiones sacerdotum, aliasq; per-  
 uersas actiones; vt plurimum quadruplicia in-  
 ueniuntur. Quædam enim absconduntur sub  
 liminibus, lectis, vel ipsis lectisternijs, vestibuss  
 aut in ijs locis in quibus homines, vel iumenta  
 solent morari; aut per illa transcendere, aliquan-  
 do abduntur in puteis, sub cacabis, cadis, ad  
 corrumpendam cereuisiam, crematum; Marti-  
 nus Delrio (cuiuslibrum sextum suadeo legen-  
 dum Sacerdotibus prout Iudicibus & quintum  
 Laymanis ac Tannensis de maleficis) recenset  
 quoddam exemplum de defosso in puteo malefi-  
 cio contra partum cuiusdam foeminae nè concip-  
 eret. Quædam dantur in cibo vel potu ab ipsis  
 maleficis, aut in somno operâ diaboli in homi-  
 nem ingeruntur. Quædam ex humore aliquo  
 aut liquore confecta; quædam deniq; ex pul-  
 ueribus venenatis asperguntur in ostia domo-  
 rum, in habitatioes, ac in ipsos homines, per  
 quæ

quæ dæmon juxta pactum cum sagis initum multa mala operatur, ac sensim magis magisq; suam malitiam radicat, vsq; ad totalem obsessi-  
onem, vel internecionem hominis, nisi tempesti-  
uè obuietur.

Nè tamen Parochus aut alius Sacerdos in his decipiatur, imprimis non facile credat, aliquem obsessam aut maleficiatum: nam potest alicuius caput aut corpus melancholiâ, dictâ hypocondriacâ, quam medici paruum dæmoni-  
um appellant, plicâ vulgò dictâ Gozdziec quæ ex aquis infectis, vel vitio natiuo parentum (præter facturam maleficam) aliouè noxiobu-  
more in stomacho fortius hærente, ipsumq; in-  
ficiante oritur: aut nimîâ sollicitudine, aut phantasiæ apprehensione, alioue morbo extra-  
ordinariò, attamen naturali, variari, contor-  
queri, affligi: præsertim in feminis propter ob-  
structionem menstruum etiam in primordijs, aut partûs cruditatem, &c. Potest aliquis per phantasiam minùs bene compositam, vel mor-  
bum acriorem multa exotica sibi imaginari, de-  
inde effutire, cum motu furioso, quæ rudes mi-  
rantur, illaq; tanquàm à dæmone obsidente ex-  
citata pertimescunt.

Deinde videat an appareant signa verà malefici (obsessionis enim facilius deprehenduntur) quæ hic ex Manuali exorcismorum appro-  
bato deprompta apponò.

1. Si periti medici non cognoscunt morbum vel malum, quò affligtus laborat, nec aliquid



certi de illa nōrint, vel possint iudicare, nec remedia conuenientia adhibere: vel si adhibita videantur non solum non prodesse, sed potius malum augere.

2. Quod morbus sit valde inconstans, & licet periodorum naturam referat, rarò tamen periodos seruet, & licet similis videatur naturalibus morbis, in multis tamen discrepet, vt potè quod instar naturalium morborum non crescat paulatim, sed statim ab initio nullis præexistētibz peccantibus humoribus, cum grauissimis symptomatibus & doloribus prodeat: quod ægotans emittat luctuosa suspiria absq; manifesta causa.

3. Solent præterea beneficio læsi habere oculos constrictos, totam cutem, præcipuè faciem, vt plurimum flauo, seu cinereo colore suffulam, humores desiccatos, & totius corporis extenuationem & extraordinariam maciem, virium imbecillitatem cum summo languore. Omnia membra videntur habere ligata & constricta, præsertim cor, & os: videntur sibi habere bolum in orificio stomachi, vel aliquid instar boli videtur in gutturo ascendere & descendere. Extraordinarias instar acuum puncturas sentiunt in corde, vel alijs partibus corporis. Aliquando cor illis quasi corroditur, & renes dilacerantur.

4. Solet instar venti frigidissimi, vel etiam flammæ per ventrem aliquibus discurrere cum torsionibus acerbissimis.

5. Solent aliqui ad Venerem reddi impotentes præter naturam.

6. Maleficiati vt plurimum præter naturam toto corpore extraordinariè extenuantur, & debilitantur cum summo languore, & mentis stupiditate, & varijs melancholicis delirijs. Laborant etiam diuersis februm generibus, medicis multum negotij exhibentibus: habent conuulsiones ita vt epileptici videantur. Aliquando omnes corporis partes tumescunt, aut talem circa corpus sentiunt lassitudinem, vt vix se mouere possint.

7. Veneficio affecti sæpè faciem Sacerdotis vix aspicere valent, oculis saltem intentis, & albam oculorum varijs modis illis immutatur.

Prudenter & discretè Exorcista desumat indicium veneficij ex signo quod quidam tradunt; nimirum quod quando venefica ad viuendum ægrotum accedit, statim infirmum ingenti molestia afficit, terrore & tremore corripit: si puer sit, statim plorare, oculosuè ad fuscum colorem mutare, vel alias mutationes in ægrotis obseruari. Si quando Sacerdos illa signa aduertit, cauebit illa indicare parentibus, aut amicis, aut assistentibus, nè hinc det occasionem in læ suspensionis, rixæ, odij, aut aliorum incommodorum: ipse autem pro discretionem suam illis poterit vti in bonum suum finem.

Licet præter prædicta signa sumpta ab effectu, & alia considerare sumenda, à causâ morbi vel mali inflati, vt si morbus, vel malum experit ex intensissimo alicuius amore, vel magno vel iniquo odio: si præcedentibus maledictis



vel minis alicuius suspecti de maleficio subito oriatur; si instrumenta maleficij inueniantur.

Aduertat autem Exorcista, non fore necessarium, vt omnia hæc signa in ægro inueniantur; sed sufficere si aliqua pro diuersitate morbi seu maleficij concurrant, quæ moralem aliquam certitudinem vel magnam probabilitatem dant. Maximè attendet ad iudicium medicorum qui licet absolute non iudicent malum esse à maleficio; si tamen de eo dubitent, hæsitent & ambigui animo huc & illuc agitentur, nec quicquam certi de illo norint, vel audeant proferre: in remedijs applicandis variant, & nihil solaminis adferant: signum erit esse veneficium operâ dæmonum illatum, modo latent concurrant alia signa superius posita.

Licet Exorcistæ fuerit moraliter certum, aliquem morbum esse à maleficio, vel quempiam esse obsessum non ideò reijcere debet medicamenta naturalia, vel illa dissuadere; sed dando primas spiritualibus remedijs, procurabit etiam, vt affictus subinde ex præscripto medici vtatur huiusmodi medicinis, quæ corpus eius possunt reddere minus aptum vexationibus dæmonum: nam licet nulla sit naturalis rei corporeæ vis, quæ dæmoni possit præualere, aut directe in illud aliquid agere, teste Sacrà Scripturâ Iob. 41. indirectè tamen & mediatè naturalia possunt iuuare contra eius conatus, impediendo vel auferendo eius dispositiones illas, quibus dæmon dele-

delectatur, vel utitur ad nocumentum juxta  
Lyrā. in 1. Reg. 16. Huiusmodi tamen reme-  
dijs naturalibus nullo modo se intromiscebit  
Exorcista, sed illa committet peritis medicis, sed  
bonum erit ut antequam applicentur vel suman-  
tur, prius benedicantur ab Exorcista, vel alio  
Sacerdote, juxta illud Adriani Papæ 1. Elemen-  
ta quoq; tam ea quæ prædiximus, quàm cætera  
diuinis apta vsibus, & humanis necessaria in-  
firmitatibus Sacratè, infirmos curate, & cætera  
quæ ad vos pertinent diligenter perficite. Bene-  
enim aduertit Sanchez lib. 2. Mor. cap. 24. Ma-  
leficiatos per solos Exorcismos rarò curari:  
nam idem experienciâ constat.

Si ergo rationalis suspicio de absconditis  
maleficijs subintrat, ipsa in illis locis supra no-  
minatis inquirantur, inuenta statim ne noceant,  
aquâ benedictâ aspergantur, & extra domum,  
vel in quopiam loco separato à rebus utensili-  
bus nè fumò illò inficiantur in vase aliquo (nam  
in terra nuda ob eius frigiditatem non possunt  
conlumi) cum recitatione orationis Dominicæ,  
salutationis Angelicæ & Symboli, cum aspersi-  
one aquæ lustralis, ubi non adest Exorcista,  
comburantur, reliquum in luto subterretur,  
nè inde aliqua malefica quidpiam recipiat.  
Hanc destructionem instrumentorum passim  
moderni Doctores approbant. Quisq; enim  
(Bassæus V. Malef. n. 5.) habet jus tollendi &  
destruendi ligaturas, nodos, volumina capillo-  
rum, & alia signa malefica posita à maleficis eo.



sine, vt Diabolus desinat nocere; etiamsi ex ablacione signi malefici aliquod damnum malefico, aut alteri sequatur; eò quod ita dæmon pactum inierit cum ipso malefico; quia ex parte tollentis hæc signa nulla intercedit dæmonis inuocatio vel cooperatio. Imò vt docet Lessius lib. 2. cap. 34. dub. 6. licet illa ponere, quibus positis expirat vel destruitur pactum prius; & diabolus desinit nocere; vel certe priora signa vim suam amittunt.

Hinc resoluantur hi casus quotidiani. 1. Si Saga te tangit vt inficiaris, & percutiendo impediatur nocumentum, id tibi licitum erit; siue quia dæmon statuerit tunc non nocere, siue quia tunc signum veneficæ non est tale, quale ipse requirit. 2. Dum quis est infectus à Saga, dicitur cessare nocumentum, vel reddi inefficax, si infectus det illi panem & salem, vel ab illa panem accipiat; id si verum est, licitum erit: quia cum forte statuerit diabolus his positis non nocere, mihi licitum est aliquid facere, quod sit indifferens, vt eius pactum expiret. Hæc Lessius in particulari, hos casus per modum exempli posuit. Vide plura exempla multum pro praxi conducentia in lib. 6. Martini Delr. Disquisit. Magicarum.

Potes quomodo cognosci possunt loca in quibus maleficia sunt abscondita? *Resp.* Ipse maleficiat s obseruet in quo maximè loco maleficijs affligitur. v. g. Si in suis stratinis nullatenus potest quiescere, & potest sine dolore in alienis; si  
in sua

in sua domo semper ægrotat, & extra fit sanus, &c. Rem breuiter de tali casu, cui præsens aderam assero. Per inuidiam quædam procuratrix alodij Claromontani, subordinauerat Sagam contra sibi in illo officio successorem, vt ipsam impotentem cum suo marito ad omnia faceret, vnde hæc denuo reciperetur. Facturam malam pessimus effectus est consecutus: nam tres dæmones hanc possederunt, ac se per maleficia ingressos, edixerunt, quartum autem dæmonem in ipsa domo expectare tempus quò maritum suum obsidere posset. DEI gratiâ, tres illi datis signis per exorcismos expulsi, quartus domi terrores nocturnos excitabat. Vnde domus debuit benedici, & exorcisari; sub tempus exorcismorum illa in qua adhuc maleficia hærebant, orabat Canticum D. Virginis. *Magnificat*; cum cerco Sacro, cumq; peruenisset ad cornu mensæ vbi ordinariè solebat sedere, cepit repente vociferari, indicareq; se in illo loco graui dolore concussam. Vnde suspicio suborta statim est, nè aliquid ex instrumentis genialibus lateret; vnde in illo spatium terra effusa, vbi terræ exhalationis materia est inuenta, post cum aqua & igne benedictis combusta.

Si autem maleficia sumpta fuerint in cibo, vel potu; contra illa sunt adhuc benedictiones medicinarum, vide Thesaurum Exorcismorum, cum Exorcismis, nè dæmon virtutem illarum impediat; quæ in defectu libri exorcismalis possunt benedici ad instar aquæ; mutato vocabulo aquarum in



nomen elementorum prout habetur in cit. Manuali; hæc autem pharmaca medicus; vel in villis aliquis probatæ experientiæ præparet. Noui quendam nobilem qui sanctè assueverat se ad quinq; millia florenorum polonicorum pro recuperanda valetudine expendisse, sine vlllo profectu sanitatis, tandem cum deprehendisset, ex maleficio illum morbum sibi accidisse, sumptis benedictis medicamentis, & adhibitis exorcismis per duas hebdomadas sanitatem integram adeptus est.

Contra maleficiū ex liquore vel puluere confectum, adhibendum esse lauacrum ex herbis benedictis, vel sale exorcisato tempore congruo; juxta qualitatem complexionis personæ, prout prudentes judicauerint: Item si sint maculæ aut signaturæ; ad illas delendas vtendum est vnguento v. g. in villis ex farina albi synapis cum melle viscoso & cremato misto, cui saltē aqua benedicta vel sal exorcisatum addatur; post vnctionem, & lauacrum signaturæ, loca oleo benedictō inungantur.

Maleficiū quoq; quod in liminibus domorum per puluerem constituitur, ex quo illud transgrediens acerrimō dolore ad grauem defectum, vel mortem contorquetur; potest tolli in patiente per lauacrum ex herbis vel saltē sale benedictō paratum, & per vsum olei benedicti tam in sumptione, quàm in vnctione. Si necessarium fuerit poterunt prædicta aliquoties iterari, præsertim dum sunt maleficia inueterata.

terata. Fores, limina, vel aliqua pars domus aliquo modo ex supradictis vitiata radatur, & illæ rasuræ cum consperſione aquæ benedictæ, in loco remoto ab utensilibus comburantur, postea partes rasæ herbis benedictis lauentur, oleo benedicto vngantur, loca in quibus maleficia deliteſcebant, sale vel aqua benedicta muniuntur, & si videbitur terra recentj impleantur. Hæc proportionaliter accomodentur ad destruendas facturas circa cereuiſiam, crematum, &c. Vt illa lustrantur, aquâ benedictâ vasâ benedictis herbis lauentur, &c.

Generaliter loquendo doceantur isti miseri, magnificare res ab Ecclesia benedictas, illasq; adhibere, vti sunt sal, aqua, herbæ, thus, frondes palmarum, oleum oliuarum ( cuius benedicti formula habetur in Rituali Romano ) cerei Sacri, cera paschalis, seu grana S. S. bathi: nam non ob alium finem ista benedicuntur, nisi vt per illa tollatur omnis immunditia, omnis potestas aduersarij, prout in formulis benedictionum clarè apparet, & non recurrant ad Magos aut Sagas, nè fiant istis mediantibus discipuli, amici aut subditi diaboli. Nam si ille permissu dinigò per illos aliquid boni istis fecerit; licet ignorent illud esse beneficium diaboli: nihilominus ille aditum & quodammodo ius ad eos acquirit; cuius rei vtinam nunquam exempla habuissemus. Profecto eligibilia esse verbera, quàm beneficia à diabolo præstita, probant historię Ecclesiasticæ.

Vnde S. Leo  
Serm.



Serm. 19. de passione dicit beneficia diaboli esse nocentiora vulneribus, & Less 1b. 2. cap. 42. dub. 13. n. 71. Omne diaboli beneficium ait esse maleficium.

Deniq; magnam habent vim ad depellenda vel saltē allevianda maleficia exorcismi Ecclesiæ. In defectu approbati Exorcistæ, dū superuenit aliqua gravis necessitas, meo iudicio sufficeret ille solus Exorcismus qui in Agendis nostræ Prouinciæ, contra maleficia cum suis documentis habetur; si aliquoties inter psalmos graduales, aut inter horas officij D. Virginis supra patientem, vel afflicta pecora insimul congregata repetatur. Indubio autem an sit maleficium, Exorcismi debent primò proferri priuatim sub conditione, ac per modum deprecationis ad Deum, vt ipse per inuocationem nominis sui benedicat recurrentibus ad se: nam exorcizare nihil aliud est, quàm increpare & imperare dæmoni nomine DEI; vnde exorcisatio similis est iuramento, quod debet non temerè fieri. Charitatiui Parochi poterunt per supradicta multis rudium abusibus obuiare & multa mala non tantum animæ, sed etiam corporis impedire, Deo adiuuante & suos defectus supplente. Exorcismos supra obsessos ex maleficijs non ausim supra tres horas continuas facere, nè natura per eiectionem maleficiorum violentam; grauiter cum periculo mortis lædatur.

QVÆ.

## QVÆRES II.

*Quid consilij contra philtrea amatoria.*

**R**esp. Cum Manuali. Curabit curam animarum gerens, ut huiusmodi afflictio, vel afflictæ tempestivè applicentur remedia, tam naturalia, quam spiritualia. Naturalia ut per medicinas refrigerantes & imminuentes ardorem libidinis, & per expellentes, sumptum venenum tollant, vel imminuant. Spiritualia, quæ carnem macerant, & doment: qualia etiam sunt vitatio conspectus rei amatæ, occupatio mentis in curis grauioribus & pijs, lectio honorum librorum, cogitatio mortis, iudicii & inferni contemplatio, vilitatis corporis humani, quid fuerit ante animationem; quid nunc sit, sublatâ cutis tenuissimæ pelliculâ, quid cum anima recedet, futurum: meditatio deniq; passionis & mortis Domini nostri, & alia quæ mentem ægotantis auertere à nefario amore possint, & inducere possint sanctum feruorem erga DEVM.

Suadebit ei etiam frequentem vsum Sacramentorum, Confessionis, & Sacramenti Altaris, aliaque pia opera.

## QVÆRES III.

*Quid contra Incubos?*

**R**esp. Dæmones incubos & succubos hominibus infestos ex D. Aug. lib. 15. de ciu. Cap. 23. & alijs Patribus cognoscimus, illosq; esse ex numero eorum, qui in isto aëre caliginoso propter exercitium nostrum versantur. Hinc illa fabulæ

quæ



quæ inter vulgus fertur; quasi incubus nascatur ex fœmina gravida mortua sepulta, & de sepulchro exeat baptismum requirens, quem si non obtineat, transuolat in aëra, &c. omnino exterminanda est. Hæc enim aliquando dæmon vsus, decepit quandam fœminam, cuius animum viderat contra suam dominam valde exarcebatur, indeque persuasit fingens se ipsius modo supra dicto cognatum, ut ipsam grauissimis maleficijs inficeret suam injuriam ultura; quod ipsa illo dæmone cooperante strenuè effecit, postea capta, pœnas promeritas exoluit. Verùm tamen non faciliè in similibus omnibus fides adhibenda, præcipuè fœmineo sexui, mirabilium formarum in imaginatione susceptiuo. Proinde Exorcista vel curam animarum habens, examinabit hæc prudenter cum Medicis & Theologis peritioribus. Si constet probabiliter aliquem dicto modo vexari, contra voluntatem suam, adhibebit remedia & Exorcismos. Confiteatur Sacramentaliter frequenter summâ quâ poterit animi contritione, præmuniat se Sacramentum communionis, in precibus sit assiduus: inter omnes preces sæpius legat Orationem Dominicam & salutationem Angelicam, his enim multos ab hac vexatione liberatos constat varijs exemplis. Alia deniq; adhibeat, quæ superius præscripta sunt contra ligaturas, philtrea, &c.

Volunt aliqui loci mutationem contra hoc malum aliquid posse: sed potius dormitorium & lectus afflictæ sæpè benedicenda ordinarijs  
Eccles-

Ecclesiæ benedictionibus, & rebus benedictis  
suffumiganda. Videat etiam prudens Exorci-  
sta, utrum hæc afflictio non infligatur à Deo  
aliquando feminis, ob nimiam curiositatem in  
vestibus, ornatu crinium, & similibus, quibus  
non contentæ, naturali suâ pulchritudine, vari-  
is fucis & medijs student alicere viros in sua-  
morem. Quod fit Deo permittente, ut fiant  
ludibrio dæmonibus, quæ nimium gloriantur in  
suâ pulchritudine. Tales adducendæ ad com-  
punctionem peccatorum suorum, & emenda-  
tionem vitæ, quæ in posterum ab huiusmodi la-  
queis abstineant, & se componant ad mode-  
stiam, humilitatem, & verecundiam decentem.  
Simili modo agendum est, cum ijs qui se dæ-  
moni siue per syngraphas, siue alio modo de-  
uouent, eiusque operâ vtuntur; ut isti statim  
acveniunt ad Sacerdotem abrenuntient diabo-  
lo, per contritionem sinceram CHRISTO se  
subiciant, & alia præstent quæ sunt posita de  
formalibus maleficis. Consultissimum est ut  
huiusmodi maneant per aliquot tempus penes  
timoratas personas, vel in aliquo Monasterio.

#### QVÆRES IV.

*Quid cum terroribus nocturnis agendum?*

**R***esp.* Hos aliquando vel ab insolentibus ho-  
minibus vtriusque sexûs, per certas astutias  
fieri, etiam cum damno domesticorum, vel à  
dæmone per cooperationem alicuius personæ,  
quæ vel cum incubo, vel alio malo spiritu ha-  
bet fa-



bet familiaritatem, excitari. Quare præmatu-  
 est res consideranda; & si tales personæ depre-  
 hensus fuerint, vel puniantur, vel expediantur.  
 Si autem à solis spiritibus terriculamenta cau-  
 santur, præmissis jeunijs, orationibus, sacro mis-  
 sæ officio, adhibitisq; cereis Sacris, Agno DEI,  
 cerâ paschali, suffitu benedicto, aquâ lustrali, pal-  
 mis, instauretur exorcisatio, in eum modum  
 quem fecit P. Ioannes Gobi Ord. Præd. prout  
 habetur in prima decade quæstionum peregrino-  
 rum q. 2. Cap. 4. Is enim vocatus in quandam  
 domum, in qua anima purgatorij noctu pœnas  
 lugebat, post crepusculum vespertinum cum so-  
 cijs officium Defunctorum recitabat, post itre-  
 pitu exurgente ita orsus est. *In nomine Patris &  
 Filij & Spiritus Sancti adiuro te creatura DEI,  
 per potentiam DEI infinitam, per eius sapientiam  
 ineffabilem, per eius bonitatem indicibilem, per vir-  
 tutem Sanctissime Trinitatis, quibus omnia crea-  
 uit, per mysterium Sanctæ Incarnationis, Passionis,  
 & Resurrectionis Domini Nostri IESU CHRI-  
 STI, per virtutem omnium ordinum Sanctorum,  
 Angelorum, & per omne illud quod DEI virtute  
 te potest plus asstringere, constringo & astringo, nè  
 recedas de loco hoc, ad ea de quibus te interroga-  
 uero veraciter responsura. Vbi primò quæsiuit an  
 esset Spiritus bonus vel malus? quis esset? quid  
 vellet? &c. Quibus cognitis illam animam di-  
 misit, & pro illa quæ petebat facienda deman-  
 dauit, vbi amplius illa infestatio non est audita.*

Illā

Illā quoq; fabula, quæ inter plebem in aliquibus locis spargitur, quasi mors tempore pestis, plateas aut compita viarum obambulet, est per Sacerdotes si quando deprehenditur comprimenda, idq; potissimum propter pericula furtorum, vel homicidij, aut grandiores perturbationes, quæ ex ipsa oriri solent: Mors enim nil aliud est quàm separatio animæ à corpore. Quod si aliquando istiusmodi spectra tempore pestis appareant, illa non sunt mors sed immisiones per Angelos malos in pœnam peccati factæ, de quibus scribit Baronius sub Anno D. 544.

QVÆRES V.

*Quis modus Exorcisandi circa animalia per maleficia afflictā?*

**I**nprimis attendendum, an fortè ex causis naturalibus animalia ægrotent, vt potè ex deuoratis araneis sese pabulo ingerentibus, aut aliorum venenatorum, animalculorum morsu, ex aere præ stabulorum immunditia vitiato, à bufonibus alijsnè serpentibus, qui sæpè dum lac exugunt vbera lædunt.

In iuuandis brutis animalibus maleficiatis, procedet Exorcista, exhortando inprimis patrem & matrem familias omnesq; domesticos ad seriam pœnitentiam & vitæ emendationem, vt cum verâ cordis humilitate & Spiritûs contritione ad DEVM conuersi agnoscant damna hæc ipsis immitti, à bono iustoque DEO propter peccata, inter quæ numeranda sunt iuramenta,

& ex-



& execrationes animalium, ad correctionem & probationem ipsorum.

Quocirca peccatorum suorum per bonam & salutarem coram Sacerdote confessionem, à DEI misericordia veniam implorantes, meliora serò proponant: & sic in statu gratiæ constituti, in DEI clementia fiduciam omnem collocent; parati se Diuinæ voluntati, quidquid ei placuerit, conformare.

A superstitionibus alijsq; diaboli, & ministrorum eius hominum impostero fraudibus cauebunt, scientes ab Ecclesia vetari omnia illa quæ non sunt instituta à DEO, vel ab Ecclesia ad consequendos effectus supernaturales. Unde in colligendis herbis pro alimento bestiarum nullas adhibebunt circumstantias vanas, & ad rem non facientes, sed legent Orationem Dominicam, Salutationem Angelicam, vel Symbolum fidei; expectantes subsidium à DEI misericordia, quâ illos exandiet suo tempore. Et quia Ecclesia pia & sollicita mater, etiam exorcismis & adiurationibus secundum potestatem sibi à DEO factam, diaboli conatus & insidias repellere studet, & creaturas humanis necessitatibus destinatas non modo in naturalem; sed etiam in salutarem usum per orationes ac benedictiones sibi iterum asserat & benedicat; prout videre licet in benedictione salis, aquæ, & similibus rerum, quæ in sacrationem usum, ab Ecclesia assumuntur, iuxta doctrinam Apostoli dicentis, omnem creaturam bonam esse, & sanctificatam.

ificari per verbum DEI & orationem, licet etiam hanc sanctificationem extendere ad pecora & eorum pabula, quæ quidem quoad præfens attinent, in hoc posita est, ut ad conuenientem & salutarem vsum, repurgentur à diaboli fraudibus & nocumentis, nè (quod scriptura ait) creaturæ quæ ad commoditatem homini subseruiunt, per insipientiam fiant decipulæ & captionis laquei.

Formulas Exorcismorum & benedictionum, nullus Sacerdotum & Exorcistarum uti præsumat, sed illas retineat quæ ab Ecclesia in vsum receptæ sunt, & à veteribus vsitatæ: non tantum ut tutiores simus à superstitionibus & erroribus alijs; sed etiam quia efficacior est oratio nostra, quando cum Ecclesiæ precibus viuaciter coniungitur. Ad quam rem confert etiam, ipsa verba ab Ecclesia vsitata, in quantum fieri potest retinere. Hoc negotium potius consistit in confidentia ad DEVM, charitate & perseverantiâ orandi, exorcisandi, quàm in nouis exorcismis.

Quæ iam generaliter dicta sunt, ad particulares vsus facile applicari possunt pro loco & rerum occurrentium necessitate. Sed (ut diximus) præcipua cura esse debet de apparatu, hoc est, ut per veram pænitentiam ad DEVM ex corde conuertantur, qui in afflictione remedia quærunt. Hoc autem dicitur potissimum, propter formularios illos, qui diuersas agendi formulas conquirunt; & si per vnam non succe-



dit, subinde aliam atq; aliam adhibent: tantumquam sic in forma agendi principalis virtus collocanda esset, cum multo maior sollicitudo esse debeat de pietate & præparatione ad orandum, quam de forma agendi.

Absq; scrupulo in omnibus ( modò nihil admisceant superstitionis ) uti possunt aquâ benedictâ, sale & pane benedictos, ramos palmarum ab Ecclesia benedictos suspendant in domibus & stabulis suis, cereum benedictum in die Purificationis accendant, & in locis infestatis collocent, & similia approbata remedia adhibeant, quorum effectus & vis à D E O est, & expectatur per preces Ecclesiæ fusas in hunc finem.

Hâc breuiter instructione, Exorcista ibit ad stabulum & locum ubi sunt animalia afflicta, dispicietq; nè fortè sint aliqua maleficij signa sub limine abscondita, aut terræ infossa, vel in medio stabuli ad præsepia, eaq; auferri curabit. Quæ cautio nonnullis qui totius stabuli terram ad aliquam altitudinem effoderunt, optimè cessit. Deinde omnibus domesticis ad orationem inuitatis, ipsum stabulum & animalia aquâ benedictâ asperget. Postea leget clarâ voce, flexis genibus, si commodè possit, Litanias Sanctorum. Exorcismos vel saltèm illum qui ponitur in Agendis repetendo prout iam dictum est.

Si autem saluis iumentis existentibus lac, butyrum, aliæue res per incantationes inuisibiliter auferuntur: quærantur maleficia sub limine per totum spatium incipiendo à subliminari-  
bus

bus ( nam contra oues quia penes illa intrant  
ibi abscondi solent ) ante & post ingressum :  
ipsa pecora exorciscentur, suffumigentur, oleo  
benedicto circa vbera iubeantur inungi, cum id  
non tantum contra morbos ; sed etiam contra  
facturas diaboli benedicatur.

Optimum etiam medium est ad comprimen-  
da maleficia, vt quotiès alicubi siue circa homi-  
nes, siue circa pecora manifesta apparebunt ; fi-  
at inquisitio à Domino loci, aut eius factore,  
aut villico, qui primò habeat breuem sermo-  
nem ad conuocatos vtriùsq; sexus subditos ;  
de manifestatis maleficijs, de graui offensa D*e*i  
quæ sit per maleficia, de periculo damnorum,  
&c. Vnde nè vltteriùs malum serpat, veraciter  
edicant si aliquam de veneficijs vel alijs quæ su-  
perstitiones vsurpant, notitiam habeant ; v. g.  
Si aliqua personà sit quæ ossa mortuorum, ter-  
ram ex sepulchris, rorem ex alienis frumentis  
colligat : quæ signa passionis *CHRISTI* in  
campis erecta abradat, illa retrò circumeat,  
quæ pecorum in campos prodeuntium vesti-  
gia colligat, ad cuius domum pecora aliena  
impetuosè currunt, cornibus perunt, quæ gra-  
ues & frequentes maledictiones, dæmones in-  
uocando vsurpat, &c. Postea cum assessoribus  
duobus vel tribus, congregatos sigillatim aduo-  
cent, & ab alijs, relata annotet ; tandem ex al-  
legatis & probatis maiorem vel minorem fusti-  
gationem infligat, atq; seriò seuerèq; commi-



netur, nisi ab his malis desistant, mortem. Hic modus alicubi optimè successit; nam exorcismi, aliaq; remedia non proficiunt perfectè, quando malefica iteratis vicibus sua nocumenta immittit, aut sublata renouat; illum abusum Parochi alijq; Sacerdotes omnibus modis current exterminandum, quo Domini aliqui, aut Iudices ex denuntiatione vnius personæ, sine sufficientibus signis, aut iustis probationibus tradunt denuntiatus ad torturas.

## QVÆRES VI.

*An sit licita probatio per aquam quâ aliqui in maleficis indagantibus vtuntur. E. g. dum quas indice fama, vel aliarum depositione, aut aliquo signo suspectas habent; eas statim absq; ulteriore inquisitione capiunt, captasq; extra ciuitatem aut pagos deducunt, & in aquam frigidam ita conijciunt; ut dextra manus sinistro pedi, sinistra verò dextro pedis sit alligata; & si supernatat, veneficas vehementius suspicantur, & id circò duriori subiiciunt questioni, sin. submergantur, innocentes esse credunt: queritur ergo an licite istud fiat?*

**R** *Esp.* Martinus Delrio Disquis. Mag. l. 4. cap. 4. q. 4. negatiuè quam doctrinam solidis rationibus cum sufficienti solutione obiectorum stabilit; præcipuas autem ponit; tentationem DEI, & pactum cum dæmone tacitum. Deinde quia

de quia ista proba est incerta; possunt enim veræ veneficæ ex nouo pacto dæmonis demergi; possunt aliquas innocentes maleficio tali inficere, vt supernatent. Item possunt esse aliquæ huius sceleris immunes, talis complexionis, vel ita leues reddi vt aliquando accidit lunaticis; vt non faciliè submergantur: prout etiam de effæctis mulieribus dicitur, quod non citò aquis obruantur: quo argumento quædam in Cuiasua se non ineptè defendit: sicut (inquit) gallina quàm diu oua parit, tam diu multum grauitat; aliàs post leuior redditur; ita vos dum me senem fœminam, marcidam, exsuccam aduertitis; inde conijcite quantum possum grauitare, vt faciliè in aquas deprimar, tam gracili complexione? Deniq; quia iste actus fit quandoque contra honestatem naturalem, & quod maius est, cum periculo iniuriosæ infamationis.

**QVÆRES VII.***Quid de Lycantropis.*

**R**esp. Si ex vitio excedentis melancholiæ, aut laxæ phantasie, aliquis se putat esse lupum & efferascit; medicinis est curandus. Si ex maleficijs; exorcismis, & rebus ab Ecclesia benedictis muniendus. Si se talem ob lucrum aliquod fingit (vt aliquando in villis accidit) vel per artem Magicam sese in lupi figura exhibet, ac nocet, deprehensus grauius puniatur. Possunt enim dæmones (Less. lib. 2. Cap. 44. de Mag. dub. 3, n. 19.) corpora animalium & ho-



minum transformare; non quidem intrinsecè figuram mutando, sed extrinsecus ex vaporibus aliam circumponendo. Sic aliqui operà dæmonis aliquando conuertuntur in speciem lupi, & dicuntur Lycandropi, quasi dicas lupi hominēs: accomodant enim se ad speciem bestię, quantum possunt, manibus & pedibus incedendo: & diabolus adijcit reliqua, circumposita alia figura, ita vt speciem lupi exactè referant: deinde ingreditur, mutat phantasiam & animum, ferinum inducit, quod ei perfacile est, commotis humoribus & venenatis succis adhibitis, deniq; agilitate lupina corpus regit, hinc fit, vt tales inuadant, lacerent, & deuorent homines, vt veri lupi solent. Potest etiam veram, bestiam (homine repentinè sublatò) substituere, ita vt ipse homo oculorum iudicio videatur in lupum conuersus: quomodo D. Aug. lib. 18. de ciuit. Cap. 18. docet. Socios Diomedis conuersos fuisse in aues; & Iphigeniam in ceruam. Simili modo credibile est virgas Magorum conuersas fuisse in serpentes: non enim diabolus causas naturales virgis applicando poterat tam breui tempore, ex materia tam dissimili veros serpentes efficere. Potest etiam homine confopito, ipsemet formam bestię assumere, & in eo varia ministeria subire, & interim per alium dæmonem efficere, vt ille homo dormiens videatur sibi in bestiam mutatus; hæc omnia præstare. Hoc modo D. Aug. loco citato pu-

tat socios Vlyſſis mutatos à Cyrce venefica in  
porcos: & alios quosdam ſuo tempore, vene-  
ro in caſeo accepto à fæminis ſtabularijs con-  
uerſos in iumenta, quæ onera geſtabant, quam-  
diu illæ volebant, & poſtea videbantur ſibi in  
formam humanam reuerti. Deniq; poteſt hanc  
mutationem facere nudò præſtigio, ſicut enim  
melancholici & phrenetici videntur ſibi mira  
exterius videre, cum tantum ſint interius, ex  
qualitate & commotione humoris; ita etiam  
operâ dæmonis fieri poteſt, vt mira exterius vi-  
deantur vel audiantur ſolâ humorum agitati-  
one & infectione, hâc ratione poteſt exhibere  
palatia, vrbes, exercitus, flumina, incendia,  
tempeſtates, fulmina, tonitrua & ſimilia. Hæc  
pauca pro Parochis quibus aliquando in villis  
aut oppidis caſus præfati Parochianorum oc-  
currunt, vt tempeſtiue malis occurrant, dicta  
eſſe velim: nam pro illis qui ex proſſo in cu-  
randis energumenis operam ſuam nauant, datur  
cautela in Rituali Romano, vt præter illa quæ  
in ipſo ponuntur, plura ex probatis Authoribus  
vti eſt ſextus lib. Martini Delrio, Tyraus, Com-  
pendium Maleficarum, Theſaurus Exorcismo-  
rum, &c. diſcant, ideoq; in ſynodo Prouinciali  
Varſauienſi Anno Domini 1646. illa inhibito  
conſultiffime poſita eſt Ne quiſquam Sacer-  
dotum aut Clericorum tam Sæcularium, quàm  
Regularium, exorcismis paſſim ſuper eos qui à  
dæmonibus obſeſſi aut maleficiati eſſe putan-  
tur, abſq; licentiâ ordinarij in ſcriptis obtenta



utatur. Summâ enim prudentiâ & speciali dono DEI præditum esse oportet illum, qui hoc certamen contra istos malignos spiritus suscipit.

### QVÆRES VIII.

*Quid faciet Confessarius cum illo penitente qui venerabile Sacramentum sub cute sui corporis insertum gestat?*

**R**esp. Illas Sacras species nouacula, vel cultro benè exacuato in priuato, scitè excindat vulnus medulla panis obuoluat, & ad Chirurgum mittat, vel si hic desit, lardò aliquantisper in aqua donec sal extrahatur madefactò, vel emplastrò ex pice & adipe confectò, floccis ex mundo Strophiole derasis (vti fit in villis) quàm diu ipsemet pœnitens opus fuerit renouatis, vulnus illud sibi sanari procuret. Sacerdos autem illas Sacras species, in aliquo honesto strophiole inciborio reponit.

### QVÆRES IX.

*Qualiter rudes instituendi sunt in vita Christiana?*

**I**N hoc etiam crassus error & magnus abusus apud quosdam inualuit; qui ad nullum perfectum in Christiana pietate faciendum se obligari putantes, eo tantum die, quo Sacram communionem percipiunt, à peccatis vtcunq; abstinent; postea verò ex inueterata consuetudine, quàm dediscere nullatenus volunt, tanquam

quàm canes ad vomitum, ad diras maledictiones, ebrietates, furta, &c. redeunt. Porro scriptum est: facite dignos fructus pœnitentiæ: vera pœnitentia est commissa deslere, & plangenda non admittere; vnde talibus seriò inculcandum est, vt non agant vitam gentium, aut in his rebus terrenis affectus nimium defixos teneant; verùm vt fideles sint CHRISTO suo cui se pro seruis & discipulis in baptismo desponderunt, quod diabolo & pompis, & operibus eius abrenunciârunt, quòd sola fides non saluet, sed magis charitas per quam abnegantes omnem impietatem & secularia desideria, sobriam seu temperatam quoad se, quoad proximos iustam, quoad DEVM piam traducant vitam, sintq; sectatores bonorum operum, per ieiunia, orationes, eleémosinas seu opera misericordiæ, spiritualia & corporalia; quisq; pro possibilitate sua, in miserijs huius vitæ expectantes beatam spem. Hanc pietatem Christianam vt in praxim promptius deducant, faciliè illos Parochus docebit, & oratione Dominica, Symbolo Apostolico, de quo infra.

Actus contritionis si non quotidie, saltè diebus Dominicis dum dicitur confessio communis post concionem cum proposito emendandæ vitæ eliciant, suos labores non more bouum, equorum, vel paganorum, sed Christiano modo principaliter dirigant, ad satisfaciendum voluntati DEI, qui constituit vt in sudore vultus sui vescantur pane suo. Cætera il-



los doceat ex Apostolo ad Colos. 3. Obedire Dominis carnalibus cum timore & tremore, in simplicitate cordis sui: non ad oculum seruientes, quasi hominibus placentes, sed ut serui Christi facientes voluntatem DEI ex animo: cum bona voluntate seruientes, sicut Domino & non hominibus: scientes quod unusquisque quod fecerit bonum, hoc recipiet a Domino siue seruus, siue liber. Eodem spectat quod ad Titum 2. præscribit, seruos Dominis suis, subditos esse in omnibus placentes, non contradicentes, non fraudantes sed in omnibus fidem bonam ostendentes, ut doctrinam Saluatoris nostri DEI ornent in omnibus.

Per hanc patientiam laborum, pia crebraque ad DEVM suspiria, (quæ labores minimè impediunt) ac per probitatem vitæ multos idiotas in historijs Ecclesiasticis, in magnos Sanctos euasisse legimus. Dominus DEVS enim omnibus qui illum non in sublimioribus humanæ sapientiæ conceptibus, sed in spiritu & veritate, in spiritu humilitatis & animo contrito inuocant, dat suas gratias, prout cuique videt competere, affluenter.

## C A P V T II.

### De Confessione Sacramentali

Puerorum.

### Q V Æ R E S. I.

*Qualiter in rebus fidei instruendi sunt pueri?*

**R**espondeo: ut fructuose instruantur, cum ipsis exemplo

exemplo Saluatoris qui libenter paruulos ad se admittebat, benignè & suauiter Sacerdotibus est agendum, nè aliquò gestu acerbo territi, doctrinam eorum minùs prompto animo recipiant, & diffidentiam in confessionibus cum periculo reticentiæ contra illos assumant. Vnde ille mos, quò puerulis terror Sacerdotum aut Monachorum incutitur, est reprehendendus; cum illa ætas tenacissima fiat eorum quæ in sua ruditate semel fortiter apprehendit. Porro in villis est miserabilis, horum quoad Spiritum educatio, & ideo facti etiam adultiores nesciunt, quid sit DEVS, quid Angelus, quid anima; putant totum hominem in morte extinguì, totum in sepulchrum deponi, indequè passim secundum suos affectus belluinos viuunt. Et licet Orationem Dominicam recitent, nihilominus id faciunt more graculorum aut picarum, quæ nihil eorum quæ loquuntur intelligunt.

Quare hæc ipsorum ignorantia solam à Parochis vel Confessarijs (patentes enim ipsorum aut Socij rudes nihil in hoc valent) benignam informationem in rebus ad salutem necessarijs expectat; præcipuè dum primâ vice ad confessionem adducuntur: nam qualia prima fundamenta doctrinæ & pietatis, præsertim in præparatione ad penitentiam & Eucharistiæ Sacramentum jecerint, tale ædificium per totam vitam, vt plurimum, continuare solent. Non semel

depre-



deprehendi jam adultas fœminas se in confessionibus de inobedientiâ suis matribus non præstitâ accusâsse, quorum matres jam pridem mortuæ erant; cumq; interrogarentur, cur se huius peccati reas facerent: talem (inquirebant) formam confitendi edoctæ sumus. Sunt etiam aliqui pueri qui peccata, quæ in libris legunt, vel ab alijs audiunt, adferunt ad confessionem, quorum minimè conscij sunt; ideo per affabiles interrogationes & responsiones, illa documenta, quæ pro rudibus grandioris ætatis, suprà posita sunt, etiam istis proponenda cense-rem.

## QVÆRES II.

*Quid aget Confessarius cum pueris de quibus est dubium an habeat annos discretionis in ordine ad confessionem?*

**R***esp.* Quo tempore ad annos discretionis perueniant, non potest mathematicè definiri, sed relinquendum est iudicio prudentium: Pastorum & parentum; qui si viderint eos discernere bonum & malum, pudefieri de mendacio, de aliqua impudicitia commissa, laudare obedientiam, concludent illos ratione uti, quemcunq; annum ætatis attigerint. Proinde errant illi, qui existimant, pueros non peccare mortaliter, nec teneri præcepto confessionis, ante decimum annum; cum constet eos multò ante esse doli capaces, & habere discretionem boni & mali. In dubio verò an puer ha-  
beat

beat vsum rationis, præsumendum est habere, & esse obligatum confessionis præcepto, si impleuit septennium. Maximâ tamen hîc opus est prudentiâ Confessario, nam pueri multi etiam post septem, octo, & ampliùs annos, præsertim in villis minùs sunt capaces huius Sacramenti, & licet aliqua peccata adferant ad confessionem, fortè ex aliqua instructione parentum eos ad confessionem mittentium; tamen Sacramentum pœnitentiæ non apprehendunt, vnde aliqua dicentes per modum confessionis nugantur circa Rosarium suum, vel galerum, vel digitos, vel socios circumspiciunt, nec ita seriò se gerunt, vt videantur intelligere Sacramenti rationem. Proinde tales non sunt Sacramentaliter absoluedi, sed cum instructione & monitione aliqua & benedictione dimittendi. Licet enim peccata aliqua confitentes videantur dare materiam absolutionis, non est tamen sufficiens materia, nisi accedat saltèm attritio supernaturalis, de qua vix est apparentia in dictis pueris etiam post admonitionem, seriò rem non apprehendentibus. Si tamen probabilitatem aliquam habet Confessarius alicuius dispositionis, absoluat sub conditione saltem mente concepta. Si tu es capax ego te absoluo, &c.

Hæc Bassæus V. Confess. SS. §. 1. n. 4. Laudabile tamen est dicit Iacob. Marchan. Ref. Past. Tract. 5. n. 8. tunc eos adducere & mone-  
re parentes vt mittant, quia extunc asuescendi sunt huic Sacramento. Præter annuam con-

fessio-



fessionem etiam in articulo mortis tenentur pueri præcepto confessionis, in quo si dubium sit de usu rationis & aliquod peccatum confiteantur, debent absolui sub conditione; nam sic eligitur pars tutior pro salute animæ, & iniuria Sacramenti cessat per conditionem.

Insuper addo eum cit. Marchi. Siquis dum puer esset putarit aliquod peccatum tantum esse veniale, & ideo omisit confiteri, non tenetur repetere confessiones, sed tantum illud peccatum exprimere, quia ex imperfecto usu rationis non fuit nisi veniale licet ex natura sua foret mortale. Quod aduerte ob aliquas puellas vel matronas quæ torquentur, ob impudicos tactus aliquos in ætate quinque aut sex annorum & præ verecundia non audent confiteri; nam ob imperfectum iudicium, plerumq; non fuere hæc nisi venialia, & ideo non necessario confessioni subiicienda, nisi quod per erroneam conscientiam aliter iudicassent: quod dupliciter potest intelligi, primo cum v. g. aliquam impudentiam venialem putabat esse peccatum mortale tamen ipsam exercuit, vel si nullum aut veniale, postea sibi imaginabatur, grauissimum, & præ pudore illud reticebat in confessionibus, ex quo nullæ vel dubiæ in suo valore euaserunt.

### QVÆRES III.

*De quibus peccatis sunt interrogandi pueri?*

**R**esp. An sciât doctrinam Christianam? De  
men-

mendacijs, votis, Missa die festo, de inobedientia parentibus, præceptoribus, odijs, rixis, verberibus, inhonestis verbis, factis, lascivijs, damnis illatis, furti, &c. Prouerb. 28. *Qui subtrahit aliquid à patre suo & à matre, & dicit hoc non esse peccatum particeps homicidæ est.*

### CAVTELA.

**D**E peccatis occultis carnalibus cautè interrogandi sunt pueri, & simplices; nè eis manifestetur aliquid quod nesciunt, neue detur illis occasio labendi.

Modus autem inquirendi poterit hic esse. An insultus, aut tentationes carnis aliquando patiantur, & vtrum delectentur tali cogitatione vel contentiant? Si negant subiungendum est: Aduerte magnum esse sacrilegium, injuriam, profanationem Sacramenti, in confessione negare peccatum; nec putare debes Sacerdotem id cuiuspiam posse manifestare.

Vel etiam inquireat an cogitauerit de rebus inhonestis, vel aliquà luxurià oblectatus fuerit? si negat præmoneat ipsum vt quantocyùs tentationes detestetur & CHRISTO se commendet; si affirmat inquiretur de verbis turpibus, de ludis inhonestis, & cum quo; tandem de aliquo tactu inhonesto: doceatq; omnem luxuriam esse graue peccatum mortale, per quam homo à gratia DEI & à cælo excluditur, & diabolo pro mancipio adijcitur: per hanc ingenij hebetudinem, infamiam, & plura acerba inducitur quin



ci, quin & mortem ipsam accelerari. Tempesti-  
uè ab hoc malo caueat, nè postea ad grauiora  
quæ certissimo euenient, nisi se animosè oppo-  
suerit delabatur. Alterius esse naturæ corpus,  
alterius naturæ animam, quæ debet regere ocu-  
los, linguam, iracundiæ motus, & seriò detesta-  
ri tentationes carnis. Dùm se collocat in lecto,  
manus per modum crucis in pectore ponat, &  
in latera alternatim versùs dormiat: locios ne-  
quam, verba turpia, & omnes occasiones quàm  
maximè fugiat. Si vult gratiam DEI, & salu-  
tem animæ & corporis obtinere.

Adultiores autem doceat luxuriam extra  
Matrimonium semper esse peccatum mortale,  
& veneno diabolico infectam: tentationes esse  
cum abominatone & contemptu tolerandas, &  
contra ipsas perseuerandum; cupiendo purita-  
tem omnimodam: perinde enim est, diabolo  
visibili ac inuisibili se ad hoc peccatum inducen-  
ti morem gerere, vnde potius mortem eligat,  
quàm malo consentiat: Dominus DEVS hu-  
militer oranti, dabit victoriam.

Si habet animum vxorem ducendi, nullate-  
nus ad aliquam carnali concupiscentiâ feratur,  
nisi contracto matrimonio, idq; cum DEI ti-  
more: modò autem contineât se in omni hone-  
state. Puellæ quoq; monendæ, vt dum solici-  
tantur etiam iocosè ad peccatum; seriò & se-  
uerè etiam cum increpationibus grauioribus se  
tentatoribus suis opponant statim in principio;  
nè postea sensim illicitis seductæ seriò doleant.

Porro

Porro Confessarius non debet denegare absolutionem adolescenti, qui sæpius in molliciem incidit carnis fragilitate, potest tamen differri absolutio, vt cum maiori abominatione hoc videtur peccatum Bass. V. Absol. n. 9. & dare ipsi remedia contra hunc morbum, vide modos seruandæ castitatis in libello Arma lucis à me edito.

### QVÆRES IV.

*In qua ætate pueri obligantur ad S. Eucharistiam tempore Paschali recipiendam?*

**R**espondet Marchan: tract. 4. Cap. 3. q. Quod hæc determinatio temporis non possit indiuisibiliter designari, sed in eo sequendum parentum & Confessariorum iudicium. Dicit tamen potest moraliter loquendo, nec ante decennium facile incipere, nec ultra annum decimum quartum differri. Non statim verò ac pueri attingunt ætatem, in qua licet possunt communicare ad id obligantur vt notant DD. sed post aliquod tempus v. g. post vnum vel alterum annum: ratio est quia congruit, vt Ecclesia non obliget hinc quàm primùm potest, tam pro maiori reuerentia Sacramenti, quàm pro securitate communicaturi, & hoc ipsum vsus Ecclesiæ approbat. Quare non sunt hinc recentiores nonnulli citati à Dian: in Addit. Res. 19. audiendi qui volunt pueros mox à septennio obligari ad communionem, eisq; dandam sicut & penitentia Sacramentum, quàm primùm peccare possunt mortaliter. His illud Apostoli reme-



*moro. Si quis hac in re contentiosus esse velit, nos tales consuetudinem non habemus, nec Ecclesia DEI. Ad silentium imponendum sufficere debere, quod Rituale Romanum iussu Pauli V. editum sic habeat. Illis qui propter etatis imbecillitatem, nondum huius Sacramenti notitiam & gustum habent, non debet ministrari. Nota illud notitiam & gustum; & vide an septennes pueri notitiam & gustum huius Sacramenti ordinariè habeant.*

### QVÆRES V.

*An pueri possint extremam unctionem suscipere?*

**R***esp.* Post adeptum vsum rationis vngi possunt, non enim expectari potest tempus communionis, quia maior discretio requiritur ad communionem quàm ad hoc Sacramentum. Imò si dubium sit num in puero lumen rationis irradiet, vngi debet sub conditione. *Si es rapax, &c.* Neq; verò necesse est, vt hoc Sacramentum suscipiens aliquando peccauerit, quia materia huius Sacramenti, non sunt peccata sicut penitentiae. Vnde satis est quod infirmus peccare possit. Igitur non est illud denegandum puero post vsum rationis, quem Parochus ex confessione cognoscit nunquam actualiter peccasse: quia iuuare illum potest nè peccet, & conferre sanitatem si expedierit: nec falsificabitur forma. *Indulgeat tibi Dominus quidquid deliquisti. Nam sensus est: Conferat tibi DEVS gratiam de se remissiuam, &c.* Ob quam rationem non falsificabitur forma ab-

ma absolutionis cum confertur ei qui iam est in gratiâ per contritionem; nec ob eandem rationem deneganda est vñctio recenter baptizato, qui nullum post baptismum peccatum commisit. Ita DD. apud Dian. p. 3. T. 4. R. 172. & p. 5. Tr. 3. R. 86.

## QVÆRES VI.

*An pueri subiaceant reservationi casuum & censuris Ecclesiasticis?*

**R***esp.* Impuberes id est pueri ante decimum quartum annum mares, fœmellæ ante duodecimum, reservatione Episcopi non comprehenduntur, nec ligantur censuris ab homine, vel iure statutis: exceptâ percussione Clerici (à qua vel per ignorantiam possunt excusari, vel ob levitatem materiæ, vel ob primum motum cholæræ, à qua iuxta Scotum potius sunt acrioribus verberibus absolvendi) nec irregularitate ex delicto. Ita DD. apud Diannam pluribus locis. Datur ibi hæc ratio; nam in pueris relinqui solet esse inultum, quod in alijs prouectioris ætatis humanæ leges dicunt seuerius puniendum: minor enim ætas sicut in foro exteriori excusatur à pœna ordinaria, ita & in animæ iudicio.

## QVÆRES VII.

*An pueri excusentur à ieiunio?*

**R***esp.* Excusantur etiam pueri imò & adolecentes, vsq; ad finem tertij septennij, ita vniuersalis consuetudo præceptum hoc interpre-



tatur. Quia cum vsq; ad illud tempus magnis incrementis augeſcat corpus, eget copioſo alimento, vnde ſæpius capere cibum debent, ob abundantiam caloris, nè accretio & perfectio naturæ intercipiatur. Vnde Eccleſia non intendit eos obligare, quia non obligat ad ea, quæ nimis oneroſa ſunt, & excedunt moralem potentiam, etiamſi alioquin futura ſint vtilia, vt eſſet jeiunium pro motibus carnis cœercendis, qui alio modo ſuperari poſſunt etiam ante vigefimum primum annum, quia non intendit omnes, quod vtile eſt, ſed vult etiam, quod non ſit nimis oneroſum. Ita D. Thomas, Syluius, Nauarrus, Sancius, Lezana, &c.

Tenebuntur tamen pueri & adoleſcentes ante vigefimum primum annum jeiunare volentes lucrari Iubileum, ſub onere jeiunij conceſſum, vel ſi à Confefſario imponatur pro pœnitentia Sacramentali jeiunium (quanquàm hoc illis ob ſigilli Sacramentalis violationem cautè imponendum) vel ob placandam iram DEI, ob implorandum diuinum auxilium in aliqua graui neceſſitate: in his enim caſibus vrget ſpecialis ratio, ob quam non debet excludi illa ætas. Ita Sanchez, Paſqualigus, Sancius, Fagundes.

Certum eſt etiam apud omnes, quod pueri poſt ſeptennium adepto rationis vſu, obligentur ad qualitatem ciborum, ita vt non poſſint eibis in die jeiunij vetitis veſci: quia præcepto negatiuo de non comedendis carnibus in die jeiunij, tenentur homines, poſtquam ad rationis vſum

vsus perueniunt, nisi aliâ iustâ de causâ excu-  
sentur. Dubium tamen est, an liceat pueris mi-  
nistrare carnes, quando prohibentur, antequam  
septennium compleuerint? Respondet negativè,  
vbi non est consuetudo. Lopez Syluius, quia de-  
bet erga ipsos seruari praxis Ecclesiæ. At licitum  
esse, ijs ministrare carnes, siue adsit consuetudo,  
siue non, docent Sancius, Diana, Caspensis,  
Fagundes, & alij ab ipsis citati; & à fortiori o-  
ua. Ratio est quia cum paruuli ante septenni-  
um nulla obligentur lege, nec etiam obligantur  
consuetudine, quæ habeat vim legis. Tum,  
quia nec ipsi comedendo peccant, neq; talis  
subministratio interdicta est; quia non fit in a-  
ctione, quæ sit eis aliquo modo prohibita, sed in  
actione honesta & de se bona. Hæc sententia  
est probabilis. Ob eandem rationem licet mi-  
nistrare carnes, in diebus prohibitis, infideli-  
bus, non tamen Hæreticis, vt notant authores  
relati, quia infideles non subsunt legibus Eccle-  
siasticis, tanquam ij qui sunt extra Ecclesiam:  
vnde non est illis prohibitum comedere carnes,  
in quacunq; die, & proinde ministrans non con-  
currit ad aliquid illicitum. Ex qua tamen sen-  
tentia non inferitur, licere perpetuò amentes vel  
pueros carentes rationis vsu provocare ad tur-  
pia inter ipsos exercenda, vel ad aliquid aliud,  
contra legem naturalem: quia illa actio: cum  
sit intrinsecè mala ex natura sua, omnibus ijs  
est prohibita: quamuis ob defectum rationis, &  
discursû, culpa illis non imputetur.



Verum licet Ecclesia non obligauerit adolescentes ad ieiunium ante vigesimum primum annum, nihilominus Confessarij, aut alij quibus adolescentum cura demandata est, debent eos inducere ad ieiunium, prout expedire indicauerint; vt incipiant asuescere ieiunijs & turpes motus, carnis illecebras comprimant, vt monet Saneius in selectis disp 54 n. 7.

## QVÆRES VIII.

*Qualiter pueri in vita Christiana insituendi?*

**R**esp. Stylo simplicissimo illos esse instruendos, & ab istis sensibilibus ad spiritualia eleuandos, v.g. doceatur puer **DEVM** supremum esse, totius mundi Dominum, qui cælum, terram, solem, diem & noctem, creauit & regit, qui fulgura, tonitrua, & casus aduersos in malos immittit; sciat hunc principalem esse suum Patrem & benefactorem, à quo accepit hanc vitam, hos oculos, has manus, intellectum, & alias potentias animæ & corporis, sine quo ne vnum punctum potest viuere. Sciat quod non debeat sibi viuere, sed **DEO**, prout in baptismo promisit, cum per suos paternos renunciaret diabolo inimico suo, pompis eius, & operibus eius, & adhæsit totaliter **DEO**, cum diceret: Credo in **DEVM**. Et ideo non secundum malas suas propensiones, vel tentationes diaboli, qui sibi cælum maximè inuidet, viuat; sed secundum legem **DEI**, quam sibi in corde suo inscripsit: vici-  
deli-

delicet. Declina à malo & fac bonum: DE-  
VM & quæ DEI sunt super omnia æstimet.  
Quòd tibi non vis non id feceris alteri; & con-  
tra, quòd tibi vis fieri, &c. Homini non secun-  
dum belluinas concupiscentias, sed secundum  
rationem viuendum, & secundum præce-  
pta Decalogi, & alia quæ ex Decalogo inferun-  
tur. Sciat CHRISTVM Dominum FILIVM  
DEI se expectare in cælo: vnde se illi per pia  
suspiria sæpius commendet saltèm in corde di-  
cendo. Domine IESV miserere mei, per passi-  
onem tuam. Sanctissima Mater ora pro me. Ma-  
nè antequam quid agat, prius se ad orationem  
Dominicam conferat, similiter antequam de-  
cumbat: deniq; malit mori quàm apud DEVM  
per aliquod peccatum gratiam amittere.

Quos autem capaciores aduertit doceat eos  
(v.g. insimul ante confessionem Paschalem con-  
stitutos) de creatione mundi, primorum paren-  
tum, de lapsu eorum, de Incarnatione FILII  
DEI, & alia circa confessionem, & communio-  
nem, mores vitæ Christianæ, præcipuè humilita-  
tem & patientiam, & alia elementa sermonis  
DEI, ex quibus suis temporibus plura sibi com-  
ponant. Hæc Parochi Rectoribus Scholarum  
inculcabant, & ipsi quandoq; cum suo magno  
merito ex his pueros examinabant. Communis  
est enim doctrina Theologorum, pueros cum ad  
vsum rationis deueniunt, teneri elicere actum  
amoris DEI, DEO se subicere; & obligari ad  
præcepta naturalia & Ecclesiæ. Boni præce-



ptores non sint contenti vt semel aut iterum hæc inculcent, sed illos ex his sigillatim examinent, & ad percipiendum adigant, curantes vt potius boni Christiani, quàm Ciceroniani post peruersi politici euadant.

Libet his apponere aliquot puncta de modo instituendæ iuuentutis ex synodo Cracou. Anno Domini 1612. Primum: pietas quidem primò, ex qua propriè, cultus Dei, & aliæ virtutes prodeunt, instillanda est teneris annis, partim informando eos de doctrina Christiana, partim excitando ad virtutem frequentibus monitis, quorum ansa ex cursu lectionum sumatur. Secundò: vt verò hæc ipsa assidue exhortationis seges, crescat cum ætate in adolescentibus felicius, radicesq; agat in eis firmiores, omne principium studiorum ab inuocatione Diuini Numinis auspicari: Sacrum M. officium audire frequenter, festis autem diebus, etiam cantare vnâ cum vespers, Concionibus ecclesiasticis interesse, & audita in illis referre: Pœnitentiæ & Eucharistiæ Sacramenta vsurpare, sæpius surgentes à somno, & euntes cubitum, orare; facereq; conscientię examen quotidie consuefiant. Tertiò: Fide autem & religione imprimis imbuantur Catholicâ sedulò, cuius rei fructus vt & ad alios rudiores ex plebe redundet, ediscant Catechismum Polonicum, memoriter Cardinalis Bellarmini, vel Ledesinæ, eundemq; diebus Dominicis & festis pomeridiano tempore in Ecclesia & frequentia populi  
clara

clara voce alternis interrogationibus recitent. Et quoniam patent magis & incitant fortius ea quæ oculis, quàm quæ auribus in animos influunt, iuuentusq; in vitam & mores Magistri tanquam in speculum inspiciens, ex eo plerumque normam & exempla viuendi desumit; prouidendum est summopere, vt is non modo doctus, sed etiam fide Catholicus, moribusq; integerrimus deligatur.

His addiderim fabulas Poëtarum, quæ aliquam lasciuiam sapiunt nullatenus proponendas pueris; imò & alias nunquam sine eruditionibus moraliibus tractandas: adolescentulus enim qui aliquo pollet iudicio auerfabitur studiis, existimans se vanitates vel paganismum edoceri. Mendici quoq; otio & ventri dediti, à Scholis abigantur, qui vt plurimum pueros corrumpunt, & ad furta & alia absurda assuefaciunt.

Parentes deniq; ipsi monendi sunt, nè suis blandimentis, largitione pecuniæ, alijsq; occasionibus dent occasionem lapsus ac damnationis æternæ filiis suis, quin potius enitantur vt ipsi illam educationem, quam in Scholis receperunt ad consistentiam in aliquo statu bono continuent. Sed proh dolor! quot tales sunt; qui ideo ineunt matrimonium, vt generent filios non Deo, non cælo, sed mundo, quos postea permittunt, vel potius instruunt vt ad infernum decendant, de quo CHRISTVS grauitè conqueritur in Reuel. S. Birg. lib. 6. Cap. 32.

QVÆ



## QVÆRES IX.

*Anteneatur Parochus curare ut infans ex utero matris mortue (dum is conjicitur vivere) eximatur?*

**Q**uia hic casus defecto datur, estq; necessarius. Ad sciendum, ac in praxi difficilis, non abs re hisce apponitur, ad quem respondet Possevinus in praxi curæ Past. de Sacram. bapt. q. 8. quod teneatur etiam invocato brachio sæculari. In defectu autem medici aut chirurgi, uti fit in pagis, dico, istam rem committendam esse obstetrici, quæ moneatur ( siquidem in re tam magni momenti necessaria est ignorantæ instructio ) ut primo cautè excindat ipsam matricem & eximat, si non nouerit modum, infantem ex ipsâ matre eleuandi : deinde ipsam matricem scindat, usq; ad ipsam secundinam quæ est alba membranula, obuoluens infantem ad instar cuticulæ in ouo pullum continentis : quæ etiam debet discindi, etiam præsentæ Sacerdote, vel ea, quæ scit baptizare, tandem quantocius infans baptizetur (nam iuxta placitum medicorum plûs minimè vna horâ in matre mortua non potest superuiuere ) ubi aqua in promptu debet haberi etiam simplex, si non potest esse benedicta. Vel si est periculum in mora ipsa obstetrix citiùs baptizet, dicendo hæc verba (posito quod non sit monstrum aut grandior vermis) ego te creatura DEI baptizo. In nomine Patris & Filij & Spiritûs Sancti. Postea si superuixerit infans, ceremonias baptismi

ex Rituali Sacerdos suppleat. Infans exemptus mortuus, non potest non baptizatus vnâ cum matre sepeliri in loco Sacro, secus non exemptus, quia censetur esse pars ventris.

### C A P V T III.

De Confessionibus in peccatis in-  
ueteratorum.

#### Q V Æ R E S. I.

*Quid aget Confessarius cum ijs qui per longam  
consuetudinem sunt in peccatis indurati.*

**R**esp. Confessario in hoc esse maxime laboran-  
dum, vt in ipsis verum pro peccatis dolorem  
excitet, & in proposito efficaci sese corrigendi sta-  
biliat. Attamen cum talibus etiam si grauissima  
peccata afferant, zelo aliquo inordinato, puta per  
indignationes, increpationesq; animi, multo ma-  
gis corporis perturbationes, nullatenus agat: nam  
per eas ad impatientiæ peccatum, vel desperatio-  
nem, aut grauem animi exacerbationem in ipsum  
Confessarium, vt potè ex consuetudine peccandi  
valde fragiles, cum dispendio Sacræ pænitiæ  
possunt deuenire; sed potius cum Angelis Dei  
gaudendum ipsi est, quòd ad pænitentiam recur-  
rant, & more CHRISTI, Magdalenam, latro-  
nem, aliosq; peccatores absoluentis; cum beni-  
gnitate & clementia esse suscipiendos: vera enim  
iustitia teste D. Greg. habet compassionem, falsa  
indigna.



indignationem. Satis isti miseri habent anxietatis ex remorsu conscientiae propriae, & turpitudine peccatorum suorum, ipsi sponte in genua procumbunt, se reos pronuntiant, expectant misericordiam DEI & Confessarij, vt consolentur, instruuntur, & ex illis vinculis dissoluantur: vnde CHRISTVS in reuel. S. Birgit. lib. 5. post interrog. 8. admonet. Cum peccatore sicut cum infirmo debere tractari. Imò ipse Confessarius sit memor fragilitatis suae, quod in maiora peccata potest prolabi, nisi DEVS se custodiat.

Quod si in aliquibus Authoribus Confessarius legerit de facienda ipsis increpatione, intelligat bonos Authores loqui de reprehensione scelerum & gravitate illorum ostendenda, quae tamen moderatè est adhibenda, non autem peccantium, qui ad resipiscendum sunt animandi: vt eo modo vinum & oleum cum pio Samaritano ad sananda ipsorum vulnera infundantur. Seruabit ergo Confessarius illas condiciones suo officio debitas, quae passim circumferuntur:

*Confessor dulcis, affabilis, atq; fidelis,*

*Prudens, discretus, mitis, pius, atq; benignus.*

Nec penitentem (positò quod ipse illum absolueret possit) ad alium Confessarium proma-  
iori cautela remittat; grauem enim iniuriam in hoc facit Confessarius penitenti, cum hic habeat ius post inchoationem suae confessionis, vt ipsum ad finem audiat & dispositum absoluat.

Itaq; Confessarius auditâ integrâ penitentis

con-

confessione, ac præmissò cum ipso debitò examine, animaduertat, an subsit aliqua obligatio, v. g. addiscendi necessaria ad salutem, vitandi occasiones peccandi proximas, non celebrandi in excommunicatione, in irregularitate, &c. restituendi honorem, famam, pecunias, aut petendi veniam ab offenso, ædificandi proximum quem scandalisauit, eaq; ipsi pœnitenti indicet & iniungat. Videat deinde nùm pœnitens sit sufficienter præparatus ad recipiendam absolutionem, eumque iuuet, vt si non ex amore Dei, aut regni cœlestis desiderio, saltèm timore gehennæ concipiat serium dolorem, & tale propositum quod affectum peccandi excludat, in spe veniæ per CHRIS TUM obtinendæ, de quo Concil. Trid. Sess. 6. Cap. 6.

Si iudicat dispositionem pœnitentis esse debiliorem, quam vt per Sacramentum iustificetur, nullo modo ipsum absoluat, sed suauiter dimittat, vt melius paratus accedat: sin autem probabiliter existimet esse sufficientem, quod ferè præsumendum est, nisi contrarium constet, tunc ipsum iuuabit per sequentia monita.

Et quidem primò illum admoneat, vt gratias agat Domino DEO, quòd se in his peccatis ad æternam damnationem non demandauerit; siquidem hætenus sibi calum clausum fuit, infernus apertus, DEVS qui sese in hoc corpus infudit, grauitèr offensus: quia ergo expectauit se ad pœnitentiam agendam, libentissimè illam peragat. Deinde vt grauissimè doleat (eti-



am optando dolorem infinitum) quod DEVM infinitæ maiestatis Dominum, suum principalem Patrem, benefactorem, &c. cui totaliter subesse & obedire obligatus semper est, tam grauitè offenderit, transgrediendo mandata eius vilipenderit, suam voluntatè Diuinæ anteposuerit, plùs suis belluinis concupiscentijs, quàm legibus Diuinis detulerit, potiùs elegerit tentationes diaboli, quàm inspirationes Diuinas perficere. Si patrem, si matrem, alium uè sibi amicissimum, si Regem offendisset, quantum postea doleret, quantum satisfacere pro iniuria satageret; at DEVS plùs his. CHRISTVS pro se in anima & corpore acerbissima passus, mortuus, nè suum corpus & anima æternaliter periret; ille corpore & anima contra CHRISTVM grauitè deliquit. Iterum ergo renuntiet diabolo, pompis eius, & operibus eius, renuntiet naturæ suæ corruptæ, peruersæ societati, &c. & subdat se totaliter DEO suo principali Domino, Patri sibi amicissimo, qui se plus amat, quàm quisq; amicissimus sibi, vel quàm ille semetipsum diligit. Defleat per cordis lachrymas, cum Petro, Magdalena, & alijs verè pænitentibus peccata sua, & cum ipsis excitet in se firmum & efficax propositum potiùs omnia relinquere per gratiam DEI, etiam ipsam vitam, quàm amicitiam apud DEVM amittere. Alias si non habet verum propositum, DEVS illud videns denegabit gratiam: dicet Confessorius credens promissis de sua emendatione: Ego te absoluo: dicet DEVS: Ego te condemno.

Quia

Quia ergo haecenus male fuit dispositus erga DEVM, proximum, seipsum, necesse est aliam vitam inchoet, atq; erga DEVM assumat affectum filialem, vt quemadmodum probus filius parentem suum magni æstimat, honorat, obedit ipsi, &c. Sic ille DEO. Erga proximos maternalem; erga seipsum affectum Iudicis, vt se ipsum arguat, puniat, si quando deliquerit. Ad quam pietatem Christianam duo vsurpet exercitia; videlicet crebra ad DEVM suspiria, & sui mortificationem, animæ quidem per humilitatem, DEO se submittendo subter omnes homines, subter omnem creaturam; corporis autem per Sacram continentiam, in contrarium tenendo oculos, choleram, &c. Hæc sibi CHRISTI nomine appendat dicta, pro sua salute.

Et nè facile relabatur, tentationibus, amore CHRISTI inflammatus serio resistat: sicut enim diabolus omnino statuit vt se secum ad damnationem protrahat iuxta Apostolum. *Circuit querens quem deuoret*: ita ipse omnino decernat, vt cum DEO in cælo maneat; nè autem contra se diabolus præualeat per sua vitia, per suas concupiscentias, DEVM humiliter exoret, vitia eradicet, sensuum lenocinia detestetur, compescat: ipse regat corpus cum suis concupiscentijs ac sensibus non autem eum corpus & maledicta sensualitas inflectat. Sic enim DEVS imperat *Sub te erit appetitus tuus, & tu dominaberis illius*. Sciat autem vnum ex his omnino sibi debere contingere, vt vel in cælo cum DEO in-

deli-



delicijs æternis gaudet, vel quod DEVS auer-  
 tat, in sempiternis gehennæ incendijs ardeat,  
 cum anima & corpore post diem iudicij, & me-  
 lius fuisset non nasci quam sic condemnari, hanc  
 que cautelam sæpius intra se trutinat; ergo eli-  
 gat quod mañult, pro certò non erit in calo, nisi  
 se vincere & DEO subijcere conetur, igitur a-  
 morem sui inordinatum abiciat, sibi ipsi vile-  
 scat, lese mortificet. Verba enim CHRISTI sunt  
 sempiternæ veritatis. *Qui amat animam suam  
 perdet eam. Regnum calorum vim patitur: ideo,  
 multi vocati pauci electi.* Hæc in communi pro  
 omnibus peccatis ex quibus plura vel pauciora  
 puncta, vel etiam vnicum Confessarius, prout  
 videbitur assumet. Pro specialibus delictis etiam  
 erunt dandæ aliquæ peculiæ doctrinæ, quæ ex  
 libris spiritalibus, (qui DEI gratiâ in copiâ in-  
 ueniuntur,) Confessarius colliget ad emollien-  
 dum induratum animum. Pro maiori declaratio-  
 ne prædictorum hisce appono duas comminati-  
 ones CHRISTI Domini ex Reuel. S. Birgit. al-  
 teram contra malos Sacerdotes, alteram contra  
 dissolutos rusticos. Contra Sacerdotes sunt  
 hæc verba lib. 1. Cap. 47. *Horum iudicium est  
 damnatio. Sicut maledixit Dauid eis qui non obedi-  
 erunt DEO: qui cum esset iustus Propheta & Rex:  
 non maledixit ex ira vel mala voluntate: seu ex  
 impatientia, sed ex iustitia DEI.* Sic ego qui me-  
 lior sum Dauid: maledico eis qui sunt Sacerdotes,  
 non ex ira vel ex voluntate mala: sed ex iustitia.

Male-

Maledictum sit omne quod de terra ad utilitatem,  
 suam receperint: quia non laudant DEVM &  
 creatorem suum, qui dedit eis hæc. Maledictus est  
 cibus & potus eorum: qui panit corpus in cibum,  
 vermium, & animam ad infernum. Maledictum sit  
 corpus eorum, quod resurget in infernum sine fine ar-  
 surum. Maledicti sunt anni eorum: quibus vixe-  
 runt inutiliter. Maledicta hora que incipit eis in in-  
 ferno: & nunquam finietur. Maledicti sint oculi e-  
 orum: quibus viderunt lumen celi. Maledicta sint  
 aures eorum, quibus audierunt verba mea, & non  
 curabant. Maledictus sit gustus eorum, quo gustaue-  
 runt dona mea. Maledictus sit tactus eorum, quo  
 tractauerunt me. Maledictus sit odoratus eorum:  
 quo odorauerunt delectabilia: & me neglexerunt  
 delectabiliorem super omnia, &c. &c. Contra ru-  
 sticos hæc lib. I. Cap. 56. Iustitia laboratorum  
 est quasi taurorum, tauri habent carnem & pellem  
 nimis duram ideo iudicium eorum est ferrum acutissi-  
 mum; hoc ferrum acutissimum est mors inferni, quæ  
 cruciabit eos qui me contempserunt, & propriam vo-  
 luntatem pro mandato meo dilexerunt, &c. Qui  
 nisi cum emendatione ad me quasi serui & fragiles  
 redierint, vindicabor in eos in ira mea, tunc ve-  
 rit eis in corpore & anima, quia viui in mundum  
 venerunt, & in mundo vixerunt. Va quia modica  
 fuit eorum voluptas, & adhuc illa vana, & cruciatus  
 eorum perpetuus. Tunc sentient quod nunc crede-  
 re contemnunt, quia verba mea fuerunt charitatis,  
 tunc intelligent quia quasi Pater monni eos (intelli-



ge per Sacerdotes, nec enim conuenit CHRISTVM ad quemlibet visibiliter descendere) & me noluerunt audire.

## P V N C T A.

### *Aliquot pro satisfactione imponenda.*

**P**ostquam Confessarius aduerterit in pœnitentem te confessionis integritatem, serium dolorem ratione DEI offensi pro peccatis, & firmum propositum sese corrigendi; necesse est cogitet de satisfactione imponenda, quæ duplex fieri debet: altera pœnitentiua pro culpis admissis, altera præseruatiua pro non committendis amplius. Et quidem pœnitentiua (consideratâ peccatorum multitudine, grauitate, varietate) pro conditione & statu pœnitentis temperabit iuxta canones pœnitentiales, quæ sit sine nota & suspicionibus domesticorum. Pro præseruatiuis assignabit virtutes contrarias peccatis, v. g. auaræ eleemosinas, gulosis, ebriosis, ieiunia (quæ tamen diuitibus in siccis propter abusum assignanda non videntur) acediosis orationes, & alia spiritualia exercitia, libidinosis corporis asperitates, &c. Quia tamen hæc ab omnibus præstari non possunt; excogitanda sunt alia quæ bonum propositum pœnitentis foueant, quorum hîc aliquot exempla pono.

1. Obduratus, manè semper per aliquot hebdomadas coram DEO, vel B. Virgine, vel aliquo Sancto Patrono suo proponat potius mori, quàm suam obedientiam per peccatum mortale

le DEO subtrahere; ad cuius propositi protestationem, dicat septem vel quindecim Pater, & Ave, vel Psal. Miserere, &c. Et illius Sancti patrociniū imploret. Item testetur suum amorem erga DEVM, quō illum plus æstimet, quā se, quā totum mundum, pluris illius sanctissimam voluntatem, quā suam malitiā infectam, dicendo Canticum D. Virginis Magnificat, & quinq; Ave Maria, ut sit à peccato immunis; vel aliquot Pater, & Ave, cum Symbolo Apostolico; quōd cum dicet; illa verba Credo in DEVM, hoc sensu proferat: non mihi sed DEO vivo, & cunctis postpositis ac me ipso contempto, totum me cum omnibus viribus meis, resq; quibus utar ad DEVM refero, eiusq; beneplacita exequenda.

2. Sæpius ad CHRISTVM aspirēt per illam orationem Sacri Evangelij: *DEVS propitius esto mihi indigno peccatori*, per Passionem Filij tui, Sanctissima Mater MARIA, per tuam compassionem ora pro me. Sancti Patroni per vestra merita iuvate me. Ad cuius rei memoriam refrigerandam, faciat sibi aliqua certa signa, pro certis spatijs temporis, si horologium deest.

3. Orationes aliquas de Passione Domini (cuius deuota memoria mirum in modum armat contra peccata) v. g. Sanctæ Birgittæ, vel partem dolorosam Rosarij, vel Psalmos Penitentiales in honorem septem effusionum CHRISTI sanguinis, vel quindecim Pater, & Ave pro-



stratus in terra, vel septem Pater & Ave fletens disiunctis per modum crucis manibus, &c. si non quotidie saltè diebus festiuis dicat, humiliter pro peccatis dolendo, & opem contra tentationes postulando.

4. Antequàm cubitum vadat; cogitet; quod fortasse hâc nocte moriar, & pro peccatis meis damnabor: vnde faciat examen conscientie, & pro admissis delictis pœnam aliquam spontè subeat, saltè pectus vel faciem suam percutiendo, terram osculando, protestans se coram DEO illâ indignum, durius cubando, &c. Ut semper aliquid de amore sui inordinato sibi subtrahat.

5. Aliqua fercula, vel partem illorum, potus vel somni sibi adimat, cilicium gestet, disciplinas faciat, &c. Ut assuescat corpus suum spiritui subijcere.

6. Legat aliquem librum spiritualem ad vitia sua ex se eradicanda; die festo duo Sacra audiat, concionem, vespas.

7. Aliquem pauperem in honorem paupertatis vel misericordiæ CHRISTI domi alatur per annum vel certis diebus anni.

8. Actum contritionis, manè, meridiè, vespas faciat, saltè per illa verba. Amo, Doleo, Propono, Amo te IESU super omnia. Gravissimè doleo quod te offenderim. Propono tuâ gratiâ corrigere me. Estto mihi per passionem tuam, & tuæ SS. Matris dolores propitiis.

9. Quolibet menle, vel certis diebus festis B.

Virgi,

Virginis, & Apostolorum confiteatur & communice.

10. Si aliquem scandalizauit curet emendare, ac pro vna anima decem conuertere in quantum poterit; & ad hunc finem faciat aliquot Missas celebrari. Si aliquo die omittat, alijs suppleat: item Confessarius inquirat, an possit sibi iniuncta exequi, vt alia substituatur. Interdum etiam iniungi poterunt quæ alio titulo debentur. v.g. in audiendo missam, in restituendo, in ieiunando, fugiendo occasiones peccandi, &c. & moneat hinc nouas obligationes adesse.

Quod si viderit penitentem valde infirmum in animo, non aggrauet illum penitentis multis, quia (quidam Doctor Parisiensis ait) est satius vt aliquis in purgatorium propter paruam penitentiam, quam propter impenitentiam ad infernum vadat. Nihilominus præmonendus erit; sibi pro tantis peccatis longè maiorem penitentiam deberi, cum in primitiua Ecclesia, alij annos septem, alij triginta & diutius penitentiam rigorosam peragebant, quia melius apprehendebant quid sit offensa DEI, & quomodo non possit iusta à vilissimo homuncione, DEO, compensatio vnquam fieri. Alia documenta præseruatiua per modum consilij.

1. Omnino in animo decernat, aliquot vitium DEVM iauocando, in se eradicare, illud quæ tam diu in se puniat per ieiunia, disciplinas, prostrationes, actus contrarios, donec illud vincat, ad quod assumat patrocinium sanctissimæ



Matris, vel alicuius sancti. Quod enim aliqui post tot admonitiones, tot confessiones, tot proposita non resipiscunt, imò etiam cum maiore ætate in grauiora peccata prolabuntur, & in ipsis infelicitè moriuntur; hæc à Magistris spiritualibus ratio adæquata datur: quia se magni facientes, sibiq; multum fauentes, suas malas inclinationes & prauas consuetudines ex se, per sanctam violentiam & orationem eradicare nolunt, & dum consuetudini (teste D. August.) non resistitur, fit necessitas, ex necessitate desperatio.

2. Faciat aliquem actum heroicum sui viatoris præsertim in principio tentationis v. g. graves sibi alapas vel ictus infligendo, acrem disciplinam faciendo, diutius flexis genibus orando, &c.

3. Loca pia visitet, hospitalia, carceres, ægrotos, funeribus mortuorum adsit, ossa cadaverum aspiciat, vt cognoscat se quotidie quid sit, quis futurus sit, & nè se alijs præferat, sed se ipsum DEO subijciat subter omnes creaturas.

4. Habeat saltèm vnum quadrantem per diem, in quo cogitet de excellentia DEI ex sole, stellis, & alijs creaturis, ex Sacrae scripturae locis, de amore DEI erga se, de beneficijs à DEO sibi concessis, de CHRISTI Domini gestis, passione, morte, propter se suscepta, de sua obligatione erga DEVM, de sua vilitate, malitia, peccatis, omninòque sibi persuaheat, vt DEO in omnibus sit obediens: & gratus Misericordiae DEI.

5. Cum

5. Cùm sibi aliquid aduersi euenit, siue ab homine, siue casu aliquo, cogitet se maiore malo dignum, grauiora promeruisse infernò, & persuadeat potius hìc sibi esse patiendum propter DEVM, cælum, virtutem, cum merito, quàm sine illo fortè etiam in inferno.

6. Assuescat vt in omnibus honorem & beneplacitum DEI spectet, hoc enim primum desiderium, hanc peculiarem intentionem ac studium nostrum debere esse, CHRISTVS ipse docuit, cùm dixit, *Pater noster qui es, in calis, sanctificetur nomen tuum.* Nam in omni vita sua, non sibi primò, sed DEO debet bonum optare & procurare iuxta statum suum; secundariò autem sibi vitam æternam, & quæ ad illam faciunt; cùm enim DEVS potior sit quàm omnia etiam quæcunq; possibilia; ideò primò hìc ponitur honor DEI. Secundò regnum DEI, gratiæ & gloriæ. Tertiò medium directum ad hæc, id est observatio mandatorum DEI, cùm bona spiritualia & temporalia & remotio malorum, quæ impediunt à præfatis. Ita S. Thom. 2. 2. quæst. 84. art. 9. Insuper Confessarius roget pœnitentem an aliquid restet, quod grauet ipsius conscientiam; & si nihil sit, ipsum absoluat; prius tamen ante absolutionem ab eo inquirat, an DEVM & voluntatem eius supra omnia præferat, an ex amore DEI omnia peccata detestetur, an habeat firmum & efficax propositum peccata vitandi? siquæ pœnitens respondeat affirmatiuè: Confessarius subsumat, vt addat hæc



verba gratiâ DEI, vel DEO iuuante; præmo-  
neatq; multos in grauiora peccata, quàm fue-  
rant confessi prolapsos; quia non DEI auxi-  
lio, sed suis viribus fidebant, vnde & ipse sapius  
DEVM oret, & pro viribus animæ suæ profe-  
ctum procuret. Tandem sic benè animatum, in-  
structum, & aduersus pericula & occasiones pec-  
candi munitum, DEO commendet, & offerat  
tanquàm fructum DEO, sine dubio gratissimum  
futurum, quia vt ait D. Iacob. Cap. 5. *Qui con-  
uerſi fecerit peccatorem ab errore viæ, ſaluabit ani-  
mam eius à morte, & operiet multitudinem pecca-  
torum.*

Deniq; caueat post confessionem tristiorem  
aut auerſiorem vultum ostendere ipſi pæniten-  
ti, aut circa illum exhibere aliqua ſigna contem-  
ptûs, vnde vel ipſi peccati exprobratio, vel alijs  
notitia aut ſuſpicio, oriri poſſit. Debet ergo æ-  
qualiter inſitidum audire incipit, & in progres-  
ſu exterius eſſe compoſitus, & poſt confessionem  
eundem ſe exhibere ſicut ante, comem, affabi-  
lem, ac familiarem.

## QVÆRES II.

*Quid faciendum Confessario, qui videt pæni-  
tentem eſſe in occasione peccati?*

**R**Elpondent communiter DD. Si ſit occasio  
proxima peccandi mortaliter, tenetur Con-  
fessarius exigere à pænimente propositum firmum  
eam tollendi; vt autem proxima iudicetur duo  
debent concurrere. 1. Vt ſit voluntaria, ſi e-  
nim

nam vitari non possit moraliter loquendo, & ab alio potius censeatur illata, quam assumpta; non reddit indignum absolutione. 2. Debet esse talis ex suo genere vt statim vel quasi statim illâ datâ homo in mortale cadat: siue vt nata sit frequentissimè homines similis conditionis ad talia peccata inducere: vel experientia doceat, talem effectum habere in hoc pœnitente. Hic verò ad iudicandum multâ prudentiâ debet vti Confessarius. Nam vni occasio proxima est, quæ eadem in alio talis non iudicatur. v. g. Frequentatio popinæ vni est proxima occasio ebrietatis, & aliorum peccatorum mortalium, quæ alteri talis non censetur; licet aliquando etiam inde peccare eum contigerit. Item frequentatio cum hæreticis, vni est occasio hæresis, aut dubietatis in fide, alteri firmiori non est. Item conuersatio cum puellis, alicui adolescenti est causa luxuriæ, vel in actu, vel in cogitatione: similis occasio non censetur proxima alteri, qui aliquando, at raro propter hoc peccat. Item lectio librorum de amore tractantium, vni potest esse præcipitium, alteri non nisi aliquod leue malum censi. Cùm ergo occasio censetur proxima alicui, talis non potest absolui, nisi proponat tollere; si autem non sit proxima, potest absolui.

Sed quid si pœnitens dicat, se non posse sine scandalo, vel infamia, vel graui incommodo tollere? Huiusmodi sunt casus quotidiani, & multum



tum timoratos Confessarios torquent. Exemplum sit. Famulus & ancilla in eadem domo conuersantes, sibi mutuò carnalium cogitationum & tactuum occasio sunt: & allegant se eam domum non posse deserere, sine graui incommodo, quia alibi ministerium non sunt recepturi. Item filiusfamilias male conuersatur cum ancilla, aut contanguinea cohabitante: vel etiam sorore: & dicit se non posse deserere paternam domum, nec idipsum fieri posse ab altera. Item adolescens in matrimonium optat aliquam puellam, nec potest eam alloqui sine motibus carnis, in quibus solet delectari, & sic est in frequenti statu peccati, sed hanc familiaritatem, ob matrimonium præsumptum negat se, deserere posse.

Respondeo cum Marchan. in Resol. Past. de pœnit. Primò in his & similibus casibus videndum esse, an sit aliquod remedium, quod susceptum à pœnitente, credatur posse ipsum cum DEI gratiâ præseruare à lapsu. Atq; ita pœnitens si admittat tale remedium cum proposito non consentiendi amplius peccato, posset absolui. 1. Moneatur resolutò animò, personæ cum qua male veritatur, repræsentare periculum in quo sunt, & quòd ob illud sibi denegetur absolutio (nisi inde Confessario crearetur periculum, v. g. à concubinario) ideòq; obsecrare eum debet in Domino, vt meliorem iam ineat rationem vitandi peccati & periculi. 2. Eliciat propositum efficax non conuersandi in tenebris cum illa,

illa, aut in loco remotiori & solitario efficacius ad peccatum inducente. 3. Paratus sit non solum loca, sed & occasiones quas indicat maxime proximas sibi, siue ordinariè initium peccato dantes, euitare; puta aspectus nimis fixos illius personæ, aut manuum, faciei quæ attractus, blanditias, illecebras quæ omnes. 4. Ordinetur ei aliqua brevis oratio iaculatoria, quæ quotidie propositum renouet non cadendi, id quæ matutino tempore, vel etiam ter in die; mane, meridie, & vespere. Item salutatio ad CHRISTVM, B. Virginem, Angelum custodem, & ad hunc affectum, precatiuncula per Ave Maria, vel genuflexio cum reflexione mentis, ad CHRISTVM in cruce pro se pendentem, rogantem, deterrentem à peccato, &c. Item quoties cogitatio praua inciderit, cruce signet pectus, cor eleuando in DEVM, & similia. Si hæc obseruare se omnino paratum offerat, atque alia quæ Confessarius ex spiritus instinctu suggerere potuerit (inter quæ esse poterit frequens confessio & communio, frequens Missæ auditio) poterit talis absolui.

Sed quid si adhuc reincidat, & absolutionem iterum iterumque reincidens petat? Respondeo cum Reginaldo de prud. Confess. Non ideo negandam, si maiorem dolorem & propositum firmitus, quam antea repetat: præsertim si aliquantum se contineat & diminuat numerum peccatorum; ita vt aliqua inchoatio, aut  
spes



spes emendationis, possit aduerti. Quod si nulla est in ipso cura salutis, nulla apparentia aut spes emendationis; sed potius ruina in peius, dicendum ei & remorandum illud CHRISTI: *Si oculus tuus, aut pes, aut manus scandalizat te, projice eam.* Hoc est licet aliquis tibi tam commodus, aut necessarius videretur, quàm est oculus, aut pes, aut manus, & tamen propter illum tibi est ruina salutis, melius est, vt eius emolumentis careas, quàm ob illum protraharis in gehennam; ideoque separa te ab illo quamuis coniunctissimus tibi sit, & vtilissimus. Sicut enim præstat vt cum vno oculo, pede, manu, ingrediaris regnum cælorum, quàm cum duobus mittaris in gehennam, ita & hic; potius enim est vt fama, & res, ac corpus pereant, quàm anima; nam vt plurimum in his occasionibus animæ interitus euenit, vt exempla comprobant. Ideoque CHRISTVS in Reuel. S. Birgit. lib. Cap. 47. ait: *illum qui sic dicit, peniteo de peccato; sed non relinquam illam cum qua peccaui, ita vt amplius non faciam: quasi ferro acutissimo se pun gere.* Imploret vero Confessarius DEI auxilium pro illis, ac pro se, vt iuxta prudentiam spiritus illis possit consulere & opem ferre.

Hic etiam obseruandum, quod satis prudenter annotauit Card. de Lugo Tom. de penitentia disp. 24. n. 17. Quando Confessarij Principum, Prælatorum, aliorumq; magnatum, sciunt ipsos non satisfacere officio v. g. circa collationem beneficiorum, electionem ministrorum, subdi-

subditorum gubernationem, circa eleëmōsynas ex bonis Ecclesiasticis faciendas, &c. regulariter tenetur Confessarius monere pœnitentem de sua obligatione: alias si absolvit, suis humeris peccata illa imponit, & cæcus cæcum ducens, ambo in foveam inferni cadunt. Ratio: quia in talibus rarò ignorantia inuincibilis; rarò item contingit, vt illa secum non adferant scandalum in subditis, existimantibus illa licere; vel certè non afferant damnum commune. Si tamen videat ignorantiam esse inuincibilem, neq; ex illa sequi scandalum, aut damnum commune; contra verò admonitionem fore in maius damnum pœnitentis; aut allaturam scandala vel incommoda, potest secundo paulò ante dicta dissimulare, nisi interrogetur, ita ille.

Novi quendam Religiosum ex Familia S. Francisci, qui Capellanus & Confessarius existens cuiusdam Magnatis, admonitus ab alijs Religiosis beneficiatis, vt Domino illi faceret scrupulum, de Decimis reddendis quæ illis Religiosis debebantur; candidè & resolutè respondit; Patres ( inquit ) videã vestra privilegia, vt sim certus de his Decimis, ego in pervigilio Festi quo ipse confessurus est, admonebo ipsum de isto debito; si noluerit acquiescere; ego accepto meo Breuario ipsum deleam, nè animam meam perdam, quam vt saluem, ficius sum Religiosus. Fecit quod promittit, & illo suo zelo ac prudentiâ effecit; vt ille Dominus sine strepitu iuris ( quod diutius protrahabatur ) per sententiam



tiam Arbitri pij & docti hominis Decimas ex-  
traderet.

### QVÆRES III.

*Quid agendum cum recidiuante?*

**N**Otandum est ex Nauarro in Enchirid: Cap.  
3. Si quis in idem peccatum reciderit, non  
esse illi eo solo nomine absolutionem negan-  
dam, tanquam impenitenti; quia recidisse in  
idem peccatum, non est argumentum necessari-  
um defectus veræ penitentiae, sed signum infir-  
mitatis; vnde communiter absoluntur, semel  
in anno confitentes, si nullum aliud adferunt  
impedimentum, quantumuis in peccata de qui-  
bus confessi erant, recidisse deprehendantur.  
Procedit autem istud ex eodem Nauarro, etiam si  
confitens nolit abstinere ab eo, quod fuit ei oc-  
casio recidendi, vt conuersatio cum aliqua per-  
sona, aut aliud simile; dum modo non sit occa-  
sio propinqua (vt supra dictum est) peccati  
mortalis, seu quâ datâ statim aut quasi statim  
cadatur in mortale, interueniatque verus dolor  
cum efficaci proposito & graui causa; cum spe  
emendationis seu non committendi illud pecca-  
tum.

Procedit etiam in eo, qui bis, ter, aut sæpi-  
us recidit: argumentô eius quod non tantum  
semel, aut septiès, sed septuagies septiès in nos  
peccanti parcendum sit *Cap. septiès de penit. di-*  
*stinct. 3. ex Matt. Cap. 18. & Luc. 17.* dummodò  
laboret & vtatur modis præsertim à Confessario  
præ-

præscriptis ad sese corrigendum. Attamen ex eodem Nauarro, videretur non absolendus prænitens recidiuus, tanquam non dans signum sufficiens propositi firmi non peccandi de cætero, si nulla emendatio neq; emendationis inchoatio præteritis vicibus in eo existisse observaretur, aut si infirmitas, imbecillitasq; ipsius, aut ingens propensio ad peccatum, aut externæ occasionēs recidendi, persuadent nullam secuturam emendationem; quia istiusmodi, vt supra patet ex dictis, præsumitur carere verò dolore & proposito.

## QVÆRES IV.

*Quæ sunt remedia aduersus reciduationem?*

**P**ORRò aduersus recidium, adhibenda remedia hæc, quæ ex Gersone commemorat Polancus, & cum eo Iacobus à Graphis 1. est, sequenti die cum recidere contigerit ieiunare in pane & aqua. 2. Recitare certum Psalmorum numerum. 3. Aliquid charum vel certè aliquam pecuniam dare in eleemosynam. 4. Confiteri intra triduum post peccatum commissum. 5. Cum succumbendò tentationi contigerit consensus in peccatum; per actum contritionis ad misericordiam DEI consequendam; aliquas orationes dicere, aut certe cum id cæterorum præsentia impedit, saltèm manu ad pectus admotà (quòd fieri potest alijs non aduertentibus) dolere 6. Recidiuanti iuxta conditionem ipsius, & peccatorum grauitatem, vltra prænitent-



nitentiam, quàm par fuerit ei imponi, iniungere aliquid recitandum, vt Pater & Aue, aut aliquid huiusmodi in memoriam gratiæ resurgendi, à DEO per Sacramentum obtentæ. 7. Ad di potest ex Nauarro in Ench. vt contra tentationem peccati, in quod relabi contingit, imploret Diuinum auxilium per preces alicuius Sancti, qui virtute contraria plurimum enituit: & vt firmiter proponat, ac etiam interdum voueat, saltèm ad tempus; se illam, vel illam penitentiam facturum, si adhuc relabatur; tanquam sibi legem imponens, quâ seipsum cõerceat, ac sibi met terrori sit: quasi DEI auctoritate gladio accinctus ad pugnam, pro tuendo ipsius diuino honore, aduersus proprios affectus: à quibus importunè oppugnatur, illos scilicet per penitentiam mortificando. In qua pugna difficultas ea occurrit, quòd is impugnandus sit, qui diligitur, iuxta illud ad Epheseos. *Nemo unquam carnem suam odio habuit, sed fouet & nutrit eam.* Verùm amore coronæ, gloriæ & timore gehennæ, talis difficultas faciliè superatur: dum simul in mentem venit, quòd lata & spatiofa sit via ad perditionem quodq; non coronabitur, nisi qui legitime certauerit. 2. ad Tim. 2. veniant item Sanctorum exempla, qui cum tanta austeritate vixerunt: ac etiam exempla illorum, qui mundanam miliciam sequuntur, in qua tam multa incommoda & plerumq; inani spe fulti, perferunt. Non voueat autem, se nunquam tale peccatum admissurum, aut se ingressurum in religionem

onem si admittat: *Argumento cap. Clericos de co-  
habitatione Clericorum & mulierum:* in quo pro-  
hibetur ne Clerici concubinarij per juramen-  
tum compellantur concubinas dimittere.

Ad necessarium autem diuinum auxilium ob-  
tinendum, iuuerit petendo illud humilitatem  
exercere (si tempus & locus patiantur) flexis in  
terram genibus, vel in terram se prosternendo co-  
ram imagine Crucifixi, detestando nostram erga  
ipsum nequitiam & ingratitude, atq; si pla-  
cet osculando terram ipsam à qua sustineri nos  
reddimus indignos. Etenim cor sic contritum  
& humiliatum D E V S non despiciet. Addi po-  
test ad extremum consideratio, quòd cum turpi-  
tudo & perniciēs peccati omnem aliam superet,  
quiddam tamen adhuc vilius & peius inesse cen-  
seatur in relapsu, quàm in peccatis primò com-  
missis, iuxta illud Ierem. 2. *Quàm vilis facta es*  
*nimis, iterans vias tuas, & illud Prouerb. 26. Si-*  
*cut canis qui reuertitur ad vomitum suum: sic im-*  
*prudens, qui iterat stultitiam suam. & illud Domi-*  
*ni Matth. 12. & Luc. 11. Fiunt nouissima hominis*  
*peiora prioribus.*

Maxima difficultas cum vsurarijs Confessa-  
rijs occurrit, qui suos perversos contractus, ho-  
nestis vocabulis contegere solent, vt vix possi-  
bile sit malitiam eorum deprehendere, & pœni-  
tentibus abominabilem reddere: deinde cum  
consuetudo vsurpata, à multis pro lege habeat-  
ur, nulli scrupuli talibus circa illos actus re-  
morsum conscientiae faciunt, vnde pro peccatis

Mnon



nō reputari, in confessionibus etice tur. Con-  
 cionatores si specificè contra eos publiè inuehe-  
 rent, fortasse pro conuicatoribus censere tur?  
 Confessarij uel illos duertere non possunt si qui-  
 dem obreguntur; uel in bona fide illi spem ter-  
 res relinquunt. Proinde licet optimo consilio  
 factum est, quòd casus reservati summo Pontifi-  
 ci, quorum communior sit euentus in rouincijs,  
 a not-tiam Confessariorum in Agendis uel Ritu-  
 alibus promulgantur; t. v. Ide commodum &  
 proficuum, tam penitentia ijs, quàm panitenti-  
 bus fieri. Illi contractus qui specie latu ta iu-  
 stitiæ testi in frequentiore usu habentur, ab ali-  
 quo Doctore Theologo, Doctore Iuris, & magni  
 Iudicij & experientia Prædico infimul congreg-  
 gatis collati ac ratinati, (liquidem modò su-  
 plures in contractibus abusus, quàm quos R. P.  
 Martinus Smi-lecky, satis doctè pro hoc Regno  
 pro cautela expofuit) per aliq. em libellum pu-  
 blicâ Authoritate, pro iniquis declarantur.

Idein censendum circa subditorum oppresso-  
 res, qui iuxta suam confictam iustitiam, maiores  
 census & labores, quasi sibi ex obligatione subie-  
 ctionis debitos à miseris exgunt cum magno di-  
 spendio latenter imminente etiam illis ipsis, cum  
 prole sua; ac per consequens ipsi Reipub. defici-  
 ente stomacho et in totum corpus deficere ne-  
 cesse est; ita ex rusticis exultis corpus Reip.

Cautele quoq; quæ propter Confessarios con-  
 tra audaciam militum bona Ecclesiastica spolian-  
 tum,

tium, typis prodeunt; non multum valere ad comprimendam horum perniciosam videntur; siquidem ob iuste sibi denegatam absolutionem in peius irritantur; nec videtur habere finem ipsorum malitia. Magnum fuit olim & honorabile militiae nomen, ut in historijs etiam Ethnicorum videre licet: imò & in Sacro Evangelio milites ab illo magno CHRISTI praecursore, salutaria monita promeriti sunt, & in suo statu confirmati; modo autem eò miseriarum interdum devenitur; ut hic status potius dissuadendus, ob pericula damnationis aeternae, & dubiam victoriam, quam suadendus videatur. Quae enim spes gratiae divinae, & salutis aeternae istis affluat, quae benedictio à Domino exercituum ad debellandos hostes, quae consolatio Resp. qui bona CHRISTO dicata nullo iure magis maiisque (missis alijs abusibus) suis stationibus & gravioribus exactionibus depopulantur, miseros subditos nimium expoliant, indeq; possessores Ecclesiasticas & Reges devastant. Deinde si ante confectum Sacramentalem absolutionem percipiant, non video, quomodo ipsius capaces esse possint, qui in antequo proposito male victimandi ex bonis Ecclesiasticis, & spolijs afflictorum perstunt. Quapropter ad obviandum huic malo graviores noxas secum trahente, talis modus esset ab illis scriptoribus, vel potius quibus interest adinveniendus; ut potius sit exercitus Gedeonis, Machabæorum, vel saltem veterum Romanorum, aut qualis in Chronicis nostri



Regni describitur, cum minori sumptu, & fructu maiore, quàm alias.

Item illa monita quæ ad corrigendos publicos abusus; vel per satyras, etiam vsus laudabilis fuit apud Romanos, vel benigniore stylo, à zelosis boni communis viris, insinuantur, pun-  
gunt quidem aliquos, sed minimè compungunt; magis fortasse, proficius modus foret ille, cuius mentionem facit Baronius sub Anno Dñi 450. n. 6. & A. 451. n. 2. expressius autem in Anno 828. n. 4. Si nimirum proceres Ecclesiastici & Sæculares mutuam consilium cum efficaci executione ad obuiandum hisce delictis inirent, & fortè necessarius nam multiplicatæ culpæ ad mensuræ adimpletionem, maiorem DEI thesaurisarent iram, & grauiores diuinæ iustitiæ pœnas, vt non addat vltra misereri exigunt. Deinde felicitatem bonorum temporalium, & prosperitatem Regnorum à vera Religione, & à virtutibus; & e contra; pendere; satis latè probat Thomas Bozius, de Ruinis Gentium, præsertim lib. 2. Cap. 1. specialiter autem lib. 7. Cap. 8. de Regno Poloniæ. His vel similibus in executionem datis; Confessarij cum maiori facilitate & fructu munus suum circa præfatos pœnitentes obibunt.

### QVÆRES V.

*Quis processus seruandus in excipiendis confessionibus generalibus & alijs longioribus?*

**R**espondet Bass. V. Confess. S. 4. n. 7. Audietur.

turus confessionem generalem, aduertat inprimis, an aliquis defectus substantialis præcedentes confessiones inuolidauerit? nam tunc accuratior diligentia, & attentione opus est, quam cum solum maior quaeritur fructus spiritualis; tunc enim Confessarius non multum illi tenetur esse intentus, & penitenti licitum absq; sacrilegio silere quædam, quæ infamiam præferunt. Ratio est, quia qui de venialibus confitetur, potest tacere quæ vult, & quæ vult tantum confiteri; ita hic non magis, tenetur repetere ea de quibus iam confessus, & à quibus directè absolutus est, quam peccata venialia. Nec refert quod penitens dixerit Confessario, se velle apud eum confessionem generalem facere; licet enim ita dicendo mentiatur; id parum confert, quoad hanc obligationem; nec fallit in re quæ ex se pertinet ad forum huius iudicij.

Et licet ille qui facit confessionem generalem ex obligatione, & confitetur simul peccata aliqua commissa post confessionem vltimam, vel Confessarius ea excipiat tanquam materiam necessariam; nihilominus in praxi dicendo, iste qui ex deuotione generaliter confitetur, debet dicere ante vel post hanc confessionem generalem, si quod peccatum mortale nouum commisit, tum propter penitentiam punitiuam, quæ non tanta requiritur pro peccato, pro quo iam satisfactum est, tum propter præseruatiuam si quæ requiratur: insuper propter casum reseruatum si quem incurrit, nam à non habente potestatem super



illum non potest ab eo absolui; potest autem absolutio impendi à simplice Confessario super casus reueruatos iam absolutos, quamuis inuálida fuerit absolutio propter defectum penitentis à peccatis ipsius. Vide Bass, V. Cap. 1. n. 19.

Deinde instruat penitentem; ut omitat historias & omnia superflua, atq; adeò peccata quæ constat esse venialia: dicat autem breuiter & dilucide species, numerum & circumstantias necessarias grauiorum peccatorum: hâc enim ratione quantumvis longi temporis confessio, non tantum expeditè, sed etiam integrè & perspicuè fieri potest, atq; adeò magis accomodatè ad sententiam de statu penitentis ferendam, quàm si multæ circumstantiæ non necessariæ permisceantur: quod si penitens non sit capax huius instructionis, ut ferè contingit, ipse Confessarius instituat breue examen, sed tamen integrum, pro statu penitentis, (dictum est supra,) reuocando omnia ad præcepta Decalogi: non tamen omnes omnia interrogandi sunt, sed ea tantum, quæ probabiliter committere potuerunt.

Indè æquum erit Confessarijs penitentes monere, nè Sacramentaliter vel ut absoluendas imperfectiones, quæ peccata non sunt, narrent. Quod si penitentes illa peccata esse putent à Confessario doceantur, scelera non esse, nec deinceps indigere eas amplius subijcere confessioni, ut absoluendas; potius enim per orationem & mortificationem debent tolli.

Si alii

Si aliquod graue turpeuē peccatum in confessione declarari audieris, nulla signa admirationis, bominatiois, aut pauoris ostendat, siue spueno, siue se cruce signando; sit potius ac si nihil audiret, dissimuleq; vique ad finem confessionis. Dimittas venereas culpas, aut faminarum confessiones audire (à quibus periculum) commendet se D. O. B. Virgini, tutelari Angelo, castisq; Angelicis cogitationibus, imbecillum animum muniat.

Et quia contingit aliquando personas Religiosas & deuotas, quæ confitentur singulis octo diebus, & fortè sæpius, dum accedunt ad confessionem immorari tantum, quantum sufficeret pro faciendâ confessione vnius perditissimi lacronis, & dant occasionem quod obloquantur à stantibus. Tu Confessor vide, an benè hoc cedat ut collatur ista admiratio? Postquam personam noueris, non audies nisi mortalia, si quæ habet, vel ventalia grauiora; reliqua omnia facias verbo generali confiteri. Vnde impertinenter & non sine peccato faciunt, qui in confessione tempus terunt instructionibus ad hoc Sacramentum non pertinentibus, de rebus & exercitijs spiritualibus, de moribus & directione filiarum spiritalium, audientes omnia, quæ eis contingere dicunt, & de eis conferentes de multa iactura temporis, & grauibus periculis deceptionum, propter familiaritates inutiles, quæ ex eis nascuntur.

Vnde apud viros potius quam apud mulieres



tes suam operam collocet, magis proficiens tutius aget. Viri constantiores sunt feminis, nec multum temporis impendat lubricum negotium cum feminis, longiora colloquia miscere, cum ingenti periculo, vix minimo lucro. Ne fidat, muliebri ingenio, *cunctorum enim una malorum femina principium.*

Qui morituri confessionem excepturus est, siue mors immineat ex morbo, siue ex vulnere, siue ex Iudicis sententia? primo transferat animum ipsius à cura rerum temporalium, ad curam animæ & salutis æternæ, ad quod expediet aliquando præscindere omnem spem vitæ longioris. 2. Excitet in ipso fidem necessarium, ad salutem spem veniæ in CHRISTVM, puram charitatem in DEVM, penitentiam & detestationem peccatorum, saltè ex timore gehennæ. 3. Si multum temporis suppetit, det illi spatium *recogitandi annos suos in amaritudine animæ suæ*, vt integram faciat confessionem omnium peccatorum, nam tunc maximè vrget præceptum Diuinum. 4. Hortetur illum vt disponat domui suæ, prouidendo vxori, liberis, & alijs quibus est obstrictus, condat testamentum, & relinquat negotia, quàm potest liquidissimum nè detur heredibus occasio litigandi. 5. Inducat illum vt petat viaticum SS. Eucharistiæ, & Sacramentum extremæ vnctionis. Statuat item de sua sepultura, exequijs, suffragijs, &c. Vt corpori & animæ sit prospectum. 6. Si periculum est in mora, vt quia grauissimè vuln-

ratus,

ratus, vel breui priuandus vſu rationis, aut lingua; tunc ſi putetur ſufficienter diſpoſitus, ſtatim poſt vnum aut alterum peccatum abſoluatur; reliqua audiantur per otium, prout tempus patietur, ſubſequentē denuò abſolutione.

An autem ipſe Confellarius in auditis confeſſionibus aliquid deliquerit, intuendum ſibi eſt; ſumat ſibi ſpatium; inauditae confeſſiones inquirat; videat an aliquid peccauerit, doceat, expiet ſcelera confeſſione ſua, eaq; in poſterum corrigere totò animò conetur. Confellarius tamen qui ex memoria debilitate, humana diſtractione, fatigatione ſpiritus, ex nimia intentione in confeſſionibus audiendis & ſimilibus cauſis, omitteret aliqua examinare, vel totaliter à peccato excuſaretur, vel non niſi venialiter peccaret: quia cum tanto ſui incommodo & diſpendio, & in cautelis quæ vix ſunt in noſtra poteſtate, nemo tenetur alienos deſectus ſupplere.

Caueat præterea Confellarius nè alios Confellarios deſpiciat, temerè iudicet, maledictis proſcindat, aut eorum geſta imprudenter accuſet: fieri enim poteſt, vt prudentiſſime egerint: quod tamen nec pœnitens, nec ipſe percipit. Si alicuius crimen ex imprudenti confeſſione pœnitentis cognoscat, Chriſtiano animo excuſet, humanæ imbecillitati adſcribat, roget Deum vt illi reſpiſcendi mentem inſtillet, ſibi q; præſtò ſit, vt vel ex ſcelorum laqueis exeat, vel  
nè in



nē in maiores, quā n ille inciderit, vitiōrum voragine, præceps ruat. Quis enim Divinā ope orbatu præcipiti cursu in scelerum ambages non rapiatur, diris hostibus circumventus?

Pro coronide horum monitorum, sciendum est (idem B. llaeus ibidem) gravissima & multa inter audiendos Divinō ritu pœnitentes, flagitia committi possē: caueat proinde diligenter Confessarius nē se aliquō sacrilegiō inficiat, vel inficiā, vel imprudentiā, vel ommissione necessariæ interrogationis, vel non præcepta restitutione, vel indignam aliquem certō quodam pauore, scientiā absolutione donando. Ideō fortis sit & magnanimus, nec vereatur magnitudinem cuiusquam, memor agere se causam CHRISTI, non suam, ac propterea si Vir nobilis, si amicus confiteantur, habeat præ oculis gloriam DEI, & salutem pœnitentis, ad eumq; scopum suaviter & prudenter dirigat, iuxta præscriptum Concil. Trid. Sess. 14. Cap. 8. nē leuissima pro gravissimis delictis iniungendo, alienorum peccatorum particeps fiat: vnde mortem magis debet oppetere, quā homini indigno Sacramenta præbere.

### QVÆRES VI.

*Quomodo soluenda illa argumentatio, quā aliqui pro defensione sua vitæ licentiose turgentur: vel sum prædestinatus, vel non sum, si sum certissime saluabor quidquid fecero; si non sum, certissime damnabor, quicquid egero.*

Re-

**R**espondent Theologi imprimis istam argumentationem ex toto fallam esse; neq; enim quisquam ex adultis dampatur nisi commiserit damnanda, neq; saluatur nisi digna calô operatus fuerit, probant id ex multis scripturæ locis Ezech. 37. *Viuo ego dicit Dominus, nolo mortem peccatoris, sed ut conuertatur à via sua, & uiuat* Matt. 25. *Venite benedicti Patris mei possidete vobis paratum Regnum à constitutione mundi, esuriui enim &c. Ite mal. dicti, &c.* Ioan. 5. *Procedent hi qui bona egerunt in resurrectionem uitæ, qui vero mala in resurrectionem iudicij.* 2. ad Cor. 5. *Vt unusquisq; referat, prout gessit in corpore suo siue bonum siue malum.* ad Rom. 8. *Quos præsciuit & prædestinauit conformes fieri imagini filij sui.* In quæ verba D. Ambrosi. libr. 5. de fide & gratia Cap. 3. ait. *Non enim ante prædestinauit, quam præsciuit, sed quorum merita præsciuit, eorum merita prædestinauit.* Vnde D. August. lib. de prædestinatione & gratia Cap. 15. *qui creauit te sine te, non iustificabit nec saluabit te, sine te* Et alibi: *vasis iræ nunquam DEVS redderet interitum si spontaneum non inueniretur homo habere peccatum.* Demum iidem Doctores probant ex ijs scripturæ locis, quibus vita æterna dicitur corona iustitiæ, merces, brauium ac præmium, dicuntq; illum qui confidit se sine gratia & meritis saluandum esse in statu peccati mortalis, propter hanc temerariâ præsumptionem, (nam ex Dei præcepto bona opera sunt conditio sine qua non, &c.) eò ipso damnandum fore.

Ad



Ad maiorem declarationem horum appono hic dogma celebris hoc tempore in Sacram scripturam Commentatoris Cornelij à Lapide, supra illa verba D. Petri 2. Epist. Cap. 1. *Satagite magis ut per bona opera certam vestram vocationem & electionem faciatis.* Hac ergo inquit ratione in cuiusq; fidelis potestate & arbitrio est, facere, ut sit predestinatus, vel ut non sit; si enim velit cooperari gratie, sibi a DEO ad salutem data, usq; ad mortem uti potest & debet; est, & erit predestinatus; si nolit non erit, quos enim DEVS praevidit cooperaturos gratie, hos predestinavit; quos verò praevidit non cooperaturos, illos reprobavit. Quisq; ergo gratie sibi à DEO ad salutem data, strenuè & constanter cooperetur; hac ratione gratiam sibi datam, faciet congruam & efficacem (quod DEVS vult & optat) & consequenter erit predestinatus, non reprobus; quòd sanè dignationis diuinæ, aequè ac consolationis humana pulchrum est argumentum.

Idem super illa Pauli. *Firmum fundamentum DEI stat, habens signaculum hoc: cognovit Dominus, qui sunt eius: & discedat ab iniquitate omnis, qui inuocat nomen Domini, sic scribit: à bona vita pendet reprobatio & damnatio; atqui bona & mala vita, est in arbitrio & potestate cuiusq; quisq; enim per gratiam DEI potest bene vivere, potest & male si velit; ergo electio quòq; ad gloriam & reprobatio est in arbitrio & potestate cuiusq;.* Totum hoc significauit D. Thom. Aquinas, quando ab anxia sorore interrogatus, quomodo saluari posset? respondit, volendo.

Deinde

Deinde illud argumentum non tantum falsum, verum etiam purum inuentum diaboli inde esse colligitur, quod ipsum Ruffinum D. Francisci Religiosum in summas animi angustias, & grauem desperationem coniecerat; & certè in vltimum interitum protraxisset, nì **D E V S** istum dolum sathanæ, & illius fratris periculum Diuo Francisco reuelasset. Sanè D. August. affirmat, facto sæpius repetendi dilemmatis ratiocinio, Monachum vnum in suo Monasterio, eo deniq; adductum fuisse, vt deserto claustro, mundum, allia & pepones Ægypti malò perfidiæ exemplò repeteret, miserèq; ibi periret. Vbi felicitatem insanus quæsiuerat. Ex eodem Calvinus & omnes Calvinistæ, ac complures alij cornuto illo syllogismo sumpserunt cornua, facti in omnem pietatem proterui arietes: ex eadem tentatione quendam in Reuel. S. Birgittæ lib. 6. Cap. 13. legimus esse damnatum.

Tertiò, quod, valde vanum & imperitum: quasi si quis diceret: **D E V S** præuidit & determinauit quod triticum messurus sim vel non sim; ergo non est opus arare; si enim scit quod messurus sim, hoc certò eueniet; si nescit quod messurus non sim, frustra arabo. Similiter si dicat: si **D E V S** determinauit me nunc moriturum, non egeo curâ Medici, vel medicinâ; si scit me non moriturum ex hac ægritudine, superflua erit cura, quia sanabor etiam sine illa, nè fallatur **D E V S**.

Responderetur ergo, quod sicut scit **D E V S** te sanare.



saluandum, ita scit quod per hæc media sanitatis, per hanc medici curam, & medicamenta sis sanandus; & ideo illa tibi adhibenda sunt: si si scit te collecturum triticum, etiam scit te seminaturum & araturum, sicq; collecturum; ideoq; arare debes & seminare. Similiter si DEVS scit te saluandum, scit quod per bona opera sis saluandus, & ideo illa debes conquirere: si scit te reprobandum, scit quod propter peccata & mala opera, & ideo debes illa fugere. Licet ergo totum opus saluationis fiat per diuersa auxilia gratiæ Diuinæ iuxta illud Apost. Rom. 6. *Gratia DEI vita eterna*; Et illud Ecclesiæ. *Qui saluandos saluas gratis*; attamen illa exigunt cooperationem nostram, prout orat Ecclesia illis verbis. *Quos tuos fide & opere futuros esse prænoscis*. Sicut enim docente D. Thomâ DEVS per patientiam remissionem peccatorum, ita ex meritis gloriam dare hominibus decreuit. Certe hoc argumento Daemon non vititur pro parte sua; nec dicit: si iste est prædestinatus frustra laborabo ipsum tentando, quia certò saluabitur: si est reprobatus infallibiliter meus erit, non est necesse vt ipsum tentem: verum circuit querens quem deuoret, cui in viuâ fide resistendū est.

Quapropter dololum hoc argumentum ita retorquent Theologi. Primò Becanus de prædestinatione hæc habet. Si prædestinatus sum per certa media, quæ in mea sunt potestate; certissimè saluabor, si illa seruabo. Si reprobatus sum propter mea peccata, quæ liberè committam;

mittam; certissimè damnabor, si illa patrauerò.  
 Tannerus quoq; disp. 3. de præd. sic ait: Certi  
 sumus nos saluandos si usq; in finem in bono  
 perseueremus uti possumus, nec aliter; certi su-  
 mus nos damnandos, si culpâ nostrâ deficiamus  
 in bono, nec aliter, & Greg. de Valentia 1. p.  
 q. 23. disp. 1. p. 4. Si es prædestinatus, benè  
 tibi operandū est, præuisus es enim benè opera-  
 turus; quod si nolis operari, signum est, te non  
 esse prædestinatum; ut ergo *certam tuam præ-  
 destinationem facias*, benè operare. Dicitis ver-  
 b̃s hunc discursum deducit Paulus Z. chentner  
 in libello dicto Vermis conscientie lib. 2. C. 2.  
 §. 1. Hoc dolosum argutantis demonis Sophi-  
 sma eludere potes, telaq; in artificis tui caput  
 itura, retorquere hoc pacto. Aut sum à Deo  
 insertus in album cœlestium incolarum, ab om-  
 ni retrò æternitate, aut inde expunctum est  
 nomen meum. Si posterius hoc, & niger De-  
 i calculus in numerum damnandorum ne abiecit;  
 id nunc saltē agendum est, ut à vitijs & fla-  
 gitijs, porro mihi temperem, ne eò, grauius ple-  
 ctar in flammis, quo plectenda læpius iterane-  
 ro inconsideratissimâ temeritate. Ququam &  
 inter reprobos me Deus posuerit, nisi scelera  
 fecerint reus, & voluntatis propriæ malitia,  
 cohibenda per Diuinæ gratiæ auxiliarem ma-  
 num, & libertatis arbitrium. At verò si pium  
 numen me inter suos electos adsciuit, nondum  
 matris vtero conceptum, nondum natum; tum  
 verò multò maximè sum obstrictus per breuem

huius



huius vitæ periodum, quàm officiosissime obsequi, cui me video ante omne ævum, in corde castisq; amoribus fuisse. Accedit quod tamen **DEVS** per seipsum decernat adultis mortalibus gratiam & gloriam, non tamen consequar otiosus, sed adlaboraturus alienæ benevolentia, atq; in pietate, bonisq; meritis, vsq; ad finem, pertinaci constantiâ perseveraturus.

Vnde etiam pessime sic concludes: si sum olim, in felici cælitum societate futurus, iam possum omnem salutis meæ sollicitudinem abijcere, vivere licenter, amandare in exilium probitatem; seueriores Numinis leges explodere, proteruius cum **DEO** ludere.

Addit Bress. lib. 2. Cap. n. 95. Si cui reuelata esset reprobatio seu futura damnatio, eum non debere, imò nec posse absolutè sperare gloriam, adeoq; de ea posse positivè desperare tanquam futura; non tamen tanquam de impossibili, quia reuera simpliciter, & in sensu diuino maneret possibilis; quare etiam peccaret is, se reddendo eâ indignum, tenereturque vitare peccata, nec se indignum reddere: quia vt Bannes inquit prima p. The. **DEVS** habet mille modos saluandi hominem.

Pulchrum est, atq; solatio plenum, quod Ludolphus de quodam Monacho posteritati consignauit. Huic suus Socius quod à **DEO** semel acceperat, candidè dixit ipsum esse de numero reproborum. Et ô qualem nuntium tulit? quàm grauem? nōq; tamen alter fulminatus.

natus erat, tam manifesto Divinæ vocis oraculo, neq; vellere capillos caput, sedare lachrymis vultum, & aërem fameinō vlulatu adimplere: quin potius medicinam pusillanimitatē reperit opportunam, & benedictus, aiebat DEVS; nec sic desperabo; sed penitentiam quam per ingressum Religionis assumpsi, de cætero duplicabo, & triplicabo; donec gratiam & misericordiam apud DEVM Altissimum, qui pius est inueniam. Et hem! qui nuper fulinen tulerat, redijt postliminio cum palinodia, sodalemq; suum affirmat esse in societate beandorum; ita nunc a DEO se edoctum.

Deinde etsi nulla expectaretur salus æterna; attamen recta ratio dictat seruiendum esse DEO, ac præcipienti obtemperandum, tum propter summam ipsius excellentiam ac Maiestatem, tum propter tot beneficia, creationis, conseruationis, redemptionis, aliaque in nos collata.

Habemus in speculo exemplorum de quodam Eremita, qui istud peruerſum argumentum per istam doctrinam, contra ipsum dæmonem conuertit, ex ipsoq; laudabilem victoriam obtinuit: hic nequam veterator inuidens huic bono adolescenti profectum quem eximium in virtutibus, cum magno cūmulo meritorum faciebat, apparuit eius seniori in specie Angelica eum certificans, de certa damnatione huius sui discipuli, ne quicquam contra prædestinationis Divinæ decretum proficientibus suis meritis: hoc nuntio insauſto perculsus senex, quoties illum ioue-



nem aspiceret à lachrymis sibi temperare præ dolore ex deceptoria prophetia sibi impressis non poterat. Aduertens ille iuuenis ex sui conspectu senis notabilem mærorem toties augeri, tandem importunus extorsit illius causam: nempe sui futuram damnationem, suos frustra neos conatus circa suam salutem ac DEI seruitium. Verùm animus ille, fidelis serui DEI minime mercenarius, nihil illo infelici effato prostratus, ad maiorem DEI amorem se excitauit, dicens: si ergo illuc debeo iustò DEI decreto descendere, vbi DEVS blasphematur, ideo hic quàm diu superuixerò magis magisq; DEVM tam bonum adamabo, glorificabo, ac totis viribus ipsius beneplacitis me impendam, siquidem ille est dignissimus omni amore, honore, & obseruantia, quæ in infernò præstare non valebo. Ex hac protestatione optimè dispositi animi huius iuuenis erga Diuinam Maiestatem, postea a bono Angelo reuelatum fuit; iuuenem plus promeruisse illo actu dilectionis DEI, quam per omnes antea actæ vitæ suæ sanctè expensos labores.

Deniq; si per impossibile neq; dignitas DEI neq; ipsius amor, neq; tot benèdicia à DEO nobis præstita nos ad hoc obligarent, vt ipsi omnem obedientiam, reuerentiam & amorem præstaremus: nihilominus ipsa naturæ humanæ nostræ conditio, quæ dicat malum esse fugiendum, bonum faciendum, nos ad hoc adigeret, vt saltè postpositis carnalium affectuum propensionibus, honestam vitam semper duceremus.

Dices;

Dices; legimus aliquos per totam vitam suam rectè vixisse, in fine tandem subuersos miserè perijsse, & è contra. Vnde apparet ideò illos perijsse, quòd non fuerint prædestinati, hos saluatos ob prædestinationem. Respondet CHRISTVS Dominus in Reuel. S. Birgit. lib. 5. Inter. 13. Id non esse propter vim prædestinationis, sed propter ingratitudinem & negligentiam hominis, qui non attendit qualia accepit, nec illa DEI dona sollicitè custodit. Quia verò non omnibus datur æqualis processus & gratia; hoc est (inquit) occultum iudicium meum, qui scio & moderor vnicuiq; quod ei expedit & debetur, qui & restringo conatum hominis ne profundius cadat. &c. Vnde ad dilucidanda supradicta subiungo hîc aliquot loca ex ijdem Reuel. S. Birgit. dicitur enim lib. 4. Cap. 67. *Animæ rationes præscite sunt à Deitate mea, quales future erant præcognitæ, quibus tamen præscientia mea, in nullo obfuit, nec obest, quia eis dedi liberam voluntatis sue motionem, id est liberum arbitrium & potestatem quicquid eas delectat, agendi; nec in aliquo poterit præualere diabolus, nisi voluntas fuerit vitata.* In hoc igitur quòd ego patienter sustinui Saulem, demonstratur ingratitudo Saulis, & patientia Deitatis meæ; quòd verò Dauid electus est ostenditur præscientia mea, & humilitas futura Dauid & contritio eius. Ergo quod aliqui indurantur hoc facit voluntas hominis mihi contraria: quia licet ego volo omnes esse saluos, tamen non perficitur, nisi homo personaliter cooperatus fuerit, conforman-



do omnem voluntatem suam voluntati meae. Cuius voluntas praevidetur feruentior, & humilitas & stabilitas constantior, huic accedit gratia in principio, & subsequitur in finem.

Inde apparet Diuinam praeuisionem ac praedestinationem in nulla re praeiudicari libero arbitrio hominis, nec minorem iniuriam à DEO ipsi fieri, quam sit facta Angelo in caelo vel diabolo ruenti. ( *Reuel. S. Sirgit. lib. 1. Cap. 1. Cap. 34. lib. 5. Interr. 8. & in alijs locis* ) illudq; dictum a DEO ad Caïn Gen. 4. prolatum, quod ad omnes homines DD. referri putant: *Necne si benè egeris recipies; sin malè statim in foribus peccatum aderit.* Tam verum esse ab aeterno quàm in tempore. Et ex his possunt facilè solui obiectiones, quæ in contrarium ponuntur.

Sit ergo conclusum istud argumentum: aut sum prædestinatus, &c. esse de toto falsum, im- peritum, & meram deceptionem diaboli: proinde illis qui nunquam mortaliter peccârunt bonis operibus ( nam sic magis sunt DEO propter innocentiam obligati quàm peccatores ) ad finem esse feruenter & vigilanter insistendum; peccatoribus autem dignos fructus penitentiae faciendos; tepidis autem & frigidis, DEVM supplicibus vocis exorandum, iuxta doctrinam S. August. tract. 26. in Ioan *Semel accipe & intellige; non traheris, ora ut traharis.* Omnes enim DEVS sincerè vult saluos fieri, indeq; sufficien- tia media prout cuique videt expedire porrigit; contra contemnentes illa grauter expostula-  
curus.

turus? Quid ultra vobis debui facere & non feci? Vocavi vos & renuistis. &c. Vnde clarè omnibus in iudicio vniuersali patebit illud Apoc. 16. *Verà & iusta sunt iudicia DEI.*

**QVÆRES VII.**

*Quid consolationis dandum illis, qui de sua perseverantia diffidunt?*

**R**esp. Cum concil. Trid. S. 6. Cap. 13. De perseverantia munere de quo scriptum est, qui perseverauerit usq; in finem hic saluus erit., nemo sibi aliquid certitudine absolutâ polliceatur; tametsi in DEI auxilio firmissimam spem collocare, & reponere omnes debent: *DEVS* enim nisi ipsius gratia defuerint, sicut capit opus bonum, ita perficiet. Et licet *DEVS* temporalia bona, & quædam spiritualia non eâdem libertate omnibus promiscuè largiatur, vt potè non omnibus æqualiter profutura, multis etiam obfutura; nihilominus alia est ratio cum salute nostra & eius anteaambulone perseverantia: nam quisquis hæc spiritualia & cælestia munera sincerè petit; de impetratione optimè confidere debet. Est enim probata Theologorum sententia, iustos homines per preces Numini fultas, aliq; pia in hunc finem frequentata opera, obtinere posse apud *DEVM*, vt in gratia eius vitam suam finiât, quod ipsum est perseverare.

Et sumitur hæc doctrina ex Angelico Doctore 1. 2. q. 114. art. 9. cuius sunt ista: *Perseverantia donum aliquis petendo a DEO impetrat sibi.*



*sibi & alijs.* Intellige tamen vt non vanis precibus à DEO velit extorquere finalem perseuerantiam; cum necessarium sit, vt pia vita fulciat orationem: nam præmonet DEVS per Isaiam Cap. 1. *Cum extenderitis manus vestras, auertam oculos meos à vobis, cum multiplicaueritis orationem, non exaudiam, manus enim vestre sanguine plene sunt.* Quod si quis de suæ vitæ innocentia diffidat, oret, vt oretur pro eo: siquidem in historijs Ecclesiasticis legimus alienas preces magnum monumentum alijs contulisse ad perseuerantiam & salutem.

Nec etiam facile, qui habet desiderium, & bonam voluntatem ad DEVM, in peccatum mortale labitur: hoc insinuat CHRISTVS B. Mechtildi Spir. gratiar. lib. 1. Cap. 21. *Cor beneuolum & bene paratum de facili me non amittit, & cogitationes inutiles, quæ illi improuiso eueniunt, quasi nullius delicti sunt: si tamen non spontè & cum deliberatione, postquam aduerterit, eis immoratur.* Insuper contra hanc tentationem cuidam per eandem Virginem sanctam misit tale remedium lib. 4. Cap. 7. *Sapius legat hunc versum Benedictus es Domine in firmamento celi, & laudabilis, & gloriosus in secula. Et si quando inciderit menti eius, vt cogitet se non pertinere ad electos, faciat more hominis, qui est in valle tenebrosa. Hic si libenter videret solem, de valle in montem ascenderet, & sic tenebras euaderet; sic & ipsa cum inuoluitur tenebris tristitia, ascendat in montem spei, & oculis fidei me aspiciat celeste firmamentum, cui omnium electo-*

electorum animæ ut stellæ sunt infixæ, &c. Vnde bonum est homini, ut sæpè recogitet, quam gratitūdinem bonitatis ipsum elegi, quam miris & occultis iudicijs in peccatis existentem, ut iustificaretur respexi, & quam amanter de ipso cogitans, omnia etiam mala sua, ipsius in bonum commutavi; & benedicet me æternam firmitatem electorum, in hoc autem verbo. Benedicant te omnes Angeli & Sancti tui, desideret omnes Angelos, & Sanctos, me, secum pariter collaudare.

## CAVTELA.

De hac materia.

PRæmonent Doctores de prædestinatione in concionibus, parcè ad populum sermonem esse habendum, ne forte parum intelligentes discursus Theologicos, in aliquos errores desperationis, vel in salutis suæ incuriam incidant. Deinde non multum curiosè mysteria prædestinationis Diuinæ à nobis sunt indaganda, dicit enim August. Si non vis errare, noli indagare: siquidem ista sunt ut præcauet Bellarminus in Ascension. in DEVM Grad. 13. Secreta altissima & profundissima, quæ Pater poluit in abyssu sapientiæ suæ quam Apost. non aperit, sed miratur cum dicit. *O altitudo diuitiarum sapientiæ & scientiæ DEI &c.* Hoc solum nobis scire licet apud DEVM nullam esse iniquitatem, & in nouissimo die neminem futurum qui non possit iure dicere: *Iustus es Domine & rectum iudicium tuum.* Ac propterea hoc secretum nobis vtile esse, cum

hinc



hinc fiat vt nullus improbus de salute desperet, nullus probus de salute certa præsumat, atq; etiam vt Viri probi, de nullius improbi conuersione diffidant, pro omnibus orent, ac de omnium salute solliciti sint. E contra quantumuis bonus & sanctus, non insolescat, cum nullus sciatur quid crastina dies allatura sit. Sed omnes cum metu & tremore salutem suam operentur. Deniq; hortatur sapiens. *In pluribus operibus DEI non sis curiosus, sed quæ tibi præcipit DEVS, illa cogita.* Quæ autem illa sint, ostendit DEVS per Oseam. *Indicabo tibi homo, quid sit bonum & quid DEVS requirat à te, utiq; facere iudicium, diligere misericordiam, sollicitum ambulare cum Domino.*

Nempe vt tecum rigidius procedas tanquam iudex, cum proximo benignè, tanquam mater, cum DEO reuerenter, tanquam probus filius, aut saltem tanquam seruus fidelis; sedulò prospiciens ne quid contra Diuinam voluntatem, agas, imò omnia, ad placitum eius studiosè, peragas.

Ad pacificandas turbationes circa hanc materiam afferunt aliqui hanc similitudinem. Habet v.g. probus filius, parentem suum amantem; seruus fidelis bonum Dominum: nescit filius quid de se cogitet Pater; ignorat seruus quò diuertatur à Domino; nihilominus sciens filius de amore Patris erga se, seruus cognoscens fauentem sibi Dominum; hic Dominum suum, ille

paren-

pare  
ac b  
cet t  
quia  
Clen  
sua b  
boni  
serui  
igitu  
fide  
quo  
nus  
de, &  
quo  
man  
Reg  
tuit  
vt v  
(vti  
nec  
illis  
Clau  
sit i  
vbi  
forte  
mea  
omn  
saur  
didi  
seru

parentem, amanti, honorant, illis obsequuntur,  
ac bona sibi de ipsis pollicentur: ita quoq; tu li-  
cet tibi sit ignotum, quid **D E V S** statuerit de te;  
quia tamen credis & credere debes, quod sit  
Clementissimus, tui amantissimus, hucusq; tibi  
sua beneficia præstat, &c. debes sentire de eo in  
bonitate ac simplicitate cordis, ipsiq; pro viribus  
seruire, & tunc tibi omnia salua fient. Nemo  
igitur ( addit Marchan, in Hor. past. tract. 2. de  
fide Christianâ ) debet angustiari aut fluctuare;  
quod nesciat de quo numero sit; sed inter ma-  
nus Domini **I E S V C H R I S T I** se ex toto cor-  
de, & salutem suam collocare debet, & dicere,  
quod olim Ægyptij ad Ioseph: *Salus nostra in  
manu tua est, tantum respice nos & leti seruiemus  
Regi.* Optimè salutis nostræ negotium consti-  
tuitur, in manibus illis, quæ pro nobis fixæ sunt,  
vt vincula nostra soluerent, in manibus illis, quæ  
( vt ait Bernar. Serm. 61. ) *misericiordiâ affluunt,  
nec desunt foramina per quæ effluent:* Melius in  
illis est, quàm in nostris, non ergo turbemur.  
Clamat clauus, clamat vulnus, quod verè **D E V S**  
sit in **C H R I S T O**, mundum reconcilians tibi,  
vbi enim tutius collocaremus. *In manibus tuis  
fortes meæ* ( ait Plal. 30. ) *Domine & tempora  
mea.* Ibi tuto collocabat Paulus animam suam,  
omniumq; meritorum suorum pretiosum the-  
saurum, dum dicit: 2. Tim. 1. 12. *Scio cui cre-  
didi, & certus sum, quia potens est depositum meum  
seruare in illum diem iustus Iudex.*

Exemplum huius singulare refert Thom. à

Kem-



Kempis Imit. Chr. It. lib. 1. Cap. 25. Religiosus quidam fluctuans & anxius inter ipem & metum, quadam vice maiore affectus Ecclesiam ingrediens ante altare prostratus hæc intra se dicebat. O si scirem quod adhuc perseveraturus essem? statimq; audiuit Dominicum responsum. Quid facere velles si id scires? fac nunc quod facere velles, & securus eris. Moxq; consolatus, Diuinæ se commisit voluntati, & cessauit anxia fluctuatio, noluitq; investigare quæ sibi essent futura? sed magis studuit inquirere, quæ esset DEI voluntas beneplacens & perfecta, ad omne opus bonum inchoandum & perficiendum?

## C A P V T IV.

De iuuandis Pœnitentibus in Profectu vitæ Christianæ.

§. I.

*De obligatione proficiendi in vita Christiana.*

### Q V Æ R E S I.

*Quid sit vita Christiana?*

**R**esp. Vitam Christianam in actu signato nihil aliud esse, quam obseruationem legis CHRISTI: sicut enim vita humana ab obseruatione legis naturalis, quam DEVS rationi indidit, dependet; sicut olim verum Israelitam obseruatio legis Moisaicæ ostendebat; ita modo adimpletio legis Euangelicæ, verum Christianum efficit.

efficit. Vnde & ipse CHRISTVS illos, tantum veros sui sequaces, discipulos, & amicos agnoscit, qui non secundum se, aut suas concupiscentias, aliosuè respectus humanos; verum iuxta sua præscripta viuunt; dicit enim Ioan 8. *Si manseritis in sermone meo, verè discipuli mei eritis.* Et 15. *Vos amici mei estis, si feceritis quæ præcipio vobis.*

Porro CHRISTVS suæ legis Euangelicæ præcepta triplicia reliquit, nempe Fidei, Moralia, & Sacramentalia. Sacramentalia de nouo instituit. Fidei verò clariùs, quàm fuerant in veteri testamento declarauit, vt potè de Sanctissima Trinitate, Incarnatione, Redemptione, &c. Moralia quoq; sublimauit, præcipue quoad vitam spiritualem, quam ipse à nobis principaliter requirit. v. g. non propter diuitias, aut gloriam hominum sed principaliter propter DEVM, malum fugiendum, bonum faciendum: quando dicit Matth. 6. *Attendite ne iustitiam vestram coram hominibus faciatis, vt videamini ab eis, &c.* Nemini dandum esse scandalum: *va mundo à scandalis* Matth. 18. Affectum iræ comprimendum. *Qui irascitur fratri suo reus erit iudicio, &c.* Vade priùs reconciliari fratri tuo, &c. Matth. 5. Iudicium temerarium esse vitandum. *Nolite iudicare, &c.* Luc. 6. Inimicos diligendos. *Benefacite ijs qui oderunt vos.* Amorem sui inordinatum cum illicitis desiderijs mortificandum. *Qui amat animam suam perdet eam.* Ioan. 10. In sermone circumspeditionem seruandam. *De verbo otioso reddent homines rationem in die iudicij.* Matth. 12.

Affectum



Etum inordinatum ad propinquos procul seponendum. *Si quis venit ad me, & non odit Patrem, suum, & Matrem, & Vxorem, & Filios, &c. non potest meus esse discipulus* Luc. 14. Internos motus libidinis frangendos, sensus corporis moderandos. *Sint lumbi vestri præcincti, &c. Qui viderit mulierem, &c.* Luc. 12. Nimiam sollicitudinem temporalium fugiendam. *Nolite solliciti esse, &c. Non potestis DEO servire & mammonæ. &c.* Matth. 6. Occasiones peccati etiam gratissimas præscindendas: *Si oculus tuus scandalizat te, Matth. 18. Fraternali correptionem adhibendam: Si peccaverit in te frater tuus, corripe eum* Matth. 18. Acediam vitandam, bonis operibus incumbendum. *Vigilate. Negotiamini dum venio, &c. Descendite à me maledicti* Matth. 15. Item Sacra non esse danda indignis, ut potè pias admonitiones, Sacramenta, &c. Salutem animæ procurandam magis, quàm omnia bona mundi. In spiritu & veritate DEVM adorandum, sæpius orationi vacandum, humilitatem sectandam, Pœnitentiam agendam & his similia, quæ passim apud Sanctos Euangelistas, & in Epistolis Apostolorum, videre licet.

Has autem suas leges CHRISTVS in vnâ generalem legem intrinsecam charitatis; videlicet in efficax desiderium placendi per omnia DEO, redegit quod in sua Oratione Dominica, & in illis verbis Luc. 12. conclusit; *Veni ignem in mundum mittere, & quid volo nisi ut accendatur.* Equidem hæc lex CHRISTI, nimirum ardor placendi in omnibus DEO, fœderi & constanter tam in pro-

in prosperis, quàm in aduersis: postpositis omnibus respectibus amoris proprii, aut fauoribus hominum obseruetur; tantum poterit efficere, quantum nullæ aliæ leges etiam Sanctissimæ, vigilantissima superiorum cura, sollicita & exacta directio correctio opportuna, aliorum probatissima exempla; insuper nullæ pœnæ, vel præmia legislatorum, Magistratuum, &c. in quopiam efficient. Nam hæc interna charitatis lex ( prout Gaudier de Natura Perfect. Parte 3. Cap. 6. bene aduertit ) pericula propulsare, excogitare præscribereq; media ad perfectionem efficacia, & ad eorum executionem vrgere, & applicare voluntatem, non tantum spontè, & liberè; sed etiam suauiter & iucundè poterit; vt potè præ cæteris fortius & suauius animos & corda hominum penetrans & efficiens.

Ideoque Sancta Ecclesia in illo Psalmo 118. quem per Primam, Tertiam, Sextam, Nonam, horarum Canonicarum distribuit; hoc sanctum desiderium efficaciter adimplendi beneplacita DEI; in nobis quotidie excitare contendit. Hic Psalmus continet in se versus 170. & nullus ferè est, qui non faciat legis vel mandatorum, vel sermonum viam DEI, iustificationum, &c. testimonium vt per hoc ostendatur, nos nihil aliud in vita hac desiderare debere, nullumque alium finem Orationis esse, quàm vt Domino DEO in omnibus placeamus. Idem desiderium CHRISTVS lib. 4. Reuel. S. Birgithæ Cap. 115. vocat *Cor animæ*.



Vita autem Christiana in actu exercitio nihil aliud est, quàm constans exercitatio bonorum operum, quàm DEO propter DEVM famulamur iuxta præscriptum CHRISTI. Hæc definitio continetur in illis verbis Apost. ad Titum 2. *Christus dedit semetipsum pro nobis, ut nos redimeret ab omni iniquitate, & mundaret populum sibi acceptabilem, sectatorem bonorum operum.* Dicitur autem in definitione, constans exercitatio: ad differentiam eorum, qui cum Pharaone, Saule, Herode, &c. quandoq; compunguntur, sed postea uti homines animales ad sua desideria perversa quæ nolunt dediscere, aut deserere, redeunt; indeque tanquam canes ad vomitum, aut porci ad volutabrum peccatorum mortalium reuertuntur; quorum vita non est verè Christiana vita; siquidem lethargo mortis spiritualis consopita, mortem secundam damnationis æternæ (nisi DEO excitante resipiscant) pro certo expectât. Et licet propter Baptismum, Fidem, Spem, dicantur Christiani, non tamen sunt amici CHRISTI, quem factis negant; alijs quandoq; scandala diuersa præbent, &c. Tales sunt ante CHRISTVM (vti habetur lib. 1. Reuel. S. Birgithæ Cap. 37.) iniustiores iudicantibus eum, & auctiores crucifixoribus eius, impudentiores venditoribus eius, & maior pœna debetur istis, quàm illis. Dicitur bonorum operum: nam Christiano non est satis declinare à malo, nisi etiam faciat bonum: per opera autem hîc intelliguntur etiam actiones internas, utpotè pias cogitat. *Es, desideria, sacras medita.*

meditationes, actus internos virtutum, qui non tantum sunt meritorij vitæ æternæ; verum etiam actus exteriores suâ bonitate informant. Ideoq; Apost. 2. ad Titum in descriptione vitæ Christianæ præter abnegationem impietatis, & sæcularium desideriorum, ponit virtutem temperantiæ, iustitiæ & pietatis, tandem opera exteriora bonitate virtutum interiorum imbuta. Dicitur quâ DEO propter DEVM famulamur, vt excludantur illa opera, quæ vel propter lucrum temporale, aut honestatem animi, quæ etiam Paganî & Heretici faciunt, exhibentur. Dicitur deniq; iuxta præscriptum CHRISTI, ad differentiam Gentilium, qui olim ex dictamine legis naturalis iuxta instituta à DEO illuminatorum, ritè vnum DEVM colentes, actus virtutum moralium exercebant; & ad discrimen gentis Hebraicæ, quæ laudabiliter propter DEVM secundum legem Moylis bonis operibus intendebat; demum ad differentiam illorum Christianorum, qui licet propter DEVM aliqua operentur, nihilominus illa iuxta suam voluntatem faciunt.

Porro CHRISTVS vitam nobis à se traditam, in tres partes, in quibus præcipuè placere possumus DEO, diuisit. Prima est, abstinentia à naturalibus inclinationibus ad malum. Secunda, tolleratio difficultatum circa virtutes. Tertia, imitatio CHRISTI ipsius, in agendo & patiando. Ita enim dicit Matth. 16. & Luc. 9. *Si quis vult venire post me, abneget semetipsum, tollat crucem suam quotidie, & sequatur me.* Ex quibus



si vna desit in aliquo, vita etiam verè Christiana in ipso definit. *Nisi enim quis (D. Gregorius Homilia 32.) à semetipso deficiat, ad eum qui supra ipsum est, non appropinquat: tunc ergo nos relinquimus & abnegamus, cum vitamus quod per vetustatem fumus, & ad hoc nitimur, ad quod per novitatem vocamur.* E. G. non potest quis actus humilitatis exercere, nisi prius ab affectu & prosecutione honoris absteineat, & patienter sustineat contumelias, iniurias, contemptus: nec poterit fraternæ charitatis officium prosequi, nisi ab oblectatione ex alieno malo proveniente sese absteineat, sustineat illam animi ægritudinem, quæ ex alterius felicitate posset oboriri: non potest mansuetus esse, quàm abstinendo ab ultionis voluntate, & sustinendo sibi illatæ iniuriæ molestiam. Castitas quoq; non aliter hostem suum compescit, nisi dum libidine abstinet, & generosè sustinet ortas à continentia difficultates. Quis vltus temperantiæ, nisi vt absteineas ab immoderato, aut nimis exquisito cibo, potuq; & ieiunia sustineas paruo contentus? Amorem sincerum erga **DEVM** nemo poterit obtinere, nisi amorem sui inordinatum in se compescat, & difficultates, in honore **DEI** procurando, perferat ac superet. Idem de alijs actibus virtutum est censendum, qui nullò modò poterunt exhiberi, nisi per abstinentiam vitiorum sibi oppositorum, & tolerantiam acerbis, patientiam aduersitatum, etiam ipsius mortis, ne gratiam **DEI** amittamus, vel si nos fuerit necesse opponi pro honore **DEI**.

DEI  
sustin  
gmata  
Ita v  
delide  
vel car  
serio i  
& bon  
parcat  
suam  
onem  
hæc in  
V  
adimp  
quàm  
res in  
sum, &  
bulat  
ne qui  
referr  
ampli  
quens  
catum  
qui cu  
cata  
vt pec  
ta Ch  
abstin  
forum  
pter h

DEI. Ad hæc tria puncta videlicet abstine, age, sustine, aliqui omnia S. Euangelij moralia dogmata reuocant, & in ipsis conclusa esse volunt: Ita vt si quis ad exemplum CHRISTI, feruenti desiderio placendi DEO, non quæ grata animo, vel carni, vel sibi ipsi; sed quæ sunt accepta DEO serui inquirat; nec in procurando honore DEI, & bono proximorum, respectu DEI, laboribus parcat; & in acerbissimis casibus voluntatem suam Diuinæ voluntati plenè relignet; perfectionem Christianam consequi censeatur. Verùm hæc infra latius declarabuntur.

Vt autem nos CHRISTVS ad sua præcepta adimplenda suauius alliceret, prius ipse illa fecit, quam docuit, post ad sequendum se, suos cultores inuitauit dicens: *Discite à me quia mitis sum, & humilis corde. Qui sequitur me non ambulat in tenebris. Exemplum dedi vobis, &c.* Et ne quis hæc verba ad solam lotionem pedum, referri putaret. D. Petrus 1. Petri 2. illa ad alia ampliat. *Christus passus est pro nobis, vobis relinquens exemplum, vt sequamini vestigia eius qui peccatum non fecit, nec est inuentus dolus in ore eius, qui cum malediceretur non maledicebat, &c. Peccata nostra ipse pertulit in corpore suo super lignum, vt peccatis mortui, iustitiæ viuamus.* Proinde vita Christiana vocatur imitatio CHRISTI, in abstinentia voluptatum, in tollerantia aduersorum, & exhibitione bonorum operum, propter honorem DEI: & ideo iste, qui recusat  
bona



bona agere, & mala pati, propter DEVM, cæ-  
lum, virtutem, non scit quid sit esse Christianum?

## QVÆRES II.

*An teneantur omnes in vita Christiana pro-  
ficere?*

**R**esp. Ex Euangelio per verba CHRISTI;  
*Nisi conuersi fueritis, & efficiamini sicut paru-  
uli, non intrabitis in regnum celorum* Matth. 18.  
Equidem Apostoli iam fuerant ad CHRISTVM  
conuersi, nihilominus, quia adhuc laborabant  
aliquibus vitijs, jubet eos CHRISTVS redire ad  
innocentiam paruulorum, & prosequi Heroicos  
actus virtutum, prout in eodem Capite videre  
licet. Ad quæ verba CHRISTI aduerte, illa sub  
eâdem obligatione poni à CHRISTO, sub quâ e-  
tiam illa protulit: Ioan. 2. *Nisi quis renatus fu-  
erit ex aqua & Spiritu S. Nisi penitentiam egeri-  
tis omnes simul peribitis.* Dehâc obligatione pro-  
fectus, passim SS. Doctores. Non enim nos  
DEVS vocauit ad otium, aut delicias; sed ad  
laborem in honorem sui, & proximorum vti-  
litatem respectu sui, ad mortificationem natu-  
ræ nostræ peruersæ, ad voluntariam tolleranti-  
am aduersitatum: ideoque vita Christiana in  
Sancta Scriptura, vocatur via, peregrinatio,  
cursus, crux, militia, certamen, operatio, nego-  
tiatio spiritualis. Deinde sicut homo non ideo  
nascitur, ac necessarijs vitæ utitur, vt morbidus,  
languidus, ac defectuosus maneat; sed vt sanus  
creseat, recta operetur, & in virum perfectum  
quadat,

evadat. Ita nos non propterea vitam Christianam assumimus, ut perperam res nostræ vocationis peragamus, vel in benè cæptis deficiamus; verum ut magis, magisq; in innocentia paruulorum, in sanctitate & iustitia coram DEO proficiamus, vel ut S. Paulus dicit ad Ephes. 1. *Sancti & immaculati simus.* Hujus etiam profectus in Baptismo commonemur, nam præter abrenuntiationem diabolo, & pompis & operibus eius, unguimur oleo sancto, ut tanquam fortes Athletæ pugnemus contra mundum, carnem, & ipsum diabolum: præter adhesionem, per Fidem, Spem, Charitatem DEO Trino, & uni; linimur Chrismate, ut nos meminerimus CHRISTO tanquam Capiti nostro insertos, nunquam ab eo debere per contrariam ipsi vitam diuelli: præter impositionem vestis candidæ, quâ acceptam in Baptismo innocentiam jubemur immaculatam perferre ante Tribunal CHRISTI; etiam nobis datur, accensus Cereus, ut irreprehensibiles custodiamus Baptismum nostrum, seruantes DEI mandata usq; ad mortem: ubi etiam nomine Ecclesiæ, pro quolibet qui baptizatur orat Sacerdos, ut careat fectoribus cupiditatum, sitq; spe gaudens, Spiritu feruens, DEI nomini semper seruans; quæ omnia pueris cum ad usum rationis veniunt declaranda sunt, ac omnibus adultis; præsertim in Anniversario dedicationis Ecclesiæ rememoranda.

*Demum, quia in Evangelio seruus inutilis*  
*ligatus*



ligatis manibus ac pedibus proicitur in tenebras exteriores, ac velut arbor sterilis excinditur, & in ignem mittitur; nec otiosis dicetur in die Iudicii, venite benedicti, sed ijs, qui bona egerunt in hac vita.

### QVÆRES III.

*Quæ sit Regula uniuersalis vitæ Christianæ?*

**R**esp. Esse voluntatem DEI: CHRISTVS enim ita legem suam & vitam ordinauit, vt per eam, nostram voluntatem distortam, & DEO contrariam; voluntati DEI rectissimæ subijceret, nosq; per peccatum originale à DEO alienatos, ad eundem reduceret. Qua de re DEVS Pater, S. Catharinæ Senensis, in hæc verba; Respice in faciem CHRISTI mei, in quo mihi bene complacuit: ipse namq; exinanitus seruli formâ acceptâ, factusq; in similitudinem carnis peccati est, vt vos cæcâ caligine obrutos, & à via veritatis auersos, suæ lucis splendore illuminans, ad rectum iter & verbo conuerteret & exemplo. Obediens fuit vsq; ad mortem, sic suâ perseueranti obedientia vos edocens, salutem vestram ex faciendæ solius voluntatis meæ stabili instituto pendere: nam si quis diligentis studio & consideratione, tum vitam, tum doctrinam meditari velit; perspiciet procul dubio mortalium integritatem, perfectionemq; nullâ re aliâ constare, quam in iugi, perpetuâ ac fidei meæ voluntatis obseruatione, quod idem Dux vester toties attestando repetit.

Ait

Ait e  
mine  
cerit  
non fr  
am cu  
uersal  
& sac  
cunq;  
secutu  
rem e  
Item  
am, se  
cibus  
Item  
manda  
Saluat  
re vol  
necess  
conter  
& ex  
in te,  
tius e  
repon  
Q  
lo ad  
bonas  
per le  
actual  
dendo  
bona,  
num,

Ait enim. *Non omnis qui dicit mihi Domine, Domine intrabit in regnum calorum; sed omnis qui fecerit voluntatem Patris mei.* Et attende, quod non frustra repetit bis, Domine, Domine, quoniam cum omnis transitoria conditio ad duo universalia generalia reducatu, Religiosum scilicet & sæculare: significare vult, neminem cuiuscunq; conditionis sit, æternæ vitæ gloriam consecuturum, licet omnem mihi extrinsecus honorem exhibeat; nisi meam fecerit voluntatem. Item alio loco. *Non veni facere voluntatem meam, sed eius qui misit me Patris.* Et iterum: *Meus cibis est ut faciam eius voluntatem qui misit me.* Item: *Non mea voluntas, sed tua fiat.* Et sicut *mandatum dedit mihi Pater sic facio.* Si vis ergo Salvatoris tui exemplum imitando, meam facere voluntatem, quâ constat, esse bonum tuum, necesse est, ut tuam omnibus in rebus prorsus contemnas facere voluntatem, illam q; abieges & extinguas, quoniam quanto magis morieris in te, tanto magis viues in me, & quò purgatius eicies quod tuum est, eò abundantius ipse reponam quod meum est.

Quapropter quisq; attendat docente S. Paulo ad Rom. 12. in singulis, quæ sit voluntas DEI bona, & beneplacens, & perfecta, & suam ei per legem & exemplum CHRISTI accomoder, actualiter eam conformitatem expresse intendendo, in singulis vitæ actionibus, tam circa bona, quàm malâ, in particulari volendo bonum, & nolendo malum, siue hoc, siue illud,



quia DEVS vult, & non vult, applicando Di-  
 uinæ voluntatis Regulam voluntati suæ, & su-  
 am illi aptando, plusq; se oblectando volun-  
 tate DEI, quàm illa sua operatione.

Porrò voluntas DEI non tantum nobis  
 innotescit per legem CHRISTI, & ejus consilia,  
 verum etiam per inspirationes Spiritus S. per  
 directionem superiorum, per ipsos euentus,  
 quos DEVS contingere permittit in rerum hu-  
 manarum gubernatione. Quod si in aliquo  
 casu dubium occurrat, quæ sit voluntas DEI,  
 tunc id eligatur, quod magis vergit in laudem  
 DEI, aut proximi utilitatem, non in proprii ap-  
 petitus complacentiam; vel ex quo in hora  
 mortis maiorem consolationem sit habiturus;  
 quod si adhuc dubium persistat, tunc in id pro-  
 pendat animus, per quod se itatuat in infimo  
 loco, donec Dominus suo lumine ad altiora a-  
 scendere iubeat.

#### QVÆRES IV.

*Quid Finis perfectus vite Christianæ, & in  
 quo consistat?*

**R**esp. Præter illum remotum qui est vita æ-  
 terna; immediatus finis vite Christianæ est  
 perfectio Christiana: sicut enim motus pro suo  
 fine habet quietem quâ perficitur; exercitatio  
 artis, consumationem sui; accensio lignorum, in-  
 cendium perfectum eorum; ita perfectus vite  
 Christianæ, perfectionem sibi debitam, vel vt S.  
 Thomas 2. 2. 4. 184. artic. 4. Sicut augmentum

corpo-

*corporale pro termino sibi præfigit statum perfectum naturæ; ita augmentum spirituale, statum internum perfectionis (nam alij sunt status exteriores perfectionis, de quibus idem, ibidem) hæc autem perfectio non in alio aliquo consistit D. Thomas citatus artic. 1. quam in Charitate Theologicâ.*

Charitas enim hominem cum DEO ultimo fine & bono suo, magis quàm fides, spes, & religio coniungit, acproinde hominem ex se imperfectum perficit. Sicut enim arbor à radice præcisa, manus sine Capite, infans absq; Matre, & alia suò principiò & fine destituta; manent imperfecta & misera: ita homo sine DEO, imperfectissimus & miserrimus existit, ipsius actiones, possessiones, bona animi, & corporis, &c. quæ ad placitum DEI non diriguntur sunt vana, imò ipsi perniciosa: DEO autem per charitatem vnus felix & beatus.

Et quamuis in hac vita rebus istius mundi, quatenus aliquod vestigium Diuinæ bonitatis præferunt, videat sibi esse contentus; nihilominus in altera ab eorum vsu totaliter lequestratus, & carens diuinâ charitate; miserior erit (vti CHRISTVS D. Birgithæ in suis reuelationibus) illò catolico qui recens natus, matri suæ ademptus, cæcus in foveam proijcitur, vbi querit vbera, aut aliquod solatium matris, nec vllum inuenit: quæ similitudo benè perecipienda. Da mihi (inquit Gaudier primâ parte de Perfect. Cap. 12.) destitutum hominem omnibus vitæ huius bonis, da oppressum omnibus malis, da



ab omnibus desertum; si tamen DEI sit amicus, is certè beatissimus re ipsa est. Da contra, Principem, da Regem, da Imperatorem vitæ huius bonis quibusvis ad satietatem usq; pro arbitrio abundantem; fac tamen eum destitui gratia DEI, & illum coram DEI Tribunali statue, nonnè meritò infelicissimum putabis? *Quid enim prodest homini si totum mundum lucretur, anima autem sue detrimentum patiatur? aut quam dabit homo commutationem pro anima sua?* & DEO suo, eiusq; æternâ amicitia? Licet autem in aggregatione omnium virtutum, perfectio hominis possit inueniri, illa tamen sine charitate erit (vt tenet D. Thom. 2. 2. q. 184. artic. 1.) secundum quid, vt potè ad vltimum finem suum non directa, D. Paulus etiam ipsum Martyrium sine charitate, siue sine verâ amicitia erga DEVM nihil prodesse; audacter asseuerat.

## QVÆRES V.

*An hac perfectio sit. præcepta, seu de necessitate salutis?*

**R**esp. Perfectionem adhærendi DEO per charitatem omnibus Christianis esse mandatam, ex varijs scripturæ veteris, atq; nouæ testimonijs discere possumus. Nam primis omnium fidelium Parenti Abraham à DEO dictum est Genes. 2. *Ambula coram me & esto perfectus* deinde in Deut. 18. toti populo Israëlítico imperatur, *Perfectus eris, & absq; macula cum Domino DEO tuo, & alibi. Non erit inconsummatus in*

Filijs

*Filijs Israël.* Tum CHRISTVS in suo Euangelio, eius præcursor S. Ioannes; missus est teste S. Lucâ Cap. 1. *In spiritu Elie parare Domino plebem perfectam.* Apostolus verò in altera ad Cor. Cap. 13. *De cætero (inquit) fratres gaudete, & perfecti estote.* Et in Euangelio ad hoc laborauit, vt exhiberet omnem hominem perfectum in CHRISTO IESV. Vt autem intelligatur quæ charitatis perfectio cadat sub præcepto, notandum est ex D. Thoma citato artic. 2. Tres status posse charitatis distingui, vt primus sit eminens, in quo homo per tantam æstimationem, talem complacentiam, & tam beneuolum affectum DEO adhæreat, vt licet actu frequentiore res suas non referat in obsequium DEI; nihilominus à se, suoque affectu excludit omne id, quod contrariatur amicitie DEI; vti est peccatum mortale, & quæ proximè disponunt ad illud, malitq; omnia bona relinquere, omnia mala perferre, quàm per notabilem transgressionem mandati alicuius Diuini, DEVM offendere, amicitiam eius perdere: Et de tali charitate dicit S. Ioannes Epist. 1. *Qui seruat mandata eius in hoc charitas DEI est perfecta.*

Secundus est eminentior in quo aliquis ab affectu suo, non solum excludit, quæ ipsum ad peccatum mortale prouehunt; verum etiam, plura vel pauciora relinquit, quæ ipsi remoram facere possent ipi seruitio DEI: imò illa assumit, quæ seipsum magis in charitate stabiliant,

& ad



& ad frequentiores & feruentiores actus vnionis cum DEO adiuuent.

Tertius est eminentissimus in quo affectus secundum suum totum posse, absq; omni macula & formidine peccati, continuò fertur in DEVM. Et hic est status Beatorum in cælo proprius; primus & secundus est viatorum in hac vita, in qua peregrinamur à DEO Creatore, ad DEVM glorificatorem.

Vnde in viatoribus charitas ad hunc secundum statum consequendum tres præcipuos suos processus exercet (D. Thomas 2. q. 24. art. 5.) Primus est qui vocatur purgatiuus, in quo per charitatem excluduntur peccata mortalia, vitia purgantur, motus illiciti compescuntur, & alia remouentur, quæ ad peccatum disponunt; in hac via etiam virtutes exercentur, sed cum difficultate; actus quoq; vnionis cum DEO fiunt; sed nondum benè per virtutes stabiliti. Secundus progressus est illuminatiuus, in quo homo magna ex parte purgatus vitijs, virtutibus illuminatus, easdem cum facilitate perficit, & actus vnionis cum DEO puriores & stabiliores elicit. Tertius est vnitiuus, in quo quis planè vacuus vitijs, amore proprio destitutus, firmatus virtutibus, purissimâ & immutabili charitate DEO adhærens, heroicarum virtutum actus, non tantum cum facilitate, sed etiam cum gaudio, & inuictâ stabilitate producit, quamvis non sine aliquibus maculis & imperfectionibus, & formidine

dine peccati mortalis. Charitas enim huius vitæ licet perfectissima, attamen respectu illius est imperfecta, vbi nulla est impeccabilitas, omnis puritas, firmissima immutabilitas, continua & semper feruens, summâ cum iucunditate animi Deo adhæsiō obtinetur.

Primus ergo status charitatis omnibus præcipitur quærendus ac retinendus ad finem vitæ, estq; (vt dicit S. Thomas cit.) de necessitate salutis: tenetur enim quilibet homo ex multis rationibus & titulis DEVM pliusquam se, quam omnia bona mundi (nam qui peccat mortaliter, se ipsum & creaturam propter quam peccat, DEO quodam modo anteponit) incomparabiliter æstimare, DEO suam voluntatem totaliter deuotere, ac declinare à malo, & facere bonum vt per hoc DEI amicitiam summè æstimandam in se foueat, augeat, & conseruet. Et quia DEVS est vltimus ipsius finis, proinde non sibi sed DEO tenetur viuere, illa cogitare, loqui, agere, perferre, quæ DEO sunt placita.

Secundus status, nempe possessio illius charitatis, quæ excludat omnem prorsus amorem proprium, omnes virtutes sibi aggreget, ac firmissimo nexu animam DEO copulet, est de consilio, de quo Saluator ait: *Si vis perfectus esse uade, & vende omnia, &c.*

Religiosi tamen ad hunc statum sub graui peccato tendere, per illas tres vias, purgatiuam, illuminatiuam, & vniuersam obligantur, nam vt docet S. Thomas 2.2. q. 184. art. 5. ad hoc *scilicet* voto.



voto obstringunt, & à rebus secularibus se non tantum affectu; verum etiam ipso effectu abstinent, quibus licet uti poterant; quo Deo liberius vacarent. Ad eundem & Sacerdotes aspirare debent, nam teste D. Thomâ cit. art. 8. præ eminentia Ordinis Sacerdotalis, quantum ad dignitatem, excedit statum pure regularem; quia Sacerdos per Sacrum Ordinem deputatur ad dignissima mysteria, quibus ipsi Christo servitur in Sacramento altaris, ad quod requiritur maior sanctitas interior, quam ad statum Religionis. Et ideo magis peccat Clericus in Sacris Ordinibus constitutus, si quid contrarium sanctitati agat, quam Religiosus non habens Sacros Ordines, saltem quoad circumstantias aggrauantes.

Eundem statum perfectionis CHRISTVS persuadet omnibus: *Esote perfecti sicut & Pater vester celestis perfectus est. Si vis perfectus esse, vade, & vende omnia, &c.* Item viri prudentes & timentes DEVM, imò & Ecclesia hortatur etiam seculares in statu coniugali, ut perfecti sint, cum eadem tam secularibus, quam regularibus celestis beatitudo præfigatur essentialis; & legimus in S. Scriptura, & Historijs Ecclesiasticis multos extra statum perfectionis in amicos DEI perfectos euasisse. Imper Cassianus Coll. 10. Cap. ultimo clare docet vnumquemq; etiam imperitum ac rusticum hanc perfectionem acquirere posse. Nam licet Religiosi habeant compendiosiora & efficaciora media ad il-

ad illam consequendam; nihilominus etiam sæculares ad eandem non destituuntur sufficientibus auxilijs, de quibus infra §. 5. Deinde abrenuntiatio facultatum propriarum (D. Thomas cit. art. 7.) ut est actu, non est essentialiter perfectio, sed ut est in præparatione animi, ut videre est in tot Sanctis Episcopis: ideoq; nihil prohibet, aliquos esse perfectos, qui non sunt in statu perfectionis, & aliquos esse in statu perfectionis, qui non sunt perfecti: quia aliqui se obligant, qui non seruant, & aliqui implent, qui non se obligant, ut patet Matth. 21. de duobus filijs, & de Religioso malo, & de sæculari bono, ut ibidem D. Thomas subiungit. Idem docet Cassianus Coll. 4. Cap. 19. Propterea quisque omnes suæ vitæ actus, tam animi, quam corporis eo dirigat, ut sit perfectus DEI amicus; id est purus ab omni labe, & in bonis agendis, & duris perferendis, in gratia DEI stabilis & perseverans usq; ad mortem.

## QVÆRES VI.

*Vnde incuboandus profectus vitæ Christianæ?*

**R**esp. Ab abnegatione, seu mortificatione propriæ voluntatis, amoris proprijs ac suæ naturæ corruptæ: hoc est enim præscriptum ipsius CHRISTI Matth. 16. Luc. 14. Ioan. 12.

Quæ autem sit voluntas propria ostendit D. Bernardus sermone 3. de Resurr. Voluntatem propriam dico, quæ non est communis cum DEO, & hominibus, sed nostra tantum, quando  
quod



quod volumus non ad honorem DEI, non ad utilitatem fratrum, sed propter nosmetipsos facimus, non intendentes placere DEO, & prodesse fratribus, sed satisfacere proprijs moribus animorum. Talem voluntatem inordinatò amore infectam magnò odio habere DEVM docent SS. Patres, & disertè Divus Bernardus 1. Cap. ubi postquam dixit voluntatem nostram propriam, exercere inimicitias contra DEVM & magnò furore Dominum Maiestatis impugnare, subiungit: Quid enim odit aut punit DEVS præter propriam voluntatem? Sicut enim voluntas Divina est regula omnis sanctimonix, ut potè in se & ex se rectissima; ita voluntas nostra, est ut potè per peccatum originale depravata omnis malitiæ exhibitio; sed latius hæc de re in sequentibus.

Supposito ergò, quod quis ex instinctu & promotione Spiritus S. per fidem, spem, & charitatem, post acceptum usum rationis DEO adhæserit, vel post lapsum timore DEI percussus per contritionem vel pœnitentiæ Sacramentum, iterum se ad DEVM totaliter converterit, ut in servitio DEI proficiat; necesse est omninò, ut ab hac abnegatione & mortificatione suæ propriæ voluntatis incipiat. Sicut enim in politia humana servus dum adhæret Domino, debet relinquere voluntatem suam, sua commoda, suas inclinationes, ut Domino congruum præstet obsequium; ita qui DEO adhæret, suam  
volun-

voluntatem & illa omnia, quæ sunt contraria  
DEO, opus est, prorsus deserat.

## QVÆRES VII.

*Quid ad hanc abnegationem ac ulteriorem pro-  
gressum in vita Christiana iuvabit?*

**R**esp. Sicut conversio ad DEVM præsuppo-  
sitâ gratiâ DEI pendet à cognitione DEI  
& sui ipsius, mediante timore DEI; ita servi-  
tium DEI per easdem cognitiones promoue-  
tur, de quibus satis doctè & piè Gaudier Parte  
3. Cap. 5. Posito fundamento cognitionis DEI  
& nostri; ex vna parte, vilipensio, contem-  
ptus, odiumq; nostri ab omni bono nostro, atq;  
adeo nobis ipsis totos nos separat; ex altera æ-  
stimatio DEI & amor, ad omne bonum DEO  
procurandum, etiam cum malo nostro, quo-  
cunq; nos adducit, & ita DEO perfectè vnit,  
eique soli nos vivere facit, in quo omnis perfe-  
ctio constituta est. Quare tum in omni vita,  
tum in omni prorsus actione (& afflictione)  
hæc sui cognitio & DEI, tanquam vnicum ve-  
rum & solidum omnis bonæ actionis & perfe-  
ctionis fundamentum, diligenter constituen-  
dum est: deinde duo actus tanquam instru-  
menta perfectionis applicandi; nempe, abne-  
gatio circa bonum & malum, & reflexio ad DEI  
bonum, ex eiusdem æstimatione & amore præ-  
cipue; hi enim duo actus extremi sunt, & o-  
mnem perfectionis materiam, eius deinde am-  
plitudinem suo amplexu eminenter continent,

ita



ita vt re ipsa etiam pariant & efficiant, si constanter exerceantur in triplici perfectionis viae suae processu charitatis. Præter cognitionem DEI etiam cognitionem sui CHRISTVS Apostolis, & per eos sapientius nobis in Euangelio inculcat illis verbis: *Si ergo cum vos sitis mali, &c. Nescitis quem spiritum habetis. Non vos elegistis me sed ego elegi vos. Sine me nihil potestis facere, &c.* Ex his quoque promouetur timor DEI reuerentialis, qui non tantum in principio conuersionis ad DEVM adhibetur, verum etiam quasi quidam neruus totius vite Christianae ad finem vsque (prout CHRISTVS Dominus monuit S. Birgittam in reuelationibus lib. 4. Cap. 125.) est continendus.

Debet itaque bonus Christianus quotidie, saltem dum Symbolum Apostolicum, & Dominicam Orationem recitat, vna ex parte in memoriam sibi reuocare suam vilitatem, fragilitatem, & grauitatem peccatorum: qualiter ex nihilo a DEO suo Auctore creatus, ad nihilum ex se tendit; in peccato originali conceptus, filius damnationis, nisi per filium DEI redemptus fuisset, & per Spiritum S. sanctificetur, breui moriturus, seuerè indicandus: modo DEI mendicus; propter sua peccata, & ingratitude nem indignus, qui DEVM suum Patrem vocet, cuius nomen non sanctificabat, cuius imperio se verè non subijciebat, voluntatem eius non implebat, totus a DEO in necessarijs animæ & corpori dependet, sine ipso miserimus: qualiter

liter  
fecer  
tion  
mna  
tent  
& te  
præse  
terita  
cōpr  
scat  
more  
gisqu  
DE  
ment  
tione  
tos l

Quo  
R  
rum  
tum

ma  
lut  
entia

liter pro peccatis dignos fructus pœnitentiæ non fecerit, quomodo facile possit succumbere temptationibus, plurima mala incurrere, æternaliter damnari. Alterâ ex parte DEI excellentiam, potentiam, sapientiam, bonitatem, in creatione celi & terræ, & sui ipsius, amorem DEI erga se; præsertim in Incarnatione, tot beneficia ipsius præterita, præsentia, futura, & vitam æternam, tantò pretiò sibi comparatam trutinat; indeq; assuescat recedere à se per odium sanctum sui, & ab amore inordinato rerum visibilium, & magis magisque accedere pijs affectibus & vitâ spirituali ad DEVM, animalem abijciendo & omnia impedimenta in via salutis remouendo. Ita vt per vitiones, siue actus charitatis elicitos, aut imperatos DEO nos quam intimè consociemus.

## §. II.

*De impedimentis profectus in vita  
Christiana.*

## QVÆRES I.

*Quot sunt impedimenta profectus Christiani?*

**R**esp. Esse peccata etiam venialia deliberatè commissa; item vitia, occasiones peccatorum, denique corruptionem naturæ per peccatum originale viciatæ.

Fuit enim homo antequam se peccato commacularet perfectissima quædam creatura, ac velut quoddam sanctè attemperatum à Divina sapientia instrumentum, suauissimam omnium parti-

P

um ac



um ac potentiarum suarum harmoniam edens fecerat enim *DEVS* hominem rectum, *Ecclesiastici* 7. anima eius, plena erat gratiâ: intellectus, sapientiâ: voluntas, purô *DEI* amore, memoria in Diuinis rebus firmata, imaginatio optimè ordinata, uti & reliqui sensus interiores: appetitus sensitivus, quàm optimè fuerat temperatus, & rationis imperio obsequentissimus. Sensus verò exteriores omnes ad eiusdem rationis nutum sese flectebant, deniq; vniuersum corpus animæ iussis parebat. Vniuersa porro hæc mirabilis Harmonia, inde ortum habebat, quod superior pars vni *DEO* Opt. Max. obtemperabat. Mox, verò ut contigit hominem peccare, per illam inobedientiam infelicem; in partium omnium suarum dissonantiam, ac deformitatem incidit adeò, ut anima gratiâ & iustitiâ originali priuata fuerit, intellectus obcuratus, voluntas obdurauerit, memoria à *DEO* facta sit alienior, & illius immemor, imaginatio inconstans, & illusionibus varijs obnoxia reddita, sensus interiores perturbati, appetitus sensitivus se rationi opposuerit, corpus aduersus animam insurrexerit, sensus deniq; exteriores mortis, quædam fenestræ factæ sunt. Hæc est per peccatum originale corruptio naturæ humanæ inducta, quæ deindè per proprios vniuscuiusq; actus mirè increuit. Vnde qui verè Christianam vitam ducere desiderat, hæc omnia, per seriam sui abnegationem & mortificationem, in se corrigere satâgat, nec iam ad primi

Adami

Adami corruptelam; verum ad secundi Domini nostri IESU CHRISTI exemplum se conformare studeat, & nisi hoc fecerit certo se ad maiora & grauiora, cum periculo damnationis æternæ delapsurum sciat. CHRISTI enim, effatum est; *Qui amat animam suam perdet eam.*

Quod ut melius intelligatur & efficacius, in exercitium deueniat; sciendum est ex D. Thomâ 1. secundæ quæst. 77. art. 4. Principium & radicem omnis peccati, esse amorem sui inordinatum, eumque continere in se quatuor causas peccatorum, quæ dicuntur intrinsecæ; quarum prima est ignorantia, præsertim culpabilis, quæ præuideri & impediri potest; ad quam reuocatur negligentia, obliuio, inaduer- tentia: secunda est malitia, seu mali volitio ex industria, vel ex defectu bonæ voluntatis: tertia concupiscentia: quarta infirmitas seu imbecillitas ad bonum arduum. Ex his promanant vitia capitalia septem (quæ S. Ioannes in concupiscentia, carnis, oculorum, & superbia vitæ conclusit) sic dictas quia ex ipsis tanquam capitibus innumera peccata, tam mortalia, quam venialia, nisi comprimantur exoriri possunt.

Fundamentum ergo huius maledictæ stru- cturæ est amor sui inordinatus, quatuor sunt, quasi parietes ipsius, causæ peccatorum: vitia capitalia, continuatio huius ædificij: peccata quæ his superadduntur, partes sunt, tecta, turres, per- tingentes ad contemptum DEI. De hoc im-



probo edificio S. Augustinus de Ciuitate DEI lib. 14 Cap. 28. in hæc verba. Duo amores edificant duas ciuitates: amor DEI ad contemptum sui, amor sui ad contemptum DEI.

Qui ergo cupit hanc structuram ne post cum ipsa æternum igne infernali vratur in se destruere, prius incipiat à tecti partibus, id est à peccatis; tum ab occasionibus præsertim proximis peccatorum, deinde à vitijs tam acquisitis quàm naturalibus, tandem aliqua diruat; donec ad amorem sui inordinatum totaliter peringat, quem per contemptum sui eijciat, & in se edificium amoris Diuini fundet, nouam structuram sanctarum virtutum, per quam Templum DEI esse possit, in se constituat.

Hic aduerte propter vitandam in mente confusionem, quoties quis se respectu amoris Diuini à peccatis abstrahit, quoties malas in se inclinationes cohibet, passionem animi ferocientes edomat, corpus mortificat, &c. toties in ipso amor proprius magis per illam cohibitionem debilitatur ac diminuitur: habet enim cum ipsis magnam connexionem, & vi illius illa corruptio opponit se amoris Diuini & Sacris virtutibus.

## QVÆRES II.

*Quomodo sint vitanda peccata mortalia?*

**R**esp. Inprimis summum odium contra peccatum quodlibet mortale esse concipiendum, vt potè contra malum omnium pessimum, quod

quod voluntati Diuinæ, seu DEO summo bono adueriatur, & optimum donum nempe gratiam & amicitiam DEI demolitur, damna plurima, eaq; grauissima tam pro præsentī quàm pro futuro sæculo struit. &c. Qui enim sciens, & volens aliquam legem DEI notabiliter violat, iste amorem DEI abiicit, illud bonum propter quod peccat DEO antepōit, obedientiam DEO debitam denegat, DEVM, in quantum est ipsius legislator vilipendit, reus læsæ Diuinæ Maiestatis efficitur, &c. 2. Meditatio nouissimorum. 3. Estimatio summa amicitiae Diuinæ. 4. Fuga occasionum præsertim proximorum, siue periculorum peccandi. 5. Animus est firmo & efficaci proposito firmandus; vt potius homo mortem elingat, quàm offensam DEI committat. 6. Sit memor præsentiae DEI, indeq; diligenter prospiciat, nè quid abominabile coram DEO etiam cogitatione vel affectu perpetret: contra immemores DEI, merito D. Chrysostomus Homilia 12. in Epist. 1. ad Corinth. inuehit: *In sceleribus DEO contempto, homines formidamus; & homine presente nemo scortaretur; sed licet maiorem in modum libidine flagraret; affectus tamen violentia pudor hominum vinceretur: cum autem DEVS videat, non modo adulterantur, non modo scortantur; verum, & alia longè grauiora & ausi sunt & audent.* Nonne vel hoc solum satis esset, quod cælitus innumeris peteremur fulminibus? 7. Cogitet breui sibi vel nunc DEI vindictam imminere;



minere; ruminans illa verba Saluatoris: *Illum time* *timete qui potest occidere corpus, & animam in infernum mittere*; vel nè detur in reprobum sensum obdurationis, nè sibi tempus pænitienciæ fortasse ob hoc peccatum subtrahatur; & licet peccati horrorem non videat, tamen illud plùs fugiat, quàm luem pestiferam, quàm venena, quàm ipsum diabolum, &c. quæ quamvis non videat oculis, attamen credens esse nociua, caueat sibi ab illis. Tandem humiliter **D E O** supplicans vim sibi sanctam inferat, juxta illud Saluatoris: *Regnum calorum violenti rapiunt*. Quod si cadere contingat, quanto cyùs, per contritionem, aut pænitienciæ Sacramentum, resurgat, ac in posterum fortius pugnet, opportuna remedia contra specialia peccata ex pijs libris, aut Confessarijs conquirendo: nam qui peccata non deserunt, priusquam ipsa eos deserant, illorum Confessiones suspectas, & salutem animæ damnationi æternæ expositam, clarè probat Laurentius a Ponte Tom. 1. in Cap. 3. Matth. Annot. 55. n. 10. idque propter voluntatem peccandi in ipsis permanentem: confirmat id Tom. 2. in Cap. 12. Annot. 106. ostendens quomodo aliqui moribundi planè ipsa emortui carne ac in ultimo spiritu constituti, ad consensum luxuriæ adducantur. **D E I** iustò iudicio; sic eorum exigentibus peccatis, ac malis habitibus, quòd nullam sibi vim inferre voluissent: ideo sincera pænitiencia peccatori est procuranda per orationem, per meditationem passionis **C H R I S T I**,

DEI excellentiæ, beneficiorum, per eleemoly-  
nas, &c. & à Confessarijs inculcanda.

## QVÆRES III.

*Quomodo sunt peccata venialia cauenda?*

**R** *Eff.* Si ipsorum damna grandia, pericula,  
& indignitas trutinetur: hæc enim vt SS.  
Patres docent feruorem charitatis minuunt, de-  
bilitant & commaculant animam, Spiritum S.  
contristant, dæmoni ad animum aditum præpa-  
rant, dulci familiaritate cum DEO nos spoli-  
ant, ad peccata maiora & grauiora nos dispo-  
nunt, hominem languidum & pigrum ad benè  
agendum reddunt, retrahunt plurimum nè præ-  
sentiam Diuinam contemplemur, & sentiamus;  
pænas deniq; purgatorij nobis diuturnas & acer-  
rimas parant. Et quamuis omnia omninò in  
hac vita mortali caueri non possunt, possunt  
tamen quotidie minui, possunt in dies leuiora  
fieri, possunt ex malitia, & non ex professo, ex  
mera oscitantia non committi: demum quæ ex  
ignorantia & infirmitate sunt; possunt statim  
confessione purgari, lachrymis saltèm cordis  
ablui, & satisfactione compensari. Propterea  
conandum est nobis, vt iuxta monitum S. Ia-  
cobi Cap. 1. *Simus integri in nullo deficientes.* Bo-  
nus enim seruus studet, nec in paruis quidem  
offendere Herum: & qui nollet esse sollicitus de  
venialibus vitædis, eò ipso mereretur tandem  
à DEO deferri, vt in mortalia laboretur iuxta il-  
lud Eccl. 19. *Qui spernit modica paulatim decidet.*



Non est verus amicus, qui deliberatè vellet amico infligere vulnus leue etſi non lethale; imò omnino amicus non eſſet; hic qui non vellet adhibere curam, ne offendant DEVM venialiter, hoc ipſo conuinceretur non eſſe amicus DEI. Similiter non eſt bonus famulus, qui non obſequitur Domino, niſi quando is gladium in eum ſtringit. Talis eſt qui venialiter peccare non timet (licet ſciat ſe propterea mittendum in purgatorium) ſed tantum mortaliter, quando meretur infernum.

Petes, quid cenſendum de venialibus peccatis quoad confeſſionem ipſorum Sacramentalem?

Reſpondeo primò. Non eſſe obligationem vt omnia ad confeſſionem afferantur, quia licet ſint ſufficiens materia Sacramenti pœnitentiæ; non tamen neceſſaria, & poſſunt varijs modis tolli: vnde in Pœnitentiarijs celebrioribus, vt potè in Lauretana, Czſtochouienſis, &c. habent Confeſſarij designati, poteſtatem talia peccata tollendi per contactum baccellorum ad humiliationem pœnitentium; nè tempore concurſuum, iſti confeſſione venialium, aliorum plurimum confeſſiones retardent.

Dico ſecundò. Quoties in confeſſione panduntur, toties debent exponi cum dolore & propoſito, ſaltèm aliqua; aliàs committeretur ſacrilegium, ſi materia indilpoſita, qualia ſunt peccata, nullo dolore, & propoſito affecta, for-

mæ absolutionis subijceretur. Bonaci Tomo 1.  
disp. 5. q. 3. part. 2. n. 8.

Dico tertio. Consilium esse, non valde frequenter illa confiteri, de quo Ioan. à I E Z V  
MARIA de arte viuendi spiritualiter part. 2.  
Cap. 4. in hæc verba. *Quapropter aliud hoc loco mihi dicendum non restat quam breue quoddam monitum ad secundum hoc præceptum perfectius exequendum suggerere: nimirum hominem spirituales quemlibet ita se in Sacramentorum frequentatione gerere debere, ut pluris eorum faciat fructum, quam vices & numerum usurpationis; ut verò monitum hoc dignè ponderetur. Notandum est (præsuppositâ naturæ corruptione) rerum sacrarum frequentiam, ut plurimum exiguam occasionem esse, non quidem datam, sed acceptam astimationis; ita quidem ut & ipsa miracula eos, qui hodie eadem vident, vel parum, vel interdum nihil prorsus moueant. Vnde ipse etiam utiliùs ac spiritualiùs esse censeo, ut qui ad quotidianam usurpationem obligatus non est (uti multi Sacerdotes sunt) moderatum confessionum & communionum numerum sibi præstituat, nec nimis frequenter Sacramenta usurpet. Ut verò rationem quandam, quæ magni iudicio meo momenti est tangam, quoad pænitentiae Sacramentum, constat viros spirituales sæpè laborare, ut dum heri confessi, hodie rursus confitentur materiam absolutionis ad Sacerdotem afferant. Nam tamen præsupponendum sit aliquod veniale peccatum interuenisse,*



nisse, sæpè tamen determinatè, ac certò quale id sit nescitur, & vt plurimùm, quando determinatè id constat, est aut verbum aliquod otiosum, aut nimia quædam in oculorum coniectu licentia; vel quid simile, quorum non adeò facile est detestationem aut odium, nec firmum illud non amplius, in res adeò minutas prolabendi propositum concipere. Vt enim hæc parum voluntarij in se habent, cumque adeo exiguæ sint, nec tantam deformitatem includant, vt piam quandam mentem ad cordialem sui detestationem excitent; sequitur sæpius requirit, vt tantò plus considerationis & applicationis mentis adhibeatur, quò digna spiritualibus viris habeatur dispositio, quantò culpæ in se leuiores sunt. Cum verò dispositio hæc quotidiana non sit, multò videtur salutariùs non assuescere continuo & coniunctim, sed aliquot intermissis diebus confiteri, & cum deinde confessionis usurpatur Sacramentum maiori reuerentiâ, maiori imperfectionum abominatione, & firmiori in posterum sibi cauendi proposito concepto ad illud se conferre. Idem de Sanctissimo Altaris Sacramento dico; non quod propterea raræ cuiusdam integritatis hominibus, qui quotidie de sapientum virorum consilio & suasu sacras frequentant epulas, certum præscribere communicandi diem aut numerum velim: quibus nihilominus quotidianam ipse confessionem ob supradictam rationem nos suaderem. Huic monito

nito finem imponam, vbi illos commonefecero, qui in aliud extremum impingentes, non nisi raro admodum vel peccata Sacerdoti aperiunt, vel viuificum Eucharistiæ Sacramentum ad-  
eunt; qui quod hoc satis imprudenter agunt, multò sibi consulerent melius, & prudentius agerent, si sæpius verumq; Sacramentum v-  
sarent. Male etiam agunt si dedita operâ cæcutientes sibi persuadent; eum qui spiritualibus hominibus auctor est, qui aliquo die Sacramen-  
torum vsum intermittant, quò maiori postmodum puritate & fructu eadem percipiant; illo-  
rum velificari seu fauere imperfectioni ac tepo-  
ris, qui per annum integrum adeò raro verum suum remedium vsurpant.

Dico quartò. Venialia peccata non esse vi-  
lipendenda, sicut & passionum immortificatio-  
nes; nam facillè dum placent ad mortalia di-  
sponunt. Demonstrat hoc Laurentius. A Pon-  
te Tom. 1. in Caput 2. Matth. Annot. 42. *Nec  
equidem inquit mirandum, quod in minoribus dia-  
bolo quis succumbens, ad maiora prouocatus vincat-  
tur; quia cum causa belli nostra sit inordinata pas-  
sio, quæ tentandi diabolo ansam præbet, hæc enim in  
minoribus ex dẽordinatione crescit, & amplius con-  
tra nos vires sumit; quibus auctis, accedente postea  
diaboli instigatione ad maiora facillè ruimus.* Pul-  
chre hoc S. Aug. Tract. 1. super Ioan. confir-  
mat exemplo illius, qui muscis pertæsus, impa-  
tientissimè contra illas se habebat, casu enim Ma-  
richæus quidam visitans, ex muscarum impati-  
entiâ



entiā ad h̄eresim Manichæorum addoxit. Hac equidem ratione: nam cum ab eo petisset, quis fuerit author mīscarum, eis homo pertasus respondit, quod diabolus non *DEVS*. Ansam ex hoc Manichæus sumens, ex mulca ad apem devenit, quam etiam confessus fuit *DEVM* non fecisse: hinc gradatim ad passerēs, deinde ad aves, tandem ad animālia. Ultimo (ait Aug.) persuasit hominī, quod non à *DEO* factus est homo, ut videas, quā vera sit doctrina Cassiani lib. 8. Cap. 18. Parum referre, si ira nostra sit contra calamum, quia eius crassitudo, aut exilitas displiceat, contraq; scalpellum cum incidenda hebeti acie segniter exsecet, & non contra homines. Nam quoad nostrum detrimentum, sic fortiter euadit passio ex illis minimis aliquando, ac maximis: unde ex parua illa ira contra calamum, contracta passione augmentata, impulsu accedente diaboli, contra homines postea irascemur ad maiora dilabentes.

Idem cernere licet de ijs qui silentij pertesi linguas suas pro libitu laxant, ut primo utilia, sancta non suo tempore, nec suo loco proferant, deinde otiosa, nugatoria, mendacia, post detractoria, calumniōsa, ex quibus contentionēs, rixæ, quandoq; vulnera, quandoq; cædes; & unde tanta mala? certè ex fractione silentij debiti.

Quāpropter morales Theologi apud Bass. V. Confess. enumerant aliquotomodos quibus peccata venialia in mortalia transeunt, & quidem primò ratione finis, dum v.g. quis mendacium

cium profert vt fornicetur. 2. Ratione specialis contemptus, vel inobedientiæ alicuius regulæ, legis, etiam ad mortale non obligantis: superioris quâ superior est. 3. Ratione firmæ adhæſionis, delectationis, perseuerantiæ in aliquo peccato veniali, vt proponat etiam mortaliter peccare. Vnde habemus in Reuel. S. Birgittæ lib. 1. Cap. 32. lib. 4. Cap. 126. lib. 6. Cap. 114. &c. quod peccatum etiam minimum, quique eo delectatur, quasi vltimum finem in eo ponendo sufficiat ei ad perditionem. 4. Ratione scandali *v. g.* si quis credit ex suo ornatu aliquem induci in peccatum mortale. 5. Ratione periculi peccati mortalis cui se exponit. 6. Ratione conscientie erroneæ. 7. Dum peruenitur in paruis ad materiam notabilem, etiam in materia temperantiæ, ieiunij: laborationis in die festo: sæpius bibendo cum inebriatione, vel morbo contrahendo: comedendo ad aliam satietatem, quæ æquipolleat cænæ laborando ad completum spatium trium vel quatuor horarum. 8. Ratione circumstantiarum, quæ multis officere possunt, *v. g.* ioco furari vel abscondere rem aliquam parvam, vnde graues turbationes, damna, maledictiones oriri possunt, vel si vxor cum viro leuius contendat, vnde grauioris rixæ occasio; ideo & prælati licitè, sub graui obligatione, etiam sub excommunicationis pœna (videatur Bassæus V. Lex. §. 4. n. 5. & Bonacina de peccatis, disp. 2. p. 3. n. 13.) aliquos leniores defectus interdiciunt & seuerè puniunt.



niunt, ex quibus notabilis destructio, obseruantia regularis potest provenire, quæ subditi non aduertunt; imò etiam de ijs inquirere tenentur. 10. Si quis habeat voluntatem committendi peccata venialia, & tantum sola mortalia vitare, nam in praxi cum multis Theologis dicendo ( quidquid sit de speculatione ) istiusmodi conijcit se in apertum periculum peccatorum mortalium, præsertim vt citatus Bassæus aduertit in materia luxuriæ: vbi subdit hæc: *unde necessario dicendum est inter ea statuta, ad quorum singula determinatè, non tenetur Religiosus sub mortali, teneri ad aliqua vagè sub mortali.* Quæ obligatio nascitur præcipuè ex votorum obligatione, quæ obligat ad perseuerandum in Religione absque notabili detrimento & ruinâ illius, & periculo transgressionis votorum: ideoq; nullum peccatum paruum putandum, nullum impunitum, nullam inemendatum relinquendum, iuxta monitum CHRISTI datum S. Birgittæ.

#### QVÆRES IV.

*Quomodo sunt vitia extirpanda?*

**R**esp. In primis, quod nomine vitij hîc intelligatur affectio praua, siue ex naturâ siue per actus peccandi, acquisita, permanens in anima, eandemq; ad aliquod opus iniquum, seu peccatum inclinans, vti v.g. est propensio ad irascendum ac peierandum, maledicendum, se inebriandum, temerè iudicandum, &c. quæ ex  
præte-

præteritis periurijs, maledictionibus, &c. est contracta. Volenti ergo proficere in vita Christiana omnimoda necessitas incumbit, talia vitia dediscendi, iuxta illud Isaïæ 1. *Quiescite peruersè agere, discite benè facere, & S. Ioannis Baptistæ: facite dignos fructus penitentia.* Non est enim signum sinceræ ad DEVM conuersionis illius, qui nullum propositum, diligentiam, laborem, in eradicandis suis malis consuetudinibus adhibet, ideoq; est communis sententia DD. apud Bassæum V. Iuramentum §. 4. n. 2. illum qui aduertit se habere consuetudinem peierandi, & non adhibet remedia ad illam tollendam, mortaliter peccare, quotiès aduertit illam consuetudinem, & eam non conatur extirpare: Deinde licet eam efficaci proposito retractet; tamen ratione scandali vitandi, quod alijs præbere solet iuxta prudentis Confessarij iudicium, absolutio ei aliquando deneganda esset, aut differenda prout iudicauerit saluti penitentis expedire. Demum non facilè relabetur in peccatum mortale; qui ex se vitia extirpare conabitur, ex cuius defectu aliqui peiores post confessiones euadunt, quam ante fuerant, nam crescentibus vitijs crescunt & peccata.

Pro extirpandis ergo vitijs primò est necessaria cognitio & detestatio eorum: ex eo quia sunt morbi animæ nostræ, origines peccatorum, fontes inquietudinum, fomenta affectionum inordinatarum, hostes Dei, corruptio virtutum, milites dæmonum, per quos bona nostra diripi-

unt,



unt, nosq; celestibus donis spoliant. Deinde ardens desiderium & firmum propositum cum Oratione ad CHRISTVM, B. V. MARIAM, Sanctos Patronos ad profuganda vitia assumendum, nihil omnino suis viribus confidendum, manè præsertim præuidendæ sunt occasiones & causæ eorum, & qualiter præscindendæ, considerandum; cogitandum *v. g.* si mihi dicatur, verbum asperum, patienter feram propter te patientissime IESV, gratiâ tuâ adiutus: si occurrer distractio in Oratione, deuotissime IESV tuâ opè statim excutiam, &c. Hic autem conflictus contra vitia, est cogitatione, & efficaci affectu exercendus, vt potè per actus internos, abominationis, aut indignationis contra illa excitatos. *v. g.* Maledictum esse vitium iræ, gulæ, acediæ, &c. per quod tot mala hominib; obveniunt. Benedictam esse virtutem humilitatis, abstinentiæ, &c. & exemplo CHRISTI amplectendam. Deinde verbo, legendo vel loquendo aliqua de extirpatione vitiorum, vituperando illa cum se occasio offert, dissuadendo, &c. Denique opere, contrarios virtutis actus producendo. Tandem adhibendo examen conscientiæ, quod apud timoratos bis per diem fieri solet, an aliquid omissum, aut languidè factum sit, quam ob causam, &c. ac pro defectu illo, pœna aliqua sibi iniungenda, causæque mali tollendæ. Licet autem aliarum, virtutum vitia opposita, possunt à nobis menti  
propo-

proponi, ad detestandum & vincendum; luxuriam tamen actus nec expedit vnquam directè, & expressè examinare, animoq; representare, imò nec à longè intueri, etiam quocunq; prætextu; sed potius amator castitatis statuât sibi, necesse est pro scopo, summam mentis & corporis puritatem, & quodammodo Angelicam Sanctimoniam; & in eum finem virtutum aliarum subsidium conuocet, mortificationem, deuotionem, humilitatem, &c. vt Angelicam puritatem illam acquirat, potius quàm vt directè vitium oppositum deuincat.

Et quemadmodum ille qui vnum equum sibi mancipatum ducit, alios quoque ipsi colligatos post ipsum currere facit; ita quamuis contra omnia vitia sit nobis pugnandum, consultissimum tamen est contra vnum principale, & nobis maximè familiare, tam per internam quàm per externam pugnam, per vnam, duas hebdomadas, aut amplius pro exigentiâ necessitatis certare, v. g. Gulam sæpius per diem detestando, tempore comestionis animum à cibis, potu, abstrahendo, aliquid sibi de appositis subtrahendo. Item dum ira efferbescit, peculiari modo affabilem se omnibus exhibendo, contra verba otiosa ori custodiam adhibendo, & sic in alijs procedendum: pro negligentia autem penitentia sibi assignanda, iterumque animus relumendus. Hic autem consuetus est magnificandus, nam diabolus videns eximiam vilicam



tem homini ex eo prouenientem, illum peruertere, vel saltē debilitare conatur.

## Q V Æ R E S V.

*Quomodo occasiones peccatorum sint fugienda?*

**R**esp. Occasiones proximæ, etiam charissimæ, vtilissimæ, pretiosissimæ simpliciter abijciendæ, fugiendæ, & detestandæ sunt; lic enim Saluator Matth. 18. præcipit. Si manus tua, pes tuus, oculus tuus scandalizat te, &c. Neglectus consanguineorum, affinium, & contemptus rerum exterharum, puta diuitiarum, honorum, voluptatum etiam licitarum; multum ad sanctimoniam vitæ conducit, de quo illa verba Saluatoris: *Nisi quis renuntiauerit omnibus quæ possidet, non potest meus esse discipulus. Si quis venit ad me & non odit Patrem, &c.* Eiusmodi contemptum sæculares, si volunt saluari, tenentur habere in affectu, vt propter vllam rem etiam gratissimam D E V M nunquam offendant, seu voluntati eius nunquam contraueniant per iniurias, oppressiones proximorum, periuria, omissiones sacri, &c. parati omnia semper relinquere, vt docet S. Paulus 1. Cor. 7. *Reliquum est, vt qui utuntur hoc mundo tanquam non utantur, &c.* Et suo exemplō ad id permouet dicens: *Omnia arbitratus sum vt stercora, &c.* Minus enim firmiter D E O, & supremo suo Principi atque vltimo fini, æternæq; eius legi adhærescit voluntas, quō magis inferioribus, per affectum infigitur:

vnde

vnde ille Regius propheta. *Quid mihi est in celo  
& in terra, DEVS cordis mei, &c.*

Deploranda sanè est fors illorum, qui suo labori, suæ industriæ, circa ista temporalia, hisque bonis creatis ita confidunt, ita se illis radunt, vel subtractione eorum turbantur, ac si propter illa essent creati, quasi in æternum ea sint possessoris ac si in ipsis eorum beatitudo tota consisteret; quasi non esset alius mundus, alia vita, alia bona his excellentiora. Et quod grauius est ita se ipsis immergunt, vt quandoq; propter eas in grauissima odia, maledictas, manias, sollicitudines &c. incidant: imò etiam verbera tyrannica proximis & hoc Christianis, instar illius serui nequam Euangeliei infligant, &c. Alter tot villas possidet, & vt DEVS tibi & illis benedicat, nullum templum in ipsis vult fundare: alter dimidium cordis sui in equo, cane, falcone, & alter totum cor in pecunia, turpi voluptate, ludo, honore, alijsq; vanitatibus, more paganò defigit, vt destitutus DEI solatijs, quæ non procurat; vt DEI & sui oblitus, cum istis transeuntibus miserrimè æternum pereat: hinc etiam nullum subsidium & consolationem, quæ maximè ab ijs sperabat in necessitatibus suis maximis, in pœnam sui inordinati affectûs habere possit; & quod maximum est, etiam de vno obulo, quomodo leuatus & erogatus est, in hora mortis debebit dare rationem DEO; vti CHRISTVS ait in Reuel. S. Birgittæ l.b. 4. Cap. 4.



Propterea res creatæ non sunt nobis ita simpliciter considerandæ, ac si essent à DEO alienæ, vel ad DEVM minimè pertinerent, sed more Christianò velut dona DEI, monita DEI, materia meriti, quibus non nisi secundum DEVM, ad ipsius seruitium, nostram, & proximorum, publicam, vel priuatam vtilitatem, cum timore DEI, cum moderatione, gratiarum actione est vtendum. Superfluitas in cibo, potu, in argento, auro, in equis, & famulis, &c. arcet ab homine consolationes Diuinas, sine quibus homo disperit. Vide Reuel. S. Birgittæ lib. 4. Cap. 45. Ex his patet resolutio illius obiectio-  
nis rudium, & quorundam nobilium contra personas Ecclesiasticas conquerentium. Quomodo (inquiunt) credere debeamus Prædicato-  
ribus, qui clamant nè nos in his rebus terrenis fundemus, &c. cum ipsi Ecclesiastici bona terrena possideant, monasteria, collegia ampla ædificent, &c. Quibus iuxta supradicta responden-  
dum est, non vsum temporalium, sed illicitam acquisitionem, detentionem, & abusum interdici: bona temporalia (ait CHRISTVS in Reuel. S. Birgittæ, lib. 1. Inter. 2. idè à me data & concessa sunt homini, vt ille eorum vsum habeat rationabilem, & ea quæ creata sunt commutentur in increatum, scilicet in me DEVM Creatorem; laudando & honorando me de bonis meis, non autem viuendo secundum desiderium carnis. Nè videlicet anima missis beneficiis DEI defluat in concupiscentiam carnis,

con-

concupiscentiam oculorum, superbiam vitæ & multis se peccatis commaculet. Iustè reprehendit Divinus Vates illos, qui huius mundi res magni æstimant, & dicunt beatum populum, cui hæc sunt; cum potius sit ille beatus, cuius Dominus Deus eius. S. Dorotheus suum prouisorem instruebat, vt res conuentus tanquam CHRISTO dicatas cautè tractaret & oblerparet, nec tamen propter amissionem illarum turbaretur, pro meliore instructione afferro huc verba CHRISTI ex Revel. S. Birgittæ lib. 6. Cap. 27. de bono vsu, vel abusu rerum. *Quamuis autem diabolus mouet Dominos mundi ad voluntatem suam, quamuis prosperantur ex occulta iustitia mea: attamen ego sum Dominus eorum & iudicio meo iudicabuntur, ipsi inceperunt sibi nouam legem contra legem meam. Curam quippe omnem apponunt, quomodo possint à mundo honorari, quomodo possint diuitias acquirere, quomodo voluntatem suam perficere, quomodo progeniem suam dilatare. Ideo iuro in Deitate & humanitate mea; quia si in tali statu moriantur, nunquam intrabunt in terram illam, qua promittebatur filijs Israël sub figura, qua fluebat lacte & melle, non magis quam illi, qui desiderabant ollas carniū, & subitanè morte moriebantur. Sicut enim illi morte corporali moriebantur, sic isti morientur morte animæ. Illi verò qui voluntatem meam faciunt, ipsi intrabunt in terram, in qua fluit lac & mel, id est in caelestem gloriam; in qua non est terra subtus, nec calum superius: sed ego ipse Creator omnium & Dominus, ego*



sum subtus & supra. Ego extra & intra, quia ego impleo omnia, ego satiabo amicos meos dulcedine, non mellis sed ineffabili suauitate & admirabili replebo eos, ut nihil desiderent nisi me, nullo egeam nisi me, in quo est omne bonum; hoc bonum inimici mei nunquam gustabunt, nisi conuertantur a prauitate sua. Si enim ipsi cogitarent quid ego feci pro eis; si considerarent, quid dedi eis, nunquam me sic ad iram prouocarent. Ego namq; dedi eis omnia necessaria, & desiderabilia habere cum temperantia. Ego permisi eis moderatè habere honores, habere etiam amicos, & habere voluptatem moderatè. Quicumq; in honore positus cogitat sic apud se. Ex quo sum in honore positus, honestè iuxta statum meum volo me habere; exhibebo DEO vere reuerentiam, nullos opprimam, minores spondeo, diligam omnes, iste talis in honore suo mihi placet. Qui verò diuitias habet, & cogitat apud se. Ex quo diuitias habeo nullius rem accipiam iniuste, nemini faciam iniuriam, cauebo mihi à mortali peccato, subueniam pauperibus: iste talis in diuitijs suis gratus est mihi. Qui autem in voluptate est & cogitat apud se. Caro mea infirma est, nec spero me posse continere: ideo ex quo legitimam uxorem habeo, non concupiscam plures: conseruabo enim me ab omni turpitudine & inordinatione; iste talis mihi placere potest; sed pleriq; nunc legem suam praponunt legi mee. Nam in honore suo nullos volumus habere superiores, de diuitijs nunquam possunt satiari. in voluptate sua extra modum & laudabilem constitutionem volunt excedere. Ideò nisi se e-

mendauerint, & aliam viam incepterint, non intrabunt in terram meam, in qua lac & mel spirituale est, id est, dulcedo & satietas, quam qui accipiunt nihil amplius desiderant, nec aliquo indigent nisi quod habent. Profecto dignissimæ sunt illæ Reuelationes vt operâ & sumptu alicuius in suas partes: propter diuersos hominum status instruendos. præcipuè statum Sacerdotalem diuidantur ac distribuuntur.

## QVÆRES VI.

*Qualiter sint corrigenda anima potentia?*

**R**esp. Debet amator amicitiae DEI intellectum suum ab ignorantia rerum sibi necessary, & à cunctis erroribus virtuti contrarijs vindicare: item à prauis suspicionibus, temerario iudicio, ab omni vana curiositate arcere, vt non dilcat, non cogitet, non tantum turpia vel noxia, verum etiam quæ ad honorem DEI, & statum suum non pertinent. Et multò magis ipsum custodiat à pertinacia, iudicio proprio, opinione propria (puta quæ cum bonis non concordat) quin potius curet, vt proprium suum & principale obiectum, primam & summam veritatem, nempe DEVM, ex rebus creatis, magis autem ex scriptura Sacra, ex lectione Sanctorum Patrum, concionum auditione, &c. eiusque voluntatem cognoscat. Memoriam quoque intellectuam abstrahat à vanis cogitationibus, imprimat sibi illud vnum quod summè est necessarium, id est: DEVM propter quem,



& secundum quem hic viuat, resque vitæ suæ peragat.

Voluntati deneget omnia, quæ legi Diuinæ aduersantur, illamque ad nutum alterius, qui DEI vicem gerit, vt est superior, Confessarius applicet. Erga excellentiam, maiestatem, prouidentiam, bonitatem, iusticiam, aliaque attributa Diuina optimos affectus in se excitet.

Vt autem horum dogmatum veritatem altius percipiat, cogitet in quem finem deuenturus sit, si ipsis contraria agat. *v.g.* Si suum intellectum erroneum sequi, voluntati suæ vitiosæ obsequi, DEI raro vel nunquam meminisse velit, passiones animi non corrigat, &c. nam in dies peior euadet.

## QVÆRES VII.

*Quomodo domande sint animi passiones?*

**A** Nequam huic quæsito respondeatur, sciendum est, in appetitu sensitivo vndecem passiones seu eius functiones inueniri.

1. Amor inordinatus rerum temporalium.
2. Desiderium feruens earundem.
3. Delectatio quæ ex iisdem capitur.
4. Odium rerum bonarum, quæ licet appetitui sua alperitate opponantur, habent tamen in se grandem materiam meriti.
5. Fuga eorundem & obmurmuratio.
6. Dolor qui eorundem causâ oritur.
7. Vana rerum huius vitæ spēs.
8. Audacia ad illicita exequenda.

9. In bonis rebus & sanctis desperatio.
10. Timor carnalis & mundanus.
11. Ira infrænis & immoderata.

Vt autem istos affectus in nobis comprimamus, sequentes rationes conuincunt, quia illi nos ad peccandum multum disponunt, perturbant, exerceant, eodemque tempore in aduersa animum pertrahunt, vt simul cupiat, timeat, lætetur, doleat, vt videre est in vindictam spirantibus, & pœnam timentibus, &c. iidem sunt insatiabiles, siquidem post unum actum acrius insurgunt. Ideoque dicuntur passiones, quia animum alterant, vt velut mancipium aliquod multa ab ijs patiatur, ex quibus indomitis, & corporum & animarum interitus sæpius prouenit. Quod si per rationem corrigantur, fiunt materia & instrumenta multarum virtutum; hæc autem correctio fieri potest triplici ratione. Philosophicâ, quâ etiam Pagani vsi sunt; Christianâ, & Religiosâ, v. g. cum ratio per dictamen luminis naturalis ex se passioni imperat; desiste scire, nec enim conueniens est, vt homo præditus ratione affectu belluino, ducatur; affectus est seruus, instrumentumque animi; potior virtus, quàm voluptas, multa sibi incommoda inde prouenient, &c. Secundò per causas supernaturales, v. g. nè appetas hoc quod DEVS prohibet, nè formides hanc acerbiteratem pro DEO, & cælo sustinendam, DEVS te à tot malis vindicauit; DEO, non cupiditati obsecundes.



des. Si placet hoc bonum, serua te pro illo  
 maiori æterno; potior gratia DEI, quam fa-  
 uor humanus. Si displicet hoc malum pro-  
 pter quod vis opus meritorium relinquere, magis  
 displiceant illa grauissima purgatorij aut inferni  
 supplicia, breui & forsan nunc moriendum, &  
 forte sine penitentia vt alijs contigit, &c. Ter-  
 tiò per CHRISTI exemplum; Beatæ Virginis  
 MARIE, Sanctorum DEI, qui fuerunt ab hæc  
 vel illa passione alienissimi, v. g. CHRISTVS  
 FILIVS DEI viui, pro me Homo factus est,  
 Dominus meus, ego eius seruus, fuit ille mode-  
 ratissimus in hac passione, vt in omnibus pa-  
 catissimus, hoc mihi quoque curandum est, &c.  
 Quod si perseveret passio, tunc voluntatis offici-  
 um est minimè præbere consensum. Imagina-  
 tio quoque ipsa, quæ vt plurimum excitat mo-  
 tum passionum, honestis phantasmatibus imbu-  
 enda est, v. g. fortiter apprehendenda incendia  
 gehennæ, factor & turpitude cadauerum, mor-  
 tis propriæ horribilis turbatio. IESVS CHRIS-  
 TVS sanguine fluens nos quoq; à peccato ad  
 virtutem alliciens, ad suum auxilium offerens:  
 vel represententur aliqua acerba, tristia, dolo-  
 rosa, pro necessitate occurrentis passionis: v. g.  
 ad comprimendum inordinatum risum; aliquis  
 casus præteritus olim nobis horribilis, cum seria  
 indignatione contra nos est imaginandus: ad  
 sedandam luxuriam, cadauer semiputridum; ad  
 auaritiam, mox mors imminens, &c. cæterua  
 damo-

dæmonum quæ nos tempore mortis circum-  
stabit, &c.

Porro qui omnes passiones suas breui & ef-  
ficaciter vult deprimere, primam illarum, id est:  
amorem statim compescat; nec enim aliæ mo-  
uebuntur, si prima quiescet, à qua omnes depen-  
dent. Nemo enim quidquam desiderat, nisi  
quod amat; nemo de aliqua re tristatur, nisi  
qui priuatur ea, quam diligit; item nemo ira-  
scitur, nisi illi, qui impedit ne re amatâ potiatur.  
Vt autem his ratio facilius dominari possit;  
pono contra principales aliquot remedia, &  
in primis contra passionem amoris, cui potest  
strenuus passionum expugnator mederi.

1. Vt cogitationes & sensus à re placita di-  
uertat.

2. Illius imperfectiones consideret.

3. Damna ex amore inordinato prouenien-  
tia perpendat.

4. Alijs sese quæ cogitationes, distrahunt oc-  
cupet.

5. Meliora & honestiora appetitui proponat.

6. Obseruet diligenter, qui in parte inferio-  
ri motus exurgere solent, vt quàmprimùm se-  
riâ displicentiâ, & sincerâ ad DEVM conuersio-  
ne deprimantur. Iisdem modis proportionem  
ducta passio odij sedabitur.

*Contra tristitiam hæc sint remedia.*

1. **M**alum ipsum quod sequi potest præmedi-  
tari: minorem enim præuisum in animo  
impressionem facit.

2. Quan-



2. Quando malum iam aduenerit, cogitare nobis hic magnorum bonorum acquirendorum præstari materiam: scilicet virtutum, patientiæ puta, humilitatis, fortitudinis, &c. *Odit enim humilitatem, qui odit contumeliam, fugit mansuetudinem, qui odit irritantes se.* S. Dorotheus Instit. 11.

3. Considerare quid alij passi sint, vel patiantur.

4. Quod tristitia cum admittitur, magis augeatur, & multa detrimenta afferat.

5. Non apprehendere malum, quia reuera tristitia magis ab æstimatione, quàm à malo quod contristat oritur, vt experientia docuit. Temporalia bona non esse tanti momenti, vt propter illa iacturam gratiæ, vitæ, virtutis subeamus, hanc tristitiam conuertendam esse pro peccatorum expiatione.

6. In principio aduersitatis ad CHRISTVM recurrere, ipsique hunc amarum calicem, primò offerre, vt ipse eum dulcorare dignetur, prout S. Mechtildem CHRISTVS docuit. *Hoc etiam tibi omninò persuasum habeas, vt in aduersis DEO hilariter & fortiter seruias, & cum proximo licet intus turbatus maneas, semper benignè agas, Melancholia enim teste D. Hieronymo est Balneum diaboli.*

#### Contra iram.

1. PROPRIAM æstimationem & rerum temporalium concupiscentiam mortificare.

1. Ni-

2. Nihil agere, vel loqui dum ira feruet, nè post te pœniteat.

3. Non apprehendere iniuriam, & animum alio diuertere, vel putare se dignum hâc acerbitate.

4. Potius compati iniurianti nos, cùm plûs animæ, quàm nobis noceat.

5. Plurima damna cognoscere, quæ ira facit.

8. CHRISTI mansuetudinem sibi ob oculos ponere, propter enim nostram institutionem eam exercuit.

*Placanda etiam ira aliena remedia hic addiscenda.*

1. **N**ON resistere primo impetui.

2. Cùm iam deferbuit, placidè humiliterq; irascentem alloqui.

3. Ostendere pœnitentiam & veniam precari.

4. Perluadere irascenti non eo animo rem factam vt fieret iniuria. Ad eum modum omnes passiones temperari possunt. Specialiter autem, vt est dictum paulò ante, est mortificandus amor, non solum rerum, quæ Diuinâ lege prohibentur, sed etiam superfluarum, imò etiam frenandus immoderatus necessariorum, atque etiam vt rebus, quæ ad conseruandam vitam opus sunt; non vtamur propter solam delectationem, siquidem hoc est proprium bestiarum, sed propter necessitatem, quia scilicet DEVS ita statuit, aliàs non vsur, imò potius parati omni humanâ consolatione priuari, omnibus consan-

guineis



guineis alijsque DEO charis rebus, si sic ipsi placeret: Per talem resignationem obuiabitur multis inconuenientijs.

Deinde frenare oportet gaudium ex temporalium bonorum præsentia ortum; ita vt non nisi moderatè lætemur DEO gratias agentes, cum hæc tantum sint nobis ad tempus breue concessa, nec propter nos solos, pro quibus suo tempore seuera reddenda est DEO ratio: recreatio quoq; quælibet sit suis terminis semper circumscripta nè sit cum offensa DEI, nè conuertatur in tristitiam. In turbatione animi nihil deliberandum, nihil concludendum, quia tunc periculum, ac impulsio affectus præualet contra veritatis bonum.

Denique motus primi non tantum iræ, verum & timoris & audaciæ, licet non sint in nostra potestate; sunt tamen præuidendi, & sensim vt suprà dictum est, rationis imperio subiugandi: hoc autem maturius est faciendum, quam si ex primo motu v. g. hominem occidas, ipse in grauem morbum, aut periculum mortis, &c. incidas; postea serò dolens velis, nolis præuideas, & te cum minori fructu corrigas.

Ex his facile correctio sensuum exteriorum sequetur; præcipuè tamen oculi, aures, & lingua corrigenda sunt, quia ex istorum custodia neglecta graues aliquando lapsus facile oriuntur.

## QVÆRES VIII.

*Quid de Corporis mortificatione?*

**R**esp. Illud etiam suis modis est corrigendum; inquit corpus indomitum est, sedes cupiditatis, receptaculum passionum, vitiatorum nutrimentum, & instrumentum dæmonis ad expugnandam animam. Vnde ipsi necesse est superflua subtrahere, ex licitis quandoq; necessaria dilacerare denegare: labores, ægritudines, molestias æquanimiter ferre, quandoq; voluntariè infligere, propter delectationem solam ipsi nihil concedere, præcipuè autem: *Carnis terat superbiam potius cibiq; parcitas.*

## QVÆRES IX.

*Quid de mortificatione amoris proprii?*

**C**ommunis hostis totius perfectionis Christianæ omnibus fidelibus, dum vita superstes, vigilantissimè in omnibus semper cauendus est amor proprius: ille videlicet, quò quis se magis æstimando, ac in se manendo, se ipsum quasi finem suarum actionum aut desideriorum constituit. Ille peruersus amor iuxta D. Thomam citæ est occasio & radix omnium peccatorum: quod facile quisq; in se aduertet, dum causam sui peccati inuestigabit, vnde DEVM in æmulationem prouocat, constituens hominem sui iuris, impedit cognitionem sui ipsius, ad salutem apprimè necessariam, facit vt peccata nostra nobis graua esse non videantur, inquinat & immutat intentionem, & vsque ad contemptum DEI

pro-



progreditur; nec esse possibile quenquam in amore DEI proficere, nisi prius ab isto peruerso amore discedat. Vnde rectè D. August. sermone 47. in Matth. *Disce amare te non amando, quia qui amat animam suam perdet eam, &c.* Proinde verus amicus DEI studeat in omnibus istum amorem peruersum à se excludere; sibi ipsi vilescendo, se DEO in omnibus subiiciendo, admonitiões, reprehensiones gratò animò suscipiendo, aduersa patienter tolerando, nec tam in cursu vitæ suæ & singulis actiōibus prospiciat, illa quæ sunt grata animo suo, suæ carni, vel sibi soli, quàm quæ sunt placita DEO: imò nec ideò viuat, quia sibi viuere est charum, sed quia se viuere sit DEO placitum. *Nemo sibi nostrum uiuit, dicit Apost. ad Roman. 14. & nemo sibi moritur, sed Domino, ideoque 1. Cor. 10. admonet: siue manducatis, siue bibitis, siue aliud quid facitis omnia in gloriam DEI facite.* Ec ad Cor. 2. Cap. 5. pro omnibus mortuus est Christus, ut qui viuunt, iam non sibi uiuant, sed ei, qui pro ipsis mortuus est & resurrexit.

## QVÆRES X.

*Quomodo tentationibus resistendum?*

**R**esp. Per seriam displicentiam, humilitatem, Rationem, mortificationem, fugam, per actus timoris & amoris DEI. Quod si tentatio persistat, magis, magisque animus per prædicta est obfirmandus. Hic autem ex Fornario lib. 2. Cap. 2. cautelam accipe. Illorum verò tentatio magis

magis periculosa est, qui exterius profitentur vitam spiritualem, sed verè mundo seruiunt; quoniam sunt ambitiosi in rebus spiritualibus, vanam gloriam sectantur, sua commoda quærunt, sibi ipsis nimium confidunt, & plus assument, quam par est; bona opera omittunt, nè ab hominibus contemnantur, & sæpè ea faciunt, ut ab illis probentur; nihili faciunt peccata venialia, de rebus spiritualibus nunquam loquuntur, nec eas meditari curant, cum vana quadam libertate viuunt, leues sunt & instabiles, timorem Dei paulatim à se excutiunt, conscientiam habent cauteriatam, & tamen boni Christiani haberi volunt, & putant se posse duobus Dominis seruire.

§. III.

*De bonis faciendis, seu de exercitio virtutum.*

QVÆRES I.

*Quid sit virtus? & quotuplex?*

**R**esp. Cum Philosopho, quod sit dispositio perfecti ad optimum. Est enim habitus qui operationes intellectus & voluntatis optimas efficit, ac perficit; per consequens partem hominis inferiorem optimè compositam reddit. Hinc ille vocatur moraliter bonus ac perfectus homo, qui clarè & certò verum à falso discernit, qui bono honesto, quâ talè est inhæret, & in quo pars inferior rationi subijcitur; & è contra, per-

R

uer.



uerfus. Perfectus Christianus qui fide, spe, charitate, alijsque infusus pollèt virtutibus.

Virtutes aliæ sunt naturales, aliæ supernaturales. (D. Thomas 1. 2. quæst. 62. art. 1.) author enim naturæ DEVS omnium virtutum semina nostris mentibus inseruit, quæ nobis agentibus adölescunt & firmanur. Vnde & acquisitæ dicuntur: vè verò est author supernaturalis gratiæ, eos habitus, qui ad supernaturales operationes efficiendas, naturales facultates attollunt, nobis antea dispositis ad tanta & eximia donâ, solus ipse format & infundit; & dicuntur infusæ, quia cum gratia habituali infunduntur, quæ deinde per exercitium confirmantur & augentur. Acquisitæ virtutes ad principia practica, & speculatiua naturalis rationis; infusæ ad sua principia virtutum Theologiarum referuntur: vnde etiam in modo operandi differunt. Modus enim acquisitarum à ratione naturali; infusarum verò à lege Diuina fideque præscribitur; quod appposito temperantiæ exemplo liquebit. In cibi potûsque Sumptione, quod ad acquisitam temperantiam spectat, ratio præscribit modum nè noceat valetudini, vel rationis vsum impediat: at en eadem sumptione, si per actum infusæ temperantiæ fiat, modus à lege Diuinâ quam docet fides, charitate formata imponitur; vt scilicet, parcitate cibi & potûs corpus castigetur, & in seruitutem spiritus redigatur ad seruendum DEO, & hic modus est meritorius vitæ æternæ longè melior primò.

Quam

Quandoq; etiam accidit temperantiam infusam materia delectabili abstinere, vbi naturalis ratio per temperantiam acquisitam ea abstinendum non diceret. v. g. Dum corpus jeuniõ ad maiorem gratiæ vel gloriæ acquisitionem castigatur: quod etiam pro alijs actibus est considerandum, & hoc altiori & diuiniõri modõ virtutum moralium actus exornentur.

Hic etiam virtutes acquisitas aduertendum est ( licet infusæ nobiliores sint ) hanc vim efficaciorẽ habere, quòd vitia contraria illis conatibus, quibus conantur exterminant, ac cordis tranquillitatem conferant: infusæ verò, contrarios ac vetustos vitiorum habitus non expellunt, sed ad ereberrimos congressus vires præstant, vt pax animi ad inhabitandum Spiritui Sancto comparetur. Vnde qui Sacramentis vtuntur, fortiores contra peccata, vitia, passionẽs, ( dummodò suam voluntatem applicent ) redduntur, quò carent infideles, & in peccato mortali existentes.

Virtutum deinde aliæ sunt intellectuales, quæ intellectum perficiunt; vt sunt ars, intellectus, scientia, prudentia, sapientia: præcipuè autem fides Theologica. Aliæ sunt morales, quæ ad mores componendos pertinent: quarum præcipua est charitas Theologica: tum iustitia cum virtutibus sibi annexis, quæ voluntatem reformat, temperantia appetitum concupiscibilem, fortitudo irascibilem, cum agmine aliarum.



aliarum virtutum moderatur, ex infra insinuat  
tis hominem optime disponunt.

	{ Fides,
Alia erga	{ Spes,
DEVM, vti	{ Charitas,
	{ Religio cum sibi annexis.

Alia erga	{ Observantia,
Superiores.	{ Obedientia.

	{ Iustitia,
Alia erga	{ Amicitia,
omnes.	{ Misericordia,
	{ Affabilitas,
	{ Fidelitas seu veritas.
	{ Amoris proprii abnegatio,
	{ Temperantia,
	{ Castitas,
	{ Paupertas,

Alia hominem	{ Humilitas,
disponunt er-	{ Modestia,
ga se ipsum.	{ Silentium,
	{ Mansuetudo,
	{ Fortitudo,
	{ Patientia,
	{ Perseuerantia,

Prudentia autem præsertim infusa, tum ha-  
rum virtutum exercitijs, tum in cæteris vitæ pe-  
riculis rectè disponendis vñsatur.

Cæterum in ipso exercitio virtutum præci-  
puè

puè est incipiendum à mortificatione amoris proprii, aliorumq; vitiorum de quibus supra: amor enim proprius, omnia bona ad seipsum trahit, nec finit hominem, DEI bonum vt par est, & proximi procurare. Nulla enim potest esse sincera deuotio, nulla bona oratio, nullus verus DEI & proximi amor, nulla perfecta obedientia, nulla iustitia nisi inordinatus sui amor, & immodica siue quietis siue commoditatum cupiditas, suæque æstimatio facesset, vt ita possint quæ alteri debentur, semota, ab affectu sincerè exhiberi. E contra verò Charitas Theologica, ex natura sua omnem affectum à bonis creatis abducit, vt illum liberè ad DEVM transferat, bonaque omnia quæ liberaliter ab eo concessa sunt, sibi veluti totaliter resignet.

**QVÆRES II.**

*Quomodo virtutes exercenda?*

**E**T quia parum prodest virtutes laudare, nisi etiam ipsarum veritatem & modum ipsas acquirendi addiscas, ideò ad exercendam aliquam virtutem opus est primò cognoscere ipsius naturam vtilitatem, necessitatem, &c. Secundò magnam æstimationem, ac desiderium efficax acquirendæ virtutis, assumere. Tertiò, DEVM auctorem omnis perfectionis de illa exorare.

Et quia virtus per actus, acquiritur; ideò omninò cum primis necessarij sunt illius actus interiores, per hos enim (Gaudierp. 4. de perfect. Cap. 3.) stultus à sapiente; verus DEI



seruus, ab hypocrita; homo spiritualis ab animi mali dignoscitur. Virum enim veræ virtutis ope destitutum interesse Sacro quid, vetat, ieiunare, eleemosynam impertiri, &c. sed absque perfectione, absque vita & spiritu. Patet hoc in bono & malo latrone, in Publicano & Pharisæo, &c. deinde quia interiores actus virtutis quovis tempore, locò, in solitudine, inter homines exerceri possunt: demum quia ab his germana hominis perfectio, & incrementum gratiæ DEI dependet; quia ille maiori meritorum cumulò augetur, & arctiori cum DEO amicitia nexu coniungitur, qui actuum interiorum studio, sollicitiore & praxi diligentiore exerceatur. Quapropter magnoperè curandum est, ut externus actus sit cum interiore coniunctus, & tanquam ex vero suo principio, formali motivo (secus enim infructuosus & inutilis, sicut verba sine virtute sibi debita, corpus sine anima) oriatur.

Itaque in ipso exercitio virtutis cum primis intentio præter illam generalem se abnegandi & DEO placendi, hæc specialis formanda est: ut hinc & nunc iste actus ideò fiat, ut hæc vel illa virtus iuxta DEI voluntatē exemplo CHRISTI; studiosè ac constanter exerceatur, vel plures virtutes in eodem actu. Deinde contra impetum contrariarum virtuti propensionum insurgendum est per abominationem ipsarum; præsertim in exercitio moralium (Theologicæ enim & virtus Religionis non ita impetuntur) cum

propositæ virtutis actus interiores, animò ferventi sunt per pia proposita, ac desideria coram Deo sapienter per diem eliciendi, demùm in exteriores eum datur occasio deducendi. Exempli G. interest aliquis concioni in prima Dominica S. Adventus; audit CHRISTVM venturum in fine mundi ad iudicandum; subinfert se quoque ibi sistendum, vbi etiam de verbo otioso reddenda erit ratio, &c. Ex illa concione assumit sibi præcipuum exercitium timoris Domini, excitatòque in se desiderio illum acquirendi, eum à CHRISTO humiliter postulabit: *IESU venture Iudex, seculi confige timore tuo carnes meas, &c.* IESU in quo Spiritus timoris Domini requieuit, *à iudicijs tuis timeam, miserere me dum tempus adest miserendi.* Vel illius prolix. *Dies ire, dies illa; &c.* versus ruminabit, &c. Deinde hunc timorem DEI opere exhibebit, etiam verbum otiosum timendo proferre; superflua sibi subtrahendo, & alia agendo vel omittendo, de quibus stricta ratio est sibi proceratò facienda in iudicio. Demùm in examine conscientie se discutiat, quomodo memor fuit supermi iudicis, suos actus modo notantis, &c. quæ perperam cogitavit, dixit, egit, omisit agenda? pro quibus doleat, aliquam pœnam subeat, & iterum se ad exercitium timoris Domini melius accingat. Similiter in Dominica decimateria post Pentecosten, proponitur CHRISTVS Magister humilitatis, ad cuius exercitium opus erit scire, quid sit humilitas, & quot gradus habeat,



&c. Deinde necesse erit quolibet mane excitare in se odium superbiæ; desiderium, cum proposito efficaci humilitatis acquirendæ, ac **CHRISTVM** humilem de humilitate rogare, **B. Virginem**, **SS. Patronos**, tunc alternatis horis se coram **DEO** pio aliquo suspirio vilipendere, humiliare, saltē illā Oratiunculā, *DEVS propiti-  
us esto, &c.* Exteriores quoque actus humilitatis usurpandi, quorum occasiones frequentissimæ occurrunt.

Quia verò multi actus exteriores sunt indifferentes, idcirco ab interioribus actibus virtutum sunt dirigendi aut informandi vnō vel pluribus. *v. g.* dum aliquis opera seruilia exercet; si studio **DEO** placendi id fiat, charitas est; si personam **CHRISTI** in Dominis, prælatis, superioribus, vel **DEI** potestatem consideret, est fides; si **DEVM** in ipsis honoret, est Religio; si abiecta amplectatur amore ministerij, est humilitas; si vt mandata **DEI** exequatur, est obedientia; si pro peccatis præteritis satisfaciendi voluntate, est pænitentia; si alendi, reficiendi, subleuandi alios, intentione, est charitas & misericordia, &c.

Multò autem commodiùs tale exercitium, faciundum in actibus bonis succedet, *v. g.* in sacrificio **Missæ**, nam si quis ministret **Missæ**, vel illam perficiat, ad obediendum superiori, est actus obedientiæ; si vt placeat **DEO**, est actus amoris **DEI**, si vt prolit quoque proximis, est charitatis actus; si vt per id assequatur beatitudinem,

dinem, est actus spei? si vt satisfaciât. De o. pro  
 peccatis, est actus penitentia; & quotquot fi-  
 nes honestos concipit, tot virtutum species con-  
 trahit. Qui autem cupit viâ compendiosâ ad  
 acquisitionem plurium virtutum peruenire, se-  
 que habilem ad exhibitionem bonorum operum  
 reddere; operæ pretium est, vt omnes vires &  
 conatus suos, ad omnimodam expugnationem  
 vitij prout supradictum est, aut passionis quæ  
 illum maximè infestat, & ad perfectam possessi-  
 onem vnius virtutis serio, ac sedulo, sese conuer-  
 tat (quanquàm & aliæ non sunt per occasio-  
 nem relinquendæ) vsque ad heroicum seu ex-  
 cellentem gradum, ita vt careat omni oppositio-  
 nitio, sit in se actiuissima, etiam ad proficien-  
 dum alijs, & stabilissima: præstat enim vnum  
 artificem in sua arte excellere vnâ, quàm plures  
 imperfectas tenere. Deinde quia vni virtuti si  
 est perfecta, necesse est alias quoq; virtutes co-  
 pulsari. v. g. temperantiam comitatur prudentia,  
 quia debet esse discreta, item fortitudo vt sit con-  
 stans, amor DEI, vt sit meritoria, &c. Et ideo  
 videmus diuersos status Religiosorum, quia ab  
 ipsis diuersæ virtutes præcipuò modò exercen-  
 tur. In exercitio virtutum perfectius exhiben-  
 do proponenda sunt exempla. CHRISTI Do-  
 mini, Beatæ Virginis, Sanctorum DEI: in-  
 super opus est, vt non tantum quis consideret  
 virtutes CHRISTI; sed etiam illas à CHRIS-  
 STO postulet, suosq; actus, actibus eius piâ in-  
 tentio-



tentione vniat, quod ipse CHRISTVS S. Mechildi lib. 1. Cap. 13. insinuat.

Denique ad continuandam hanc viam id etiam pertinet, vt bono exemplò alijs præfulgeas; alios pro viribus ad bonum instruas; humilitatem præstantiore modo exerceas; onera patientiæ alacriter perferas; vt illa virtus, v. g. humilitatis, patientiæ, &c. quæ in principio fuit difficilis, in processu fiat facilior, demùm cum gaudio perficiatur, in maiorem laudem DEI & fructum aliorum.

Ad virtutes morales & Theologicas suauius & promptius exequendas, dantur homini dona Spiritûs S. ex quibus tanquam ex optimis operibus nascuntur fructus Spiritûs S. & octo beatitudines; quæ omnia à DEO sunt deuotis ac humilibus Orationibus exposcenda.

### QVÆRES III.

*Quæ præcipuè virtutes sint exercenda?*

**R**<sup>Ep.</sup> Quatuor CHRISTVS Dominus ostendit S. Mechildi lib. 2. Cap. 8. cum enim ex pio quæreret quid designaret Crux, quam ille apparens ei gestabat in pectore suo, respondit: superior pars crucis amorem meum designat, cui nihil homo præponere debet: inferior vero humilitatem, quâ homo se omni creaturæ debet subicere propter me. Dexterâ timorem DEI non postponere. Sinistrâ aduersa propter me patienter tolerare. Si quis hanc crucem in corde suo per iugem memoriam gestauerit,

uerit, hæc erit merces laboris eius, quod cum primò anima eius à corpore exierit, nusquam nisi in corde meo mansionem habebit.

## QVÆRES IV.

*Quotuplex sit exercitium virtutum?*

**R**esp. Triplex. Primum esse vniuersale per bonam voluntatem affectum vniuersali iustitia. v. g. si intra se more Christianò cogites. Ego DEI gratiâ nolo simpliciter malum, quia DEVS seuerus Iudex me considerat. Volo efficaciter quò potero meliore modò facere bonum: quia DEVS tot me. beneficijs cumulat. Cupio in omnibus tibi optime DEVS quàm maximè placere, quia es. omni honore & seruitiò dignissimus. Vel si dicas: non propter me, nec secundum me, sed viuo propter DEVM, secundum voluntatem eius. Nolo quod DEVS non vult; volo quod DEVS me vult velle. Utinam quàm perfectissimè honorificem DEVM, & quæ ipsi sunt placita faciam semper. Non vtile, non delectabile, non honorificum mihi, sed quæro beneplacitù DEI in omnibus. Tu IESV adiuua me, &c.

Secundum est speciale, dum aliquis modò peculiari eligit sibi aliquam virtutem exercendam per hebdomadam, mensem, vel etiam per totam vitam, de quo supra dictum est.

Tertium est specialissimum cum videlicet quilibet actus in particulari aliquâ certâ vnâ virtute, vel pluribus imbuatur. Vt enim actio bona sit,



na sit, necesse est, vt, non solum obiectum illius & finis maneat bonus; sed etiam, vt nulla circumstantiâ malâ vicietur: vt aptem sit perfecta, opus est vt virtutum præsertim supernaturalium, (quarum capax est,) splendore imbuatur, quod in processu virtutum exemplis dilucidabitur.

## QVÆRES V.

*Quotuplex sit processus virtutis?*

**R**<sup>esp.</sup> Triplex: primus; puritas per fugam oppositi vitij; abnegationem proprii amoris; per victoriam tentationis: secundus, actiuitas; per rectam voluntatis intentionem, intellectûs attentionem, virium seriam contentionem: tertius, actiuissima stabilitas; directâ per charitatem ad DEVM. Hæc nobis DEVS innuit per Prophetam & Apostolum Petrum, dicentes, *Declina à malo, & fac bonum: inquire pacem, & sequere eam.* Vnde quilibet actus noster, vt sit bonus ac meritorius, ita est perfoluendus, vt careat vitiô, aliquâ virtute imbuatur vel pluribus, & ad DEVM sincere & firmiter dirigatur.

Petes, quibus modis isti tres processus pro commodo exercitio in mentem reuocari possint?

**R**<sup>esp.</sup> Hisce tribus verbis. Nolo. Volo. Cupio. v.g. in Oratione. Nolo hic mentis distractionem, irreuerentiam, teporem, &c. Quis enim ego sum vt audeam propter me, aut aliquem humanum respectum, aut aliquam vanitatem, &c.

tantam

tantam Maieſtatem vilipendere, &c. aliàs iudicium ſeueriſſimum DEI me inſpicientis, & pœna grauiffima mihi ſubeunda, &c. Modò poſſum corruere & mori, &c. DEVS eſt à me omni honore digniſſimus, &c. ſatis antea in orando deliqui, pro quo infinities doleo; pati ar, moriar potius quàm irreuerenter cum DEO agam, &c. Volo exemplo CHRISTI, B. Virginis MARIÆ, Sanctorum DEI omnimodam attentionem, reuerentiam, deuotionem, &c. Cupio quàm perfectiſſimè hanc Orationem propter DEVM perficere. Tu IEſu deuotiſſimè, per tuas Orationes adiuua me, quibus ego hanc miſeram meam, cum ea qua poſſum humilitate adiungo, ac cum eiſdem Orationibus tuis ac meritis iſtam meam exilem, cum eo qui eſt poſſibilis feruore, in gratiarum actionem, in ſatisfactionem pro peccatis meis, in laudem æternam, in adimpletionem Diuinæ voluntatis, ac vñionem æternam, in impetrationem mihi neceſſariorum, ac NN. ſupplex offero tuo Patri cœleſti; vt illi tibi què, vnà cum Spiritu Sancto, quàm maximè infinities placeam. Tu quoquè Sanctiſſima Mater, impetra mihi gratiam, voſquè S. Patroni.

Idem modus in aliqua aduerſitate ſeruan-  
dus erit. E. G. Nolo hîc impatientiam: quis enim ego ſum, vt contradicam permiſſioni Diuinæ, tot criminum reus? &c. Aliàs poſt grauiora, feram inuitus, cum maximo meo damno, ſine villo merito. Patientia mihi omninò eſt ne-  
ceſſaria



cessaria, in hac possidebo animam meam. Iam  
 satis antea impatientiæ fuit, de qua doleo, &c.  
 Volo CHRISTI patientis seruare patientiam,  
 &c. Cupio ad finem persistere, &c. Tu IESU pa-  
 tientissime per tuam patientiam me adiuua. Hanc  
 ego afflictionem tuæ Sanctissimæ Passioni sup-  
 plex adiungo: tibiq; ac tuo Patri æterno, cum  
 ea quâ possum humilitate & seruire in satisfa-  
 ctionem meorum peccatorum, in adimpletio-  
 nem Diuinæ voluntatis offero: vt quàm maxi-  
 mē tibi infinities placeam. Adiutor meus esto,  
 &c. Tu quoq; Virgo Dolorosa iuuua me, Diuiniq;  
 Patroni. Similiter agendum in recreatione, in  
 refectiōe, v. g. Nolo hīc vitium gulæ, dissolu-  
 tionis. Quis enim ego sum, vt propter hanc va-  
 nitatem, &c. Speculator adstat desuper, qui mo-  
 do me potest in infernum mittere &c. de mini-  
 mo verbo, potu, cibo, reddenda est stricta ratio,  
 &c. Alias cibus in venenum, recreatio in afflictio-  
 nem, homo in lupum, DEO, quem offende-  
 rem permittente mihi verteretur. Satis antea  
 peccaui, &c. Volo etiam cum modestia mea ex-  
 emplō CHRISTI, omnem temperantiam,  
 modestiam. Cupio & hīc DEO Optimo place-  
 re. Tu Domine IESU temperantissime, mode-  
 stissime, per tuas virtutes adiuua me, quibus ego  
 hanc meam refectiōem, recreationē adiungo &  
 offero ad tuam gloriam, in adimpletionem Diui-  
 næ voluntatis tuæ, &c.

Et per consequens ita faciendum in alijs a-  
 ctionibus, vt in memoria, & amore præsentis

Dei

DE I, in abnegatione nostri, in timore DE I, in humilitate, patientia, quæ virtutes præcipuè sunt colendæ fereque in omni actu exhibendæ efficaciter nullum velimus vitium, optemus virtutes, cupiamus quàm maximè placere DE O: nam sicut non nobis, sed soli principaliter DEO, vivere debemus, ita & cogitare, cupere, loqui, & ea quæ sunt officij nostri exactè, (quia propter DEVM sunt.) exemplo CHRISTI perficere.

## QVÆRES VI.

*Quid maximè officiat exercitio virtutum?*

**R**esp. Tepiditas; siquidem ipsa est profectus Christiani, somnus, macies, sterilitas, iam quasi defatigati satietate rerum spiritualium, aut potius deterriti difficultatibus in via perfectionis occurrentibus, ita ut ultra progredi non laboret; sed quasi de via languens subsistat.

Contra istam sit diligens consideratio gravium periculorum, tepido propè impendentium. 1. Relapsus in peccata vitæ prioris. 2. Perdendi omnem fructum vitæ, hætenus benè institutæ. 3. Periculum alicuius maioris ruinæ, quæ etsi non impendere videatur, tamen est certa, nisi tepor. ille excutiat. 4. Nunquam emergendi ex gurgite tepiditatis, cum eius vis semper detineat. Deniq; periculum excidendi gratiâ, & spe salutis, idque propter ingratitudinem donorum tot acceptorum, & negligentiam tot occasionum, ad bonum tot exemplorum. Sacramen-  
torum



torum aliorumq; subsidiorum ad cumulanda merita repudiationem. Tepidis enim ira DE I procerto imminet, quia potius tibi, quàm DEO; & secundum se, non secundum DEVM vivere appetunt.

Quapropter quisq; assuescat amore perfectionis, relinquere blanda, quæ potest; perferre adueria, ut potest; orare sicut potest; laborare, vigilare, se punire, corrigere, quantum potest: memor illius moniti Sacræ Scripturæ: *Quidquid potest operari manus tua, instantèr operare, quia, &c.* Miseri sunt illi (dicit B. Virgo M. S. Birgitta lib. 3. Reuel. Cap. 28.) qui sic dicunt: sufficit si ero in cælo minimus, nolo esse perfectus. O insensata cogitatio, quomodo erit ibi imperfectus, ubi sunt perfecti omnes; alij ex innocentia vitæ, alij ex innocentia pueritiæ, alij expurgatione, alij ex fide & bona voluntate. Idem dicit CHRISTVS lib. 4. Cap. 61. Nemo veniet ad portam gloriæ, nisi perfectus, aut perfectè purgatus, & nemo apprehendet, gloriam, nisi perfectè desiderando eam, aut perfectè pro ea laborando.

## §. IV.

*De exercitio Charitatis Theologica.*

## QVÆRES I.

*Quæ sint præcognoscenda ad intelligendam naturam Charitatis Theologica?*

**R**esp. Præcognoscendam esse naturam amoris;

ris; multi enim (vt bene aduertit Ioannes à I. M. Carmelita discalceatus, Cap. 1. de arte amandi DEVM) reperiuntur, qui eum se DEVM amare profiteantur; attamen quid sit verus DEI amor ignorant; infinitò interuallò se ab amoris Diuini veritate & puritate sequestrat. Amor itaq; in communi consideratus (D. Thomas 2. 2. quæst. 16.) dicitur principium motus in rem amatam, isque est triplex: primò naturalis, qui est quædam connaturalitas appetitus propendentis ad bonum sibi competens: secundo sensitius, qui est complacentia boni, necessario consequens apprehensionem appetentis ad id quod appetitur: tertio est rationalis, qui est motus complacentiæ inclinans voluntatem ad bonum cognitum propter conuenientiam illius non necessario, sed secundum iudicium liberum. Vnde in rationali appetitu præter complacentiam à bono in voluntate impressam, reperitur insuper electio, quæ dilectio vocatur; & apprecatio boni, quæ dicitur charitas.

Amorem consequitur concupiscentia, quæ est quædam amoris extensio seu progressus ad bonum nondum possessum; quæ dum rationem comitatur, appellatur desiderium, quod absente bono, vel nondum totaliter possessò, aliquando inualescit vsque ad ardorem; qui dicitur feruor, quem solet comitari languor, seu grauissima quædam mæstitia; quæ hominem etiam potest interimere. Si verò bonum concupitum ex voto succedat, subit quædam vnio indeque delectatio



(quæ si cum opere rationis fiat, propriè dicitur gaudium) est quæ animæ in bono, quod sibi placet constitutæ, motus delectabilis & fruitio: ab alijs vocatur secunda complacentia, seu amor complacentiæ, in qua natura amoris completur.

Amoris affectus multi sunt, nam præter feruorem & languorem, est Extasis, quæ significat exitum appetitûs à seipso, vt exultat in bono quod affectat: secundò est animi dilatatio, & quædam liquefactio: tertio est stricta coniunctio: quarto ardor mutæ beneuolentiæ: quinto animi immersio: sexto zelus: per quos omnes effectus, complacentia extenditur. Vnde & quidam amorem per solam complacentiam, definiuerunt; nam illa cessante, cessat & amor; quò appetitus tanquam aliquo pondere iuxta sententiam S. Augustini fertur in bonum, dicens: Amor meus, pondus meum, & quò feror? illo feror. Prædicti affectus maxime elucescunt in amore Diuino, qui dum alicuius animum occupat, ita illum alterat & constituit, vt suæ voluntatis, suorum commodorum, ac sui quodammodo oblitus, cor suum totum transfundat ad oblectandum se DEO, totum se impendat ad promouendum bonum DEI, ad patiendum pro honore ipsius, vt sit totus DEI & DEO, alijs autem non nisi ad nutum DEI, nullus autem sibi. Quæ benè consideranda sunt cupienti sincerè amare DEVM, vt ad hæc sensim per partes assuescat;

QVÆ.

R<sup>E</sup> in  
dividi  
piscen  
concu  
mus,  
proue  
rum,  
propr  
rum,  
Philos  
neuol  
bonita  
stimul  
de An  
aliud  
Si  
volun  
propt  
haben  
& ita  
qui in  
quem  
no al  
ptamu  
mus  
Q  
recipr

## QVÆRES II.

*Quotuplex sit amor rationalis?*

**R**esp. Siquidem amor dupliciter propendet in aliquod bonum; ideo in duas species dividitur: quarum una, vocatur amor concupiscentiæ, altera amor beneuolentiæ: Amor concupiscentiæ est ille, per quem aliquid amamus, sperantes ex eo utilitatem aliquam nobis prouenientem. Talem amorem non esse purum, imò nec propriè amorem, sed quandam proprii commodi ac sui ipsius in materia honorum, voluptatum, aut diuitiarum sectationem Philosophi & Theologi asserunt. Amor autem beneuolentiæ est ille, quò alterum propter eius bonitatem, seu perfectionem aliquam magni æstimamus, eique bene & bonum volumus: unde Arist. 2. Rhetor. Cap. 4. dicit amare nihil aliud esse, quàm bonum velle.

Si is cui bonum volumus iam illud quod ei volumus habet, & possidet, tunc ei id volumus propter gaudium & animi delectationem, quàm habemus, ex eo quod illud habeat & possideat, & ita formatur amor complacentiæ secundæ; qui nihil aliud est quàm actus voluntatis, per quem illa se vult & iungit lætitiæ cordis & bono alterius. Verùm si is cui bene, & bonum optamus, necdum illud possideat, id ei desideramus & amor ille dicitur amor desiderij.

Quando amor beneuolentiæ exercetur absq; reciprocatione ex parte rei amate: vocatur simplex



plex amor benevolentiae: quando verò est recia procatio, vocatur amor amicitiae. v. g. aduertit quis aliquem virum magnis virtutibus præditum (præsertim in excellenti dignitatis gradu constitutum) tunc in ipsius virtutibus habens complacentiam, illum magni æstimat, ipsi honorem defert, & paratus est illi sua obsequia præstare ex eo quia dignus est: Quod si ab illo in sui societatem seu familiaritatem admittatur, iam iste illius amorem qui fuit simplex benevolentia sublimabit in amorem amicitiae, indeq; erga illum feruentiore affectu propendebit, ipsi se, & suam voluntatem viuò & verò affectu deuouebit, eidem quæ illi bona sincerius optabit & efficacius procurabit; quæ scit ipsum sibi vel suis desiderare, siquidem sua voluntas eiusdem voluntati alligata est.

Si simpliciter amamus amicum, nulli aliorum amicorum eum præferendo, illa amicitia simplex est; si autem præferamus alicui tunc vocatur dilectio: quasi si quis diceret, quod rectus amor sit electio; quia inter plures quos amamus illum eligimus, alijsque omnibus præferimus.

Quod si æstimatio & prælatio quam habemus & faciamus de amico, sit magna, & non habeat æqualem; nihil tamen obstat quo minus veniat in comparisonem, & cum alijs habeat proportionem; amicitia illa vocabitur eminens dilectio. Verum si eminentia illius amicitiae non veniat in ullam comparisonem & proportionem, sed sit supra omnes; tunc dicitur dilectio incomparabilis.

bilis, summèque eminens, super omnes alias; & vnò verbò erit charitas, quæ vni Deo debetur.

## QVÆRES III.

*Quæ sit differentia inter amorem sensitiuum & rationalem?*

**R**esp. Magnam esse differentiam: nam amor sensitivus cum tendat in bonum, quod est animæ minimè proportionatum, neque illi proprium & quandoque à Deo sibi prohibitum; ipsam animam non tantum de sua dignitate deijcit; verum etiam turpissimè fædat, Deoque & hominibus reddit exosam, iuxta illud Prophetæ Osæ 9. *Abominabiles facti sunt sicut ea quæ dilexerunt*, prout videre est in omnibus luxuriosis, avaris, ebriolis, &c. nam sicut corpus lordibus, sic anima amore animali fædatur, & enecatur. Rationalis amoris obiectum est honestum, puta, prudentia, iustitia, temperantia, &c. quæ animam quidem exornant, non tamen absolute perficiunt, quia ipsam ultimo fini in quo eius beatitudo consistit coniungere minimè possunt; hoc enim solus amor Divinus efficit, de qua vnione infra.

Vbi etiam aduerte, quod cum in amore concupiscentiæ homo voluntati suæ aliquod bonum subijciat, vt eò ad virtutes aut vitam suam ordinate utatur: quam peruersè illi faciant, qui amore vnus canis, equi, voluptatula, lucri, &c. voluntatem suam ita constringunt; vt quæ mancipia eorum esse videantur. Amico quoque voluntas



luntas nostra ita deuouenda est, vt potius publico bono, quatenus maiori pateat, magis autem imò incomparabiliter ipsi DEO, vt potè bono infinito obstringatur.

## QVÆRES IV.

*Quid sit charitas?*

**R**espondet D. Thomas 2. 2. q. 23. art. 1. quod sit amicitia, ( seu consensio ) quædam hominis ad DEVM: nam si ille amor apud homines habet rationem amicitia, qui est cum mutua beneuolentia, quæ fundatur super aliqua communicatione v. g. sanguinis, officij, Ciuitatis, &c. etiam amor beneuolentiæ hominis ad DEVM, dicitur vera amicitia siquidem est reciproca: DEVS enim homini vult bene: homo vicissim DEO, deinde inter DEVM & hominem non est latens hæc redamatio, non enim latet DEVM propter suam scientiam, nec hominem propter fidem, per quam nouit DEVM diligere diligentes se: diligere verò se ipsum defa-cto saltem nouit ex signis probabilibus. Hæc autem beneuolentia fundatur in communicatione bonorum supernaturalium; amantes enim DEVM participant cum ipso tum in eius natura per gratiam, tum in bonis omnibus per beatitudinem ad quam ius accipiunt per merita CHRISTI. Hoc beneficium Apostolus ad considerandum nobis sæpius commendat ijs verbis: *Videte qualem charitatem dedit nobis DEVS, vt filij, DEI nominemur & simus, iam non estis*

*estis hospites & advena, sed ciues Sanctorum: heredes DEI, coheredes Christi, ad societatem DEI & filij eius admissi, &c. imò & ipse Christus. Sic DEVS dilexit mundum, &c.*

Hoc beneficium, primi Christiani tantæ estimarunt, vt omnia sua etiam gratissima, imò ipsam vitam propter illud contemnerent in gladios, bestias, ignes, aliosq; horribiles cruciatus, se ipsos exponerent; modò illud sicut & alia etiam miracula stupenda apud quosdam pro nihilo habentur, quia præstantia & magnitudo illius pro debito non consideratur, quasi hæc ad se minimè pertinerent, vel sibi ex merito debeantur. Porro ita sunt hæc & similia illis considerata, ac si modò propter vnum quemq; nostrum sigillatim exhibita fuissent, quasi modò ex Paganismo vel Iudaismo ad spem Filiorum DEI, Ciuitatem sanctorum, societatem CHRISTI vocatus esset.

Et licet (vt aduertit D. Thomas citatus) hoc vocabulum (amor cum sit in appetitu sensitiuo,) sumatur interdum in malam partem, dum aliquid amatur sine electione ac iudicio; nihilominus quia amor rationalis dicitur quid diuini dilectione, nomenq; amoris plus præferat feruoris, efficaciz, & actiuitatis, quam nomen dilectionis; ideò charitas seu amicitia hominis ad DEVM nominatur ordinariè à Sanctis Patribus Amor.



*Confessio & Instructio*  
**QVÆRES V.**

*Quod sit obiectum amoris Diuini?*

**R**esp. Amor Diuinus non solum versatur circa ipsum, DE VM, eius omnipotentiam, bonitatem, iustitiam, sapientiam, atque alias perfectiones; sed etiam circa illud omne bonum, quod illi desiderare & procurare possumus; ut sunt, laus, honor, adoratio, &c. Insuper nos ipsi, & proximi nostri etiam inimici, etiam Iudæi & infideles: quia quamdiu viuunt, sunt capaces beatitudinis æternæ cum DEO, sicuti & nos, à quâ diabolus est exclusus, cum quo nullum confortium est vnquam habendum & dampnati. Denique & res aliæ creatæ omnes, etiam minimæ, quidquid sint, habent & possunt, sunt obiectum charitatis; sunt quippè propter eius gloriam vniuersæ; ipse eas conseruat, & per amorem cum ipsis operatur: & hæc omnia vocantur materiale obiectum amoris Diuini.

Formale obiectum eiusdem, est infinita bonitas propter quam DE VM amamus, non quatenus nobis proficua est; nam sic est obiectum speris; sed quia ex se digna est cuncta supereminens omni infinitâ æstimatione. Propterea tenemur DEO optima velle, etiam eâ charitate, quâ se ipse diligit, non ob nostrum præmium, aut gloriam, sed purè & simpliciter ob bonum, & delectationem quæ in illum deriuatur. Et ideo qui DE VM amat sic, etiam ex æquo iustitiam eius, sapientiam eius & misericordiam amat, vnum attri-

attri-  
infir-

R

pro-  
char-  
& b-  
g. v-  
mor-  
plac-  
tam-  
DE-  
lucr-  
pien-

prim-  
mon-  
Proi-  
inter-  
lam-  
eliga-  
com-  
Diu-  
qua-  
insta-  
do n-  
neat-  
titia-

attributum quemadmodum & aliud, cum omnia  
infinitatem bonitatis huius æqualiter participant.

## QVÆRES VI.

*Quotuplices sint actus charitatis?*

**R**esp. Duplices esse. Alij enim sunt elicitis, qui proximè & immediatè ex ipsa charitate prodeunt. Alij sunt imperati, dum videlicet charitas alijs virtutibus imperat, vt in honorem & beneplacitum DEI suos actus producant. v. g. vt aliquis obediat Magistratui non tam ob timorem pœnæ, aut spem præmij, quàm vt DEO placeat, vt aliquis abstineat à delectationibus non tam propter sanitatem conseruandam, quàm vt DEO seruiat, vt aliquis non tam ob temporale lucrum laboret, quàm vt DEI voluntati præcipientis, in sudore panem acquirere satisfaciat, &c.

Actus elicitis charitatis præcipui sunt tres: primus est electio, qui actus quiuis est maximi momenti, & quoddam fundamentum cæterorum. Proinde debet quiuis firmiter se determinare, vt inter omnia bona creata etiam sibi gratissima, solam Diuinam bonitatem sibi præcipuè sequendam eligat, vt fauores hominum, voluptates, omnia commoda, omnia honorifica respectu bonitatis Diuinæ arbitretur vt stercora; & cum sibi aliqua & his offeruntur, nunquam ex eo impetu ad instar equi & muli, in ipsa feratur; acerbè cernendo nè ista cum offensa Diuina acquirat, vel detineat; meminerit, quantas pœnas huius suæ stultitiæ Susannitæ, Holofernes, Herodes, Dives Epulo,



pulo, Iudas, Ananias, Saphyra, alijque sexcenti stulti rerum æstimatores dederunt. Proinde sollicitè semper aduertat, nè vnquam amorem Diuinum, amoris proprio, vel alicui bono caduco postponat. Ad hunc actum amoris Diuini, primò capit Elias populum Israëliticum adducere dicens: *Vsquequò claudicatis in vtramq; partem &c.*

Secundus est appretiatio. Cuius functiones sunt. 1. Plus DEVM facere quam omnia etiam possibilia. 2. Magis velle omnia non esse & se ipsum, quam aliquam perfectionem DEI, puta iustitiam, sapientiam, &c. 3. Velle omne bonum fortiùs & magis, quam alteri & sibi. 4. Ipsi ita obedire, vt nulli alteri, magis se inclinare ad odium omnium subeundum, quam ad offensam DEI, ipsamque plùs omnibus abominabilibus inde detestari; deniq; nihil æquè, nihil suprà, nihil infra DEVM diligere.

Tertius est complacentia secunda, in bonitate DEI. Dum enim voluntati bonitas DEI per cognitionem intellectus obijcitur, subito concipit gratia DEI præueniente, & adiuvante primam complacentiam erga DEVM, alicurq; spretis omnibus ad ipsi firmiter adhærendum; vnde magis apprehensâ ipsius excellentiâ, amore, beneficijs; maiore etiam complacentia erga ipsum exardescit, ex qua promanant sequentes functiones; videlicet DEVM amare in ipso DEO, vt potè, oblectari reconciliatione bonorum, quæ DEVS habet, eò maxime lætan-

lætando, quòd *DEVS* sit, cuiusmodi est, ut si res  
vel minima eum deficeret (si ita loqui fas est)  
& eam ipsi largiri posses vltro id libenterque  
præstares. Quin si in facultate tua situm esset,  
*DEVM* vnum eligeres non alium, quàm *IESVM*  
electurus esses, solemne illud Davidis vsurpan-  
do, *Dixi Domino DEVS meus es*, erisque in-  
perpetuum, quamuis honorum meorum non e-  
geas. Si ea tribui tibi optares tribuerem vni-  
ueria, vel illud Augustini. *Si ego essem DEVS,*  
*tu Augustinus, cederem iuri meo. & tu sis, DEVS.*  
*& ego Augustinus.* 2. Amare *DEVM* in suis  
beneficijs, in suis creaturis, in nobis ipsis. E. G.  
Præsentiam *DEI* in se, Potentiam, Dona illius  
magnificare, vires suas, ad seruitium *DEI* cu-  
stodire, partem superiorem animæ ad inhabitan-  
dum *DEO* tutari, à corruptione partis inferio-  
ris. 3. *DEVM* amare in omnibus operibus,  
quæ ipse moderatur & dirigit, agnoscendo quo-  
dammodo sparias & diffusas eius perfectiones,  
summam inde voluptatem capiendo, quod sit  
intra se perfectus atque adeo laudabilis; siue  
cum bona largitur, siue cum iustè vindicat &  
punit. Præcipue autem in Beatissima Virgine  
*MARIA*, in suisque Sanctis est amandus &  
honorandus. 4. Summò benevolentia affectu  
*DEO* tanquam bono supremo, & Patri tuo a-  
mantissimo, in dies magis magisque appropin-  
quare. De offensis ejus dolere, & desiderare  
honorem *DEI*, de ipso gaudere. Primi duo a-  
ctus possunt exerceri in diuersis actionibus, ope-  
ratio-



rationibus. Tertius præcipue in Orationibus, laudibus, missæ sacrificio. Alij ætius melius partebunt ex conditionibus amicitia erga DEVM.

## QVÆRES VII.

*Quæ sint conditiones amicitia hominis erga DEVM?*

**R**esp. Eas ferme esse, quæ in amicitia humana inueniuntur: nam licet in vera humana amicitia primò ac præcipue spectatur vnio animorum, frequens & suavis conuersatio, &c. ita in amicitia hominis erga DEVM debet vnio, seu mansio spiritualis cum DEO, ac cum illo, frequens conuersatio & familiaritas obseruari. Quâpropter qui vult verus esse DEI amicus, opus est, vt onania à se remoueat, quæ inter ipsum & DEVM faciunt diuisionem, vti est quodlibet peccatum mortale. Quomodo enim DEVS homini, vel homo DEO, pio voluntatis affectu erit vnitus, quando per aliquam peruersam actionem, verbum scandalosum, obscenam delectationem deliberatè admissam, Diuinæ voluntati eiusque inspirationi repugnabit, plus sibi quam DEO deferet? Quomodo diligis eum (inquit D. August. tract. 9. in Epist. 1. Ioannis,) cuius odisti præceptum; quis est? qui dicat: diligo Imperatorem, sed odi leges eius.

Deinde cauendum est pro virili, etiam à peccatis venialibus, qui enim fieri potest vt vnus spiritus cum DEO fiat is, cuius animus terrenorum bonorum amore occupatus in DEVM partem;

tum; in res creatas totus propendet, paucis & debilibus actibus DEO, plurimis & vehementibus creaturis adhaereſcit: Præter peccata mortalia & venialia etiam à vitijs & imperfectionibus (quæ licet amicitiam ſpiritualem non tollunt, magnam tamen retardationem in illa faciunt) emundare ſe ſtudeat. Denique DEO ſe vniat per intellectum; Diuinas eius perfectiones, amorem erga ſe, & beneficia conſiderando: per memoriam, ipſius præſentia recordando: per voluntatem, piros affectus erga DEVM exercendo, denique per vires corporis, omnia illa in honorem Diuinum & beneplacitum conuertendo.

Hanc conditionem & legem vniõnis perfectæ DEVS, nullo ſuo commodò erga nos obſeruat, cum adeſt nobis intimè præſens, non otioſus, ſed tota amoris ſui infinitate nos peruadens & ambens. Nihil enim homini magis intimum eſt quàm ſolus DEVS qui ipſum ſolus creauit, à quo ſolo dependet in eſſe & conſeruari, qui ipſius talem curam gerit, ac ſi ſolus eſſet in mundo: ipſum plus diligit, quàm quis ſibi amiciffimus, imò prius illum amat, quàm ſeipſum ille: ac magis illi bona vult, ſcit, & poteſt ea præſtare, quin etiam vult vt ipſe ubi bene bonò modò velit, qui ſolus occultiffimis ſuis inſpirationibus, cor ipſius pulſat, illuminat, & ad vitam æternam dirigit: ſolus beneficia illi tanta contulit, conſert, & in omnem æternitatem conferet, quanta nullus: ſolus incommutabile & ſummum bonum illius eſt, cui ſoli principaliter ſe in morte ſiſter, cui ſoli to-



tus plurimis titulis obligatus est. Vnde iustissimum & competentissimum est, ut vicissim ille (si hic potest aliqua dari reciprocatio) se ipsum ab omnibus delectationibus huius mundi, & à se ipso abstrahat, emundet, purificet, ut quasi sui oblitus, totum se ad DEVM transferat, ac coram DEO in mundo sine mundo, instar animæ à corpore separatæ, in puritate mentis, in oblatione DEI & attributorum eius, in zelo laudis Diuinæ, & totali sui resignatione hic studeat permanere.

Ad quam vnionem ut nos DEVS suauiter attraheret; factus est HOMO, & tanto nexu se naturæ nostræ sociauit, ut idem & DEVS esset & HOMO, vnus omnino CHRISTVS IESVS, qui ut tantam DEI charitatem ad nos extenderet, non solum ita Patrem compellat: *Non pro eis autem tantum rogo sed & pro eis, qui credituri sunt, per verbum eorum in me, ut omnes unum sint, sicut tu Pater in me, & ego in te, & ipsi in nobis unum sumus.* Verum etiam ut statim postea addit, claritatem illam & gloriam vnionis hypostaticæ quam à Patre acceperat, per Eucharistiæ institutionem in nos transfudit. *Ut sint vnus (inquit) sicut tu, & ego vnus sumus. Ego in eis, & Tu in me, ut sint consummati in vnus.*

Altera conditio veræ amicitiae est, ut tanta vnio non nisi virtute & sanctitate nitatur: est enim aliud nihil, quam infiniti illius amoris, quò suam ipse bonitatem prosequitur derivatio quædam, quâ eodem illo actu, quò suam ipse sancti-

tatem

tatem & bonitatem amat, eandem ab homine participatam diligit.

Tertiam conditionem amicitia requirit, ut amor in paucos, imò si fieri potest ad unum tantum deriuetur. Id etiam per charitatem, ex parte nostra est faciendum. Satis clarè, & gratiosè D<sup>eu</sup>s Pater hanc conditionem charitatis S. Catharinæ Senensi proponit his verbis: si me perfectè amare vis, voluntatem tuam ab omni amore affectuq; terreno & carnali prorsus amoneas, seges, mundifices, ita ut in ista vita, nihil transitorium, nihil temporale ames, nisi propter me, nec quod magis & maximum est ames me propter te, aut te propter te, aut proximum propter te; sed ames me, propter me, te propter me, & proximum propter me, quoniam Diuinus amor terreni affectus, aut alterius cuiusvis amoris consortium pati non potest. Vnde quantum te, terrenarum rerum contagione infeceris, tantum & in mei amore peccabis, & de tua perfectione deperdes. Memem quippe, ut munda & sancta sit, omnia que corpus sentit fastidire necesse est. Effice igitur ne quidquam ex his, quæ à bonitate mea vestros in usus profecta sunt, te ad me amandum impediat, sed omnia adiuent, accendant inflammant. Quoniam vobis illa creando concessi, ut bonitatis meæ largitatem latius ex ipsis dignoscentes, me abundantiore quoq; amore prosequeremini. Persstes igitur appetitu lumbisq; succincta, ac vigilantia custodiâ te semper obseruans, terrenis concupiscentijs, quas undecunq; tibi mortalis vitæ miseria, & corrupta suggerit natura, alacriter resiste; ut cum Propheta



meo dicere possis: qui perfecit pedes meos id est affectus qui animi pedes sunt tanquam ceruorum ad fugiendum canes; id est laqueos concupiscentie terrenarum rerum: super excelsa statues me; id est in contemplatione.

Ex parte DE I hæc conditio minimè deficit: nam licet ille totum mundum magnâ ratione gubernet, nihilominus quia ipsius natura & potentia est infinitæ aëritatis, ita curat vnumquemque nostrum (S. August. lib. 3. Confess. Cap. 11.) tanquam solum curaret, & ita omnes tanquam singulos, qui finxit sigillatim corda ipsorum, & intelligit omnia peccata eorum, inquit. Psalter Diuinus. Christus quoque Dominus ita pro omnibus, ac si pro singulis est crucifixus & mortuus, ut vnusquisq; possit sibi iuste vendicare illa verba S. Pauli. *Et qui dilexit me tradidit semetipsum pro me.* Quam charitatem CHRISTVS Dominus omnibus trutinandam per S. Melchitedem lib. 1. Spir. Grat. Cap. 12. commendat: cum enim hæc Sancta illum interrogasset, quid sibi in homine maximè complaceret, respondit ei Dominus: ut quilibet cum magna gratitudine perpendat, & iugi memoriâ reuoluat omnium virtutis operum exercitia, quæ in terris operatus sum, & omnium pœnarum & iniuriarum, quas sustinui, triginta tribus annis in quanta vixi miseria, & quanta mihi exhibebatur contumelia a mea creatura, & tandem mortuus sum in cruce morte amarissimâ, ob amorem huius animæ, quam mihi sponsam mercatus sum meo pretio-

pretioso sanguine. Hæc omnia vnicuique ita  
sint accepta & gratas ac si ad ipsius solummo-  
do sim perpeſſus salutem. Vnde graviter con-  
queritur contra quādam animam damnandam  
propter neglectum passionis suæ lib: 6. Revel.  
S. Brigittæ Cap. 8. *Ecce illa anima non est mea,*  
*de vulnere quippe lateris mei & cordis mei non plus*  
*compaſſa est; quā si perforaretur clypeus inimice*  
*eius; de vulneribus manuum mearum tantum cura-*  
*uit, ac si pannus grācilis rumberetur; vulnera eti-*  
*am pedum meorum tam mollia illi fuerunt, ac si vi-*  
*deret scindi molle pannum: Et subdit; Sic ego tan-*  
*tō pretiō, tantā amaritudine te redemi, sicut ali-*  
*quem Sanctorum meorum, licet tu modicum curasti.*  
*Verum sicut puer abortivus non habet dulcedinem*  
*de uberibus maternis, nec consolationem de verbis,*  
*neque de pectore calorem, sic tu nunquam habebis*  
*dulcedinem, &c.* Item Cap. 52. anima cuiusdam  
mulieris damnatæ (S. Brigittæ dixit hæc) Cere-  
brum meum defluit sicut pix, quia de sangui-  
ne FILII DEI non plus attendebam, quā  
de pice, &c. Porro CHRISTVS in anima &  
corpore passus est, nè homo in anima & cor-  
pore periret.

Quarta conditio est; quæ similitudinem  
quandam exigit, imò æqualitatem inter amicos;  
nam amicitia aut parem accipit, aut facit, vt  
inquit D. Hieronymus: cū autem non longè  
dissimiles & impares naturā, non modò abiectis-  
simi serui, sed etiam filij iræ essemus, nec ad eam  
excellentiā aspirare possemus, quæ ad veræ &



perfectæ amicitiae coniunctionem necessaria est; eam ipse DEVS nobis à se derivatam impetijt. Nam ideo etiam homo factus est, vt Diuinæ nos naturæ consortes efficeret; & nobis similis per omnia (sine peccato) redditus est, vt eius sanctissimas virtutes imitaremur, similesque facti in vita ipsius, post mortem cum ipso conglorificaremur.

Quinta: iudiciorum & voluntatum conformitas; vnde nos idem velle quod DEVS vult, idem nolle quod DEVS non vult obligamur; DEVS vicissim *voluntatem timentium se faciet*. De hac voluntatis nostræ conformitate DEVS PATER S. Catharinam Senensem, & per ipsam nos commonet: Summò desiderio quæras, nitaris, & studeas, ad hanc peruenire mentis dispositionem, vt mihi ita coniuncta sis, tuaque *mea* (quæ perfectissima est) ita similis sit conformisque voluntas; vt nolis non solum malum sed & bonum, quod ipse nolim, vtque eueniat, quidquid velit, & vndecunque velit in istius vitæ miseria, siue spiritualibus, siue temporalibus in rebus, minimè frangatur pax tua, turbeturue quies mentis tuæ, sed inconcussa fide semper te neas nte DEVM tuum omnipotentem, magis amare te, quàm tu te ipsam, meque tui diligentissimam habere curam, & multò diligentiorè quàm tu. Quantò magis sic te mihi commiseris, dederisque; tantò magis te adiuuans tibi semper adero; & tu ipsa elarius senties, circa te dulcissimam charitatem meam. Ad hanc autem perfecti-

perfectionem perueniri non potest, nisi per stabilem, constantem, ac absolutam propriæ voluntatis abnegationem, quam qui præstare negligit; simul hanc excellentissimam perfectionem negligit: qui verò libens præstat, simul integerrimam voluntatem meam integerrimè exsequitur; mihi quæ summè placet, & me secum habet; quoniam mihi gratius ac iucundius nihil est, quam per gratiam vobiscum agere, in vobis habitare, meæque sunt deliciae, cum filiis hominum esse; & vt volentes ipsi (nolo enim liberi ius arbitrij violare) à me, in me per gratiam transformentur, vt sint vnum mecum participatione perfectionis meæ, præcipueque pacis ac tranquillitatis meæ. Vnde quidam talem praxim huius conditionis præscribit. In rebus singulis voluntatem nostram Diuinæ conformando, quasi præsentem eum intueremur, nolque his verbis compellantem: Fili mi volo te hac horâ hoc facere vel pati; ita vt responsum illi subijciamus humilissimi: Volo ô D E V S meus quando ita vis sic hanc actionem exsequi, ægritudines corporis pati, misérias famis, frigoris, pestis, &c. mortem, etiam ipsam acceptare, &c.

Sexta. Beneuolentiam varijs officijs veluti interni animi testibus fouere & accipere. Hæc quoque conditio à nobis in amore erga D E V M est obseruanda, vt quò maiora nostri existabunt erga ipsum amoris signa; eò etiam certiores erimus nos ab eo diligi, atque adeo, nostram hanc amicitiam mutuam esse. D E V S optimus exhi-



bet tot officia, & externa sui in nos amoris signa; nam creaturæ omnes, & vniuersa DEI opera clamant, quod diligat nos; præcipuè verò ipsum redemptionis opus. Item particularia beneficia cuique exhibita, singulariter autem hoc nobis argumentum esse voluit nos à se diligere si eum diligamus. *Ego inquit diligentes me diligite.* Et iterum: *Si quis diligit me, diligetur à Patre meo, & ego diligam eum.*

Iam verò ad septimam, nempe secretorum & consiliorum communicationem veniamus. DEVS enim suis sinceris cultoribus in hoc statu solet fidei & sapientiæ ac scientiæ lumen augere mirum in modum, & proficientem, in Diuinorum mysteriorum, in suæ voluntatis & providentiæ circa mundi gubernationem secreta, profundiora, penitus inducere. Sic enim Apostolis dixit CHRISTVS Dominus: *Quæcunque audiuisti à Patre meo, nota feci vobis.* Ex nostra verò parte quanquam illi omnia cordium nostrorum arcana patefiant. *Omnia enim nuda sunt & aperta oculis eius;* ipsa tamen amicitiae ratio exposcit, vt tanquam fidelissimo amico, profundissimam cordis nostri abyssum detegamus, nostras ei miseras ex integro aperiamus; si quid aduersi vrgeat exponamus nostras necessitates; si quam noxam contraximus, ingenuè fateamur. Denique ea quæ secreta hominibus esse volumus, omnia illi familiariter compartiamus.

Octaua conditio est: bonorum quorumcunque mutua communicatio; & certè si charitatis

tatis ponderi obsequamur; nos etiam ipsos, nostraque omnia in Dei obsequium profundemus, siue sint illa bona fortunæ, siue corporis, siue animi, vnusquisque iuxta possibilitatem vocationis suæ & virium. Hæc enim *DEVS* Optimus nobis ideò donauit, vt haberemus in quo amorem erga illum nostrum testaremur, & quod illi vicissim ex verâ amicitia reddere possemus. Et quanquam fama, honores, apud homines existimatio, & autoritas, vera bona non sint, tamen vtilia ad Dei gloriam quandoque esse possunt. Quare Deus omnium author, hæc etiam quæ plerumque ab hominibus magni sunt, ita dispensat, vt suos amicos insigni apud homines auctoritate; siue ob sanctitatis opinionem, siue ob aliquam aliam excellentiam pollere velit; vt suæ etiam gloriæ in hac vita illos participes efficiat. Hæc non ita percipiuntur, quam si homo illis priuaretur.

Fingat ergo se aliquis carere lumine solis, commoditatibus aquæ, aëris, & alijs communibus beneficijs; item particularibus sigillatim quibus modo gaudet; demum subsidijs pro vita æterna, fingat se inquam, his modo se esse destitutum; deinde quasi ipsi denuò à Deo darentur, quantum pro ipsis esset gratus, quali charitatis affectu illas conuerteret, illis vteretur pro laude & seruitio *DEI*, quantum ferueret amicitia erga ipsum, &c.

Nona conditio: vt amicus non quæ sua sunt quærat, sed quæ amici; sibi non viuat, sed ami-



co, cuius bonum etiam vitæ suæ, si opus sit anteponat: sic enim CHRISTVS Dominus nos dilexit. Nam cum in forma DEI esset, non rapinam arbitratus est esse se equalem Deo, sed semetipsum exinanivit, formam serui accipiens, in similitudinem factus, & habitu inuentus ut homo, humiliavit semetipsum usque ad mortem, mortem autem crucis.

Reddiderunt vicem omnes eius veri amici, Martyres potissimum, qui pro Deo & Diuinis legibus, pro fide, & Religione, pro Diuinæ amicitiae iure, fortiter occubuerunt. Idem fecerunt, qui suam libertatem, commoda, voluptates, honores, Dei Gloriæ posthabuerunt. In hac conditione includitur zelus, qui est intensus amorum Dei affectus, quò diligentissime quis quærit Dei honorem, proximorumque salutem. Eius functiones sunt: 1. Optare toto cordis desiderio, ut omnes Deum noscant, ament, honorent, ipsi se subijciant, præcepta eius, & S. Ecclesiæ obseruent, &c. Quidquid honori Dei & proximorum saluti opponitur, fortiter, constanterque repellere. 2. Laborare pro hoc, Prædicatione, Confessionum auditione, doctrinâ & alijs ministerijs, tantum, quantum vires; Diuinâ iuuante gratiâ, suppeditabunt. 3. Pia desideria, Orationes, ieiunia, & alia bona opera pro salute animarum Deo offerre. 4. Pauperes, diuitibus; ignobiles, nobilibus: si maius obsequium Dei speratur, in nostris ministerijs præponere. 5. Ea, quæ solum laborem habent, si proximis utilia sunt, commodis nostris, & honorificis titulis præfer-

præferre. 6. Omnia commoda, quin etiam ipsâ vitam, si necessarium sit, pro gloria Dei offerre. 7. Propriam salutem animæ, quàm aliorum impensius curare, nec enim æqualiter proximum ut nos, sed similiter iubemur amare. 8. Exemplô sanctæ conuersationis omnes inuare, & plus operæ in eo, ut potè magis efficaci, quàm in verbis & laboribus exterioribus insumere. 9. Pro exemplo & ædificatione aliorum, aliqua commoda etiam corporis necessaria relinquere. 10. Si laboribus nostris speratus fructus non respondeat dolere, & fructum à Domino postulare.

Hanc conditionem minimè ille obseruabit, qui perpetuò proprijs vult studere commodis, labores fugere, indulgere otio, libertatem sectari, humanæ gloriæ, & fauoris auram captare.

Decima est mutua cōfidentia. Et sanè id expertus erat, qui fideles hortabatur, omnem fiduciam projicere in Deum, quoniam inquit *ipsi cura est de vobis*, quare hoc etiam amicorum Dei proprium est, ut qui habitant in adiutorio Altissimi, in protectione tutissima, tam boni, tam potentis, tam fidelis amici perpetuò commorentur, nè quidquàm humanorum casuum vereantur; certi, nihil euenire posse, quod non in bonum eis cōoperetur. Vicissim Deus ipse magnis suis amicis, magnam ut ita dicam habet fiduciam; nam si quod magni momenti negotium urgeat, si graue & periculosum negotium contra fidei hostes, contra mundi potestates agn inueat, si difficilis inestet expeditio, illis utitur liberè ad



suam gloriam, & charissimam sibi hominum salutem, & Ecclesiæ suæ procuracionem, quales boni Pastores animarum, parochi, zelosi Religiosi, &c.

Vndecima tandem veræ amicitiae conditio est, ut sit constans & sempiterna, nec unquam ullô casu dissolubilis. Equidem Divina charitas nunquam excidit, ex parte enim Dei sine penitentia, est donum eius, nec unquam nisi ipsi initam cum Deo amicitiam discindamus, à nobis recedit. Æternus est eius erga nos amor, & si volumus, sempiternus, dicit enim: *in charitate aterna dilexi te, & ideo attraxi te, miserans tui.* Restat ergo ut hæc dissolutio ab humana voluntate pendeat, quæ cum totô se studio ab omni peccati impuritate integram & illibatam conservare nititur, nihil ita horret, ut ea, quibus vel cum momento à Deo divelli potest. Ad hanc stabilitatem nos S. Apost. suo & aliorum exemplo cohortatur, dicens: *Quis nos separabit à charitate Christi? tribulatio, an angustia, &c. Sed in his omnibus superamus propter eum qui dilexit nos.*

Si quis, in prædictis conditionibus amicitiae erga Deum sese exercebit, mediante oratione, & sui ipsius mortificatione, maiores, & maiores progressus faciet: Donat enim Dominus bonum spiritum petentibus se, & quem urget præcepto, prævenit auxiliô. Ad hoc exercitium D. Paulus, per suum Timotheum (1. Timoth. 4.) urget & nos illis verbis: *Exerce te, ad pietatem.*

Nam

Nam qui nunquam incipiet, nunquam proficiet; porro nihil asuerudine maius, actiuus, praefertim illis qui gustant, quam suavis est Dominus: eadem & tibi Lector gratia offertur à DEO.

## Q V Æ R E S. VIII.

*Quomodo charitas acquirenda?*

**R**esp. Audtorem charitatis primum esse Deum, quam tunc nobis impertit, dum fauorabile suae inspirationis verbum in nos immittit, quae inspiratio suavi cum violentia in corda, veniens ea occupat, & cogitationes mouet, extollit, impellitque affectiones in auram Diuini amoris. Vnde haec ipsius prima motio est: concussio, quam Deus indit cordibus nostris, ut ad proprium bonum per ea nos euigilare faciat, sit equidem in nobis, sed non à nobis: id enim fit ex improviso antequam cogitauerimus vel cogitare potuerimus, eo quod *sufficientes non sumus* 2. Cor. 3. *cogitare aliquid à nobis, tanquam ex nobis* (quod ad nostram salutem faciat) sed nostra sufficientia ex Deo est, qui non solum antequam essemus dilexit nos, sed etiam ut essemus, & quidem sancti & immaculati essemus: in quo nos praeuenit in benedictionibus Paternae dulcedinis suae impellens animos nostros ad salutarem poenitentiam & conuersionem.

Ex parte, ergo nostra opus est, ut has eius benignas praeuentiones grati suscipiamus, eiusque sanctis inspirationibus, vocationibus, alle-

T s

ctioni-



tionibus libenter cor'pondeamus: præbet ipse per Sacras scripturas, prædicatores, &c. modos quibus nos ad suscipiendum hoc donum celestis gratiæ & charitatis disponere possimus. Sunt autem hi præcipui; primò complacentia in Deo, dum eius nobis Divina bonitas, & amor erga nos per fidem innotescit, timor DEI, humilitas, Oratio, vera contritio, vel saltem attritio, cum Sacramentis legitimè susceptis; de quibus illa verba Sacræ Scripturæ: *Ego diligentes me diligo. Initium sapientia timor Domini, super quem requiescet spiritus meus. Convertimini ad me, & ego conuertar ad vos. Quanto magis dabit DEVS spiritum bonum petentibus, se, &c.*

Vnde si interoges, quid fiat, quod in Divino amore non eos facimus progressus, quos S. Augustinus, S. Franciscus, S. Catharina Senensis: S. Francisca, &c. faciebat. Respondet Franciscus de Sales id inde fieri, quod DEVS nobis ad id non elargitus est gratiam. Si autem infles rogans, cur elargitus non sit? in promptu est responsum: Quia ex parte nostra Sacris eius inspirationibus defuit consensus & mutua conspiratio. Pergis ulterius urgere: cur autem non conspirauerimus? quia cum libero essemus præditi arbitrio, eo abusi sumus. At inquis: cur nostro abusi sumus arbitrio? Hic iam gradum siste, quia ut dicit S. August. depravatio nostræ voluntatis ex nulla provenit ratione, sed ex defectu causæ, quæ peccatum committit: stultum autem esset non solum dicere, sed vel cogitare, quod

quod reddi posset ratio defectus qui committitur peccando; quia defectus ille seu error, quem committendo, deflectimus à recto tramite, non esset peccatum, si esset cum ratione. Et quamvis peccatores aliquando allegant causas suorum peccatorum, illæ causæ non sunt causæ; nam ipsos arguet malitia ipsorum, quod nihil vel parum voluerint pati vel omittere propter DEUM, cum interim propter sua commoda multa tolerauerint, & omiserint.

Inde collige quanti momenti sit lumina & inspirationes quas Deus cordi nostro immittit, observare, & ad executionem deducere, iuxta illud monitum Psalmistæ. *Hodie si vocem eius audieritis, &c.* quia per hæc minora sensim ad maiores progressus Deus obtemperantes sibi deducere consuevit, vti è contra resistentes cum Pharaone, &c. reijcere.

### QVÆRES IX.

*An in singulis actibus sit charitas exercenda?*

**R**esp. Cum Bassæo per sequentes conclusiones ver. *Charitas.*

1. Quamvis nullus actus planè rationalis ac deliberatus in diuiduo indifferens sit, secundum rationem bonitatis ac malitiæ moralis, vt docent D. Thomas & alij DD. Sunt tamen in homine tum peccatore, tum iusto actiones indifferentes secundum meritum vitæ æternæ, quando nempe homo opera bona virtutum exercet, sine illâ, seu actualiter præsentem seu præteritâ & virtutem



tualiter manente charitatis relatione in Deum : attamen tum iusti, tum peccatores possunt per opera moraliter bona de congruo mereri bona temporalia : Attentâ enim Dei bonitate & liberalitate, congruum videtur quod operibus moraliter bonis bonum aliquod reddat ejusdem ordinis.

2. Ad promerendum singulis actionibus bonis augmentum gratiæ ac gloriæ æternæ non sufficit homini iusto, quod principio anni, mensis, hebdomadæ, diei, totum se Deo ex charitate offerat, cum proposito omnia ad ipsius gloriam operandi, sed necesse est vt propositum hoc efficax sit; id est, vera causa operum subsequentiū existat; cum fieri soleat, vt postea multa agat, non vi eius propositi, sed ex motivo merè humano, aut etiam moralis solum honestatis. Propterea imperium charitatis virtuale, quod requirunt DD. Thomas, & Bonaventura, tanquam necessarium, vt aliarum virtutum actus possint esse meritorij; non est aliud quam actus voluntatis, quò ipsa per charitatem informata, & à Deo per gratiam mota illos actus imperat, ipsos ordinando in finem charitatis, hoc est in honorem & gratiam Dei : Hinc omnia quarumcunque virtutum opera, quæ ab homine iusto, fiunt per auxilium gratiæ, possunt dici ex aliquo imperio charitatis fieri : cuncta enim eiusmodi opera non fiunt, nisi voluntate (per charitatem informata & à Deo per gratiam mota) volente vt fiant & vel explicitè, vel implicitè  
ordi-

ordinante seu referente illa in finem charitatis,

3. Nefas est ita diligere DEUM propter mercedem vitæ æternæ, principaliter & finaliter, vt vita æterna vel constituatur finis omnium ultimus nostræ dilectionis, vel sic propter eam diligamus Deum, vt alias non essemus eum dilecturi. Ratio prioris est quia Deus debet esse noster finis simpliciter ultimus; quamvis autem nostra vita æterna consistat in Deo, sicut in obiecto beatitudinis: ipsa tamen Dei visio, fructio, & comprehensio, non est Deus; sed aliquid creatum. Ratio posterioris est, quia Deus cum sit summè bonus, & propter se summè amabilis, debemus eum diligere propter se, etiam datò quod nobis nihil commodi proveniret ex eius dilectione. Unde talis amor mercenarius est, cuius ratio finalis ac principalis est, vt merces acquiratur; quare qui ita Deum diligit, plùs se quam DEUM diligit. Tamen fas est Deum diligere propter mercedem vitæ æternæ, tanquam finem minus principalem, & causam impellentem, quia vita æterna est à Deo constituta merces ac finis bonorum operum, iuxta illud 1. Petr. 1. *Reportantes finem fidei vestre salutem animarum.* Imò de fide est licere Deo servire, siue ipsum diligendo, siue alia virtutum opera exercendo propter mercedem, seu intuitu mercedis æternæ, vt docet & definit Concilium Tridentinum: *Si quis dixerit iustificatum peccare, dum intuitu æternæ mercedis bene operatur, Anathema sit.*

4. Quan-



4. Quandoquidem probabile sit præceptum charitatis, & dilectionis Dei, obligare paulo post ipsum rationis, quando scilicet quis aduertit, & secum reputat rationes, quas habet amandi Deum super omnia, ei seruiendi, & sua omnia ad eius gloriam referendi, vt colligunt Scotus, Nauarrus, Bannes, & alij, & D. Thomas. Ideò Patres, Parochi, Confessarij pueros ac rudes admonere debent, vt cogitent, à quo creati & cur in hoc mundo positi sunt, nimirum vt Deo rerum omnium auctori ac Domino seruiant, ad ipsum tanquam ad finem suum actionibus suis tendant, vt non sibi sed ipsi vivant; cui in perpetuum vniti esse debent. Ad meliorem præmissorum declarationem offero doctrinam, quam Ioannes à I. M. Carmelita Disc. vir piissimus, & eruditissimus, in libello de Arte viuendi spiritualiter part. 1. Cap. 7. conscripsit. Mirum sanè est, multos facere cum spiritu id ipsum possint, quod sine spiritu, ac Dei non recordando; nec vllum actuum interiorum exercitium adhibendo faciunt; atque id non modò sine vllò suo dispendio, verum etiam maiori meritò ac consolatione sua facere possint; tantummodò quod virorum rerum Diuinarum peritorum consilij non auscultent; vitam vniuersam sine vllò prorsus profectu & commodo animæ traducere, eaque quæ professionis suæ sunt, gentili quodam & profano modo exequi. Vt Exemp. causâ; si studiosus aliquis Academicus, qui septem octo, uè studio literarum annos impendit; & inde do-

strinâ

doctrinâ & scientiâ comparatâ digrediens, reli-  
quum vitæ tempus in actionibus professioni suæ  
proprijs exequendis transigit; duntaxat ut tem-  
porales facultates conquirit: si hic inquam for-  
tè totò illò quò studuit tempore, non aliud  
sibi præfixum scopum habuit, & aliud non in-  
tendit; quàm solum scientiam hanc addiscere; à  
lectore ipse peto, equæ sit hunc inter & genti-  
lem, qui Athenis olim eidem scientiæ, vel iuris-  
prudentiæ, vel medicinæ arti, vel alijs compa-  
randis incubuit, differentia? Gentilis sanè ille  
non minus quàm hic studuit, ut hanc scienti-  
am vel facultatem addisceret; si verò ulterius  
non progreditur Christianus, nec aliquam ha-  
rum studij actionum spiritualiter faciendarum  
rerum adueniat, infinita bona æterna perdit, at-  
que ita de reliquo vitæ tempore pro ea quam  
studendo comparuit scientia utitur; cauendum  
est, nè plurimi Christiani hac in parte acriter co-  
arguendi sint, & fortasse magis quàm id ipse que-  
am exprimere. Idem de Principibus illis dixerò  
Christianis, qui in rerum publicarum suarum  
administratione animum ad spiritûs Divini subli-  
mitatem non euehunt, sed quibus satis est, si vel  
finem illam moraliter bonum intendant, quem  
etiam Ethnici Reges, ac Principes sibi proposi-  
tum habebant; pacem scilicet Reipublicæ; quæ  
quod vitæ spiritualis arti non incumbant, reli-  
quas suas actiones ab omni prorsus merito ste-  
riles ac infecundis faciunt; cū tamen, si do-  
ctrinâ spirituali vterentur, eademmet rationes  
modò



modò quodam superiori ac Diuinò, maiori etiam suò meritò, maioriq̃ue etiam ad bonum publicum utilitate facere possent. Circa duo hæc quæ adduxi exempla rogo, num̃ propterea Princeps, vel studiosus, ille in regendo, hic in studendo, maiorem laborem habituri essent, si hæc officia spiritali quodam modò obirent; num̃ quid honoris, commodi, aut voluptatis hoc pacto amissuri? Nequaquam; imò verò hi ambo labores, multò & facilius, & cum maiori consolatione, & vberiori cum fructu suscipient. Idem Philosophandum de artificibus, rusticis, famulis, &c.

Prius igitur lector, cuiuscunq̃ue demum statûs sit, apud se proponat spiritaliter viuere, Diuinæq̃ue bonitati confidat, hoc se in proposito ab illa adiuuandum, confortandum, & multò maioribus bonis, cum pace & satisfactione conscientix suæ locupletandum.

Res planior fiat exemplo. S. Anselmus cuiusdam Religioso quærelam deponenti, quod à suis superioribus temporalibus curis implicaretur; quas ipse vt vitaret, sæcularem statum deseruerat, ita respondit. Omnis hominum vita similima est rotæ frumentariæ, quæ nunquam moueri & versari desinit, sed interest inter homines qui eam curant. Alij enim sic farinam defluentem negligunt, vt tota in flumen relapla pereat. Alij partim seruant, partim negligentia perdunt. Alij demum subiectò sacco totam excipiunt. Ex primo genere sunt ij sæculares, qui nunquam

men-

mentem ac cogitationem ad æterna erigunt intenti caducis & terrenis. Ex secundo sunt qui licet in sæculo degant, aliqua tamen bona ac secularia peragunt, eleemosynas tribuunt, frequentes sunt in templo, ægrotos visitant. Atque ij pro operum mensura tantundem præmij accipient. Ultimi sunt Religiosi, qui quoniam ex superiorum suorum iussu eiusmodi rebus implicantur, quamvis temporale sit quod agunt, nihil tamen eis de suo labore deperit, quin etiam licet negotijs id exigentibus, quidpiam cogantur, vel propter communem disciplinam agere, vel de communi disciplina remittere, hæc tamen omnia obedientiæ virtus compensat, eaque farinam totam diffluentem, ac puram ita colligit & recondit, ut ad illos in omnem æternitatem alendos sufficiat. Quod ergo Religiosis obedientia, hoc secularibus pia intentio præstare poterit.

**QVÆRES X.**

*An Idiota possint perinde ac docti exercere Actus charitatis?*

**R**esp. Affirmativè. B. Ægidius vnus è primis S. Francisci socijs die quodam dicebat S. Bonauenturæ: O beati vos qui scientijs estis exculti, quia permulta scitis, quibus potestis Deum laudare! nos autem Idiotæ quid faciemus? Respondens illi S. Bonauentura dixit: Gratia quæ inducere valet ad amandum Deum sufficit. Instat Frater Ægidius: Pater mi? Potestne igna-



rus tantum amare Deum, quantum literatus ? Potest inquit S. Bonaventura : imò tibi dico, quod simplex quæpiam Fæmina, tantum potest Deum diligere, quantum Doctor Theologiæ. Hoc audito Frater Ægidius abreptus amoris fervore exclamavit : O humilis & simplex Fæmina, Salvatorem amato, & poteris tantum valere apud Deum, quantum Frater Bonaventura : quò dictò tribus horis mansit in Ecstasi. Voluntas equidem non peripicit bonum nisi interueniente intellectu, eò autem perspectò non habet illò opus ad exercendum amorem : vis enim delectationis seu gaudij quod sentit, vel sentire intendit ex vnione sui obiecti, eam sat potenter trahit ad amorem, & ad desiderium eius fruitionis, ita vt notitia boni ortum tribuat amoris non mensuram. Quemadmodum enim cognitio iniuriæ cuiuspiam factæ eum commouet ad iram, quæ si non subito suffocetur, ferè semper fit maior, quam requirat subiectum, eò quod passiones non sequantur cognitionem quæ illas commouit ; sed frequenter relinquunt à tergo, & accelerent gradum sine villo termino, & limite versus suum obiectum. Porro id adhuc magis euenit in sacro amore, quia voluntas nostra non est applicata per cognitionem naturalem, sed per lumen fidei, quæ certos nos facit de infinitate boni in Deo contenti, nobis præbens sufficientissima argumenta amandi Deum totis nostris viribus. Et S. Thomas (quem pro se citat Franciscus de Sales, de amore Dei lib. 6. Cap. 4.) asserit per sepe euenire, vt

re, vt simplices, quin & fæminæ ipsæ abundant  
maiore deuotione, & communiter capaciores sint  
Diuini amoris acquirendi, quàm gnari, & docti.  
Ratio huius potest peti ex Apostolo, qui dicit :  
*scientia inflat, charitas edificat.* Vnde S. August.  
lib. 8. Conf. Cap. 8. ait : surgunt indocti, & cæ-  
lum rapiunt, nos cum doctrinæ nostris sine  
corde: ecce vbi? volutamur in carne & sangui-  
ne, &c.

## Q V Æ R E S XI.

*An occupationes legitime nos in usu & praxi  
amoris Diuini impediunt?*

R Espondet Franciscus de Sales lib. 12. de a-  
more Diuino, Cap. 4. quod in omni bono  
statu actus amoris Diuini possunt exerceri : Cu-  
riositas, ambitio, inquietudo, cum inaduertentia  
& inconsideratione finis, propter quam sumus  
in hoc mundo, in causâ sunt, quod millies plura  
habeamus impedimenta, quàm negotia ; plures  
obcursionationes, quàm operationes ; plus longè  
occupationis, quàm faciendi operis. Et hæc  
sunt impedimenta, ac remoræ, id est : inanes,  
vanæ, superfluxæ occupationes, quibus dum nos  
inhæremus ab iisdem diuertimur, & auertimur  
ab amore Diuino, quo fit, vt quæ vocationis no-  
stræ sunt negligamus. Rex David, & post eum  
S. Ludouicus, inter innumera pericula, labores &  
negotia, quæ siuo in pace, siue in bello habuerunt,  
non intermittebant verè cantare. *Quid mihi est  
in celo? & à te quid volui super terram? ó DEVS*



*cordis mei.* S. Bernardus non diminuebat progressum quem in Sacro amore intendebat, & facere confluenerat, esto in medijs aulis, & exercitijs summorum Principum & Monarcharum versaretur, vbi toto corde sese impendebat, vt negotia inter eos controuersa, pacificè componeret, & ad D E I gloriam & obsequium reduceret.

Probè calleo, Theotime, monitum sapientũ

*Exeat aula qui velit esse pius.*

*Nulla fides, pietasq; viris qui castra sequuntur.*

Hinc Irælitæ iustissimam habebāt causam, se apud Babylonios vrgentes, vt sibi cantarent de Canticis Syon, exculandi, & dicendi. *Quomodo cantabimus canticum Domini in terra aliena?* At, aduertisne etiam, miseros illos homines fuisse, non solùm inter Babylonios sed insuper Babyloniorum captiuos? quicumque autem est mancipium fauorum aulicorum, successuum, & promotionum, palatiorum, nec non gloriæ bellorum: actum est; ò D E V S! nequit ille cantare canticum Diui amoris. Verùm est, qui non est in aulis, non in bellis, non in palatijs, nisi ad proba pro Dei honore præstanda officia. Deus assitit, & dulcedo cælestis ei est, locò epithematis supra cor ad eum à peste, quæ passim in dictis locis regnat præseruandum.

Laborantes quoque fuerunt, Noè S. Iosephus, S. Vitalis, S. Isidorus & sexcenti alij, nihilominus & per illos labores, in vnione D E I proficiebant; nec enim per solam orationem, sed

etiam

etiam per operationem, & patientiam aduer-  
 ratum possumus imperante charitate Deo vni-  
 ri, prout animaduertere licet in tot Martyribus,  
 & Confessoribus, tot cruciatus, tot ægri-  
 tudines, despectus, &c. patienter ferentibus: imò est  
 communis sententia Magistrorum spiritualium,  
 quòd magis & plùs possumus mereri per afflicti-  
 ones, quàm per actiones: sint exemplo Tob. La-  
 zarus. Thobias & sexcenti alij. Vide Reu. S. Bri-  
 git, lib. 4. cap. 32.

## QVÆRES XII.

*An in parvis rebus amor Diuinus possit  
 exerceri.*

RESPONDET Franciscus de Sal: lib. 12. de A-  
 more Dei cap. 6. in hunc modum. Sunt  
 nonnulli, qui faciunt proposita exhibendi Chri-  
 sto obsequia, comprimis excellentia per actiones  
 item excellentes, perq; extraordinariam rerum  
 aduersarum tolerantiam; sed actionum huius-  
 modi & tolerantia rerum molestarum, nec est  
 præsens occasio, nec fortè vnquam est futura.  
 Et his quidem propositis & delineationibus ani-  
 morum sic factis, credunt se magnum amoris o-  
 pus, & actum fecisse: sed persæpe, perq; graui-  
 ter hallucinantur ipsi, & decipiuntur egregiè, vt  
 in hoc apparet: quod complexi voto, solum  
 magnas in futurum cruces, vt illis videtur ma-  
 gno ardore & studio, fugiunt præsentis, quæ  
 longè sunt minores. Næ illa profectò maxima  
 est tentatio, esse tam promptum in imaginati-



one, tam esse ignauum in executione.

Auertat D E V S ardores à nobis illos imaginarios, qui sæpenumerò in intimis nostrorum cordium recessibus, alunt vanam & abditam nostri ipsorum æstimationem. Magna & excellentia opera non semper, nec ubiq; nobis sunt obuia, sed omni horâ, imò, & momento possumus excellenter parua, id est magno cum amore exercere. Aduerte, amabo, Theotime, quod sanctus quispiam, qui dat propter D E V M haustum aquæ frigidæ pauperi, & sitibundo viatori, rem præstat exigua, vt videtur, sed intentio, suauitas, & dilectio, quibus animat suum opus, tantâ pollent excellentiâ, vt aquam istam simplicem, in aquam vitæ, & quidem æternæ conuertant.

Apes inter lilia volitantes, sicut & inter rosas, interque flores colorum varietate iridem referentes (cuius & nomen habent) prædantur, sed non minorem prædam agunt super flores minores, rorem v. g. marinum, & thymum, imò non solum plus mellis ex ijs colligunt, sed etiam melioris, eo quòd in paruis istiusmodi vasculis, mel includatur melius, ac proinde etiam melius conseruetur. Certè in humilibus & ad speciem contemptibilibus deuotionum exercitijs charitas exercetur, non solum frequentius, sed communiter etiam maiori cum humilitate, & quod hinc sequitur vtilius & commodius. Inclinationibus & minus gratis alterius humoribus aliquid concedere, suffragari etiam (vbi tamen abest peccatum)

tum)

tum) agrestibus & molestis agendi proximi modis, victoriæ contra nostras ipsorum affectiones & passionēs, renuntiatio minimarum etiam nostrarum inclinationum, conatūs superandi nostras auersiones & repugnantias, acceptatio sinceræ & fraternæ admonitionis ob nostras imperfectiones; continuus labor, quem subimus, & pugna quam inimus, in continendis nostris animabus; in æqualitatis & constantiæ officio; amor nostri ipsorum abiectiōis, benedicta & gratiosa acceptatio & receptio, quā nostri ipsorum contemptum, quā censuras nostræ conditionis, nostræ vitæ, nostræ conuersationis, ac nostrarum denique actionum humili excipimus animo; Theotime, plus emolumenti spiritualis conferunt nostris animabus, quam non dico scire, sed ne imaginari quidem valeamus. Suppono autem ea omnia fieri, acceptari, ferrique iuxta normam celestis dilectionis: Charitas enim vera; patiens est, benigna est, non irritatur, non inflatur, &c.

### QVÆRES XIII.

*Quæ est praxis charitatis proximi.*

**R**esp. Sicut in amicitia humana, eodem amore diligimus socios, vel seruos imò & canem amici, quo diligimus ipsum amicum, quamuis amor hic sit reflexus: ita proximum non alio respectu magni æstimare, ipsi bonum, vel benè velle debemus, quam respectu ipsius DEI, si amorem nostrum meritorium esse volumus: Videlicet, quia est imago & similitudo DEI, creatus ad



communicandum cum bonitate Diuina, ad participandam gratiam, & ad fruendum gloriâ sempiternâ, &c. Vnde amare proximum per charitatem est amare DEVM in homine, vel hominem in DEO: est amare solum propter amorem ipsiusmet DEI, & creaturam propter DEVM.

Quod vt melius in praxim deducatur, opus est in quolibet homine, etiam infimæ sortis principaliter aduertamus animam ipsius, illique ex animo optemus, vt sit pura à carnalibus desiderijs, concupiscentia rerum terrenarum non fœdاتا, vt sursum corde ad DEVM & cælestia feratur, vt sit in amicitia DEI, eiusque amore prædita, aptaq; ad felicitatem æternam.

Imperceptibilis est nobis præstantia & nobilitas animæ cuiuslibet hominis, adeo vt CHRISTVS B. Baptista Veranæ, prout habetur in Chronico S. Francisci Tomo 2. lib. 7. cap. 14. hæc dixerit.

Quantum pretiosior est anima corpore tuo non potes intelligere, nec persona viuens, quia ego tantum cognosco nobilitatem animæ & vilitatem corporis ac miseriam; quia ego solus feci vtrumque, & consequenter non potes tu, nec alia creatura vlla, pæne esse capax pænarum mearum crudelissimarum. Et quia in modo peccandi est grauior vnus, quàm alter, & vnum peccatum, quàm aliud; hinc est causata qualitas & quantitas pænæ. Sed pæna quæ me crudelius cruciabat, erat, quod viderem membra mea,

mea, id est damnatas animas, nunquam, nunquam, nunquam debere reuniri mihi capiti eorum. Et hoc nunquam est illud, quod cruciat in æternum, & cruciabit illas infelices animas, super alias pœnas, quas habent, & habebunt in æternum. Adeo me afflixit hæc pœna nunquam, ut de nouo promptè elegissem pati, & denuò paterer has omnes disunctiones, omnibus his modis, qui fuerunt, sunt & erunt, non tantum semel, sed multis & infinitis vicibus, dum modo non tantum omnes, sed vnam animam solam vidissem debere reuniri, integritati aliorum membrorum meorum vitalium, aut electis, qui viuunt in æternum spiritu vitæ, procedente à me vita vitali. Hic nota, quàm mihi cara fuerit vna anima, quia pro vna anima voluissem pati tot replicatas pœnas, quas tibi dixi ad reunendam mihi. Et ita scias, adeò affligere illas animas, pœnam huius nunquam, quod & illæ vellet mille, & infinitas pœnas pati, dummodò sperarent aliquo tempore reuniri mihi vero capiti suo. Et ita iuxta qualitatem & quantitatem pœnæ, quam mihi dederunt, separando se à me, ex mea iustitia vera, illis correspondet qualitas, & quantitas pœnæ. Et quia me afflixit super omnia illud nunquam ita volo, ut istud nunquā eos cruciet super omnes pœnas quas habent & habebunt in æternum. Et hic cogita quantam mentalem pœnam, pro omnibus animabus damnatis in corde meo vique ad mortem senserim, videndo illas separari à me, & postea in igne æ-



terno vri. Atque vt per contrarium res magis elucescat, accipe illud documentum de pretio animæ ad cælum destinatæ, ex Reuel. S. Brigittæ lib. 6, cap. 31. Vbi cum Christus quæreret ex Diabolo, quid vellet dare pro quadâ anima, quam viderat in cælum ascendere? sic respondit: omnes animas quæ sunt in inferno ab Adam, vsq; ad horam hanc, libenter darem pro ea: & adhuc tam amaram pœnam pati vellem, tanquam si cuspides gladiatorum innumerabilium infigerentur in vnâ columna, cuspis iuxta cuspidem tam densissimè, vt non esset distantia vnus acus inter cuspides, & ego libenter inter hæc transirem à summo cælo vsque ad infernum, vt illa stella. (id est anima) daretur in potestate mea. Inde colligere licet, quanti meriti sit animam alicuius Deo lucrari, quanti demeriti, scandalizare, optare vt in inferno ardeat, &c.

## QVÆRES XIV.

*Qui sunt actus charitatis proximi.*

**R**esp. primò. Sicut homo qui seipsum ordinatè diligit, inprimis sibi vult bona animæ, ita per charitatem debet velle omnibus gratiam Dei, bona spiritualia, felicitatem æternam. 2. Velle bona temporalia, quatenus ad æternum bonum conferunt. 3. Latari de profectu spirituali & felicitate temporali proximi: dolere de malis, ac cupere remedium adferre. 4. Proximum (etiam inimicum) magni facere, omniaque facta illius in meliorem partem interpretari. Si

tenta-

tentatio non potest vinci, corrigere siue per se, siue per alios. 5. Neminem obloqui, neminem temerè iudicare; sed defectus proximi saluà conscientia excusare. 6. Omnes iuuare verbo, obsequijs, bonis operibus, & paratum esse vitam corporis pro salute animæ alterius, si necesse fuerit, iuuante Deo profundere.

Huc spectat misericordiæ virtus quâ dolemus & tristamur de miseria proximi tam animæ quam corporis, cum proposito subueniendi. Opera misericordiæ tam corporalia, quam spiritualia sunt passim omnibus nota, vtinam & in exercitio.

Dices? Si proximo semper charitatis affectus exhiberentur, cresceret insolentia sine modo. *Resp.* Etiam in hoc passu per charitatem est procedendum, videlicet affectu maternali, sicut enim Mater, licet aliquando filium suum obiurgat, vel castiget; non tamen erga illum deponit affectum maternalem; sic & superioribus contra inferiores cum delinquunt est agendum. Iniuriæ ab alijs irrogatæ vel patienter ferendæ, vel per amicos satisfactio requirenda, vel iure sine odio, sed zelo iustitiæ vindicandæ.

Porro in puniendo leges clementiæ debent obseruari, vt sunt. 1. minas remittere. 2. defectus non mirum exaggere. 3. Pœnas minuire, seueritate tamen, vt in procaces, & commune bonum lædentes. 4. In pœnis infligendis famam proximi in quantum fieri potest seruare.

Petes.



Petes, quomodo noster affectus contra proximum nobis inimicum, vel ingratum, est corrigendus?

Respondet ad hanc difficultatem Ioannes à IESV MARIA, de instructione Nouitiorum cap. I. in hæc verba. Si DEI amor, à quo amor proximi genus ducit, cordi semel hæserit, esto proximus sit deformis, insolens, iracundus, importunus, rudis & alijs vitiorum labibus notatus, quæ odium parere solent, nunquam DEI amatori ad proximi dilectionem ratio efficacissima deerit: DEI quippè bonitas, pulchritudo, mansuetudo, sapientia, & virtutes vniuersæ, quibus proximus fortasse caret, luculentissime splendet, & propter illas proximus diligendus est. Quis enim vnquam amauit? qui ob decorem, quo trahitur, labores, tædia & iniucunda multa non tulerit? Sed licet proximus non amabilis appetitui modo displiceat, rationi placere potest: est quippè (præter rationem illam à DEI decore virtutibusq; petitam) DEI FILIVS, est æternæ beatitudinis capax, & IESV CHRISTI sanguine redemptus, est mihi ad exercitium & meritum utilis, est fortasse is, à quo ex prædestinatione æterna salus meo dependeat? Quibus certè rationibus duriora quæq; corda succumberent.

Vt enim vna reliquarum energia se prodatur, quis adeo sit insanus, vt proximum, quem ad regnum sempiternum prædestinatum existimat odisse, aut lædere, aut certè non amare possit?

possit? An corpus illud quod calos supergres-  
surum, & ineffabili pulchritudine, ac luce in æ-  
ternum decorandum est, mihi hoc speranti non  
placeat? Quomodo non ei arrideo, & sempi-  
ternæ pacis, cum Rege illo fœdus inire fe-  
stino?

At verò quamvis ratio nulla subesset, au-  
thoritas tamen Domini nostri IESU CHRISTI  
aientis: *hoc est præceptum meum, ut diligatis inui-  
cem, sicut dilexi vos*, inquit, id est. Quemad-  
modum ego DEVS, sapiens, magnus, decorus,  
vos homines stultos, prauos, deformes, per do-  
lores, infamiam, & mortem amaui, sic mutuo  
& vos. Hoc est FILII DEI testamentum,  
cuius exortes, hæreditatis expertes futuros esse  
planissimum est.

Si ergò volueris esse inimicus inimico tuo,  
per hoc constitues te inimicum DEO, nam tunc  
voluntas tua opponet se voluntati DEI, & si-  
cut præferre DEI voluntatem rebus omnibus  
est essenziale punctum amoris Diuini; ita il-  
lam postponere in aliquo casu, erit contemptus  
eiusdem.

## QVÆRES XV.

*Quæ est brevis & facilis praxis amandi  
Deum pro idiotis.*

**R**esp. Esse Symbolum Apostolicum cum O-  
ratione Dominicâ: Et imprimis si hæc ver-  
ba; *Credo in DEVM*: in eo sensu quem Ca-  
thechismus Rom: & expositio Theologorum  
contine-



continet; aliquis sincero corde proferet; non tantum fidei, spei; verum etiam feruentis charitatis actus eliciet. Nam hæc vocula ( in ) significat tendentiam quasi ad summum bonum. Hinc distinguit D. August. hos modos loquendi: *credere DEO, credere DEVM, & credere in DEVM.* Credere DEO, est credere vera esse quæ loquitur: credere DEVM, est credere, quia est, quod etiam dæmonibus conuenit: credere in DEVM, est in DEVM pio quodam affectu ferri & tendere, quod dæmonibus nullâ ratione quadrat, qui credunt solâ euidentiâ conuicti. Conuenit tamen etiam id peccatoribus qui piâ quâdam affectione mouentur eum fiducia obtinendæ misericordiæ imperfectè quidem ijs conuenit, perfectè autem iustis, qui actu fidei per dilectionem operantis in DEVM feruntur, cum perfectâ in eum confidentia.

Vel etiam si dicatur illo sensu, qui ex ritu baptizandi aperte colligitur, nam præmissis abrenuntiationibus diabolo; & peccato, cum dicitur: Credo in DEVM, hic sensus genuinus habetur: spretis pompis ac operibus diaboli, posthabita naturæ meæ per peccatum originale vitiatæ corruptione, totum me per gratiam CHRISTI ad DEVM vnum & trinum confero, ipsi me in fidele eius obsequium, & obseruantiam ipsius mandatorum trado & deuoueo: aduertens insuper excellentissimam Patris cœlestis potentiam, quæ in cæli & terræ creatione manifesta elucet; & IESU FILII DEI; erga me a-

morem,

morem, quo ipse pro salute meâ ac totius mundi ex MARIA Virgine natus, crucifixus, &c. qui sedens ad dexteram Patris me cum gloria expectat æterna, meque ad illam hîc multis modis invitât : credens quoque Spiritus Sancti eximiam super me bonitatem, qui mihi sanctificationem animæ, & gratias suas cœlestes offert ad vitam æternam possidendam : credens inquam omnia hæc ; me ipsi cunctis postpositis ac me ipso contempto pro fideli famulo, aut potius mancipio subijcio, nec iam amplius mihi, sed illi ; non secundum me, sed secundum ipsum vivere decerno & hæc in actionibus meis particularibus exsequi conabor.

Et quia viuâ fide credo impendere mihi diem iudicij, in quo & de verbo otioso rationem redditurus sum, & in hoc meo corpore resurrecturus, ac in cœlestibus delicijs cum DEO habitaturus ; hîc in magno timore DEI, & sollicita mei custodia persistam, ne Dominum DEVM aliquando meâ inobedientiâ offendam ; sed vt datam mihi in baptismo fidem, in obseruatione mandatorum eiusdem ad mortem vsq; fideliter obseruem.

Idem poterit efficere in ipso Oratio Dominica ; vt illam recitans saltêm ad instar Filij prodigi suam gratitudinem cum animi contritione & submissione ; & amorem filialem protestetur, quod se hucusque in peccatis suis tolerauerit, ad infernum non detruserit, ipsi suum paternum amorem per Filium suum IESVM offerat : inde-

que ex



que ex animo cupiat ipsi omnem honorem, reuerentiam, laudem à se, & ab omnibus quam maximam exhiberi; ipsius Regiæ potestati se funditus subijciat, vt hic in regno ipsius gratiæ; post quantocyus gloriæ persistat: eius Diuinâ voluntatem, suâ prorsus derelictâ in omnibus tam asperis quàm prosperis perfectè perficiat, eiûque se totaliter resignet, & alius ad præfata pro viribus adducat.

In eâdem Oratione Dominica excitabit in se actus amoris erga proximos; quando sibi & illis optabit, & à Deo desiderabit necessaria animæ & corporis, remissionem peccatorum; robur contra tentationes, omnis mali amotionem: & per occasionem opera milericordiæ corporalia & spiritualia ipsis exhibebit.

Quæ omnia supradicta exemplo, spiritu, & ope CHRISTI Domini Saluatoris sui perficere conabitur; cuius tota vita in ardentissimo amore DEI, & hominum salute; in multis actionibus & cruciatibus ac orationibus propter nostram etiam informationem transgebatur: siquidem ille ardentissimè & efficacissimè desiderabat & procurabat (qua HOMO DEVS, & mediator noster) per multas fatigationes, labores, molestias & crucem, gloriam Patris sui cœlestis; & bonum nostrum: vtque nos suo spiritu imbueret, istam formulam huius Orationis propter nos composuit; vt nihil aliud per totam vitam nostram magis desideremus & procuremus, quàm honorem DEI & proximi.

proximorum salutem ipiritualem & corporalem (ex amore DEI) quisque iuxta suam vocationem, & talenta à DEO accepta, spirituales spiritualibus, rustici laboribus, diuites eleemosynis, &c. Talem dispositionem animi in rusticis & alijs Mechanicis CHRISTVS Dominus in lib. 2. Reuel. S. Brigittæ Cap. 20. reliquit his verbis: Tertius, (id est rusticus) habebit tam firmam fidem quod dicet sic: tam firmiter credo, quod quasi videam quæ credo; ipso etiam omnia quæ promiserat DEVS. Voluntatem habebit faciendo bona, & proficiendi in bono, & ommittere mala. Erit sapiens sicut serpens, qui stabit in cauda, & caput leuabit ad cælum.

Quia verò humilitas (præsuppositâ fide) est fundamentum vitæ Christianæ; etiam huius virtutis actus omnes, etiam rudissimos CHRISTVS docuit per illa verba. *Deus propitius esto mihi indigno peccatori.* Vt suam vilitatem ac defectus agnoscens, sese DEO subter omnem creaturam subiciat, nullumque etiam vilissimum despiciat, &c.

Hæc Oracuncula, vel etiam particulæ Orationis Dominicæ, si sæpius per diem vsurpentur (possunt autem faciliè à quibuscunq;) breuiter ad magnam perfectionem sincero corde orantes promouebunt.

Sed valdè dolendum est, quod contrarium in quibusdam eueniat, nam hæc Sancta Oratio, licet tam brevis, attamen à paucis DEI cultoribus,



ribus, sapius in parco usu habetur, & dum recitatur, tunc properanter sine ullo gustu, sine devotione, sola consuetudine quasi animali, quodsi deuorè dicitur, tunc aliquando infideliter, cum vita illam recitantium cum eadem non cõcordet. Quæ enim hæc est fidelitas modo omne bonum DEO optare, & orare, vt nomen eius sanctificetur; regnum eius dilatetur, voluntas eius fiat, proximo benè prosperetur, tentationes vincantur, &c. interim postposito DEI timore & amore, peierare, superstitiones sectari, festa violare, decimas quæ pro honore DEI ampliando debentur denegare, Ecclesiastica bona opprimere, proximo in fama, rebus, &c. nocere, subditos affligere, tentationibus se vltro exponere, &c. Hæc à Confessarijs breuiter per opportunitatem; à Parochis & prædicatoribus latius inculcari poterunt.

## P R A X I S

*Interna in compendium redacta amoris  
Diuini.*

OMnipotens, venerande Pater, metuende, colende  
Vnde mihi omne bonum, quo nullus amior vnquam  
Esse mihi poterit pietas, virtusque suprema.  
Cum meritis Christi tibi me totum offero supplex,  
Cum M A R IÆ meritis, electorumque tuorum,  
Me tibi submitto, cupiens tibi viuere soli.  
Omnia amore tui, quamuis gratissima sperno,  
Me quoque despicio totaliter atque relinquo,  
Præ reliquisq; tibi pio & integro adhæreo corde.  
Complaceo nimirum quod sis DEVS Optimus ex te,  
Quod sine principio, quod sis sine fine beatus,

Supre.

§. 5.  
*De instrumentis profectus Christiani.*

QVÆRES I.

Quæ sunt instrumenta profectus Christiani?

**R** <sup>E</sup>p. Instrumenta quibus Christianus bene  
X<sub>2</sub> vten-



utendo possit in dies magis ac magis declinare à malo, & facere bonum in honorem ac placitum DEI, alia sunt remota, alia proxima. Remota quidem sunt res creatæ, quibus ita moderatè ad virtutes exercendas est utendum, ut medicinà ad sanitatem, quando autem animæ officiunt, omninò abijciendæ, de quo iam supra. 2. Sunt vires animæ & corporis, per mortificationem legibus Divinis subiectæ.

Proxima autem sunt hæc sequentia. Primum est, & potissimum. Gratia DEI de qua Saluator ipse. *Sine me nihil potestis facere.* Illam paratus est DEVS præstare ritè petentibus se, & inspirationes suas & motiones observantibus, & quod in se est facientibus. Vnde licet homo ex se non possit abstinere omninò à peccatis, imputantur tamen illi ad reatum, quia (ut D. Thomas 1. 2. q. 109. art. 8.) ex suo defectu non præparatur ad gratiam per quam natura corrupta & ad malum semper proclivis, ita roboratur ac perficitur, ut possit non solum vitare peccata, sed etiam per viam virtutum ad suæ perfectionis culmen pervenire. Secundum est cognitio sui cum cognitione DEI (de qua etiam supra) quæ in omni actione, tentatione, in prosperis, in aduersis, debet adhiberi: de qua ille versiculus: *Quid sis, quid fueris, quid eris, semper mediteris.*

Cognitio DEI, res CHRISTIANO more consideranti ipsa se ingerit, ut docet Psalmes: *Celi enarrant gloriam DEI, &c.* & D. August,

gust. lib. 11. Confess. Cap. 14. Ecce Domine celi & terra clamant, quod facta sunt. Et alibi clamant, vt amem te. Dicitur hic animo Christiano, aliter enim *v. g.* cælum considerat, nauta, agricola, Philosophus, &c. aliter Christianus, quem omnia possunt ad timorem & amorem DEI excitare, & promouere. Et in hoc genere cognitionis excelluit D. Antonius asserens. ipse, libros suos esse creaturas DEI, & plures sancti.

Sacra quoque Scriptura, modò rectâ mente capiatur. DEVM & CHRISTVM eius nobis insinuat, illius virtutes eiusque beneficia nostris animis personat. Tertium instrumentum est, exercitium matutinum, in quo post gratiarum actionem te offeras, & omnes tuas actiones & afflictiones CHRISTO, & penès eius merita Patri cœlesti in laudem eius æternam, in adimpletionem eius Diuinæ voluntatis, in vniōnem sempiternam, &c. res agendas dispone, aliquod vitium tibi familiare ad eradicandum, & virtutem acquirendam tibi assume, &c. Quartum est diligentia in agendo, vt bonum opus peragas tanta ac tali intentione, & attentione, & virium contentione, ac si illud iam vltimum foret, vltima Oratio, vltima Confessio, Missæ Sacrificium, &c. quo expedito anima tua ex corpore migratura esset iudicanda, &c. Quintum melioris boni electio, dæmon enim si te non poterit à bono auocare, saltē minùs persuadebit; vnde præter opera debita, etiam ope-



ra supererogationis commendantur. Sextum, recollectio animi, ut te supra te reflectas, quo animo, affectu, diligentia res peragas. Septimum est memoria presentiae Divinae crebro refrixata, cum pio ad eum affectu: cum enim DEVS magis sit praesens animae nostrae, quam ipsa corpori; equum est ut ipsa quoque ad ipsum se saepius referat. Potest autem id facile, absque capitis fatigatione praestari, cum v.g. aliquis se ad DEVM habeat, modò ut reus ad Iudicem clementissimum, ut Filius prodigus ad Patrem benignissimum, modò ut mendicus ad Benefactorem, vel cliens ad Monarcham aliquem, amicitiam suam sibi offerentem, cum & DEVS PATER offerat sibi suum paternum amorem, unà cum Filio suo, ut illum amando, ametur & ipse à Patre caelesti: vel si officia sibi iniuncta propter DEVM, & coram DEO, ut servus coram Domino, miles coram Duce, discipulus coram Magistro, (licet de illo assidue non cogitent) exactè persolvere studeat, iuxta illud Psal. *Providebam Dominum in conspectu meo, &c. Oculi mei semper ad Dominum, &c. Ecce sicut oculi servorum, &c.* Potest etiam & quidem magis proficue saepius in mentem excitari praesentia CHRISTI in quantum homo est; modò orantis, modo laborantis, turbas docentis, pascentis, modò nos ad persecutionem vitiorum, vel ad aliquam suam virtutem in speciali, suo exemplo, suis verbis inuitantis: ut sic in CHRISTO manentes, nostra per ipsum gratiora Patri caelesti

cælesti offeramus. Nec solum hæc præsentia DEI hic circumscribenda, sed ad proximos extendenda est, ut singulos ad imaginem DEI creatos, CHRISTI Domini sanguine redemptos, cum ipso æternum regnatos aspicimus, & si peccatores sint DEVM ipsos ad pœnitentiam vocantem, conservantem, &c. Ex quo & amor proximi, & reuerentia, & pax, & alia plurima bona possunt oriri. Octauum. Recordatio quatuor nouissimorum, præcipuè aduertendo, an ex hoc tuo actu, sis habiturus in hora mortis consolationem. Nonum. Diffidentia sui scriptum est enim. *Qui stat, videat nè cadat, Beatus, qui semper pauidus*: præsumptio enim de suis viribus, aut meritis; semper est periculosa, & peccaminosa: cum omnis sufficientia nostra sit à DEO, & ab istiusmodi falio sapientibus, DEVS suas gratias etiam in senectute auertit, de quò clarius in Reuel. S. Brigittæ lib. 5. inter 13. Decimum. Oratio. Vndecimum. Mortificatio.

Sunt & alia exteriora instrumenta profectus Christiani, ut potè bona societas, pia colloquia, probata exempla, vitæ Sanctorum, amor silentij, solitudinis, auditio verbi DEI, pia lectio, boni consilij, monitores, custodes, Magistri, Gubernatores; Item rectus vsus Sacramentorum, pœnitentiæ, Eucharistiæ. Item renouatio animi per hebdomadam, mensem, annum, exercitia spiritualia. Tandem vita Regularis: cum enim in hoc statu Religiosi, non tantum proxima, sed etiam remota impedimē-



ta perfectionis à se remouerint, cum sua omnia quæ habebant, vel habere poterant; imò corpus suum & animam D E O. per vota solemnia, paupertatis, castitatis, obedientiæ consecrauerint, peculiaribus statutis se ad eadem vota perfectius, iuxta cuiusque statum seruando obstrinxerint; maioribus etiam auxilijs à D E O. muniuntur, & adiuantur, vt non tantum communi modo, verum etiam sublimiori pulchritudinem, sapientiam maiestatem, iustitiam, &c. concipiant, hinc interiore vigilantia conscientiam suam custodiant, ne quid mali in oculis tanti legislatoris committant. Affectus ardentes amoris, reuerentiæ, zeli, honoris Diuini, &c. in se excitent; summâ cum deuotione in suis Orationibus, Meditationibus, cum D E O. agant, ipsi in auditione Missæ, cum intensiore animi elevatione assistant, &c. Item: actus charitatis erga proximum, cum propensiore studio faciant omnem consolationem, subsidium ex animo, afferre desiderent, denique tutius & perfectius mandata D E I. obseruantes, facilius vitam æternam consequentur.

## Q V Æ R E S II.

*Quæ instrumenta ex supra dictis debeant esse omnibus in frequentiore usu?*

**R**esp. Mortificatio, & Oratio: nam per mortificationem charitas vitia expellit; per orationem autem virtutes congregat & sicut auis duabus.

duabus alis sursum se eleuat ; ita nostra pietas  
Christiana hisce duobus instrumentis ad DEVM  
& cælum euehitur. Vtrumque hoc instrumen-  
tum omnibus omninò est necessarium. Miser-  
rimus ille est qui multos psalmos, multa rosa-  
ria, coronas, aliasque preces. (Ioannes à MARIA  
Discal. de vita spiritali) profundit, & interim  
amore proprio, iudicijs temerarijs, timore ani-  
mi, iracundiâ alijsque vitijs laborat. Saluator  
enim ait : *Non omnis qui dicit Domine, Domine,*  
*&c.* Nec ille beatus, qui corpus suum ieiun-  
ijs, laboribus, alijsque molestijs affligit, affe-  
ctus insuper suos reprimat, & interim negli-  
git Orationem ; siquidem iuxta decretum  
Saluatoris : *Oportet semper orare & non desi-*  
*cere.* Nam sine inuocatione Diuini auxilijs, ni-  
hil potest esse stabile & solidum. Vnde D.  
August. de Eccl. dogmatibus. Cap. 16. nullum  
credimus ad salutem, nisi DEO inuitante ve-  
nire, nullum inuitatum salutem suam, nisi DEO  
auxiliante operari, nullum nisi orantem auxili-  
um inuenire.

**QVÆRES III.**

*Quid est quotuplex sit mortificatio ?*

**R**espondeo Cum Magistris spiritalibus. Mor-  
tificatio est spontanea ob DEI amorem, &  
studium virtutis ; inordinationis repressio seu  
cohibitio.

Est autem duplex : alia animæ, alia corpo-  
ris : nam per virtutem humilitatis in anima



mortificatur proprium iudicium, propria voluntas, amor proprius : in corpore autem mortificatur concupiscentia cum suis passionibus, per Sacram disciplinam, cohibitionem, & repressionem, de qua re supra S. q. 6. & 7. &c. Hic autem duo superaddo ; primum non debere aliquem turbari multum dum agitur concupiscentijs, sed debere esse sollicitum ne consentiat ; aliud enim est sentire tentationes, aliud consentire ; qui illas abominatur, animo si non potest aliter refugit ; inuitus patitur ob amorem DEI ; ille meretur ; nam scriptum est : *Beatus vir qui suffert tentationem, &c.* qui autem illas vult, illas approbat, ipsis oblectatur, hic deliquit ; peccatum enim cum per consensum consummatum fuerit, generat mortem. Secundum est : illum qui post confessionem ex aliqua passione quam negligit in se vincere, in peccatum mortale cadit, in eoque ad aliam confessionem infordescit ; nunquam facturum aliquem profectum in vita Christiana, qui sit cum merito gloriæ cælestis ; imò magno se periculo salutis exponere ; nam ex defectu mortificationis, CHRISTVS docet paucos esse electos. Quapropter istiusmodi dum aliquo casu labitur ex passione, conferat se ad humilitatem, contritionem, orationem, & prævideat occasiones labendi, ac se contra ipsas muniat, contendatque per angustam viam intrare ad beatitudinem, nec tam magni illas faciat, vt cum ipsis indomitis malit in inferno ardere, quam cum edomitis gaudere in cæ-

in celo. Proinde nulla dies filii transeat sine linea alicuius mortificationis, multa enim sunt in anima & corpore quæ Diuinæ voluntati contrariantur, omnino cōcercenda; vel saltem non permittenda. Porro hic in illicitis non peccabit, qui se & à licitis aliquando cautè restringet.

### QVÆRES IV.

*Quid & quotuplex sit Oratio?*

**R**esp. Oratio secundum D. Thomam 2.2. q. 13. art. 13. est ascensus intellectus, seu elevatio mentis in DEVM; sub qua continetur reuerentia DEI, postulatio, obsecratio, gratiarum actio, oblatio, petitio, de quibus Apostolus ad Philip. 4. Oratio est duplex, alia Mentalis, quæ solo intellectu & voluntate perficitur, cuius finis est, morum reformatio, & unio cum DEO. Alia vocalis quæ mente & voce peragitur, habetque pro principali intento laudem DEI & supplicationem præsertim publicam.

Mentalis trifariam diuiditur; in piam cogitationem, meditationem, & contemplationem. Pia cogitatio, est mentis in DEVM, cum humili & deuoto affectu conuersio (D. August. lib. de spiritu & anima) quod commodè fieri potest ex aliqua cognitione creaturæ S. Scripturæ, siue ex dictis, vel factis Sanctorum, aut ex alijs obuiis occasionibus. Varij autem affectus pias cogitationes solent comitari; præcipue gratiarum



tiarum actio, confusio, sui oblatio, petitio, quos consequuntur orationes ejaculatoriæ; v. g. Aspicit quis lumen solis, lunæ, stellarum, poterit statim cogitare illud D. August. Confess. Cap. 14. Tu Domine fecisti ea qui pulcher es, pulchra sunt enim; quia bonus es, bona sunt enim; quia es, sunt enim; sed nec ita pulchras, nec bona sunt, nec sunt; sicut tu conditor eorum; gratias DEO agit pro tam splendidis creaturis in sui commodum factis, se confundit coram DEO ob tenebras, suarum actionum; offert se ad opera lucis præstanda, & gratiam à DEO rogat. Audit quis de peccato alterius, exclamat illud cuiusdam Eremitæ: vae mihi, peccatori, quia sicut ille nolens victus est, ita ego hodie vel cras: DEVS in nomine tuo saluum me fac: videt quis amentem, cæcum servulis conditionis, claudum, &c. cogitat, cur non ego sed hic? Ergo te DEVS meus diligam totis viribus meis, & his propter te misericordiam præstabo, &c. Eiusmodi cogitationes summo cum profectu spiritûs à bonis Christianis vsurpantur; siquidem per eas DEO magis magisque (sine vlllo dispendio laborum suorum) appropinquant. Plures praxes illarum Pater Andreas Capella Carth. in suo manuali exer. B. Franciscus Borgia, in Tract. de operibus Christianis, in Collyt. Spir. Drexellus de Intentione conscripsere.

## QVÆRES V.

*Quid sit Meditatio?*

**R**esp. Meditatio est attenta cogitatio rei aliquius piæ, ordinata ad excitandos in voluntate pios & stabiles affectus. Seu est vehemens quædam animi applicatio ad res cum intimo cordis sensu commentandas, per quam exclusâ varietate & distractione cogitationum homo in animo suo studet penitus sentire, quid singula, quæ meditatur sint, quantamque illi necessitatem imponant bene viuendi. Itaque differt à lectione, & ordinaria mentis cogitatione, quia ista cum leuior sit, per multa vagetur; illa attentiôr, non ita varia. Meditari scriptionem vel metricam, vel solutam, est scribere, non quod primò occurrit menti; sed quod post attentam & diuturnam mentis agitationem: meditari lectionem ex Tullio, vel Virgilio, est illam non obiter percurrere, sed legere, relegere, artificium eius, figuras, periodos, &c. notare. Ita meditari Diuina, est aliquid pium mente voluere, cogitare, recogitare, nunc vno, iam alio modo, quasi videres illud oculis, &c. Differt à speculatione rei piæ, vt cum quis ad scribendam Orationem v. g. de Natiuitate CHRISTI, attentè de illa cogitat, quod ista ordinata sit ad scientiam, illa ad mouendos affectus; ad stabile odium peccatorum, ad virtutes CHRISTI Sanctorumque sectandas, ad fugamque huius vel illius vitij, cui præcipuè est homo deditus, &c.

*In me,*



*In meditatione mea exardescet ignis* (inquit Propheta) hoc est feruor animique promptitudo excitabitur, vt fugiam noxia, & amplectar vtilia; Imò hæc affectuum stabilis suscitatio finis & fructus præcipuus est meditationis, præcipuæque in excitandis his affectibus cura est ponenda; nec ante illos excitatos faciliè ab vno puncto ad aliud est transeundum. Quapropter duobus alijs nititur meditatio, intellectûs & voluntatis operatione. Intellectûs enim res, quæ sumuntur meditandæ, expendit, obseruat, cognoscit, inter se confert, ac simul atque satis eas vidit, & excussit voluntati proponit, eas vt optet & amet, earumque visione excitetur & inflammetur in DEVM. Quocirca orationis mentalis finis non est mente discurrere, conceptus pulchros eruere, res bene capere & cognoscere (quæ operationes sunt intellectûs) sed affici ijs cognitis, eas amare velle desiderare, quæ voluntatis operationes sunt.

## QVÆRES VI.

*Quot sunt partes Meditationis?*

**R***esp.* Esse tres: prima est præparatio siue Recollectio sui ad DEVM: Secunda trutinatio punctorum: tertia colloquium. Præparatio alia est remota quæ in remotione impedimentorum, & assumptione necessariorum ad dona DEI in meditatione percipienda consistit: alia proxima quæ debitam ante DEVM consistentiam suggerit. Primò enim necesse est,

est, ut post præparatam Meditationis materiam (cuius puncta vel in memoria vel in libro habebis) imaginatiuam & intellectiuam, potentiam ab omnibus curis & creaturis abstrahas, eamque ad propositum negotium serio applies, cum præsentatione loci, personarum, aliarumque circumstantiarum, quæ ad eam materiam pertinent: deinde ut te D<sup>E</sup>O supplex sistas, orans ut tuum intellectum suis Diuinis veritatibus illustret, & voluntatem pijs affectionibus inflammet, vires ad vitia eradicanda, virtutes inferendas, profectum in amore sui subministret. Facies autem id adinstar illius, qui frigore afflitus in appricum, vel ad ignem se exponit, ut calefiat. & vires refractas ad operandum resummat; vel adinstar discipuli suum Magistrum pro instructione adeuntis; vel adinstar famelici ad cænam inuitati; vel mendici, qui è suo paupere ergastulo egressus, sistit se benefactori suo, de cuius bonitate & liberalitate bene est persuasus, eius beneficentiam supplex demissamente expostulat, ipsius verba consolatoria, & subuentiones pijs gratus excipit, gratias agit, ad maiorem obseruantiam ipsius se obstringit: scriptum quippe est; *Accedite ad eum, & illuminamini.*

De tali præparatione nos admonet Eccl<sup>1</sup>. 5. *Ne temere quid loquaris neque cor tuum sit velox ad proferendum sermonem coram D<sup>E</sup>O, D<sup>E</sup>VS enim in calo, & tu super terram. Et Ecclesiastici 18. Ante orationem prepara animam tuam.*



tuam, &c. id nos suo exemplo docuit Abraham Gen. 18. dum ait : *Loquar ad Dominum cum sim pulvis & cinis.* In quibus verbis tria sunt pensanda. Primò quia est pulvis & cinis, & forte reus damnationis æternæ. Secundò quia ut eum consideres, quem est allocutus, quia est Dominus DEVS tuus, &c. Tertiò. Ut quæ dicenda sunt mediteris : hinc illa Psalmistæ verba usurpa : *Audiam quid loquatur in me DEVS; Benedictus es Domine, doce me iustificationes tuas, & scrutabor legem tuam. Bonitatem & disciplinam, & scientiam doce me ; aut dicto Psalmo de profundis : subiunge orationem. Veni sancte, vel Actiones nostras.*

Secunda Pars Meditationis est Punctorum trutinatio, quæ ut melius peripicias considerabis illa, cum suis circumstantijs, in hoc versiculo contentis.

*Quis, quid, ubi, quare, quis fructus, qualiter unde.*

Deinde ex illis punctis devotos intra te pro ratione materiæ affectus concitabis illosque per tempus præsens, præteritum, futurum, dilatabis, quorum præcipui in subiectis verticulis tibi proponuntur.

*Cogito, demiror, confirmo, me reprehendo.*

*Conqueror, ac metuens, execror ac doleo.*

*Spem sumo, grates do, amo, & offero, & opto.*

*Propono, obsecro, feruidus aggredior.*

*Hoc ago, meq; malum reprimo, præsentia Christi*

*Urget, suspiro, collige me, renovo,*

Exemp.

Exemp. G. Vis aliquem fructum spiritua-  
lem ex illis verbis Psal. 5. decerpere. *Mane,*  
*assabo tibi & videbo, quia non DEVS volens*  
*iniquitatem tu es :* Cogita inprimis : quis,  
quid, vbi detestetur ! & aduertes, quod DEVS  
supremus Dominus ac legislator non tantum  
illa facta, dicta, verum etiam minima cogita-  
ta, quæ recedunt à lege ipsius odio habeat pec-  
catum neque in cælo, neque in paradiso, ne-  
que in terra, etiam in sibi amicissimis consi-  
stere patitur, sed ad profundum inferni infra  
omnes creaturas deturbat. Deinde expende  
quare ? & cognosces, quia peruerſitas, malitia,  
impuritas, turpitudine, quæ in peccato reperit-  
tur ; opponit se præcellentiſſimæ sanctitati, bo-  
nitatis, puritatis, & pulchritudini Diuinæ ; quia  
contrariatur rectiſſimæ voluntati DEI, quia  
quandam rebellionem & contemptum  
DEI in se continet ; tenetur enim creatura  
suo Creatori subesse, suis potentijs ipsi seruire,  
eius beneficijs non abuti, &c. Vnde sicut tu il-  
lud mancipium, quod multis beneficijs affecisti,  
dum tibi rebellat à te proijcis, multò æquius id  
DEVS tibi facere potest, &c. Qui fructus pec-  
cati ? utique pessimi in sublatione, tot bono-  
rum ; tot malorum illatione, & in hac, & in al-  
tera vita. Qualiter : vnde ? pœnas minando  
horrendas, & æternaliter puniendo, siquidem  
per peccatum Dominus infinitæ Maiestatis of-  
fenditur, & peccator qui in peccato moritur,  
in æternum obduratur. Et quamuis DEVS



posset omnia peccata in hominibus impedire; per acriores pœnas statim inflictas, &c. nihilominus quia hoc rectissimæ & suauissimæ DEI gubernationi repugnat, id non facit: nam hominis liberum arbitrium, quod in nullo vult lædere, deprimeretur, homines coactè & seruiliter, non liberè, non amicabiliter DEO obedirent: DEVS autem nos vult habere amicos & non mancipia hic, & in Patria cœlesti. Denique quia omne peccatum ex amore inordinato ipsius hominis procedit, cum peccando plus amat se & suam voluntatem, aut concupiscentiam, quàm DEVM; nihil ferè vult propter eum relinquere, vel tolerare; ideo indignus est cui DEVS suam charitatem præstet.

His trutinatis excita in te affectus contra omne quod in te aduersatur DEO, & quidem mirare te tam temerarium & audacem fuisse in perpetrandis tot sceleribus, tam ingratum DEO tanto benefactori, in tanta pericula salutis incidisse. Fateri te coram DEO maximum peccatorem, & confundere, quod ipsum in eius Diuinis mandatis, & beneficijs toties vilipendisti; quia à te, & ab omni creatura dignissimus omni obleruantia, & cui tot titulis obstrictus es. Deinde tuam obliuionem & neglectum DEI, vecordiam, ingratitude, malitiam coram DEO reprehendas. Expostula tecum quòd ob res tam fruiuolas; tanta mala perpetrasti, tam diu in luto vitiorum hæstisti. Time horrenda iudicia DEI supra te, ni seriò resipiscas, &c. Tandem te ad

spem

spem misericordiæ DEI eleua; actum contritionis præcipuè ex eo motuo, quòd DEVM à te summè æstimandum & diligendum propter te postposuisti, offendisti, &c. Lauda DEI longanimitatem, quod te tam diu ad penitentiam expectauit, cum alios propter minora peccata, & pauciora, quam sint tua condemnauerit. Unde ad maiorem amorem DEI, ad tui mortificationem, & ad fidele obsequium, ac promptiorem obseruantiam illius Diuinæ voluntatis, quouisque vita superstes, te offeras. Opera satisfactoria assumes, &c. Atque ita ex hac meditatione hunc fructum referas, vt iugem præsentiam DEI in tuis actibus tibi memores, inde timorem DEI, odium & fugam seriam peccati, demum dignos fructus penitentiae facias. Simili modo in alijs materijs meditationum procedes, licet non cum omnibus circumstantiis, aut affectibus, nec eodem modo usurpandis.

Tertia pars meditationis est colloquium; quod iuxta materiam subiectam vel occurrentes affectus est cum DEO faciendum; vel propriis verbis, vel alicuius Psalmi, aut orationis. Meditatio non solum ipsius meditantis, verum & aliorum mentes ditare abundè potest. Parochus enim siue alius concionator, per illa quæ bene mente sua digerit, ad eaquæ bellè afficitur, multò magis (ex sententia etiam Ecclesiasticorum Rhetorum) populum excitabit ad Bonum; quàm per hæc quæ simplici memoria concepta enunciabit. Aduertimus sermones prædicatorios



S. Antonii de Padua, S. Vincentii, &c. Simpliciter stylo conscriptas; attamen in Vitis ipsorum legitur, plures ab ipsis ad DEVM fuisse conuersos, certè non ob aliam causam, quàm quia ardentes Diuino amore sermones ad suos Auditores depromebant. Clariùs hac de re Christus lib. 4. Reuel. S. Brigittæ Cap. 71 in hæc verba: tales sunt multi qui de virtutibus sciunt disputare, sed non eas viuendo virtuosè seruare; ideò & eorum animæ periclitantur, quia verba plurima sunt, & facta non apparent. Nunquid sic fecerunt prædicatores mei? nequaquam. Ipsi certè monebant peccatores non verbis sublimibus, sed paucis & charitatiuis parati dare animas suas pro animabus eorum, ideò propter charitatem eorum, alii obtinuerunt charitatem, nam ardor docentis plus, quam verba animum audientis informabant; nunc autem plerique loquuntur de me ardua, sed nullus sequitur fructus, quia flatus solus non incendit ligna, nisi & inniculus scintillæ cōoperetur.

## QVÆRES VII.

*Quotuplex sit Oratio vocalis?*

**R**esp. Esse duplicem: publicam videlicet & priuatam: vtrâque vt DEO placeat absolui debet, eadem præparatione, attentione, deuotione, reuerentiâ, quâ mentalis, aliàs voluntariis mentis distractionibus infecta, potius erit Dei irrisio, quàm Oratio, vt docet S. Thomas 22. quæst. 83. art. 13. ad 3. Vnde istiusmodi Orationi

tioni quadrabit illud Psal: 108. *Oratio eius fiat in peccatum.* Et illud 1. Reg. 2. *Qui glorificat me glorificabo eum, qui contemnunt me erunt ignobiles.* Nec enim minoris conditionis debet esse (& hoc apud vilissimum hominum reum fortè mortis æternæ, &c.) **D E V S** Opt. viro aliquo nobili, quem cum reuerentia, & honesta corporis compositione alloquimur. Vnde in recitatione horarum Canonicarum, aut in auditione Missæ notabilis, seu per notabilem partem durans mentis distractio, ac deliberata, seu perfectè voluntaria, est peccatum mortale. (Bresserus lib. 6. Cap. 15.) cum per talem actum non satisfat obligationi Ecclesiasticæ. Et quamuis nō desint aliqui Theologi docentes per externam deuotionem satisfieri, nihilominus excludi volunt omnes fabulas, aliasque occupationes, cum verâ & interna deuotione incompatibiles.

Secundum eorum doctrinam in aliis Orationibus, quæ ex bona voluntate fiunt voluntaria distractio, etiam est peccatum graue veniale. Probant ex illo Scripturæ Malach. 1. *Si offeratis cæcum ad immolandum nonne malum est.* &c. *Si ergo Pater ego sum, ubi est honor meus; si Dominus ego sum, ubi est timor meus.* Isaïæ 29. *Populus iste ore suo & labijs suis glorificat me, cor autem eius longè est a me.* Et D. August: in Psal. 85. *Oratio tua locutio est ad D E V M, quando legis D E V S tibi loquitur, quando oras cum D E O loqueris.* Vnde apparet bene consistere hæc duo, quod nè quidem



dem venialiter preces omittendo, totam Orationem quæ non est ex præcepto (non dico hic de interruptione, necessaria quæ non est peccatum) pecces tu inter orandum te distrahendo; quicunque enim facit ac suscipit aliquod officium, munusque, etiamsi voluntariè, debet illo bene fungi, cum debitis circumstantiis.

Vt autem horæ Canonicae sine tædio, & cum maiori merito absoluantur, debent per illas offerri Patri cœlesti mysteria Passionis CHRISTI in illis versiculis contenta.

Matutina ligat Christum, qui crimina purgat  
Prima flagris cruciat, dat causam tertiam mortis  
Sexta cruci necit, latus eius nona bipertit  
Vespera deponit, tumulto completa reponit.

Item pii affectus excitari, attentio in principio Psalmorum renouari, &c. planè ita offerat Psalmos aut versus Psalmorum aliasue orationes DEO, sicut ille, qui amico numerat sigillatim nummos aureos. Hunc modum CHRISTVS S. Gertrudi insinuat.

### QVÆRES VIII.

*Quomodo rudibus deuotio in oratione commendanda?*

**R**ESP. Vt orantes cogitent se alloqui illum, qui licet non videatur, attamen maxime & præcipuè est, qui regit cælum, terram, qui facit ver, ætatem, &c. qui ipsis dedit hos oculos, manus, cor, intellectum, qui ipsorum vitam, hic & nunc tanquam nutrix infantem sustentat, à quo

quo omne bonum procedit, qui illos in gloria  
 æterna expectat. In aduersis optimè de DEO  
 præsumant, qui ipsos non pro hoc mundo, sed  
 pro altera vita creauit, vbi nullus luctus, nul-  
 lus dolor: & si patienter hic mala tolerauerint;  
 ibi abundè remunerabuntur, quia sic necesse  
 est, vt post hanc hyemem sequatur perpetua  
 æstas.

## QVÆRES IX.

*Quod est efficacissimum instrumentum ad vi-  
 tam Christiano more traducendam?*

**R**esp. Amor & imitatio Christi: CHRISTVS  
 enim non tantum est Redemptor vnus cu-  
 iusque nostrum, sed etiam Magister, lux, via, e-  
 xemplar sanctè & piè viuendi: & parum fuisset  
 CHRISTO redimere nos, nisi etiam ipse vitæ  
 suæ sanctissimæ exemplo nos docuisset, quomo-  
 do redemptioni nostræ còoperari deberemus.  
*Debuit quidem homo ille inquit S. Leo etiam esse*  
*DEVS vt lapsò homini afferret remedium: sed de-*  
*buit etiam ipse DEVS Maiestatis esse homo, vt ei-*  
*dem præberet exemplum ideoque vt supra in pri-*  
*mo capite dictum est, nos ad sui imitationem in*  
*Sacro Euangelio admonet.*

In tribus ergo præcipuè est nobis Christus  
 imitandus. Primò in actibus tam internis quàm  
 externis. Vt v. g. in cogitationibus, desideriis,  
 in sermonibus, in operationibus, vt spiritum ei-  
 us modumque agendi imbibamus. Porro spiri-  
 tum eius possumus haurire, primò ex Oratione  
 ipsius



ipſius dicta Dominica, in qua vt ſupra oſtenſum eſt clarè oſtendit, quales cogitationes, qualia deſideria concipere debeamus, iſſque ardere erga DEVM, & erga proximos noſtros reſpectu DEI. Deinde ex Sacra Euchariftia in qua eundem CHRISTVM ſumimus ſummo deſiderio erga honorem Patris ſui cœleſtis flagrantem, & noſtram ſalutem, hîc ille nobis imprimit illum ſpiritum ſuum, illas actiones, illa merita, quæ in corpore mortali exhibebat, noſque illa iuxta noſtram diſpoſitionem, plûs vel minûs participamus. Vnde & ille dixit: *Qui manducat meam carnem & bibit meum ſanguinem in me manet & ego in eo. Qui manducat me & ipſe viuet propter me.*

Secundò. Nobis eſt imitandus in virtutibus, quæ in eius corde verbis & actibus tanquam in theſauro latebant, gemmæ pretioſæ, vt non tantùm deſideria noſtra eius deſideriis, verba noſtra eius verbis conformemus; ſed etiam, in illis verbis & actibus, virtutum heroicis actus diſtinctè intueamur, & quaſi ad ditandam noſtram paupertatem plenâ manu hauriamus. Vnde boni Chriſtiani ex quolibet Euangelio cuiuslibet Dominicæ aſſumunt ſibi aliquam virtutem CHRISTI ad imitandum, per illam ſequentem hebdomadam, & in alia faciunt recollectionem qualiter ſe in illa exercuerint, ac pro negligentia eliciunt actum contritionis, deſectus ſuos & ex præterito & præſenti Euangelio, præſertim quando abſolutâ Prædicatione facit cû ipſis

Pastor

Pastor ipsorum communem confessionem, faciuntq; firmiora proposita in posterum melius Christum in sua vita imitandi.

Tertiò. CHRISTVS est sequendus in statu vitæ; itaenim illam vitam suam mortalem attemperauerat, vt omnibus hominibus cuiusque statûs norma viuendi existeret. Nam propter laboriosos duxit vitam laboriosam, propter contemplatiuos contemplatiuam, propter diuites misericordem, beneficam, &c. vt non tantum, per suos annos; ætates vitæ nostræ; verum etiam per suas actiones, nostras actiones; per suas afflictiones corporis & animi; nostras ærumnas, per suos status, statum cuiusque nostrum consecraret; nos denique & omnia nostra suis meritis exornaret, ac gratiosos Patri suo cœlesti offerret.

Hinc sequitur quod nos & omnia nostra, debeamus illius sanctissimis meritis per pios & humiles affectus coniungere, ac cum eiusdem, meritis DEO Patri offerre, ipsum deniq; CHRISTVM sæpius exorare (siquidem nihil meritorium sine illo possumus agere) vt ipse nos dirigat, adiuuet, suæ sanctæ humanitati conformet, & in sancta perseverantia ad vitam æternam deducat; breuiter dicendo, ita nobis agendum est, vt per ipsum, & cum ipso, & in ipso, seu in ipsius amore Patri eius cœlesti seruiamus, more primorum discipulorum CHRISTI, quibus ille dixit. *Pater amat vos, quia vos me amastis.* Vnde Apost. 1. ad Thessal. 5. *Sine vigilemus, siue dormiamus, semper cum*



*cum Christo uiuamus.* Et sæpius alibi admonet, ut Christum induamus, in Christo Domino nostro nos peragamus. Vita nostra sit abscondita in Christo: imò ipse Christus hoc requirit à nobis Luc: 11. *Qui non est mecum contra me est.*

Hunc etiam modum præscribit nobis Ecclesia, in prima Horarum Canonicarum, ubi Patrem cælestem orat, ut nos, sua virtute saluet per Christum Dominum nostrum, ut ad nullum declinemus peccatum, &c. Deinde ipsi Christo supplicat ut ille dirigere & sanctificare & regere dignetur corda & corpora nostra, &c. Quæ duæ orationes dignæ sunt ut sæpius in die per crebra suspiria versurpentur, etiam signo aliquo adhibito ad memoriam earum refricandam. Cum autem sufficientia nostra sit ex Christo, necessarium est, ut defectus nostri, infiniti valoris ipsius meritis, ad supplendum quam humillimè offerantur, præcipuè in fine vitæ.

Atque ita fiet ut per imitationem Christi quâ hominis, imitemur etiam ipsum DEVM: nam sicut DEVS se ipsum perfectissimè cognoscit, se ipsū perfectissimè amat, propter se ipsum omnia perfectissimè operatur, omnes imperfectiones, inordinationes, iniquitates odit; ita & nos attendentes Christi actionibus, doctrinis & passionibus; DEVM perfectiùs cognoscemus, ipso oblectabimur, & propter ipsum (nos & cuncta peccata abnegando) omnia quo poterimus meliorem modo & feruentiore operabimur, sincere patienter, constanter usque ad finem. Hæc confidentia

& fami-

& familiaritas ad Christum vnicuique à pueritia inculcanda est, vt in ipso cum tempore crescat ad salutem æternam.

Qualiter autem quisque præcipuè Sacerdotes in praxi ac re ipsa, debeant esse in animo & erga Christum dispositi, piè pro more suo Bloſius ostēdit in sua instructione spiritali illis verbis : tu præclarus vestitor siderum, nudus, contemptus, vulneratus, & immensis doloribus afflictus pro me pependisti in cruce, pro me fudisti purissimū sanguinem tuum, pro me mortuus es. Amplector vlnis animæ nræ venerandam crucem tuam, & eam pro tui honore atque amore osculor. Præsta vt ad te pleno desiderio semper aspirem, & in te dulcissimè respirem. Ecce Domine ecce cōstituo me in infimo loco, infra omnem creaturam, quia indignus sum quem terra sustineat, substerno & subiicio me omnibus hominibus. Complector, complector omnes sicut possum sincero amore. Relinquo propter te omnia caduca ( dum sunt cum offensa tua. ) Respuo quidquid tu non vis. Renuntio omni delectationi sensuali. Renuntio omni vanitati & impuritati, renuntio omni propriæ quæſitioni & immortificationi. Religno, religno me tibi funditus. Omnem voluntatem meā in tuam transfundo. Fiat Domine fiat voluntas tua in me & de me, fiat voluntas tua in tempore atque æternitate. Offero me paratū ad perferendum cum auxilio gratiæ tuæ quidquid tibi placuerit. Hoc modo amabit suum Salvatorem, si quæ coram ipso protestatur corde & ore, eadem ope-  
re exe-



348 *Conf. & Instr. Idiota. Caput IV. §. V.*  
re exequi conabitur effugiatque illam S. Pauli 1.  
Cor. 16. 22. maledictionem dicentis. *Qui non a-*  
*mat Dominum nostrum Iesum Christum sit anathema*  
*Maran Acha.* Clariora media possunt facile Con-  
fessarii ex locis S. Scripturæ, quæ passim voluunt  
in Missalibus, & Sacris Breuiariis (sic vocatis quia  
in se breui compendio continent credenda, sperā-  
da, diligenda, & faciēda) pro se & aliis desumere.

De hoc amore Christi sunt verba D. Virginis  
ad B. Brigittam lib. 4. Reuel. Cap. 3 2. Nullus est  
talis ac tantus peccator in mundo, qui dicit cor-  
de, quod filius meus Creator & Redemptor om-  
nium est sibi amicissimus in corde & intimus ;  
quin non statim parata sum venire ad eum sicut  
mater charitatis ad filium &c. qui etsi promeruis-  
set profundissimam inferni pœnā, haberet tamē  
nihil curare de honoribus mundi, nec de cupidi-  
tate & voluptate carnis, quam detestatur Ecclesia  
nihilque desideraret nisi solam sustentationem su-  
am ; tunc ipse, & ego ; statim essemus bene con-  
cordes. Ex his collige ad quem finem quisque  
debeat in hac vita omnes suas cogitationes, stu-  
dia, desideria, labores siue spirituales, siue corpo-  
rales, confessiones, &c. dirigere, nimirum vt tan-  
quam verus Christianus exemplo & ope Christi,  
per feriam fugam vitiorum, & exercitium virtut-  
um, præcipuē amoris DEI ; optimē sit dispositus  
erga ipsum DEVM, resque Diuinas, & erga proxi-  
mos respectu DEI, ac in seipso maneat bene ordi-  
natus ; vt hoc modo existens DEO fidelis vsq; ad  
mortem, accipiat coronam vitæ, vbi in amore  
perfectissimo DEO in æternum perfruatur.

DECRETA  
SANCTISS. IN CHRISTO PATRIS  
AC D. N. D.  
ALEXANDRI  
PAPÆ VII.

In Cōgregationibus Generalibus Sanctæ Romanæ & Vniuersalis Inquisitionis habitis.

*Feria V. die 24. Septembris. 1665.*

*In Congregatione Generali Sanctæ Romanæ & Vniuersalis Inquisitionis, habita in Palatio Apostolico Montis Quirinalis, coram Sanctiss. D. N. D. Alexandro Diuina Prouidentia Papa VII. ac Eminentissimis & Reuerendissimis DD. S. R. E. Cardinalibus in tota Republica Christiana aduersus hereticam prauitatem Generalibus Inquisitoribus, à Sancta Sede Apostolica specialiter Deputatis.*

SANCTISSIMVS D. N. audiuit non sine magno animi sui mœrore, complures opiniones Christianæ disciplinæ relaxatiuas, & animarum perniciem inferentes, partim antiquatas iterum suscitari, partim nouiter prodire: & summam illam luxuriantium ingeniorum licentiam indies magis



magis excreſcere, per quam in rebus ad conſcien-  
tiam pertinentibus modus opinandi irrepſit alie-  
nus omnino ab Euangelica ſimplicitate, Sancto-  
rumque Patrum doctrina, & quem ſi pro recta  
regula fideles in praxi ſequerentur, ingens ere-  
ptura eſſet Chriſtianæ vitæ corruptela, Quare, ne  
vlllo vnquam tempore viam ſalutis, quam ſupre-  
ma veritas DEVS, cuius verba in æternum per-  
manens, arctam eſſe definiuit, in animarum per-  
niciem dilatari, ſeu verius peruerſi contingeret,  
idem Sanctiſſimus D. N. vt oues ſibi creditas ab  
eiufmodi ſpatioſas lataq; per quam itur ad perdi-  
tionem, via, pro Paſtorali ſollicitudine in rectā  
ſemitam euocaret, earundem opinionum examen  
pluribus in Sacra Theologia Magiſtris, & deinde  
Eminentiffimis, & Reuerendiſſimis DD. Cardi-  
nalibus contra hæreticā prauitatem Generali-  
bus Inquiſitoribus ſeriò commiſit. Qui tantum  
negotium ſtrenuè aggreſſi, eique ſedulo incum-  
bentes, & maturè diſcuſſis, vſque ad hanc diem  
inſcriptis propoſitionibus, ſuper vnaquaque  
ipſarum ſua ſuffragia Sanctitati ſuæ ſigillatim ex-  
poſuerunt.

1. Homo nullo vnquam vitæ ſuæ tempore  
tenetur elicere actum fidei, ſpei, & charitatis, ex  
vi præceptorum Diuinorum ad eas virtutes perti-  
nentium.

2. Vir equeſtris ad duellum prouocatus po-  
teſt illud acceptare, ne timiditatis notam apud al-  
ios incurrat.

3. Sententia aſſerens, Bullam Cænæ ſolum  
prohi-

prohibere absolutionem hæresis, & aliorum criminum, quando publica sunt, & id non derogare facultati Tridentinis, in qua de occultis criminibus sermo est. Anno 1629. 18. Iulij in Consistorio Sacræ Congregationis Emin. Cardinalium, visa & tolerata est.

4. Prælati Regulares possunt in foro conscientię absolvere quoscunq; sæculares ab hæresi occulta, & ab excommunicatione propter eam incursum.

5. Quamvis euidenter tibi constet Petrum esse hæreticum, non teneris denuntiare, si probare non possis.

6. Confessarius, qui in sacramentali Confessione tribuit Pœnitenti chartam postea legendam, in qua ad Venerem incitat, non censetur sollicitasse in confessione; ac proinde non est denuntiandus.

7. Modus euadendi obligationem denuntiandæ sollicitationis est; Si sollicitatus confiteatur cum sollicitante, hic potest ipsum absolvere absque onere denuntiandi.

8. Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsimet Celebranti correspondentem, idque post Decretum Urbani VIII.

9. Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minori stipendio, alia parte stipendij sibi retenta.



10. Non est contra iustitiam pro pluribus sacrificijs stipendium accipere, & sacrificium vnum offerre; Neque etiam est contra fidelitatem, etiam si promittam promissione etiam iuramento firmata, danti stipendium, quod pro nullo alio offeram.

11. Peccata in confessione omissa seu oblata ob instans periculum vitæ, aut ob aliam causam non tenemur in sequenti confessione exprimere.

12. Mendicantes possunt absolvere à casibus Episcopis reservatis, non obtenta ad id Episcoporum facultate.

13. Satisfacit præcepto annuæ Confessionis, qui confitetur Regulari Episcopo præsentato, sed ab eo iniuste reprobato.

14. Qui facit confessionem voluntariè nullam, satisfacit præcepto Ecclesiæ.

15. Pœnitens propria auctoritate substituere sibi alium potest, qui loco ipsius pœnitentiam adimpleat.

16. Qui beneficium curatum habent, possunt sibi eligere in Confessarium simplicem Sacerdotem, non approbatum ab Ordinario.

17. Est licitum Religioso, vel Clerico, calumniatorem, graua crimina de se, vel de iua Religione spargere minantem, occidere, quando alius modus defendendi non suppetit, vti suppetere non videtur, si calumniator sit paratus vel ipsi Religioso, vel eius Religioni publicè & coram grauissimis viris prædicta impingere nisi occidatur.

18. Licet interficere falsum accusatorem, falsos testes, ac etiam Iudicem, à quo iniqua certò imminet sententia, si alia via non potest innocens damnum euitare.

19. Non peccat maritus occidens propria auctoritate vxorem in adulterio deprehensam.

20. Restitutio à Pio V. imposita Beneficiariis non recitantibus, non debetur in conscientia ante sententiam declaratoriam Iudicis, eo quòd sit pœna.

21. Habens Capellaniam collatiuam, aut quoduis aliud beneficium Ecclesiasticum, si studio literarum vacet, satisfacit suæ obligationi, si Officium per alium recitet.

22. Non est contra iustitiam, Beneficia non conferre gratis, quia collator conferens illa beneficia Ecclesiastica pecunia interueniente, non exigit illam pro collatione Beneficii, sed veluti pro emolumento temporali, quod tibi conferre non tenebatur.

23. Frangens ieiunium Ecclesiæ, ad quod tenetur, non peccat mortaliter, nisi ex contemptu vel inobedientia hoc faciat, puta, quia non vult se subicere præcepto.

24. Mollities, sodomia, & bestialitas sunt peccata eiusdem speciei infimæ, ideoque sufficere dicere in Confessione se procurasse pollutionem.

25. Qui habuit copulam cum soluta, satisfacit confessionis præcepto, dicens, commisi cum soluta graue peccatum contra castitatem, nõ explicando copulam.



26. Quando litigantes habent pro se opiniones æquè probabiles, potest Iudex pecuniam accipere pro ferenda sententia in fauorem vnius præalio 27. Si liber sit alicuius iunioris & moderni, debet opinio centeri probabilis dum non constet, reiectam esse à Sede Apostolica tanquam improbabilem.

28. Populus non peccat, etiam si absque vlla causa non recipiat legem à Principe promulgatam.

Quibus peractis, dum similium Propositionum examini cura, & studium impenderetur, interea idem Sanctissimus re maturè considerata statuit & decreuit, prædictas propositiones & vnamquamque ipsarum, vt minimum tanquam scandalosas esse damnandas, & prohibendas, sicut eas damnat, ac prohibet: ita vt quicumque illas aut diuim docuerit, defenderit, ediderit, aut de eis etiam disputatiuè publicè aut priuatim tractauerit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolui.

Insuper districtè in virtute sanctæ obedienciæ, & sub interminatione Diuini Iudicii prohibet omnibus Christi fidelibus cuiuscumque conditionis dignitatis ac status, etiam speciali & specialissimâ notâ dignis, ne prædictas opiniones, aut aliquam ipsarum ad praxim deducant.

Ioan.

Alexandri VII.

355

Ioannes Lupus, Sanctæ Romanæ & Vniuersalis In-  
quisitionis Not. &c.

Loco ✠ Sigilli.

Anno à Natiuitate D. N. IESV CHRISTI  
millesimo sexcentesimo sexagesimo quinto, Indictione  
tertia, die verò 2. mensis Octobris, Pontificatus au-  
tem Sanctiss. in Christo Patris D. N. D. Alexandri,  
Diuina Prouidentia Papæ VII. anno undecimo, su-  
pradictum Decretum affixum, & publicatum fuit ad  
valuas Basilicæ Principis Apostolorum, Cancellariæ A-  
postolicæ, ac in acie Campi Floræ, ac in alijs locis soli-  
tis, & consuetis Vrbs, per me Carolum Melanum, e-  
iusdem Sanctiss. D. N. Papæ & Sanctissimæ Inquisiti-  
onis Cursorem.

# FERIA QUINTA

## DIE DECIMA OCTAVA

Martij Anno 1666.

In Congregatione generali Sanctæ Romanæ & Vni-  
uersalis Inquisitionis, habita in Palatio Apostolico  
Montis Quirinalis coram Sanctiss. D. N. D. Ale-  
xandro Diuina Prouidentia Papæ VII. ac Emi-  
nentissimis, & Republica Christiana aduersus hæ-  
reticam prauitatem Generalibus Inquisitoribus, &  
Sancta Sede Apostolica specialiter deputatis.

SANCTISSIMVS D. N. post latum decretum  
die xxiv. Septembris proximè elapso, quo viginti  
octo Propositiones damnatæ fuerunt; examina-  
tis sedulo & accuratè vsque ad hanc diem infraferi-



ptis alijs quadragesimum quintum numerum implentibus, per plures in Sacra Theologia Magistros, ac per Eminentissimos & Reuerendissimos DD. Cardinales aduersus hæreticam prauitatem Generales Inquisitores, eorum suffragia singillatim super vnaquaque ipsarum audiuit.

*Propositio 29.* In die Ieiunij, qui sæpius modicum quid comedit, etsi notabilem quantitatem in fine comederit, non frangit ieiunium.

30. Omnes officiales, qui in Republica corporaliter laborant, sunt excusati ab obligatione ieiunij debent se certificare, an labor sit compatibilis cum ieiunio.

31. Excusantur absolutè à præcepto ieiunij omnes illi, qui iter agunt equitando, vt cumque iter agant, etiamsi iter necessarium non sit, & etiamsi iter vnius diei conficiant.

32. Non est euident, quod consuetudo nō comedendi oua & lacticia in Quadragesima obliget.

33. Restitutio fructuum ob omissionem horarum suppleri potest per quascumque Eléemofynas, quas antea Beneficiarius de fructibus sui beneficij fecerit.

34. In die Palmarum recitans officium Paschale, satisfacit præcepto.

35. Vnico officio potest quis satisfacere duplici præcepto pro die præsentis, & crastino.

36. Regulares possunt in foro conscientie

vti privilegijs suis, quæ sunt expresse reuocata,  
per Concilium Tridentinum.

37. Indulgentiæ concessæ regularibus &  
reuocatæ à Paulo V. hodie sunt reualidatæ.

38. Mandatum Tridentini factum Sacer-  
doti, sacrificanti ex necessitate cum peccato mor-  
tali, confitendi quamprimum, est consilium, non  
præceptum.

39. Illa particula *quamprimum* intelligitur,  
cum Sacerdos suo tempore confitebitur.

40. Est probabilis opinio, quæ dicit, esse  
tantum veniale, osculum habitum ob delectati-  
onem carnalem, & sensibilem, quæ ex osculo o-  
ratur, secluso periculo consensus vltioris, &  
pollutionis.

41. Non est obligandus concubinaris ad  
eijciendam concubinam, si hæc nimis utilis esset  
ad oblectamentum concubinarij, vulgo *regalo*,  
dum deficiente illa nimis ægrè ageret vitam, &  
aliæ epulæ tædio magno concubinarium affice-  
rent, & alia famula nimis difficile inueniretur.

42. Licitum est mutuanti aliquid vltra for-  
tem exigere, si se obliget ad non repetendam for-  
tem vique ad certum tempus.

43. Annum legatum pro Anima relictum,  
non durat plus quam per decem annos.

44. Quoad forum conscientiæ, reo corre-  
cto, eiusque contumacia cessante, cessant cen-  
suræ.

45. Libri prohibiti donec expurgentur pos-  
sunt



sunt retineri, vsque dum adhibita diligentia corrigantur.

Quibus maturè pensatis, idem Sanctissimus statuit, ac decreuit, prædictas Propositiones, & vnamquamque ipsarum, vt minimum, tanquam scandalosas esse damnandas, & prohibendas, sicut eas damnat, ac prohibet: Ita vt quicumque illas, aut coniunctim, aut diuim docuerit, defenderit, ediderit, aut de eis etiam disputatiue publicè aut priuatim tractauerit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolui.

Insuper districtè in virtute sanctæ obediendiæ, & sub interminatione Diuini Iudicii prohibet omnibus Christi fidelibus, cuiuscumque conditionis, dignitatis, ac statûs, etiam speciali, & specialissimâ notâ dignis, ne prædictas opiniones, aut aliquam ipsarum ad praxim deducant.

*Ioannes Lupus, Sanctæ Romanæ & vniuersalis inquisitionis Notar.*

*Locus + Sigilli.*

*Anno à Natiuitate D. N. IESV CHRISTI millesimo sexcentesimo sexagesimo sexto, Indictione quarta, die verò 23. mensis Martij, Pontificatus autem Sanctiss. in Christo Patris D. N. D. Alexandri Diuina Prouidentia Papæ VII. anno vndecimo,*

*cimo, supradictum Decretum affixum, & publicatum fuit ad valuas Basilicæ Principis Apostolorum, Cancellariæ Apostolicæ, ac in acie Campi Floræ, ac in alijs locis solitis & consuetis Urbis per me Carolum Melanum eiusdem Sanctiss. D. N. Papæ & Sanctissimæ Inquisitionis Cursorem.*

# FERIA QUINTA.

DIE II. MARTII.

Anno 1679.

*In Generali Congregatione S. Romanæ & Vniuersalis Inquisitionis habita in Palatio Apostolico Vaticano coram Sanctissimo D. N. D. INNOCENTIO diuina Prouidentia Papa XI. ac Eminentissimis, & Reuerendissimis Dominis S. R. E. Cardinalibus in tota Republica Christiana contra hæreticam prauitatem Generalibus inquisitoribus à Sancta Sede Apostolica specialiter deputatis.*

**S**ANCTISSIMUS D. INNOCENTIUS Papa XI. prædictus ouium sibi à Deo creditarum salutis sedulo incumbens, & salubre opus in segregandis noxijs doctrinarum pascuis ab innoxijs a fel. record. Alexandro VII. Prædecessore suo inchoatum prosequi volens, plurimas propositiones partim ex diuersis, vel libris, vel thesibus seu scriptis excerptas, & partim nouiter adinuentas Theologorum plurimum examini, & deinde Eminentissimis, & Re-



uerendissimis Dominis Cardinalibus contra hæreticam prauitatem Generalibus inquisitoribus subiecit. Quibus propositionibus sedulo, & accuratè sæpius discussis eorundem Eminentissimorum Cardinalium, & Theologorum votis per Sanctitatem Suam auditis. Idem Sanctissimus D. N. re postea maturè consideratâ statuit & decreuit pro nunc sequentes propositiones, & vnamquamque ipsarum, sicut iacent, vt minimum tanquam scandalosas, & in praxi perniciosas, esse damnandas, & prohibendas, sicuti eas damnat, & prohibet. Non intendens tamen Sanctitas Sua per hoc Decretum alias propositiones in ipso nō expressas, & Sanctitati Sux quomodolibet, & ex quacunque parte exhibitas, vel exhibendas vllatenus approbare.

1. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id veret lex, conuentio, aut periculum grauis damni incurrendi. Hinc sententia probabili tantum vtendum non est in collatione Baptismi, Ordinis Sacerdotalis, aut Episcopalis.

2. Probabiliter existimo, Iudicem posse iudicare iuxta opinionem etiam minus probabilem.

3. Generatim dum probabilitate, siue intrinseca, siue extrinseca quantumvis tenui, modo quid agimus, semper prudenter agimus.

4. Ab infidelitate excusabitur infidelis nō credens duellus opinione minus probabili.

5. An peccet mortaliter, qui actum dilectionis Dei semel tantum in vita eliceret, condemnare non audemus.

6. Probabile est, ne singulis quidem rigore quinquennijs per se obligare præceptum charitatis erga Deum.

7. Tunc solum obligat, quando tenemur iustificari, & non habemus aliam viam, qua iustificari possumus.

8. Comedere, & bibere usque ad satietatem ob solam voluptatem non est peccatum, modo non obstitit valetudini quia licite potest appetitus naturalis suis actibus frui.

9. Opus coniugij ob solam voluptatem excitum omni penitus caret culpâ, ac defectu veniali.

10. Non tenemur proximum diligere actu interno, & formali.

11. Præcepto proximum diligendi satisfacere possumus per solos actus externos.

12. Vix in sæcularibus inuenies, etiam in Regibus superfluum statui. Et ita vix aliquis tenetur ad eleemosynam, quando tenetur tantum ex superfluo statui.

13. Si cum debita moderatione facias, potes absque peccato mortali de vita alicuius tristari, & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum.



14. Licitum est absoluto desiderio cupere mortem Patris, non quidem ut malum Patris, sed ut bonum cupientis, quia nimirum ei obuentura est pinguis hereditas.

15. Licitum est filio gaudere de parricidio parentis à se in ebrietate perpetrato propter ingētes diuitias inde ex hereditate consecutas.

16. Fides non censetur cadere sub præceptū speciale, & secundum se.

17. Satis est; actum fidei semel in vita elicere.

18. Si à potestate publica quis interrogetur, fidem ingenuè confiteri, ut Deo & fidei gloriosum consulo, tacere, ut peccaminosum per se non damno.

19. Voluntas non potest efficere, ut assensus fidei in se ipso sit magis firmus, quam mereatur pondus rationum ad assensum impellentium.

20. Hinc potest quis prudenter repudiare assensum, quem habebat supernaturalem.

21. Assensus fidei supernaturalis, & utilis ad salutem stat cum notitia solum probabili reuelationis; immò cum formidinae, qua quis formidet, ne non sit locutus Deus.

22. Nonnisi fides vnius Dei necessaria videtur necessitate medijs, non autem explicita Remuneratoris.

23. Fides latè dicta ex testimonio Creaturarum, similiuè motiuo ad iustificationem sufficit.

24. Vocare Deum in Testem mendacij levis non est tanta irreuerentia, propter quam velit, aut possit damnare hominem.

25. Cum causa licitum est iurare sine animo iurandi, siue res sit levis, siue grauis.

26. Si quis, vel solus, vel coram alijs, siue interrogatus, siue propria sponte, siue recreationis causa, siue quocumque alio fine iuret, se non fecisse aliquid, quod reuera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quoduis aliud additum verum, reuera non mentitur, nec est periurus.

27. Causa iusta vtendi his amphibologijs est, quoties id necessarium, aut vtile est ad salutem corporis, honorem, res familiares tuendas vel ad quemlibet alium virtutis actum, ita vt veritatis occultatio censeatur tunc expediens & studiosa.

28. Qui mediante commendatione, vel munere ad Magistratum, vel officium publicum promotus est, poterit cum restrictione mentali præstare iuramentum, quod de mandato Regis à similibus solet exigi, non habito respectu vel ad intentionem exigentis, quia non tenetur fateri crimen occultum.

29. Vrgens metus grauis est causa iusta Sacramentorum administrationem simulandi.

30. Fas est viro honorato occidere inuasorem, qui nititur calumniam inferre, si aliter hæc ignominia vitari nequit; idem quoque dicendum.



dum, si quis impingat alapam, vel fuste percutiat, & post impactam alapam, vel ictum fustis fugiat

31. Regulariter occidere possum furem pro conseruatione vnus aurei.

32. Non solum licitum est defendere defensione occisiua, quæ actu possidemus, sed etiam ad quæius inchoatum habemus, & quæ nos possessuros speramus.

33. Licitum est tam hæredi, quam legatario contra iniuste impediẽtem, ne vel hæreditas adeatur vel legata soluantur, se taliter defendere, sicut & ius habenti in Cathedram, vel Præbendam contra eorum possessionem iniuste impediẽtem.

34. Licet procurare abortum ante animationem fœtus, ne puella deprehensa grauida occidatur, aut infametur.

35. Videtur probabile omnem fœtum, quâdiu in utero est, carere anima rationali, & tunc primum incipere eandem habere, cum paritur, ac consequenter dicendum erit in nullo abortu homicidium committi.

36. Permissum est furari, non solum in extrema necessitate, sed etiam in graui.

37. Famuli, & famulae domesticæ possunt occultè heris suis surripere ad compensandam operam suam, quam maiorem indicant salario, quod recipiunt.

38. Non tenetur quis sub pœna peccati mortalis restituere quod oblatum est per pauca fur-

ca furta, quantumcumque sit magna summa totalis.

39. Qui alium mouet, aut inducit ad inferendum graue damnum tertio non tenetur ad restitutionem istius damni illati.

40. Contractus Mohatra licitus est. Etiam respectu eiusdem personæ, cum contractu retrouenditionis præuē inito cum intentione lucri.

41. Cum numerata pecunia pretiosior sit numeranda, & nullus sit, qui non maioris faciat pecuniam præsentem, quam futuram, potest creditor aliquid ultra sortem à mutuuario exigere, & eo titulo ab usura excusari.

42. Usura non est dum ultra sortem aliquid exigitur, tamquam ex beneuolentia, & gratitudine debitum, sed solum si exigatur tamquam ex iustitia debitum.

43. Quidni nonnisi veniale sit detrahentis auctoritatem magnam sibi noxiam falso crimine elidere?

44. Probabile est non peccare mortaliter, qui imponit falsum crimen alicui, ut suam iustitiam, & honorem defendat. Etsi hoc non sit probabile, vix vlla erit opinio probabilis in Theologia.

45. Dare temporale pro spirituali non est simonia, quando temporale non datur tanquam pretium, sed duntaxat tanquam motiuum conferendi, vel efficiendi spirituales, vel etiam quando  
tempo-



temporale sit solum gratuita compensatio pro spiritali aut è contra.

46. Et id quoque locum habet, etiamsi temporale sit principale motiuum dandi spirituale; immò etiam si sit finis ipsius rei spiritualis, sic vt illud pluri æstimetur, quam res spiritualis.

47. Cum dixit Concilium Tridentinum eos alienis peccatis communicantes mortaliter peccare, qui nisi quos digniores, & Ecclesiæ magis utiles, ipsi iudicauerint ad Ecclesias promouent, Concilium, vel primo videtur per hoc digniores non aliud significare velle, nisi dignitatem eligendorum sumpto comparatio propositio; vel secundo locutione minus propria ponit digniores, vt excludat indignos; non verò dignos; vel tandem loquitur tertio quando sit concursus.

48. Tam clarum videtur, fornicationem secundum se nullam inuoluere malitiam, & solum esse malam, quia interdicta, vt contrarium omnino rationi dissonum videatur.

49. Mollicies iure naturæ prohibita non est. Vnde si Deus eam non interdixisset, sæpè esset bona, & aliquando obligatoria sub mortali.

50. Copula cum coniugata, consentiente marito non est adulterium; adeoque sufficit in confessione dicere, se esse fornicatum.

51. Famulus, qui submissis humeris scienter adiuvat herum suum ascendere per fenestras ad stuprandum virginem, & multoties eidem subseruit deferendo scalam aperiendo ianuam, aut quid simile

simile cooperando, non peccat mortaliter, si id faciat metu notabilis detrimenti puta ne à domino male tractetur, ne toruis oculis aspiciatur, ne domino expellatur.

52. Præceptum seruandi festa non obligat sub mortali, seposito scandalo, si absit contemptus.

53. Satisfacit præcepto Ecclesiæ de audiendo sacro, qui duas eius partes, immò quatuor simul à diuersis celebrantibus audit.

54. Qui non potest recitare matutinum, & Laudes, potest autem reliquas horas, ad nihil teneretur, quia maior pars trahit ad se minorem.

55. Præcepto Communionis annuæ satisfacit per sacrilegam domini manducationem.

56. Frequens Confessio, & Communio, etiam in his, qui gentiliter viuunt, est nota prædestinationis.

57. Probabile est, sufficere attritionem naturalem, modo, honestam.

58. Non tenemur Confessario interroganti fateri peccati alicuius consuetudinem.

59. Licet sacramentaliter absolvere dimidiatè tantum confessos ratione magni concursus Pœnitentium, qualis v. g. potest contingere in die magnæ alicuius festiuitatis, aut Indulgentiæ.

60. Pœniteni habenti consuetudinem peccandi contra legem Dei, Naturæ, aut Ecclesiæ, etsi emendationis spes nulla appareat, nec est neganda, nec differenda absolutio, dummodo ore proficiat, se dolere, & proponere emendationem.



61. Potest aliquando absolui, qui in proxima occasione peccandi versatur, quam potest, & non vult omittere, quinimmo directè, & ex proposito quærit, aut ei se ingerit.

62. Proxima occasio peccandi non est fugienda, quando causa aliqua utilis, aut honesta nõ fugiendi occurrit.

63. Licitum est quærere directè occasionem proximam peccandi pro bono spiritali, vel temporalis nostro, vel proximi.

64. Absolutionis capax est homo quantumvis laboret ignorantia Mysteriorum Fidei, & etiam si per negligentiam, etiam culpabilem nesciat Mysterium Sanctissimæ Trinitatis, & Incarnationis Domini Nostri Iesu Christi.

65. Sufficit illi semel Mysteria credidisse.

Quicunque autem cuiusvis conditionis, status, & dignitatis illas, vel illarum aliquam coniunctim, vel diuissim defenderit, vel ediderit, vel de eis disputatiuè, publicè, aut priuatim tractauerit, vel prædicauerit, nisi forsitan impugnando, ipso facto incidat in excommunicationem latæ sententiæ, à qua non possit (præterquam in articulo mortis) ab alio quacumq; etiã dignitate fulgènte, nisi à pro tempore existente Romano Pontifice absolui.

Insuper directè in virtute Sanctæ obedientiæ, & sub interminatione Diuini Iudicij prohibet omnibus Christi fidelibus, cuiuscumq; conditionis, dignitatis, & status, etiam speciali, & specialissimâ notâ dignis, ne prædictas opiniones, aut aliquam ipsarum ad praxim deducant.

Tandem

Tandem vt ab iniuriolis contentionibus Doctores, seu Scholastici, aut alij quicumque impropterum se abstineant, & vt paci, & charitati consulatur, idem Sanctissimus in virtute Sanctæ Obedientiæ eis præcipit, vt tam in libris imprimendis ac manuscriptis, quam in Thesibus, Disputationibus, ac Prædicationibus caueant ab omni censura, & nota, nec non à quibuscumque conuiciis contra eas propositiones, quæ adhuc inter Catholicos hinc inde controuertuntur, donec à S. Sede recognita super ijsdem propositionibus iudicium proferatur.

*Franciscus Ricchardus Sanctæ Romanæ, &  
Vniuersalis Inquisitionis Notarius.*

Loco ✱ Sigilli.

Anno à Natiuitate D. N. IESV CHRISTI  
Millesimo, Sexcentesimo Septuagesimo nono. Indictione secunda, die verò 4. mensis Martij. Pontificatus autem Sanctiss. in Christo Patris & D. N. D. Innocentij diuina Proidentia Papæ XI. anno tertio, supradictum Decretum affixum & publicatum fuit ad valuas Basilicæ Principis Apostolorum, Cancellariæ Apostolicæ, ac in acie Campi Floræ, ac in alijs locis solitis, & consuetis urbis per me Franciscum Petinum eiusdem Sanctiss. D. N. & Sanctissimæ inquisitionis cursorem.



*Bulla Cœna Domini.*

Literæ Processus S. D. N.  
PAULI PAPÆ V.

lectæ in die Cœnæ Domini.

Anno M. DC. VIII.

PROOEMIUM.

**P**AULUS Episcopus Servus Servorum  
DEI. *Ad futuram rei memoriam.* Pasto-  
ralis Romani Pontificis vigilantia, & solici-  
tudo, cum in omni Christiana Reipublica pace,  
& tranquillitate procuranda, pro sui muneris  
officio assidue versatur; tum potissimum in Ca-  
tholica fidei, sine qua impossibile est placere Deo,  
unitate, atq; integritate retinenda; & con-  
servanda, maximè elucet; nimirum, ut fideles  
Christi non sint parochi fluctuantes, neq; cir-  
cumferantur omni vento doctrina, in nequitia  
hominum ad circumventionem erroris, sed o-  
mnes occurrant in unitatem fidei, & agnitio-  
nis filij Dei in verum perfectum, neque se in  
huius vitæ societate, & communione cadant, a-  
ut inter se alter alteri offensionem prabeat,  
sed potius in vinculo charitatis coniuncti, tan-  
quam unius corporis membra sub Christi capi-  
te, eiusque in terris Vicario Romano Pontifice  
Beatis-

Beatissimi Petri successore, à quo totius Ecclesiæ unitas dimanat, augeantur in edificationem, atq; ita Divina gratia adiutrice, sic presentis vitæ quiete gauderent, ut futura quoque Beatitudine perfruantur. Ob quas sanè causas, Romani Pontifices prædecessores Nostri, hodierna die, quæ anniuersaria Dominica Cœna commemoratione solennis est; spirituales Ecclesiastica disciplina gladium, & salutaria iustitia arma, per ministerium summi Apostolatus, ad Dei gloriam, & animarum salutem, solenniter exercere consueverunt. Nos igitur, quibus nihil optabilius est, quàm fidei inuiolatam publicam pacem, & iustitiam, Deo auctore, tueri vetustum, & solennem hunc morem sequentes.

## C A N O N I.

**E**Xcommunicamus, & anathematizamus ex parte DEI Omnipotentis, Patris, & Filij, & Spiritus Sancti, auctoritate quoque Beatorum Apostolorum Petri, & Pauli, ac Nostra, quoscunque Hussitas, Wicleffitas, Luteranos, Zuinglianos, Calvinistas, Vgonotos, Anabaptistas, Trinitarios, & à Christiana fide Apostatas, ac omnes, & singulos alios hæreticos, quocunque nomine censeantur, & cuiuscunque sectæ existant, ac eorum credentes, receptatores, fautores, & generaliter quoslibet illorum defensores, ac eorum libros, hæresim continentes, vel de Religio-



ligione tractantes, sine auctoritate Nostra, & Sedis Apostolicæ. Scienter legentes, aut retinentes, imprimentes, seu quomodolibet defendentes, ex quavis causa publicè, vel occultè, quouis ingenio, vel colore. Nec non Schismaticos, & eos qui se à Nostra, & Romani Pontificis, pro tempore existentis obedientia, pertinaciter subrahunt, vel recedant.

## C A N O N II.

**I**tem excommunicamus, & anathematizamus omnes, & singulos, cuiuscunque statû, gradû, seu conditionis fuerint: Vniuersitates verò, Collegia, & Capitula, quocunque nomine nuncupentur, interdicimus, ab ordinationibus, seu mandatis Nostris, ac Romanorum Pontificum, pro tempore existentium, ad vniuersale futurû Concilium appellantes; nec non eos, quorum auxilio, vel fauore appellatum fuerit.

## C A N O N III.

**I**tem excommunicamus, & anathematizamus omnes, Piratas, Cursorios, & latunculos maritimos, discurrentes mare Nostrum, præcipuè à Monte Argentano, vsque ad Tarracinam, ac omnes eorum fautores, receptatores, & defensores.

## C A N O N IV.

**I**tem excommunicamus, & anathematizamus omnes, & singulos qui Christianorum quorûcunque nauibus, tempestate, seu in transuersum, vt dici solet, iactatis, vel quomodocunque  
fragi-

fragium passis, siue in ipsis, nauibus, siue ex ipsâ  
eiecta in mari, vel in littore inuenta, cuiuscun-  
que generis bona, tam in Nostreis Tyrreni, &  
Adriatici, quàm in cæteris cuiuscunque maris re-  
gionibus, & littoribus, surripuerint, ita vt nec  
ob quodcunque priuilegium, aut longissimi, e-  
tiam immemorabilis temporis possessionem, seu  
alium quemcunque prætextum excusari possint;

## C A N O N V.

**I**tem excommunicamus, & anathematizamus  
omnes, qui in terris suis noua pedagia, seu Ga-  
bellas, præterquam in casibus sibi à iure, seu ex  
speciali Sedis Apostolicæ licentia permissis, im-  
ponunt, vel augent, seu imponi, vel augeri pro-  
hibita exigunt.

## C A N O N VI.

**I**tem excommunicamus, & anathematizamus  
omnes falsarios Literarum Apostolicarum,  
etiam in forma Breuis, ac Supplicationum, gra-  
tiam, vel iustitiam concernentium, per Roma-  
num Pontificem, vel S. R. E. Vicecancellarium,  
seu gerentes vices eorum, aut mandato eiusdem  
Rom. Pont. signatarum: necnon falsò fabrican-  
tes Literas Apostolicas, etiam in forma Breuis:  
& etiam falsò signantes Supplicationes huiusmo-  
di sub nomine Romani Pontificis, seu Vicecan-  
cellarij, aut gerentium vices prædictorum,

## C A N O N VII.

**I**tem excommunicamus, & anathematizamus  
omnes illos, qui ad Saracenos, Turcas, & alios  
Christiani nominis hostes, & inimicos, vel hæ-



reticos, per Nostras, siue huius Sanctæ Sedis sententias, expressè, vel nominatim declaratos, deferunt, vel transmittunt, equos, arma, ferrum, filum ferri, stannum, chalybem, omniumq; alia metallorum genera, atq; bellica instrumenta, ligamina, cannabem, funes, tam ex ipsâ cannabe, quàm alia quâcunq; materiâ, & ipsam materiam, aliâque huiusmodi, quibus Christianos, & Catholicos impugnant: necnon illos, qui per se, vel alios, de rebus statum Christianæ Reipublicæ concernentibus, in Christianorum perniciem, & damnum, ipsos Turcas, & Christianæ Religionis inimicos, necnon hæreticos, in damnum Catholicæ Religionis, certiores faciunt, illisque ad id auxilium, consilium, vel fauorem quomodolibet præstant; non obstantibus quibuscunq; priuilegijs, quibusuis personis, Principibus Rebuspublicis, per Nos, & Sedem prædictam hætenus concessis, de huiusmodi prohibitionem expressam mentionem non facientibus.

## C A N O N V I I I.

**I**tem excommunicamus, & anathematizamus omnes impediētes, seu innadentes eos, qui vidualia, seu alia ad vsum Romanæ Curix necessaria adducunt: ac etiam eos, qui, ne ad Romanam Curiam adducantur, vel afferantur, prohibent, impediunt, seu perturbant; seu hæc facientes defendunt per se, vel alios, cuiuscunq; fuerint ordinis, præminentiæ, conditionis, & status: etiam si Pontificali, seu Regali, aut quâcunq; Ecclesiasticâ, vel mundanâ præfulgeant dignitate,

CA.

## C A N O N IX.

**I**tem excommunicamus, & anathematizamus omnes illos, qui ad Sedem Apostolicam venientes, & recedentes ab eadem, suâ, vel aliorum operâ interficiunt, mutilant, capiunt, detinent, nec non illos omnes, qui jurisdictionem ordinariam, vel delegatam à Nobis, vel à Nostreis Iudicibus, non habentes, illam sibi temerè vendicantes, similia contra morantes, in eadem Curia audent perpetrare.

## C A N O N X.

**I**tem excommunicamus, & anathematizamus omnes interficientes, mutilantes, vulnerantes, detinentes, capientes, seu deprædantes Romipetas, seu Peregrinos, ad Urbem causâ deuotionis, seu peregrinationis accedentes, & in ea morantes, vel ab ipsa recedentes: & his dantes auxilium, consilium, & fauorem.

## C A N O N XI.

**I**tem excommunicamus, & anathematizamus omnes interficientes, mutilantes, vulnerantes, percutientes, capientes, carcerantes, detinentes, vel hostiliter insequentes, S. R. E. Cardinales, Patriarchas, Archiepiscopos, Episcopos, Sediſq; Apostolicæ Legatos, vel Nuntios, aut eos à suis Diœcesibus, Territorijs, Terris, seu Dominijs eijcientes, nec non ea mandantes, vel rata habentes, vel præstantes auxilium, consilium, vel fauorem.

## C A N O N XII.

**I**tem excommunicamus, & anathematizamus omnes illos, qui per se, vel per alias personas



Ecclesiasticas quascunq̃ue, vel seculares, ad Romanam Curiam super eorum causis, & negotijs recurrentes, ac illa in eadem Curia prosequentes, aut procurantes, negotiorumq̃ gestores, advocatos, procuratores, & agentes, seu etiam Auditores, vel Iudices, super dictis causis, & negotijs deputatos, occasione causarum, vel negotiorum huiusmodi, occidunt; seu quoquomodo percutiunt, bonis spoliant: seu qui per se, vel per alios, directè, vel indirectè, delicta huiusmodi committere, exequi, vel procurare, aut in eisdem auxilium, consilium, vel favorem præstare non verentur, cuiuscunq̃ue præminentia, vel dignitatis fuerint.

## C A N O N XIII.

**I**tem excommunicamus, & anathematizamus omnes, tam Ecclesiasticos, quàm seculares cuiuscunq̃ue dignitatis, qui prætexentes friuolam aliquam appellationem à gravamine, vel futura executione Literarum Apostolicarum, etiam in forma Brevis, tam gratiam, quàm iustitiam concernentium; nec non citationum, inhibitionum, sequestrorum, monitoriorum, processuum, executorialium, & aliorum decretorum, à Nobis, & à Sede prædicta, seu Legatis, Nuntiis, Præsidentibus, Palatii Nostri, & Cameræ Apostolicæ Auditoribus, Commissariis, & alijs Iudicibus, & Delegatis Apostolicis, emanatorum, & quæ pro tempore emanauerint, aut alias ad Curias seculares, & laicam potestatem, recurrunt, & ab instanti Elsci procuratore, vel Advocato, appellationes

lationes huiusmodi admitti, ac literas, citationes, inhibitiones, sequestra, monitoria, & alia prædicta capi, & retinere faciunt. Quique illa simpliciter, vel sine eorum beneplacito, & consensu, vel examine executioni demandari; aut ne tabelliones, aut Notarij, super huiusmodi Literarum, & processuum executione, instrumenta, vel acta conficere, aut confecta parti, cuius interest, tradere debeant, impediunt, vel prohibent, ac etiam partes, seu eorum agentes, consanguineos, affines familiares, notarios, executores, subsecutores, literarum, citationum, monitoriorum, & aliorum prædictorum, capiunt, percutiunt, vulnerant, carcerant, detinent, ex Civitatibus, locis, & Regnis eijciunt, bonis spoliant, perterrefaciunt, concutiunt, & comminantur per se, vel alium, seu alios, publicè, vel occultè: Quiq; alias quibuscunq; personis in genere, vel in specie, ne pro quibusvis eorum negotijs prosequendis, seu gratijs, vel literis impetrandis ad Romanam Curiam accedant, aut recursum habeant, seu gratias ipsas vel literas à dicta Sede impetrent, vel impetratis utantur, directè, vel indirectè prohibere, statuere, seu mandare, vel eas apud se, aut Notarios, seu Tabelliones, vel alias quomodolibet retinere præsumunt.

## C A N O N XIV.

**I**tem excommunicamus, & anathematizamus omnes, & singulos, qui per se, vel alios, audere, propria, ac de facto, quarumcunq; exemptionum, vel aliarum gratiarum, & Literarum



Apostolicarum prætectu, beneficiales, decimarum, ac alias causas spirituales, & spiritualibus annexas, ab Auditoribus, & Commissariis nostris, alijsque Iudicibus Ecclesiasticis, auocant, illarumq; cursum, & audientiam, ac personas, Capitula, Conuentus, Collegia, causas pias prosequi volentes impediunt, ac se de illarum cognitione tanquam Iudices interponunt. Quive partes actrices, quæ illas committi fecerunt, & faciunt, ad reuocandum, & reuocari faciendum, citationes, vel inhibitiones, aut alias literas, in eis decretas; & ad faciendum, vel consentiendū eos, contra quos tales inhibitiones emanarunt à censoris, & pœnis in illis contentis absolui, per statutum, vel alias compellunt, vel executionem Literarum Apostolicarum, seu executorialium processuum, ac decretorum prædictorum, quomodolibet impediunt, vel suum ad id fauorem, consilium, aut assensum præstant, etiam prætextu violentiæ prohibendæ, vel aliarum prætensionum, seu etiam donec ipsi ad nos informandos, vt dicunt, supplicauerint, aut supplicari fecerint, nisi supplicationes huiusmodi coram Nobis, & Sede Apostolica legitimè prosequantur, etiam si talia committentes fuerint Præbendenses Cancellariorum, Consiliorum, Parliamentorum Cancellarij, Vicecancellarij, Consiliarij, quorumcunq; Principum Secularium, etiam si Imperiali, Regali, Ducali, aut aliâ quâcunq; præfulgeant dignitate, aut Archiepiscopi, Episcopi, Abbatibus, Commendatarij, seu Vicarij fuerint.

## C A N O N X V.

**Q**uiue ex prætenso eorum officio, vel ad instantiam partis, aut aliorum quorumcunq; personas Ecclesiasticas, Capitula, Conuentus, Collegia Ecclesiarum quarumcunq; ad suum Tribunal, Audientiam, Cancellariâ, Consilium, vel Parlamentum, præter iuris Canonici dispositionem, trahunt, vel trahifaciunt, vel proeurent, directè, vel indirectè, quouis quæsito colore. Necnon qui Statuta, Ordinationes, Constitutiones, Pragmaticas, seu quæuis alia Decreta, in genere, vel in specie, ex quauis causa, & quouis quæsito colore, ac etiam prætextu cuiusuis consuetudinis, aut priuilegij, aut alias quomodolibet fecerint, ordinauerint, & publicauerint, vel factis, & ordinatis vti fuerint, vnde libertas Ecclesiastica tollitur, seu in aliquo læditur, vel depimitur, aut alias quouis modo restringitur, seu Nostreis, & dictæ Sedis, ac quarumcunq; Ecclesiarum iuribus quomodolibet, directè, vel indirectè, tacitè, vel expressè præiudicatur.

## C A N O N X V I.

**N**ecnon qui Archiepiscopos, Episcopos, aliosque Superiores, & inferiores Prælatos, & omnes alios quoscunq; Iudices Ecclesiasticos ordinarios quomodolibet hac de causa directè, vel indirectè carcerando, vel molestando, eorum agentes, procuratores, familiares, necnon consanguineos, & affines impediunt, quominus suâ iurisdictione Ecclesiasticâ contra quoscunq; citantur secundum quod Canones, & Sacra Con-

stitu-



stitutiones Ecclesiasticæ, & Decreta Conciliorū generalium, & præsertim Tridentini statunt: ac etiam eos, qui post ipsorum Ordinariorum, vel etiam ab eis delegatorum quorumcunq; sententias, & decreta, aut alias fori Ecclesiastici iudicium eludentes, ad Cancellarias, & alias Curias seculares recurrunt, & ab illis prohibitiones, & mandata, etiam pænalia Ordinarijs, aut delegatis prædictis decerni, & contra illos exequi procurant. Eos quoq; qui hæc decernunt, & exequuntur seu dant auxilium, consilium, patrocinium, & fauorem in eisdem.

## C A N O N XVII.

**Q**Uæ iurisdictiones, seu fructus, redditus, & prouentus, ad Nos, & Sedem Apostolicam, & quascunq; Ecclesiasticas personas ratione Ecclesiarum, Monasteriorum, & aliorum Beneficiorum Ecclesiasticorum pertinentes, vsurpant; vel etiam quāuis occasione, vel causā sine Romani Pontificis, vel aliorum ad id legitimam facultatem habentū, expressā licentiā lequestrant.

## C A N O N XVIII.

**Q**Uæ collectas Decimas, Taleas, Præstantias, & alia onera Clericis, Prælati, & alijs personis Ecclesiasticis, ac eorum & Ecclesiarum, Monasteriorum, & aliorum Beneficiorum Ecclesiasticorum bonis, illorumq; fructibus, redditibus & prouentibus huiusmodi, absq; Romani Pontificis speciali, & expressā licentiā, imponunt; & diuersis etiam exquisitis modis exigunt, aut imponunt, etiam à sponte dantibus, & conceden-  
tibus

tibus recipiunt. Necnon qui per se, vel alios, directè vel indirectè, prædicta facere, exequi, vel procurare, aut in eisdem auxilium, consilium, vel fauorem præstare non verentur, cuiuscunque sint præeminentiae, dignitatis, ordinis, conditionis, aut status, etiam si Imperiali, aut Regali, præfulgeant dignitate: seu Principes, Duces, Comites, Barones, & alij Potentatus, quicunq; etiam Regnis, Prouincijs, Ciuitatibus, & Terris quoquomodo præsidentes, & Consiliarij, & Senatores, aut quauis etiam Pontificali dignitate insigniti: Innouantes Decreta super his per sacros Canones, tam in Lateranensi nouissimè celebrato, quàm alijs Concilijs generalibus edita, etiam cum censuris, & poenis in eis contentis.

## C A N O N XIX.

**I**tem excommunicamus, & anathematizamus omnes, & quoscunq; Magistratus, & Iudices, Notarios, Scribas, Executores, Subexecutores, quomodolibet se interponentes in causis capitalibus, seu criminalibus contra personas Ecclesiasticas, illas processando, banniendo, capiendo, seu sententias contra illos proferendo, vel exequendo, sine speciali, specifica, & expressa, huius sanctae Sedis Apostolicae, licentia: quique eiusmodi licentiam ad personas, & casus non expressos extendunt, vel alias perperam abutuntur, etiam si talia committentes fuerint Consiliarij, Senatores, Praesidentes, Cancellarij, Vicecancellarij, aut quouis alio nomine nuncupati.



**I**tem excommunicamus, & anathematizamus omnes illos, qui per se, seu alios, directè, vel indirectè, sub quocunq; titulo vel colore, inuadere, destruere, occupare, & detinere præsumpserint, in totum, vel in partem Almam Urbem, Regnum Sicilia, Insulas Sardinia, & Corsica, terras citra Pharum, Patrimonium Beati Petri in Thufcia, Ducatum Spoletanum, Comitatum Venusinum, Sabinensem, Marchia Anconitana, Mafsa, Treberia, Romandiolæ, Campaniæ, & maritimas Prouincias, illarumq; terras, & loca: ac terras specialis Commissionis Arnulphorum, Ciuitatesque nostras, Bononiam, Cefenam, Ariminum, Beneuentum, Perusium, Auenionem, Ciuitatem Castellum, Tudertum, Ferariam, Comadam, & alias Ciuitates, terras, & loca, vel iura ad ipsam Romanam Ecclesiam pertinentia, dictæq; Romanæ Ecclesiæ mediatè, vel immediatè subiecta, necnon supremam iurisdictionem in illis Nobis, & eidem Romanæ Ecclesiæ competentem defacto usurpare, perturbare, retinere, & vexare varijs modis præsumunt, necnon adherentes, fautores, & defensores eorum, seu illis auxilium, consilium, vel fauorem quomodolibet præstantes.

## § I.

**V**olentes præsentis Nostros Processus, ac omnia, & quæcunq; his Literis contenta, quousq; alij huiusmodi Processus à Nobis, aut Romano Pontifice pro tempore existente facti,

aut

ant publicentur, durare, suoque effectus omnino sortiri.

## § II.

**C**Æterum à prædictis sententijs nullus per alium, quàm per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo, cautione præstitâ, absolui possit, etiam prætextu quorumvis facultatum, & indultorum, quibuscunq; personis Ecclesiasticis, Secularibus, & quorumvis Ordinum, etiam Mendicantium, ac Militarium Regularibus, etiam Episcopali, vel maiori dignitate præditis, ipsisq; Ordinibus, & eorum Monasterijs, Conuentibus, & Domibus, ac Capitalis, Collegijs, Confraternitatibus, Congregationibus, Hospitalibus, & Locis suis, necnon laicis, etiam Imperiali, Regali, & aliâ mundanâ excellentiâ fulgentibus, per Nos, & dictam Sedem, ac cuiusvis Concilij Decreta, verbo, literis, aut alia quacunq; scriptura, in genere, & in specie concessorum, & innouatorum, ac concedendorum, & innouandorum.

## § III.

**Q**uodsi fortè aliqui contra tenorem præsentium talibus, excommunicatione, & anathemate laqueatis, vel eorum alicui absolutionis beneficium inpendere defacto præsumplerint, eos excommunicationis sententiâ innodamus, grauius contra eos spiritualiter, & temporaliter, prout expedireauerimus, processuri.

## § IV.

Decla-



**D**Eclarantes, ac protestantes, quamecunq̃e  
absolutionem, etiam solenniter per Nos fa-  
ciendam, prædictos excommunicatos sub præ-  
sentibus comprehensos, nisi prius à præmissis  
cum vero proposito ulterius similia non com-  
mittendi, destiterint: ac quoad eos, qui contra  
Ecclesiasticam libertatem, ut præmittitur, statu-  
ta fecerint, nisi prius statuta, ordinationes, con-  
stitutiones, pragmaticas, & decreta huiusmodi  
publicè reuocauerint, & ex Archiuis, seu Capi-  
tularibus locis, aut libris, in quibus annotata re-  
periuntur, deleri & cassari, ac Nos de reuocati-  
one huiusmodi certiores fecerint, eos non com-  
prehendere, nec eis aliter suffragari; quin etiam  
per huiusmodi absolutionem, aut quoscunq̃e  
alios actus contrarios, tacitos, vel expressos, ac  
etiam per patientiam, & tolerantiam Nostram,  
vel successorum nostrorum, quantocunq̃; tem-  
pore continuatam, in præmissis omnibus, & sin-  
gulis, ac quibuscunq̃; juribus Sedis Apostolicæ,  
ac S. R. E. vndecunq̃; & quandocunq̃; quæsitis,  
vel quærendis, nullatenus præiudicari posse,  
aut debere.

## § V.

**N**on obstantibus Priuilegijs, Indulgentiis, &  
Literis Apostolicis generalibus, vel speciali-  
bus supradictis, vel eorum alicui, seu aliquibus  
alijs cuiuscunq̃; Ordinis, Status, vel conditionis,  
dignitatis, præminentie fuerint, etiam si ut præ-  
mittitur, Pontificali, Imperiali, Regali, seu qu-  
uis Ecclesiasticâ, & mundanâ præfulgeant di-  
gnitate.

gnitate; vel eorum Regnis, Prouincijs, Ciuitatibus seu locis, à prædicta Sede ex quauis causa, etiam per viam contractus, aut remunerationis, & sub quauis alia forma, & tenore, ac cum quibuscumque clausulis, etiam derogatorijs derogatorijs, concessis, etiam continentibus, quod excommunicari, anathematizari, vel interdicti non possint per literas Apostolicas. non facientes plenam, & expressam, de verbo ad verbum de indulto huiusmodi, ac de ordinibus, locis, nominibus proprijs, cognominibus, & dignitatibus eorum mentionem. Nec non consuetudinibus, etiam immemorabilibus, ac præscriptionibus, quantumcunq; longissimis, & alijs quibuscumque obseruantijs in scriptis, vel non scriptis, per quæ contra hos Nostros Processus, ac sententias, quominus includantur in eis, se iuuare valeant, & tueri.

*§ VI.*

**Q**uæ omnia quoad eorum omnium tenores, facti ad verbum nihil penitus omisso inferrentur, præsentibus pro expressis habentes, penitus tollimus, & omnino renocamus, cæterisque contrarijs quibuscumque.

*§ VII.*

**V**T verò præsentibus Nostri Processus ad publicam omnium noticiam facilius deducantur, chartas, seu membranas, Processus ipsos continentes Valuis Ecclesiæ S. Ioannis Lateranensis, & Basilicæ Principis Apostolorum de Vrbe appendi faciemus, vt ij, quos Processus huiusmodi



concernunt, quoad ipsos non peruenerint, aut quod ipsos ignorauerint, nullam possint excusationem prætere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper ut Processus ipsi, & præsentēs Literæ, & singula in eis contenta eo fiant notiora, quò in plerisque Ciuitatibus, & locis fuerint publicata, vniuersis, & singulis, Patriarchis, Primatibus, Archiepiscopis, Episcopis, locorum Ordinarijs, & Prælati, vbilibet constitutis, per hæc scripta committimus, & in virtute Sanctæ Obedientiæ districtè præcipiendo mandamus, ut per se, vel alium, seu alios, præsentēs Literas, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesijs suis dum in eis maior populi multitudo ad Diuinam conuenerit, solenniter publicent, & ad Christi fidelium mentes reducant, nuntient, & declarent.

## § VIII.

**C**æterum Patriarchæ Archiepiscopi, Episcopi, alijque Locorum Ordinarij, & Ecclesiarum, Prælati, necnon Rectores, ceteriq; curam animarum exercentes, ac Presbyteri seculares, & quorumuis Ordinum Regulares, ad audiendas peccatorum Confessiones quâuis autoritate deputati, transumptum Literarum penes se habeant, easque diligenter legere, & percipere studeant, Volentes earundem præsentium transumptis, etiam impressis, Notarij publici manu subscriptis, & sigillo Iudicis Ordinarij Romanæ Cur-

riæ, vel alterius personæ in dignitate Ecclesiastica constitutæ munitis, eandem prorsus fidem in Iudicio, & extra illud, ubique locorum adhibendam fore, quæ ipsis præsentibus adhiberetur, si essent exhibitæ, vel ostensæ. Nulli ergo hominû liceat hanc Paginam nostræ Excommunicationis, Anathematizationis, Interdicti, Innouationis, Innodationis, Declarationis, Protestationis, Sublationis, Reuocationis, Commissionis, Mandati, & Voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis DEI, ac Beatorum Petri, & Pauli Apostolorum eius, se nouerit incursum. Datum Romæ apud Sanctum Petrum Anno Incarnationis Domini Millesimo Sexcentesimo Octauo.





# I N D E X

Summatim supra posita cōtinens.

## C A P V T I.

De Confessione rudium.

§. I. De iuuandis rudibus circa mysteria fidei.

I. **R**udes tenentur sub peccato mortali scire mysteria fidei in symbolo contenta  
Folio. 1.

II. Præcipue hos principales articulos: Quod Deus sit. Quod sit Remunerator. Quod sit SS. Trinitas. Quod Filius Dei sit Incarnatus. 2.

III. Item tenentur scire Orationem Dominicam, Salutationem Angelicam, Decalogi Præcepta & Ecclesie, & Sacramentorum Naturam qua recipiunt. 6.

IV. Hac autem aliqua cognitione intelligere obligantur saltem quoad substantiam. 7.

V. Hos articulos: Quod sit Deus, quod sit remunerator de necessitate salutis quisque explicitè scire tenetur & credere. Item secundum communio rem sententiam; Quod Filius Dei sit pro se, homo factus. Omnes autem etiam rudissimi articulos cunctos fidei; implicitè credere nec sario tenentur. 10.

VI. Datur inculpabilis ignorantia articulo-  
rum

# INDEX.

rum fidei apud infideles, qui, si faciunt Deo excitante quod in se est, saluantur; resistentes, derelinquuntur. Similiter inter Hereticos. Secus qui habent rationes persuadentes, ut de sua fide dubitent: tunc enim tenentur extraordinariam diligentiam adhibere, ut veritatem cognoscant; siquidem agitur hic de re maximi momenti. 14.

VII. Confessarius tenetur interrogare penitentem de notitia fidei, ac docere ignorantem, quantum tunc capere potest: alias nihil valens percipere, sub conditione absolvendus: nequaquam tamen ad SS. Eucharistiam admittendus. 19.

Brevis cathechisatio rudium. 22.

VIII. Parochi magis ac clarius obligantur ad hac docenda, quam Confessarii; & quidem sub peccato mortali. 25.

IX. In multis casibus tenentur rudes actus fidei elicere. 28.

§. 2. De iuvandis rudibus quoad materiam confessionis.

1. In hoc passu Confessarius debet se munire patientiâ & discretionem ad examinandum penitentem; qui si nullam materiam afferat, appareatque bonæ voluntatis, nec valde pridem confessus potest sine Sacramentali



## I N D E X.

*absolutione, ad S. Eucharistiam admitti, vel si Confessario videbitur, inculcet ipsi, ut se reum faciat, & doleat pro negligentia ad Deum, & circa suam salutem, quod more bruti se non reflexerit super suos actus, quales fuerint.* 29.

*Peccata Communia rusticorum recensentur.* 37.

*II. Confessarius interroget Pœnitentem de Peccato, de quo dubitat an illud reticeat, & responsioni illius acquiescat, alias si pro certo scit per se, illud temerè celantem non absoluat.* 40.

*III. Qui nequit Peccatorum Numerum recensere; saltem edicat consuetudinem; ut Confessarius statum pœnitentis intelligat. Magis autem laboret Confessarius, ut pœnitens ad contritionem, & firmum propositum emendandi se excitet; quàm ut nimis exactè peccata sua declaret.* 41.

*IV. Quando nulla spes in pœnitente, qui in malo statu bonâ fide versatur. apparet; admonitiones & interrogationes dimittat Confessarius; commodius tempus expectando.* 45.

*V. Pœnitens qui tantum in genere apprehendit malum, & facit illud, indicandus est culpa veniali, si sit bonæ voluntatis; scelerus si perversa.* 53.

# I N D E X.

**VI.** Enumerantur cause, propter quas repetenda est confessio invalida. 59.

§. 3. De quibusdam similibus in ignorantia rudium.

**I.** Perpetuo amenti debet dari Eucharistia in articulo mortis, si antea petierat, & Christianè vixerat, & non sit periculū irreuerentiæ. Extra periculum expectanda sunt lucida intervalla. Idem de Demoniacis censendum. Semifatuis etiam potest dari iuxta prudentiam Confessarij. Amentes antea piè viuentes etiam ligandi ad percipiendam extremam unctionem. 72.

**II.** Surdi simul, & muti, positò, quod possint nutibus edoceri, tenentur confiteri, & communicare; & iste cuius idioma ignoratur. Surdus, mutus, cæcus, à natiuitate, præter Baptismū nullū potest suscipere Sacramentū. Secus, si ante his usus fuerat. 75.

**III.** Cum idiotis Schismaticorum & hæreticorum leniter agendum. 79.

§. 4. De Superstitionibus quæ vt plurimū ex ignorantia fiunt tollendis.

**I.** Materiales venefica de astutijs diaboli sunt præcauenda: formales benè examinanda, & per inuocationem specialis Domini auxilij ad respiscendum admonenda.



## I N D E X.

*Non omnia quæ videntur superstitiosa, sunt talia. Somniis non facillè credendum. Dies aliquos & euentus fortuitos est vanum obseruare. Astrologia & Cbiromantia non est simpliciter reicienda. Zingari omnino repellendi. à Pag. 80. vsq; ad Pag. 106.*

*II. Pacisci ut quis post mortem appareat, est periculosum*

*III. Plura sunt iudicia Spiritus apparentis boni, vel mali. 107.*

*IV. Superstitio cognoscitur cum verba vel facta nullam habent connexionem cum effectu. Antipatia vel Sympathia hic multis non suffragatur, multominus Philosophia occulta. 110.*

*§. 5. De remediis maleficiorum.*

*I. Communia maleficia sūt quadruplicis generis. Non facillè credendum esse aliquem maleficiatum. Signa Maleficii sunt plura. Maleficia sunt tollenda per Spiritualia & Naturalia remedia, quæ tamen benedicantur à Pagin. 112. vsq; ad 123.*

*II. Eodem modo philtrea amatoria. 123.*

*III. Ab incubis vexati per veram penitentiam sunt puniendi, sicut & qui se demoni deuouerunt. 123.*

*IV. Contra terrores nocturnos exorcizatio. 125.*

*V. Re-*

# I N D E X.

- V. Remedia contra maleficia iumentorum 127  
 Modus coercendi maleficos. 311.
- VI. Suspectas de maleficio, illicitum aquâ probare. 132.
- VII. Lycantropi Magi sunt puniendi: per magiam autem tales effecti; rebus sacris ut maleficiati curandi. Maniaci, medicinis sanandi. 133.
- VIII. S. Eucharistia sub cutem alicuius inserta excindatur, & in Ciborio reponatur. 136.
- IX. Rudibus inculcandum, ne nimium affectû in rebus terrenis ponant, parati semper ea relinquere. Sapius per crebra suspiria orent, ut suis laboribus Deus benedicat, magisque intendant ut sint in gratia Dei, & postea in gloria æterna. 136.

## C A P V T II.

### De Confessione Puerorum.

- I. **C**um Pueris præsertim villanis, leniter in hoc foro agendum. 138.
- II. Post expletum septennium, pueri præsumuntur habere usum rationis, & posse peccare mortaliter, an sint capaces Sacramentorum omnes, præsertim in pagis, Parochi est aduertere. 140.
- III. Interrogationes cum Pueris in Confessione sunt cautè faciendæ, ac muniendi tempesti-



## I N D E X.

- ne contra turpes cogitationes, & insultus:  
puella etiam contra iocos & lusus. 142.*
- IV. Pueris S. Eucharistia deneganda qui non-  
dum ipsius spirituales gustū percipiunt. 145*
- V. Potest illis extrema Unctio dari, licet sunt  
absq<sup>ue</sup> peccato. 146.*
- VI. Impuberes non subiacent casibus reserva-  
tis & censuris magis autem corriguntur  
verberibus quàm absolutione Sacramenta-  
li. 147.*
- VII. Ante septennium completum possunt eti-  
am carnibus vesci, & ante vigesimum pri-  
mum annum expletum, saepius uti cibis iei-  
unii: sunt tamen assuescendi ad unicam refe-  
ctionem. Ad consequendum Iubileum, pœni-  
tentiam explendam, vota, vel ob publicū bonū  
tenentur cum alijs rigorosè ieiunare. 147.*
- VIII. Simplicissimo stylo sunt instruendi in re-  
bus fidei & morum. 150.*
- IX. Tenetur curare Parochus, etiam innocato  
brachio seculari, ut infans viuus ex utero  
Matris mortua ad baptizandū eximatur. 154*

## C A P V T III.

De Confessionibus in Peccatis inuetera-  
torum.

- I. Indurati sunt suauiter à Confessario reci-  
piendi, fortiter admonendi, & munien-  
di contra peccata. 155.*

# I N D E X.

*Qualis satisfactio imponenda?* 162.

**II.** *Nolens proximam occasionem peccandi deferere, ordinariè non est absolvendus. Ex gravi necessitate in illa existens, si nulla sit spes vitandi peccati, etiam sine absolutione dimittendus.* 168.

**III.** *Idem censendum de existente extra statum periculosum, si nullatenus studeat vitam suam corrigere.* 174.

**IV.** *Pro recidiuis plura remedia.* 175.  
*Media ad publicos tollendos abusus insinuantur.* 176.

**V.** *Confessiones Generales, ex partialibus antea inualidis attentè sunt audienda ac si illa quæ primo fiant.* 180. *Mendacium veniale non vitiat Confessionem. eodè q. Qualiter confessiones excipiendæ mulierum. eodem q. agrotorum? eodem q.*

**VI.** *Argumentatio illa vel sum prædestinatus, vel non: quidquid egero nihil proderit, ostenditur esse falsa, stulta & vana.* 186.

**VII.** *Roborantur Pusillanimes circa perseuerantiam.* 197. *Cautella circa discursus de prædestinatione.* 199.

## C A P V T IV.

*De iuuandis penitentibus in profectu vitæ Christianæ.*

**§. I.** *De Natura & fine vitæ Christianæ*



## I N D E X.

- I. **V**ita Christiana practicè loquendo : est  
Deum plus infinites, quàm optima qua-  
què apud se aestimare, ipsius legibus se tota-  
liter subdere, peccata sollicitè vitare, pro-  
prium voluntatem in omnibus abnegare, af-  
fectus & propensiones malas in se per vim  
mortificare, bona per exercitium virtutum,  
praesertim charitatis, constanter agere. &  
mala perpeti ; idque ad exemplum & pra-  
scriptum Christi ipsius gratiam sapius inuo-  
cando. 202.
- II. Tenentur omnes in hac vita proficere. 210.
- III. Regula vniuersalis actuum vita Christi-  
ana, est voluntas Dei, à Christo praecipue per  
Euangelium suum declarata. 212.
- IV. Finis vita Christiana est perfectio Christi-  
ana, siue amicitia pura & stabilis, hominis  
cum Deo. 214.
- V. De necessitate salutis tenentur omnes ad  
hanc amicitiam tendere. 216.
- VI. Ut quis in vita Christiana proficiat, neces-  
se est primò, ut ab abnegatione propria vo-  
luntatis, & amoris proprii, incipiat ; ac non  
sibi, nec secundum se uiuat. 221.
- VII. Talis abnegatio acquiritur per cognitio-  
nem sui, & Dei ; ad finem usque vita con-  
tinuanda, qua facile exerceri potest, in re-  
cita

# I N D E X.

*citatione Symboli & Orationis Dominica.* 223

§. 2. De impedimentis vitæ Christianæ.

I. **N**atura nostra per peccata corrupta, omnino per vim est corrigenda. 225.

II. Plures sunt modi quibus peccata mortalia sunt vitanda. 228.

III. A Venialibus pro viribus cauendum. 231.

IV. Modi quibus vitia extirpanda. 238.

V. Occasiones proxima peccatorum necessario per effectum sunt propulsanda remota omnino per affectum. 242.

VI. Anima potentia per exercitium virtutum corrigenda. 247.

VII. Passiones animi domanda per imperium rationis & sanctam violentiam. 248.

VIII. Corpus per asperitates coercendum. 255.

IX. Contra amorem sui inordinatum certandum semper; præcipue per displicentiam ac contemptum sui in quouis actu. 255.

X. Modi tentationes vincendi. 256.

§. 3. De exercitio virtutum.

I. **V**irtus est qualitas animam facilians ad perfectè operandum. Virtutes aliæ intellectum, aliæ voluntatem perficiunt; erga Deum, Proximum, seipsum operantem præcipue charitas. 257.

II. Modi virtutis exercende. 261.

III. Timor Dei, humilitas, patientia, charitas, debent esse in usu peculiari. 266.

IV. Exercitium virtutum est uniuersale, speciale specia-



# INDEX.

- cialissimum.* 267.
- V. *Virtus in quolibet actu debet inchoari à fuga vitij, continuari per rectam actionem, perfici per stabilem ad Deum directionem.* 268.
- VI. *Trepiditas animi plurimum nocet exercitio virtutum.* 271.
- §. 4. De Exercitio amoris Diuini.
- I. **A**d cognoscendam charitatem theologicam præcognoscenda est natura amoris. 272.
- II. *Amor rationalis, alter est concupiscentie, alter beneuolentie. Amor beneuolentie sine redamatione, est simplex beneuolentia: reciprocus autem utrinq; cognitus, & fundatus in aliqua communicatione, dicitur amicitia.* 275.
- III. *Amor sensitiuus animam fedat, rationalis perficit, sed non totaliter: nam id solum amor Diuinus efficit.* 277.
- IV. *Charitas est amicitia hominis ad Deum nobis suum amorem Paternum per filium suum offerentem Charitas ut plurimum vocatur amor Dei.* 278.
- V. *Versatur principaliter circa Deum: secundario circa ea que Deus amat. Ideo Deum maximi aestimamus, eiq; optima queq; volumus, obedimus, quia ex se est dignissimus: alia autem diligimus, quatenus participant bonitatem Dei.* 280.
- VI. *Charitatis actus, alij sunt ex ipsa charitate elicti, alij ab ipsa in alijs virtutibus imperati, seu ad Deum directi.* 281.
- VII. *Conditiones amicitie hominis ad Deum declarantur ex conditionibus honestæ amicitie humane.* 287.
- VIII. *Ad*

# I N D E X.

- VIII. *Ad donum charitatis recipiendum, nos per auxilia nobis à Deo oblata debemus disponere.* 297.
- IX. *Vt opera nostra sint meritoria vite aeternae debet ex amore erga Deum fieri.* 299.
- X. *Perinde Idiota ac docti possunt, actus charitatis exercere.* 305.
- XI. *Occupationes legitima non obstat exercitio charitatis.* 307.
- XII. *Charitas etiam in parvis & in aduersis rebus exercetur proficue.* 309.
- XIII. *Vt vera charitate diligamus proximum primum, animam in ipso spectemus.* 311.
- XIV. *Principaliter debemus hominibus bonum animae optare ac procurare, deinde alia necessaria, etiam inimicis.* 314.
- XV. *Actus interni charitatis erga Deum & homines & nosmetipsos per sinceram recitationem orationis Dominicae facile possunt exerceri.* 317.
- Aliud compendiosum exercitium charitatis erga Deum.* 322.
- §. 5. *De Instrumentis profectus Christiani.*
- I. *Horum alia sunt remota alia proxima.* 323.
- II. *Oratio & mortificatio debent esse in frequentissimo usu.* 328.
- III. *Anima mortificanda per humilitatem; Corpus cum suis potentijs per seruum dissensum voluntatis & sanctam violentiam.* 329.
- IV. *Oratio est assensus mentis in Deum cum pio affectu. Diuiditur in mentalem & vocalem.* 331.
- V. *Meditatio est studiosa mentis applicatio ad res Diuinas in ordine ad renouandum animum.* 333.
- V. *Partes meditationis sunt, I. Recollectio mentis ad*



# I N D E X.

- Deum. 2. Propositarum sibi rerum attentata trutinatio ad pios affectus excitandos & virtutes exercendas. 3. Deuotum colloquium. 334.  
 VII. Oratio vocalis & publica & priuata. 340.  
 VIII. Rudibus cognitio Dei est per effectus eius inculcanda. 342.  
 IX. Efficacissimum medium ad vitam Christiano modo traducendam est amor & imitatio Christi. 343.

## E R R A T A.

**I**n Pagina 16 Versu 1. Lege Idolis non dolis.  
 Pag. 29. §. 1. l. assentiri non assentire. Pag. 72. §. a fine 10 l. inciderat non incideret. Pag. 73. §. a fine 6. l. energumeno non energumento. Pag. 101. §. 13 l. priores non priore. Pag. 105 §. a fine 14 l. felix non felix. Pag. 131. §. a fine 3. l. aduocet non aduocent. Pag. 165. §. a fine 5. l. aliquod n. aliquot. Pag. 166 §. 13. l. suæ non sui. Pag. 168. §. a fine 10. l. Confessionem non commem. Pag. 196. §. 12. l. Nonne non necne. Pag. 198 §. 11. l. emolumentum. non monumentum. Pag. 201. §. a fine 13. l. misericordix non misericordia. Pag. 215 §. 15 passionem non possessiones. Pag. 217. §. 16. l. excludat non excludit. Pag. 241. §. 11. l. per quam non potius quàm. Pag. 277 §. 10. l. dignitate non dignit te. Pag. 284. §. a fine 3 l. quomodo enim, non qui enim. Pag. 289. §. 12. l. mollem non molle. Pag. 290. §. 2. l. impertijt non impetijt. ibidem §. a fine 6. l. me non te. Pag. 295. §. 4. l. propensius n. æqualiter. Pag. 299. §. a fine 7. l. in indiuiduo non in diuiduo. Pag. 302. §. 1 posse n. possint. Pag. 309. §. 8. l. Iob non Tob. Pag. 315. §. a f. 5. l. exaggerare n. exaggere. Pag. 319. §. a f. 7. l. in ipsa oratione, non in ipso oratio. Pag. 320. §. 8. l. alios n. alius. Pag. 333 §. 4 l. cohibitionem n. cohibitionem. Pag. 331. §. a f. 2. l. obuijs, obuijs. Pag. 340. §. a f. 10. l. igniculus n. inniculus. Pag. 350. §. 5. l. eruptura n. ereptura. Pag. 361. §. 15. l. exercitum n. exercum. Pag. 364. §. a fine 1. l. ablatum non oblatum.


*Cetera leniora beneuolus lector corrigat.*

cruti-  
exer-  
334.  
340.  
ncul-  
342.  
modo  
343.

dolis.  
. à fine  
nergu-  
es non  
ag. 131.  
fine 5.  
i. Pag.  
g. 196.  
lumen-  
miseri-  
es non  
lit. Pag.  
7 & 10.  
omodo  
on mol-  
em & à  
n. aqua-  
duiduo.  
Iob non  
ag 319.  
ag. 320.  
em n co-  
Pag. 340.  
l. eru-  
excitum.

gal.





1  
C. 1. 1. 1.  
C. 1. 1. 1.  
R. 1. 1. 1.  
eror  
de

C. 1. 1. 1.

C. 1. 1. 1.

C. 1. 1. 1.

C. 1. 1. 1.

C. 1. 1. 1.

C. 1. 1. 1.

C. 1. 1. 1.

C. 1. 1. 1.